

# ELEMENTORUM

UNIVERSÆ MATHÉSEOS

AUCTORE

P. ROGERIO JOSEPHO

BOSCOVICH

Societatis JESU

PUBLICO MATHÉSEOS PROFESSORE

TOMUS III.

CONTINENS

SECTIONUM CONICARUM ELEMENTA  
nova quadam methodo concinnata & Dissertationem  
de TRANSFORMATIONE LOCORUM GEOMETRICORUM,  
ubi de Continuitatis lege, ac de quibusdam Infiniti  
Mysteriis.

*EDITIO PRIMA VENETA;  
summo labore ac diligentia ab erroribus expurgata.*



VENETIIS, MDCCLVII.

APUD ANTONIUM PERLINI.

SUPERIORUM PERMISSU, AC PRIVILEGIIS.

# AUCTORIS PRÆFATIO



*Sectionum Conicarum Elementa promiseram jam a pluribus annis, ac pluribus in locis, nova quadam methodo ex generali definitione deducta ac in Romano Litteratorum diario ad annum 1746. extat schediasma brevissimum, quo ex eadem illa definitione demonstratur in primis ratio constans inter bina rectangula segmentorum binarum chordarum Sectionis Conicæ cujusvis habentium inclinationem constantem, & se invicem secantium; tum partim ex eo theoremate, partim iterum ex ipsa definitione præcipua omnia, quæ ad ejusmodi curvas pertinent, derivantur.*

*Id quidem argumentum plus quam decies ergo sane orditus sum in Auditorum meorum gratiam, neque unquam impetrare potui a me ipso, ut ordinem, quem semel susceperam, tenerem, ac porro pergerem; sed novam quandam viam, quamvis ab eadem definitione digressus, inii semper, & sæpe etiam fere usque ad exitum tenui. Ex altera enim parte admirabilis quidam inter geometricas veritates nexus, ut in intricatissimo quodam labyrintho, mille ad eundem exitum diversos offerebat tramites; ex altera vel brevioris, vel expeditioris itineris oborta spes radium quoddam jam toleranti laboris induxerat.*

*Et sane hesissem diutius, nisi superiore anno gravissimum accessisset ad maturandam editionem incitamentum. Conscripseram ego quidem latino sermone jam ab anno 1737 in usum nobilis adolescentis, quem geometricis studiis initiandum susceperam, breve quoddam Geometriæ planæ compendiculum, quàm ad 14 propositiones*

num summa veluti capitaredegeram, adjectis corollaris nonnullis, & scholiis ita, ut propositionibus quidem, & corollaris aperte contineretur, vel fere sponte inde flueret, ac facillime deduci posset, quidquid ad ceteras facultates mathematicas, vel Physicas ex ipsa Geometria requiritur, in scholiis autem usus haberentur nonnulli eorum, quae pertractata jam fuerant, quibus Tyronis animus incitaretur, & eorum fructuum, quos olim ex ipsa Geometria percepturus esset, jam aliquam voluptatem perciperet. Haud ita multo post Italico sermone breve itidem Arithmetices compendiolum exaraveram in aliorum quorundam usum, ubi primo capite praecepta, quae ad computationem pertinerent, indicaveram tantummodo, secundo proportionem, ac argumentandi modos, tertio progressionem, ac logarithmos aliquanto diligentius persecutus eram, demonstrationibus, in iis, quae ad computationem pertinebant, plerumque omissis, in reliquis summo semper cura rigore deductis. Compendiosa itidem Trigonometria spherica elementa Romana Taquetianorum Elementorum editioni inserueram, quae simplicitate quadam, & ordine se commendabant, nec omnium improbabantur.

Dum Geographia corrigende causa, & Meridiani accuratius per Pontificiam ditionem traducti mensurandorum graduum, ditionem ipsam percurrerem itinere per summos montes laboriosissimo; & ab amicis, & ab iis, quibus ut paream, mihi ob ipsam instituti mei rationem religio est, per litteras inductus sum, ut eorum editionem permitterem tanquam exordium quoddam Elementorum universae Matheseos, adjectis iis, quae necessaria viderentur. Ipsum autem Geometriae plane compendium illud meum, ejus discessu, in cuius gratiam conscriptum fuerat, jam tum amiseram, quod extabat ab alio Italice redditum, unde iterum ab Editore latinitate donatum fuerat, & idem Arithmeticae quoque compendium in latinum sermonem converterat, quibus in versionibus mutationes etiam extiterant nonnullae, uti fit, aliis etiam quandoque adjectis, omissis aliis arbitrio interpretum. Interea vero Editor mihi amicissimus Geometriae Solidorum compendium, & Planam Trigonometriam, ac Algebrae

## P R Æ F A T I O .

*gebræ finita elementa a me ipso urgentissimis litteris exposcebat.*

*Itaque ipsa elementa solidorum in medio itinere conscripta Romam transmisi, satis, ni fallor, & expedita, & perspicua, & vero simul etiam copiosa. Trigonometria autem spherica illi parum admodum mutata planam adjeci, quæ in unum cum ea veluti corpus coalesceret. Et sane utriusque elementa adeo paucis inniuntur principiis, & tam expedita methodo, ac tam continua, & necessaria deductione sunt concinnata, ut in his, si iterum etiam edenda essent, nihil fere sit, quod mutatum velim, sive ordinem spectem, sive demonstrationum textum. Atque ea quidem omnia cum ad Urbem venissem, redeundum enim erat identidem, impressa inveniri, quibus omnino addendam censui appendicem quandam aliquanto fusiores ad calcem, qua quedam, quæ ad Geometriam illam, & Arithmeticam necessaria censebam, continerentur. In ea demonstrationes, quæ deerant, suppleantur passim, ac uberrima theorematum omnium elementarium seges colligitur, indicaturque, quo ordine, qua ratione ex iis solis 14. Geometria propositionibus vel 12 potius, (nam binæ ad proportionales secundo Arithmetice capite uberius pertractatas pertinent), quidquid ad Elementarem Geometriam requiritur, deducendum sit, ac plura innuuntur problemata Tyroni exercendo aptissima.*

*In hac appendice continentur ea, quæ meis ego quidem Tyronibus viva voce insinuare consueveram, vel in quibus eosdem exercebam, quæ sane ad Geometriam addiscendam cum fructu summa arbitror utilitatis. Obruitur plerumque Tyronis animus rerum disparatarum multitudinem, dum ea omnia, quæ ad elementa pertinere possunt, unico velut hiatu percurrit; ac licet singula perquam facile arripiat, rerum summam, ac admirabilem quandam nexum non tenet. Hinc utilissimum fore arbitratus sum, si ad præcipua quedam capita tota hæc tam ampla materies redigeretur, quæ sine aliorum adjumento sustinerent sese, ex quibus autem, ut ex primariis quibusdam fontibus, cætera omnia facile deducerentur. Ubi illa Tyro perspexerit, & totius ædificii quoddam veluti e tra-*

*ibus compactum fructum habuerit, tum reliqua illa cum longe majore fructu adjiciet, in quibus deducendis si vires primum suas experiatur, tum ubi impares senserit, Praeceptoris opem imploret, ne ille & ad inventionem, necessariam sane, sed raram admodum, viam sibi sternat expeditissimam. Illud enim omnino mihi persuasum est, idcirco tam paucos prodire Geometras, qui nova invenire possint, vel propositorum theorematum demonstrationes supplere, licet tam multi Geometricis studiis operam navent, & multi iidem ad aliorum inventa percipienda deveniant; quod ubi primum se ad Geometriam addiscendam applicuerunt, explicata omnia, ac diserte deducta repererint, nullo aut inventioni, aut deductioni relicto loco, quo acueretur industria, & exercitatio mentem excoleret. Verum ad eam hujus disciplinae rationem ductore est opus exercitato, qui noverit ejusmodi insinuare notitias, quas ad inventionem pro Tyronis captu satis fore censuerit; quae si adhuc ipsum, quo tendit, nequaquam perduxerint; ita ipsi reliqua paulatim addat; ut semper iidem relinquat aliquid, quod demum per se ipse inferat, quo nimirum ille tamquam inventa suo, gratulabitur sibi, & ingentem inde voluptatem percipiet. Et hac quidem de appendice illa, de qua in ipsa prima libri fronte, ac editoris praefatione, quae nimirum impressa jam fuerant, nulla tum quidem injecta est mentio.*

*Dum haec ederentur Algebra Elementa exposcebantur, Ea ex Urbe iterum digresso conscribenda fuerunt partim in itinere, partim Arintini, ubi diutius ob plures observationes ibidem institutas sum commoratus, unde ipsa elementa, ut effluebant e calamo, ita Romam transirebantur edenda, in quibus ea omnia quae ad equationum proprietates generales pertinent, ac ad tertium, & quartum gradum in primis, quae ad variables formularum valores, ad earundem incrementa, & decrementa, ad maximorum, ac minimorum determinationem spectant, aliquanto accuratius, & fusius sum persecutus, ac imaginariarum quantitatum usum in radicibus equationum gradus tertii, ex eadem unica formula eruendis protuli nec inutilem, ut arbitror, nec inelegantem. At*

*quod*

quod ad illum, quem algorithmum vocant, sive ad precipuas computandi rationes pertinet, compendiosiore methodo, institutionum more, qua maxime necessaria videbantur, innui tantummodo, ac demonstravi, exemplis ubique adjectis, sed admodum paucis, plura Praeceptoris arbitrio relinquens, qui ea pro Tyronis captu suggerat, & que opportuna videantur ad uberiores rerum intelligentiam, suppleat viva voce.

Ea omnia jam prodierant sine meo nomine, cum deinceps observationibus omnibus confectis Romam regressus, ac meo Matheseos tradenda muneri restitutus, ad Conicatum Sectionum elementa perficienda animum applicare coactus sum, & ipsorum editionem maturare. Ita autem applicui, ut veteribus illis laboribus omnibus praetermissis novam rursus rationem inierim, & ab iis omnino diversam veritatum seriem adornarim. Id autem aliquanto plus otii nactus in hoc mihi opere praestandum in primis duxi, ut singula quam dilucide fieri posset, exponerem, nihil non accuratissime demonstrarem per finitam Geometriam, quam unam hic mihi adhibendam constitui, ita, ut quod ad Algebrae usum in Conicis pertineret, eo reservarem, ubi de ipsius Algebrae applicatione ad Geometriam agendum erit. Nexum autem quemdam in primis, & deductionis ordinem ita rerum natura consentaneum persecutus sum; ut inde manifesto apparere posset, ipsa Geometria duce ex assumpta definitione ad proprietates omnes necessario deveniri, qua latere nequeant inquirentem, licet earum omnino ignarus ad hunc ordinem contemplationis accedat. Atque id quidem ita me affecutum esse arbitror, ut quicumque satis in Geometria peritus ad haec elementa percurrere animum applicuerit, per se ipse sine ductore ullo & theorematum demonstrationes omnes admodum facile assequi posset, & ordinem ipsum, ac nexum perspicere, cujus ut per sese iterum eodem ingressus calle eadem possit vel problemata sibi solvere, vel demonstrare theoremata, & eandem precipuarum veritatum seriem contexere. Eam ob causam illum ipsum ordinem, quem in eo schesdiasmate proposueram, immutavi plurimum, & quod ibi ex ipsa definitione theorema deduxeram primum, hic ad sextam

propositionem rejectum est, ut generalis cujusdam constructionis fructus precipuus, quidem, sed qui alios ante se plurimos, ex eadem itidem profuentes, haberet, qui pratermittendi, ac differendi non essent. Ordinem autem hunc ipsum novum, quem reliquis praeferendum censui, præcipua, quæ congeffi, quæ scholiis interjectis adjeci, quæ in fusiore dissertatione ad calcem addita pertractavi, hic quam brevissime fieri poterit, perstringam.

In primis curvas hasce considerandas mihi duxi non in cono ipso, a quo nomen habent, cum solidorum consideratio multo complicatior sit, & multo majorem vim imaginationis requirat, sed in plano positas, quod & alii præstiterunt sane multi. Definita autem earum forma, & proprietatibus plurimis in ipso plano deductis, tum demum ad Coni, Cylindri, Conoidum sectiones gradum feci, quæ ita multo expeditiores evadunt.

Eam igitur Sectionis Conica perimetrum appellavi (nihil enim refert, si interea quamcumque nominis, ad arbitrium assumpti, definitionem usurpes, undecumque id nomen fluxerit, ac nominis ipsius derivationem alio reserves), in qua puncti cujusvis distantia a dato quodam puncto, quod Focus dicitur, ad distantiam a data quadam recta, quam Directricem appellavi, sit in ratione data, quæ ut esset minoris inæqualitatis, æqualitatis, vel majoris inæqualitatis, ad Ellipsim, Parabolam, vel Hyperbolam perimeter pertineret, ubi illud accidit satis ad rem oppositè, ut defectus, æqualitas & excessus qui iis ipsis curvis Græco vocabulo id nomen jam olim dederant in communi methodo ex longe alia proprietate petitum, in hac mea ex ipsa definitione penderent.

Mira sane atque incredibilis est ejus definitionis ubertas, atque fecunditas, qua, ut in adjecta dissertatione demonstravi num. 766, omnis hac tractatio ad unicum problema reducitur, quo ex datis foco, directrice, ratione illa data, datæ rectæ concursus cum perimetro inquiritur; cujus problematis solutio rite ad casus omnes applicata, vel immediate per sese, vel ex iis, quæ inde primo deducta sunt, omnes exhibet harum curvarum proprietates, quas ad 9. propositiones redegi, & Priores tres  
tria

tria problemata continent ( num. 34, 128, 140 ) & de<sup>3</sup> finiunt concursum perimetri cum recta quavis directrici parallela, cum transeunte per focum, cum habente directionem quamcumque, cujus tertii problematis constructio generalis satis elegans, & facundissima, cum in prioribus binis casibus falleret, bina illa coegit prae-mittere singularia problemata, minus illa quidem facunda, at ad naturam, & varias trium curvarum formas determinandas, sistendas animo, & vero etiam delineandas, atque oculis proponendas aptissima. Reliqua sunt theoremata e tertio problemate derivata. Quarta propositio ( num. 181 ) focorum proprietatem effert, quae iis nomen dedit, ab aequalitate angulorum cum tangente petitum, quinta ( num. 206 ) diametros exhibet secantes bifariam ordinatas suas. Sexta ( num. 299 ) enunciat theoremata illud generale constantis rectorum rationis, de quo mentio superius injecta est. Et ea quidem tria theoremata ab ipso tertio problemate singula per sese immediate deducuntur. Ex eorum autem postremo potissimum alia bina proveniunt. Septima nimirum propositio complectitur ( num. 351. ) relationem quadrati semiordinate cujusvis diametri ad rectorum sub abscissis, vel ad abscissam unicam in Parabola, & latus rectorum. Octava ( num. 397. ) proportionem quandam armonicam rectorum e binarum tangentium concursu ducta, & concurrentis perimetro bis, ac rectorum contactus jungenti semel; cujus quidem theorematis mira est sane, atque incredibilis facunditas. Ex septima propositione nona deducitur ( num. 495. ) quae itidem ex illa sexta deduci immediate posset, & illam exponit quadrati semiordinate relationem ad latus rectorum, & abscissam, quae apud Veteres Ellipseos, Parabolae, Hyperbolae nomen dedit; quae quidem propositio viam stravit ad demonstranda accuratissime per finitam Geometriam, quaecumque ad circulos Conicarum Sectionum osculatores pertinent, quos pluribus corollariis diligentissime sum persecutus.

Et quidem propositionibus omnibus corollaria adjecta sunt plurima, quibus singulis saepe ingens theorematum numerus, & ex propositionibus ipsis, & ex se mutuo conferunt prorumpentium continetur. Habet definitio ipsa



## P R Æ F A T I O.

Corollaria 5, propositio prima 4 sua, & cum novis definitionibus conjuncta alia 20: secunda propositio tantummodo 2, multa enim ex iis, quae prima exhibuit, ex ea eisdem deduci possent: tertia 9, nam reliqua omnia, quae consequuntur ad finem usque pro ejus corollariis haberi possunt; primum autem ejusdem corollarium tam multa simul theoremata continet ex diversis casuum conditionibus derivata pariter (num. 49) ut soli enunciationi vix integra pagina suffecerit: quarta 7: quinta 22, quibus imprimis ea omnia continentur, quae ad Hyperbolarum asymptotos spectant: sexta 13: septima 12: octava reliquis fecundior 28: nona demum 10 ad circulos osculatores potissimum pertinentia.

Corollarii immixta sunt scholia sane multa sunt enim numero 44, quibus vel, quae maxime notatu erant digna, adnotarentur, vel quae cum earundem curvarum proprietatibus copulata ad Geometriam generaliter pertinerent, pertractarentur, vel quibus ordo deductionis indicaretur, quod in tanta fecunditate, in tanto veritatum nexu necessarium omnino existit. Illud enim res ita arcta inter se copulatas, & pendentes a se invicem litteris consignaturo accidit perquam incommodum, quod, licet diutius meditatus, ferruginens omnem tot veritatum, & deductionum unico etiam demum intuitu complectatur, & quaecumque velit sibi inimo seorsum sistat; non nisi singula enunciare possit, atque conscribere, dum alia deducit ipsa iterum aequae fecunda, aliis interea omnibus pretermisissis, ad quae regredi debeat memor, & ad omnes derivationes delatus iterum, ramos jam peragratos omittere intactos aggredi, ac nullo surculo nulla pretermisssa fronde, pari circuitu perlustrare.

Finge tibi densis confertum frondibus arbustum: tot ramos exurgentes e trunco, tot minores e ramis ramusculos, e ramusculis surculos prorumpentes, e surculis frondes, e frondibus flores, & folia. Hec tum omnia unico intuitu contempleris, quae e quibus prorumpant, vides, quod libneris foetum, quemcumque florem animo elegeris, & tenta acie, adnota manu per aerem, carpis, nulloramo, nullo surculo tacto. At si formicam quampiam docere debeas, qua iter disponendum ratione sit, ut ad sin-

P R Æ F A T I O.

xi

*gula folia, ad singulos flores, nullo demum prætermissio, pertingat, quanta tibi arte opus erit, ne quid omittas, ne quopiam iterum labore irrita formicam tuam reducas. Ascendendum per truncum: ubi primum derivantur rami, notandus diligenter eorum numerus, ac cæteris interea prætermissis, arripiendus unicus, per quem ascendas: post paucos gressus plures occurruntur ramusculi: unicus iterum seligendus, sepositis cæteris: idem in surculorum, idem in frondium, idem in foliorum, & florum, eruptione multiplici præstandum semper, donec in unicum florem, vel folium, exiguum illum viatorem tuum invexeris. Inde ad proximum bivium, vel etiam trivium redeundum, & ad alia subinde, atque alia, donec fronde tota peragrata descendas iterum ad frondium ipsarum derivationem, tum ad divisiones singulas surculorum omnium, ramusculorum, ramorum, initerere molestissimo sane, & ambiguitatis ubique plenissimo.*

*Hæc quidem imago quedam est ineundi laboris, rei adumbranda utcumque par, satis exponenda omnino impar. Neque enim ibi, ubi se sureuli, frondeque dividerint, iterum coeunt, novo ambiguitatis fonte, & erroris periculo; quod ipsum si forte aliquando accidat, poteris sane ad postremum florem ascendere unica, & continua via, licet ad novam plurium surculorum conjunctionem deveneris uniconperagrato, reliquis adhuc intactis. At hic, ubi e definitione constructiones quasdam erueris, ex iis theoremata demonstraris plura, quaquaversum fecunda, fere semper ab novam quamdam veritatem educendam, ex illis veluti ramis, & surculis plura simul necessaria sunt, ex quibus ea ita pendet, ut nisi omnia perlustraris, & mente adhuc retineas, illo veluti flore potiri omnino non possis.*

*En igitur incredibilem sane difficultatem, quam ego, scholiis identidem interjectis, mollire saltem conatus sum, quorum ope quid omittam interea, unde recesserim, qua regrediar, Tyronem admoneo. Illud enim mihi in hisce elementis concinnandis proposui, ut deductionis pateret ordo, & Geometriæ mira indoles, atque arctissimus omnium veritatum nexus transpiceretur utcumque; nam tum demum is patere omnino posset, cum aliis, atque*

*aliis*

aliis definitionibus assumptis, alio, atque alio ordine; veritates eadem deducerentur, quod innumeris sane, & a se invicem in immensum discrepantibus rationibus præstari posset. Illud in mentem venerat, ut hujus mee methodi quamdam, quemadmodum in familiarum derivationibus fieri solet, arborem designarem, in qua truncum teneret definitio, tria prima problemata ternos ramos: theoremata reliquis propositionibus, corollariis, scholiis contenta abirent in ramusculos, surculos, frondes, ac folia ita, ut a quovis theoremate curvæ quædam lineæ ad definitionem usque traducerentur per illa omnia theoremata numeris paragraphorum, quibus continentur, designata, quibus ad ejus demonstrationem est opus; ubi etiam signis quibusdam denotari poterat, quæ omnibus tribus communia essent Conicis Sectionibus, quæ ad singulas, vel binas pertinerent. Verum arbor ejusmodi ita excrescit, ut tanta amplitudo exigui voluminis mole contineri non possit. Eam parietem affigendam facile sibi quisque efformare poterit, si velit, regressu e singulis theorematis factò, usque ad definitionem ipsam, ac adnotatis diligenter iis, quæ ad absolutam ejus demonstrationem assumuntur jam demonstrata.

Ethæc quia: in ad ea scholia pertinent, quibus deductionis series identidem denotatur. In reliquis continentur sane multa adnotatu dignissima. Aliud (num. 18.) proportionis armonicæ proprietates persequitur; aliud (num. III.) figurarum similitudinem contempletur, quarum complementum quoddam est determinatio satis elegans puncti communis homologæ, quod nisi in infinitum recedat in binis quibusque figuris habetur semper, & unicum, ac rectorum homologarum communium, quarum in inversa similitudine semper habetur unica per id punctum traducta, in directæ vero vel omnes ejusmodi sunt, vel nulla; & ea quidem in adjecta dissertatione habetur a num. 328. aliud (num. 12, 102) Conicarum Sectionum transformationem in rectoras, in circulum, in se invicem persequitur; aliud (num. 102, 280, 388, 435, 442) ipsarum constructiones multiplices, ac determinationes exponit: aliud (num. 280) curvaturas determinat, & plures tangentium, ac secantium proprietates pro diversa positione puncti, per quod

di. cas.

ducantur, definit. Aliud (num. 270) docet inventionem binarum mediarum continue proportionalium inter binas rectas datas, & arcus circularis, sive anguli trisectionem, quam omnino haberi non posse per Euclidean Geometriam satis ibi quidem accurate, ni fallor, evinco, & ipsius repugnantie fontem aperio: aliud (num. 337) longe alium ordinem exhibet, quo elementa hæc ipsa diggeri potuissent: aliud (num. 343) similium Ellipsium, & Hyperbolarum, ac aequalium Parabolarum proprietatem evoluit, qua aliæ respectu aliarum fungantur vicibus asymptotorum: aliud (num. 536) varias circuli Sectionem Conicam contingentis mutationes considerat, donec demum is in osculatorem desinat. Accedit iis, ut alia breviora scholia prætermittam, unicum generale geometricum lemma (num. 204) de tribus rectis ad punctum quoddam convergentibus, & parallelas rectas intercipientibus, quod mihi summe pluribus in locis extitit utilitatis.

Hisce omnibus absolutis, quæ pertinent ad harum curvarum considerationem in plano, ad solidorum sectiones gradum feci. Definitis Cono (num. 546), Cylindro (num. 590), Conoide (num. 516), sectionum formas evolvi corollariis quibusdam, ac scholia suo loco disposui, quibus mira in primis transformationum geometricarum indoles continetur. Ibi autem notatu omnino dignissima sunt, quæ occurrunt (num. 653) in solido genito conversione Hyperbolæ circa axem conjugatum, in quo (num. 666) quædam etiam puncti cuiusdam adest veluti discissio, & crurum permutatio, post recessum Hyperbolæ in rectas lineas, mira sane, & ad continuitatis legem illustrandam aptissima. Verum, quod ad ejusmodi transformationes pertinet, in adjecta dissertatione multo est uberius pertractatum.

Dissertatio autem ipsa aliquanto longior, quam initio arbitraver, evasit; ac ea in Geometriæ arcana intimiora irrumperè meditati facem præferet, & viam sternet mirum in modum. Multa autem continet, quæ licet scitu sane dignissima, ego quidem nusquam alibi offendi, multa, quæ licet alibi etiam occurrant sæpe, nusquam ego quidem ad certos reperi redacta canones, & geometrica methodo pertractata. Ea tamen pro novis venditare non

audeo; cum mihi quidem inscitia mea culpa, nova esse possint, licet fortasse sint apud Litterariam Remp. vetustissima.

Dissertatio ipsa de Locorum Geometricorum transformationibus agit. Ubi nimirum problema quodpiam generaliter solveris; mutata nonnihil datorum dispositione; plerumque ipsa constructio mutari plurimum debet; quaedam summa in differentias abeunt, quaedam rectorum; & angulorum directiones mutantur; quidam termini evadunt impossibiles, quidam in infinitum excresecunt. ita, ut intersectio, quae ad problematis solutionem necessaria erat, nusquam sit, ut ubi binæ rectæ convergentes abeunt in parallelas, quidam circuli, abeunte centro in infinitum, mutantur in rectas lineas; ac aliâ ejusmodi accidunt sane multa. In iis autem constantissimas quasdam leges observat Geometria, quæ nihil usquam operatur per saltum. Sed in ejusmodi continuitate servanda occurrunt sæpe quidam progressus in infinitum, & quidam transitus per infinitum, qui secum trahunt quaedam, quæ haud suo, an alio melius nomine appellari possint; quam mysteriorum quorundam infiniti, quæ tamen eo excresecunt, ut in vera demum absurda videantur recidere.

Hoc argumentum in ea mihi dissertatione evolvendum constitui, quo successu, videbit, qui legerit: nihil autem usquam, præter communia Geometricæ, & mea Conicarum Sectionum elementa, requiritur ad absolutam omnium intelligentiam. Primo quidem negativas quantitates in Geometria considerandas esse, ut in Algebra; geometrica methodo ostendo, & ubi directio quantitatum mutatur; mutationum numerum parum in quantitatibus determinantibus, evinco, relinquere directionem quantitatis determinatæ; imparum vero numerum eandem mutare; unde mihi imaginariæ quoque quantitates profuunt in lateribus quadratorum, quæ in negativa migrarint. Eorum vero omnium plura exempla profero e simplici Geometria admodum manifesta.

Ex theorematibus demonstratis deduco a num. 693 formam curvarum omnium, quæ ad sublimiores Parabolas; vel Hyperbolas inter asymptotos reducuntur; in quibus ordinata est in aliqua ratione rationali abscissæ, quarum

curvarum geometricam accuratam constructionem profero per puncta, quae cum eritis ex positivorum, negativorum, imaginariorum legibus mirum in modum consentiunt. Tum a num. 714 ad continuitatis legem considerandam gradum facio, quam ubi quantitates è positivis transeunt in negativas, religiose observari demonstro. Transitum autem ejusmodi; ostendo fieri, tam per nihilum; quam per infinitum; ubi ingens quoddam infiniti mysterium se prodit. Recta nimirum linea, quae utrimque in infinitum producta in illis quibusdam infinitis distantis oppositis connectitur quodammodo, & in se ipsam redit, tamquam si esset circulus quidam infinitus, cui rectam lineam aequivalere demonstro, ac eundem nexum, & in curvis infinitis curvarum evinco manifestissimum; plurima exempla proferens, & præcepta quaedam adjiciens, quae pertinent ad ejusmodi transitus. Illud autem imprimis ostendo a num. 729, ubi devenitur ad nihilum; vel ad infinitum, aliquando quidem transitu per eum limitem facto, quantitates abire in negativam, aliquando vero inde regredi retro ex eadem parte; cujus exempla profero plura, & inde curvum seu parabolicum, sive hyperbolicum generis, quorum naturam doceo, regressus ex infinito multiplices, ac cuspidum naturam; & quaedam alia, quae ad tangentes, & curvaturam pertinent, evolvo, quae sane omnia sunt ad continuitatis legem, & Geometriae indolem cognoscendam aptissima.

Accedit alius quendam rectae per modum circuli infiniti in se redeuntis considerata usus, quem contempler a num. 751; ubi cujus quantitates, quae post negativam, & binas positivas sic quæritæ, non negativam revera esse debere, demonstro, sed veluti plusquam infinitam; & datis binis punctis in recta infinita, ejus segmentum iis punctis interceptum, ostendo, esse duplex, alterum finitum, alterum per infinitum tractum, quorum primum bifariam secetur in puncto quodam datis interjacente, secundum in infinito illo ipso, in bini infiniti tractus rectae a binis illis punctis utrinque in infinitum productae connectuntur quodammodo, & copulantur, quae quidem consideratio ingentis est usus in Sectionum Conicarum analogia consideranda. Tum a num. 775 migrationem persequor a  
statu

*statu reali ad imaginarium, qui numquam haberi possit; nisi quantitas vel ad nihilum deveniat, vel ad infinitum, & in utroque casu bina puncta collidantur quodammodo, ac in se mutuo irruant velocitate vel infinitesimajore, quam alibi, vel infinitesimajore, quod analogiam etiam quandam exhibet haud sane inelegantem ejus migrationis cum vero viventium interitu. Ibidem autem in cono secto per planum mobile quoddam, series curvarum nascentes, in se mutuo transformatas, ac in imaginarietatem desinentes ostendo.*

*His expositis, & tanquam materia quadam novi cujusdam edificii preparata, ad ordinandam transformationum theoriam progredior num. 760, quam duplicis analogie definitione, & II Canonibus complector. Analoga dico, puncta, quae eadem constructione petita ab intersectionibus eorundem Locorum Geometricorum definiuntur: lineas analogas, quae punctis analogis, superficies, quae lineis, solida, quae superficiebus analogis terminantur. Bina autem distinguo analogie genera primum alterum, ubi etiam directio servatur, alterum secundarium, ubi ea contraria existit. Canon primus num. 764 pertinet ad quantitates, quae primario analogie genere sunt analogae, in quibus nulla mutatio fit, nisi quaequam quantitates per infinitum traducta plusquam infinitae censenda sint, ubi etiam infiniti mysteria quaedam occurrunt. Secundus num. 772 ad eas pertinet, quae secundario genere analogie sunt analogae, ubi ostenditur, quando summa in differentias migrare debeant, & modi argumentandi mutantur. Tertius num. 777 mutationes directionis exponit, quae in quavis proportionem utcumque composita non nisi numero pari haberi possint. Quartus num. 790 ad angulorum mutationes pertinet, quae laterum mutationem consequuntur. Quintus num. 799 transitum continet anguli e positivo in negativum, mutata hiatus directione, sive ejusmodi mutatio fiat transeundo per nihilum, sive per duos rectos. Sextus num. 807, quadrati negativi latera determinat imaginaria, & mediam inter binas quantitates, alterius tantum directione mutata, imaginariam, binas autem medias reales magnitudine aequales, directione contrarias, qui quidem Canon in Sectionibus Coni-*

*sis*

cis considerandis incredibilem usum habet, ut mox ostendam.

Septimus num. 835 ad quantitates transit, quæ in nihilum abeunt, vel ita in infinitum, ut saltem alter limes nusquam jam sit, quod si in aliqua proportione binis terminis manentibus finitis contingat uni e reliquis, continget idem & alteri, nisi forte, qui manent, vel extremi fuerint, vel medii, quo casu abeunte altero in nihilum, alter in infinitum abire debet. Octavus num. 839 est de rektis, quæ e convergentibus parallelae fiunt, intersectione ita in infinitum recedente, ut nusquam jam sit, quarum & angulus ex altera parte evanescit, ex altera desinit in binos rektos. Nonus (num. 853) præscribit, quid agendum sit, ubi vertice trianguli abeunte in latus aliquod, rektæ, quæ se prius intersectabant, superponuntur. Decimus circuli peripheriam, docet (num. 858), abire in rektam, ubi altero radii termino extante, centrum ita in infinitum recedat, ut nusquam jam sit. Demum undecimus (num. 862) rationem definit, quam habere debeant binæ rektæ in infinitum excrescentes, quæ evadit equalitatis ratio, ubi differentia finita maneat, ubi autem ea etiam in infinitum excrescat, quævis esse potest, nulla, infinita, equalitatis, vel finita inæqualitatis cujuslibet.

Porro singuli Canon: s demonstrantur accurate: singulorum exempla ex iis, quæ præmissa fuerant proferuntur: singula ad Conicarum Sectionum naturam, & analogiam contemplandam applicantur, ac eorum usus in hisce meis earundem elementis concinnandis ostenditur. Plura sane occurrunt adnotatu digna, ut ea, quibus num. 784 ratio redditur ex infiniti mysteriis quibusdam reperita, cur etiam ubi quantitates per infinitum traductæ abeunt in negativas, adhuc subtrahendæ sint, atque alia ejusmodi sane multa; illud in primis non omittendum, quod pluribus in locis ostenditur, potissimum vero, ubi secundaria analogia exponitur, & ubi fecundissimus ille sextus Canon ad Conicas Sectiones applicatur. Nimirum ubi Ellipsis in Hyperbolam transit per Parabolam, axi finito Ellipseos, & centro non succedit analogus primario analogia genere axis finitus Hyperbole, sed axis



per infinitum traductus, & finito illius centro, non centrum hujus finitum, sed punctum quoddam in infinito delitescens. Diametri autem secundaria Hyperbole nullo analogia genere analogæ sunt diametris Ellipseos, sed horum quadrata negativè sumpta quadratis illorum negativis æquantur, quorum quadrata idcirco secundario analogia genere sunt analogæ illorum quadratis, latera vero, quæ lateribus analogæ essent, imaginaria sunt. Id ipsum manifesto ibidem evincitur. Inde autem deducitur, quæ proprietates communes esse debeant Ellipsi, & Hyperbolæ, quæ ab altera ad alteram transferri nequeant. Inde nimirum patet, cur Ellipsis finito centro cavitatem, Hyperbolæ convexitatem obvertat: cur axis transversus, & quævis conjugata diameter in Ellipsi ad perimetrum terminetur, axis conjugatus Hyperbolæ finitus ille, & secundaria diametri omnes ipsi perimetro nusquam occurrant: cur asymptotis, & tam multis elegantissimis asymptotorum proprietatibus Ellipsis carere debeat; ac alia ejusmodi evolvuntur sane multa earum curvarum discrimina, atque illud generaliter ostenditur, proprietates, quæ a solis diametris conjugatis pendeant, nusquam esse debere communes, nec communi demonstratione, & constructione erui posse; quæcumque autem ab earum quadratis pendeant, ea communia fore omnia, si quadrata diametrorum secundariarum Hyperbolæ habeantur pro negativis. Exempla eorum proferuntur plurima, quæ ad harum curvarum naturam cognoscendam, & eorum elementorum commendationem plurimum conferunt.

Porro ubi in fine postremi Canonis de rationibus agitur quantitatum abeuntium in infinitum, ibi jam demum incipiunt ipsa infiniti mysteria migrare in absurda, de quibus a num. 878 ad finem usque ita agitur, ut infinitum ipsum extensum pro impossibili haberi omnino debere videatur. Ratio autem impossibilitatis ipsius ex ipsa Conicarum Sectionum natura demum eruitur, quæ ejusmodi invenitur, ut infiniti ipsius natura simplicitatem infinitam requirat, quæ cum infinitis partibus ab omni quantitatum excrescentium genere requisita conjungi omnino non potest; unde demum

ad

ad ipsam illam Dei O. M., immunem ab omni con-  
positione simplicitatem immensam cum infinitate con-  
junctam contemplandam traducimur, in qua ipsa con-  
templatione fusior hac dissertatio tandem aliquando a-  
brumpitur.

Hæc universi hujus operis est Synopsis quedam, in  
qua prætermisissis quamplurimis, præcipua tantummodo  
capita innuuntur. Consequetur aliud agens de infinitis,  
& infinita parvis, quæ mihi indefinita sunt, quo-  
rum naturam explicabo, ordines diggeram, elementa  
tradam geometrico rigore demonstrata, & ex iis ad cur-  
varum generales proprietates gradum faciam, cuspides,  
flexus contrarios crura infinita, contactus, oscula, evo-  
lutas, maximorum, & minimorum theoriam, atque  
alia ejusmodi evolvam, ac singulares præcipuarum, &  
maxime utilium curvarum proprietates deducam, ac de-  
monstrabo.

Illud unum hic demum monendum est. Si quis in hoc  
volumine vel non possit, vel nolit singula persequi, &  
præcipuas tantummodo, ac maxime necessarias Sectionum  
Conicarum proprietates inquiret; is & universam disser-  
tationem, & scholia fere omnia, & plurima etiam Co-  
rollaria omittere poterit sine demonstrationis, ac de-  
ductionis damno. Ita enim præcipua quedam inter se  
copulavi eam ipsam ob causam, ut reliquis non indige-  
rent. Vix autem paginas 100 requirunt præcipue ejus-  
modi proprietates inter se satis artè connexæ. En nu-  
merorum seriem, quam reliquis omissis poterit perse-  
qui, in qua, ubi binis numeris puncta interseruntur,  
illud significatur, intermediòs numeros omnes percurren-  
dos esse.

I ... 3, 6 ... 11, 18 ... 30, 34 ... 47, 54, 56, 57,  
62 ... 84, 87, 93, 128 ... 137, 140 ... 144, 149 ...  
159, 164 ... 171, 173 ... 183, 189 ... 195, 198 ...  
201, 204 ... 213, 221 ... 231, 242 ... 247, 256 ...  
258, 260, 261, 299, 300, 305 ... 308, 320, 331,  
351 ... 355, 357, 358, 363, 364, 397, 398, 403 ...  
407, 411 ... 414, 436 ... 441, 457 ... 461, 495,  
497, 503 ... 508, 546, 550 ... 568, 590 ... 605,  
615 ... 643.

*Huc usque habentur, quæ pertinent ad Conicas Sectiones consideratas vel in plano, vel in cono. Si Cylindri, & Conoidum Sectiones addere libeat, numeros 590 ... 605, 615 ... 643, superioribus addat, & voti penitus compos fiet.*





# SECTIONUM CONICARUM

## ELEMENTA.

### DEFINITIO I.



*I ex omnibus punctis P. cujusdam* F. 1.  
*linea ducta PD perpendiculari ad*  
*rectam AB indefinita positione*  
*datam, & alia recta PF ad pun-*  
*ctum F datum extra ipsam AB,*  
 *fuerit semper EP ad PD in ra-*  
 *tione data; lineam illam dico*  
 Sectionem Conicam, Ellipsum,  
 Parabolam, vel Hyperbolam, prout illa ratio fuerit mi-  
 noris inequalitatis, equalitatis, vel majoris inequalita-  
 tis: rectam AB Directricem, punctum F, Focum, ra-  
 tionem illam datam, Rationem determinantem; rectam  
 PD, Ordinaram directrici ad angulos rectos, rectam  
 EP, Foci radium.

#### Coroll. 1.

2. Si in quovis alio angulo dato ordinentur directri-  
 ci PH, semper ratio cujusvis radii foci ad suam ordi-  
 natam in angulo illo dato erit constans & data: nimi-  
 rum composita ex ratione determinante, & ratione si-  
 nus inclinationis ad radium.

3. Nam ratio FP ad PH componetur ex ratione FP  
 ad PD; quæ est ratio determinans, & ratione PD ad  
 PH, quæ ob angulum PDH rectum est ratio sinus an-  
 guli PHD ad radium (num. 88. Trig.)

## 2 SECTIONUM CONICARUM

Coroll. 2.

4. Et si in quadam linea ratio cujusvis FP jungentis quodvis ejus punctum P cum dato puncto F ad suam PH in dato angulo ordinatam data recta non transeunti per F fuerit in ratione data; erit illa linea Sectio Conica, & ejus ratio determinans componetur ex illa ratione constanti, & ex ratione radii ad sinum inclinationis.

5. Ducto enim perpendicularo PD; ratio FP ad PD componetur ex ratione FP ad PH; & PH; ad PD; quarum prima datur ex hypotesi; secunda est ratio radii ad illum sinum.

Coroll. 3.

6. Bini radii foci erunt ad se invicem, ut sue ordinata in quovis angulo communi.

7. Cum enim sit FP ad PH, ut Fp ad ph; erit alternando FP ad Fp, ut PH ad ph.

Coroll. 4.

F.3.4 8. Si recta quævis occurrens foco in F, directrici in Q occurrat Sectioni Conicæ in binis punctis P; p, altero ex iis jacente inter ipsa puncta F; Q altero ad partes utriuslibet; erit divisa in punctis p; F; P; Q in portione harmonica.

9. Erit enim Fp ad FP, ut pQ ad PQ, Sunt autem in fig. 3. in tribus rectis pQ, FQ, PQ rectæ pQ, PQ extremæ rectæ vero Fp, FP differentiæ extremarum a media; at in figura 4. trium Fp, FQ, FP rectæ Fp, FP extremæ, rectæ pQ, PQ extremarum differentiæ a media. Igitur utrobique erunt extremæ ad se invicem, ut patiter ad se invicem differentiæ extremarum a media, quæ est ipsa notio proportionis harmonice.

Coroll. 5.

10. Ratio radii foci ad ordinatam in quovis angulo obliquo erit in Ellipse, & Parabola ratio minoris inæqualitatis; in Hyperbola minoris inæqualitatis; equalitatis, vel majoris inæqualitatis; prout radius ad sinum inclinationis habuerit rationem majorem; æqualem; vel minorem ratione determinante; quam quidem inclinatio-

tionum

E L E M E N T A.

3

*tionum eam, quæ rationem exhibet æqualitatis, dicemus Inclinationem æqualitatis, & ejus angulum acutum cum directrice, angulum Rationis æqualis, sive angulum Æqualitatis.*

11. Nam in triangulo rectangulo PDH semper ba- F. 1.  
 sis PH major est latere PD. Adeoque cum PD in El- 2,  
 lipsi sit major, quam PF (num. 1.), ac in Parabola  
 æqualis, erit semper in iis PH major, quam PF. At  
 in Hyperbola, in qua PD est minor, quam PF, pro-  
 ut ratio PH ad PD fuerit major, æqualis, vel mi-  
 nor respectu rationis PF ad PD, erit quoque PH ma-  
 jor, æqualis, vel minor respectu PF.

S C H O L I U M I.

12. **L** Ineas hujusmodi appellavimus Sectiones Coni-  
 cas, quia deinde demonstrabitur, cono ut-  
 cumque secto non per verticem, obvenire hujusmodi  
 lineas, ut pariter Ellipsis, Parabola, & Hyperbola  
 nomen accipiunt Græca origine in communi metho-  
 do tractandi Sectiones Conicas, a quodam defectu,  
 æqualitate, vel excessu, qui deinde demonstratur.  
 Quæcumque sit nominis ratio, modo semper in ea si-  
 gnificatione accipiatur, in qua in definitione usurpa-  
 tum est; nihil interest. Ellipseos autem defectus ille,  
 Parabolæ æqualitas, & Hyperbolæ redundantia in hac  
 nostra methodo etiam ex ipsa definitione constat; cum  
 ratio determinans in prima sit minoris inæqualitatis,  
 in secunda æqualitatis, in tertia majoris inæqualita-  
 tis.

13. Porro mirum sane, quam immediate ex hac  
 proprietate, quam assumpsimus pro definitione, & quam  
 alij in Ellipsi saltem, & Hyperbola postremam fere  
 demonstrare solent (nam pro Parabola hanc ipsam as-  
 sumpsit etiam Hospitalius) præcipuæ Sectionum Coni-  
 carum proprietates fluant, & quidem, quæ iis com-  
 munes sunt, communi semper demonstratione eruun-  
 tur vinculo quodam, ac miro nexu, quo Geometriæ

#### 4 SECTIONUM CONICARUM

indoles, & vis sane incredibilis sponte incurrant in oculos.

14. Præterea multo expeditior harum linearum consideratio Tyroni evadit, si eæ in plano considerentur, quod & ipse Hospitalius præstitit, & alii multi, quam si solidorum Geometria opus sit, & variis planorum in cono intersectionibus.

15. Demum hæc definitio ita Conicis Sectionibus est propria, ut eas quodammodo & a circulo distinguat, qui cæteroquin inter Ellipses enumerari debet, & è Cono Secto, ut infra videbimus, ipse etiam prodit, sive is secetur sectione basi parallela, sive alia quadam, quæ dicitur subcontraria. Si enim Ellipsis in circulum abeat, directrix, ut patebit paullo inferius, abit in infinitum, nec usquam jam est.

16. At si directrix transiret per ipsum punctum datum pro foco, nullum aliud punctum inveniri posset, cujus distantia ab ipso foco ad perpendicularum in directricem ductum haberet rationem datam, ubi ea ratio est minoris inæqualitatis. Sed si ratio esset æqualitatis, satisfacerent quæstioni puncta omnia rectæ directrici perpendicularis ductæ ex ipso puncto dato in utramvis plagam; & si ratio esset majoris inæqualitatis, satisfacerent puncta omnia binarum rectarum hinc inde inclinatarum, ut radius ad sinum inclinationis esset in ratione determinante.

F. 5. 17. Nam si punctum datum in directrice AB sit F, quodvis aliud punctum vel jacet in recta bFH perpendiculari ipsi AB ducta per F, ut R, & est FR tam distantia a puncto F, quam perpendicularum in directricem demissum, adeoque ea duo æquantur; vel jacet extra, ut Q, & ducto perpendicularo QZ in directricem, semper erit ipso major distantia QF basis trianguli rectanguli QZF. Quare nusquam haberi potest in eo casu ratio minoris inæqualitatis. Ratio autem æqualitatis habetur in ipsa recta perpendiculari HFb, in qua sumptis ubicumque punctis R, & r, est semper distantia FR, vel Fr, ad perpendicularum RF, vel rF in ratione æqualitatis. Ac demum si ratio sit majoris æqua-

inæqualitatis sumpto in perpendiculari FH segmento EF ad arbitrium, ductaque per E recta  $\mu$ EV indefinita parallela directrici, centro F intervallo rectæ, quæ ad EF, sit in ratione data determinante, inveniuntur in ipsa bina puncta  $\mu$ , & V, ac ducantur per ea, & per F rectæ indefinitæ Gg, Ii, & quodvis punctum utriuslibet, ut Q, q, satisfaciet quæstioni. Erit enim FQ ad QZ, ut FV ad EF in ratione data, & eadem est demonstratio pro q. Est autem ratio illa determinans FQ ad QZ, ut radius ad sinum inclinationis QFZ. Quare patent quæcumque fuerant proposita.

S C H O L I U M II.

13. **I**N Coroll. 4. invenimus divisionem harmonicam, quæ in Sectionibus Conicis potissimum sæpe occurrit, & in Geometria elegantissimas proprietates habet. Præcipuas quasdam, quarum usus nobis occurret, hic exponemus.

19 *Si quatuor puncta A, B, C, D, ita disposita sint, ut distantia AB, CB, binorum A, C alternatim sumptorum ab altero e reliquis B eandem rationem habeant, ac distantia eorundem AD, CD ab altero D, erunt in proportione harmonica tres distantia utriuslibet extremi a reliquis tribus, nimirum tam AD, BD, CD quam AB, AC, AD.* F.64

20. Primum patet: nam AD, DC erunt primi ternarii extremæ, & AB, BC extremarum differentia a media. Secundum facile deducitur. Cum nimirum sit AB ad BC, ut AD ad DC; erit & alternando AB ad AD, ut BC ad DC. Sunt autem AB, AD extremæ secundi ternarii, BC, DC extremarum differentia a media AC.

21. Patet autem eadem demonstratione, non posse proportionem harmonicam terminari ad alterum extremum D, quin simul terminetur ad alterum A.

22. *Si jam intervallum binorum alternorum quorumvis AC dividatur bifariam in R, erunt RB, RC, RD in ea continua ratione geometrica, quam habet proportio*



## 6 SECTIONUM CONICARUM

*portio harmonica trium quantitatum terminatarum ad extremum A assumptum pro bisectione ; nimirum AB ad AD ; vel BC ad CD.*

23. Assumptis enim  $Rb$ ,  $Rd$  æqualibus  $RB$ ,  $RD$ , erunt &  $Ab$ ,  $Ad$  æquales  $CB$ ,  $CD$ , adeoque erit  $bB$  rectorum  $AB$ ,  $BC$  differentia ;  $AC$  earum summa ; ipsa  $AC$ , rectorum  $AD$ ,  $DC$  differentia,  $dD$  earum summa. Cum igitur sint  $BC$  ad  $CD$  ; &  $BA$  ad  $DA$  in eadem ratione, erit in eadem ratione & antecedentium differentia  $bB$  ad consequentium differentiam  $AC$ , & illorum summa  $AC$  ad horum summam  $dD$  ; ( Cap. 2. Arit. num. 13. ) ac sumptis dimidiis, erit  $RB$  ad  $RC$ , &  $RC$  ad  $RD$  in eadem ratione.

24. *Contra vero si fuerint  $RB$ ,  $RC$ ,  $RD$  in continua ratione geometrica ; & media  $RC$  assumatur equalis  $RA$  ad partes oppositas, puncta  $A$ ,  $B$ ,  $C$ ,  $D$  constituent binas proportionibus harmonicas quantitatum terminatarum ad  $D$  &  $A$ , & ratio illa  $RB$ , ad  $RC$ , vel  $RC$  ad  $RD$  erit eadem, ac ratio proportionis terminorum terminatorum ad  $A$ , ut facile patebit regressu demonstrationis ipsius.*

25. *Datis binis punctis alternis  $A$ ,  $C$  ; & ratione proportionis harmonica, habebuntur facile, & reliqua duo, medium quidem secando  $AC$  in ea ratione in  $B$ , extremum secando  $AC$  bisariam in  $R$ , & sumendo  $RD$  tertiam proportionalem post  $RB$ ,  $RC$ . Pater autem ex ipsa demonstratione debere  $D$  assumi ad partes  $B$  respectu  $R$ , quod quidem eo recedet magis a  $C$  ; quo ratio data accedet magis ad rationem æqualitatis, puncto  $B$  eo pariter magis accedente ad  $R$ , quod quidem punctum abibit in ipsum  $R$ , punctum vero  $D$  ita in infinitum recedet, ut nusquam jam sit, ubi ratio data evaserit ratio æqualitatis.*

26. *Quotiescunque quatuor puncta  $A$ ,  $B$ ,  $C$ ,  $D$ , constituent proportionem harmonicam, secta bisariam in  $R$  distantia binorum alternatorum  $AC$ , erunt geometricè proportionales quatuor distantie ab extremo  $D$  in bisectione non assumpto, nimirum  $AD$  ad  $RD$ , ut  $BD$  ad  $CD$  ;*

E L E M E N T A: 7

CD, & quatuor a puncto B ejus alterno, nimirum AB ad RB, ut DB ad CB.

27. Cum enim ( num. 22. ) sit invertendo RD ad RC, sive ad RA in illa ratione DC ad CB, erit priorum summa AD ad primam RD, ut posteriorum summa DB ad tertiam DC. Cum vero sit invertendo DC ad CB, ut RC, sive RA ad RB, erit componendo DB ad CB, ut AB ad RB.

28. Si assumpta pro diametro distantia AC binorum e quatuor punctis constituentibus proportionem harmonicam alternatim sumptorum, describatur circulus, & ad quodvis peripheria punctum E ducantur ex reliquis binis punctis rectæ BE, DE, erunt ea ad se invicem semper in eadem ratione BC ad CD, sive BA ad AD, recta CE earum angulum BED secabit bifariam, & recta AE angulum BEG, quem altera BE continet cum altera DE producta.

29. Ductis enim BF, BG parallelis AE, CE, & occurrentibus rectæ DE in F, & G, erit ob parallelas DE ad EF, ut DA ad AB, nimirum ob proportionem harmonicam ut DC ad CB, sive ob parallelas ut illa eadem DE ad EG. Quare æquales erunt GE, EF, angulus autem GBF, quem continent rectæ GB, BF æquatur angulo, quem continent AE, EC ipsi parallelæ qui rectus est in semicirculo. Igitur & is rectus erit; & circulus centro E diametro GF descriptus transibit per B, adeoque EB æqualis erit tam EF, quam EG, & habebit, ut illæ, ad ED eam rationem, quam BA ad AD, vel BC ad CD. Anguli vero BEC, FEC æquales, ille alterno EBG, hic interno & opposito G æqualibus ad basim trianguli isoscelis BEG æquabuntur inter se; & eodem argumento AEB, AEG æquales angulis EBF, EFB.

30. Contra vero si recta CE secet bifariam angulum ad E trianguli BED, & EA ipsi perpendicularis occurrat diametro in A, quatuor puncta A, B, C, D constituent proportionem harmonicam, cujus ratio in ternario ter-

## § SECTIONUM CONICARUM

*terminato ad D erit eadem, ac ratio laterum BE, ED ipsius trianguli. Ducta enim BG parallela CE, anguli EBG, EGB erunt æquales æqualibus BEC, DEC, adeoque & inter se & EG, EB æquales, ac facta EF æquali ipsis EG, EB, angulus GBF erit rectus, adeoque BF congruet cum recta rectæ AE parallela, quæ ibidem rectum angulum continere debet. Erit igitur DA ad AB, ut DE ad EF, sive ut ipsa DE ad EG, nimirum ut DC ad BC. In hoc casu etiam recta EA secabit bifariam angulum BEG, & pariter si recta EC secante bifariam angulum BED, recta EA secet bifariam angulum BEG, puncta A, B, C, D proportionem harmonicam constituent.*

**F. 8.** 31. *Demum si in eadem circulo ducatur per B chorda EH perpendicularis diametro, rectæ quidem DE, DH contingent circulum in E, & H, quævis autem recta in earum angulo ducta ex D, & occurrant chordæ ipsi in L, circulo in I, & M secabitur in punctis M, L, I, D, in proportione harmonica.*

32. Primum patet ex eo, quod ( num. 22. ) erit RB ad RC, sive ad RE, ut hæc ad RD, ac proinde triangula RBE, RED ob angulum ad R commune similia erunt, & angulus RED recto RBE æqualis: adeoque ED perpendicularis radio ER erit tangens, & eadem est demonstratio pro recta DH.

33. Secundum sic demonstratur: Ductis per I, & M chordis Ii, Mm parallelis EH, ac proinde perpendicularibus ad DA, & bifariam secus, quæ occurrant rectis DE, DH in F, G, & f, g, patet ipsas quoque Ff, Gg bifariam debere secari ab ipsa DA, adeoque fore Fi æqualem If, & Gm æqualem gM, ac rectangula FIf, GMg rectangulis IFi, MGm, Porro erunt EI ad GM, & If ad Mg, ut DI ad DM: adeoque quadratum DI ad quadratum DM ut rectangulum FIf, seu IFi, sive quadratum tangentis EF ad rectangulum GMg, sive MGm, vel quadratum GE: adeoque ut quadratum IL ad quadratum LM. Erit igitur DI ad DM, ut LI ad LM ut oportebat.

PRO-

## PROPOSITIO I. PROBL.

34. **D**ato foco, directrice, & ratione determinante, invenire omnia Sectionis Conica puncta.

35. Ducatur per focum  $F$  recta  $HFh$  indefinita occurrens directrici  $AB$  ad angulos rector in  $E$ , ponaturque  $H$  ad partes  $F$ . Capta in directrice versus partem utramlibet, ut versus  $A$ , recta  $EK$  æquali  $EF$  ducatur per  $F$ , &  $K$  recta indefinita  $Tt$ , posito  $T$  ad partes  $F$ . Ducatur per  $F$  recta perpendicularis ipsi  $EF$ , ac in ea capiantur  $FV$ ,  $Fv$ , quæ sint ad  $FE$  in ratione determinante, posito  $V$  in angulo  $FKE$ , quas quidem patet (num. 1.) fore minores  $FE$ , in Ellipsi, æquales in Parabola, majores in Hyperbola. Per  $E$ , &  $v$  ducatur recta indefinita  $Gg$ , posito  $G$  circa directricem ad partes  $F$ , quæ necessario occurreret rectæ  $Tt$  citra directricem inter  $K$ , &  $F$  alicubi in  $L$ ; tum per  $E$ , &  $V$  recta indefinita  $Ii$ , posito  $I$  citra directricem ad partes  $F$ , quam patet in parabola in fig. 10. debere esse parallelam ipsi  $Tt$  (cum nimirum  $EK$ ,  $VF$  ex una parte parallelæ sint, & ex alia æquentur eidem  $FE$ , adeoque & inter se) ac proinde in Ellipsi in fig. 9. debere occurrere ipsi  $Tt$  alicubi in  $l$  citra directricem ad partes  $T$  ob  $FV$  ibi minorem, quam  $FE$ ; & contra in Hyperbola (fig. 11.) debere ipsi  $Tt$  pariter occurrere, sed ultra directricem alicubi in  $l$ . Demum ex punctis  $L$ ,  $l$  ducantur rectæ directrici parallelæ, occurrentes ipsis  $Gg$ ,  $Hh$ ,  $Ii$  in  $L$ ,  $M$ ,  $N$ ,  $l$ ,  $m$ ,  $n$ .

36. His ita semel præparatis, per quodvis punctum  $S$  rectæ  $Tt$  jacens in fig. 9. intra segmentum  $Ll$ , in fig. 10. ab  $L$  versus  $T$ , in fig. 11. extra segmentum  $Ll$ , ducta recta parallela directrici, quæ occurrat rectis  $Gg$ ,  $Hh$ ,  $Ii$  alicubi in  $O$ ,  $R$ ,  $Q$ , centro  $F$  intervallo  $RQ$ , vel  $RO$ , quæ ipsi æqualis erit, inveniantur in ipsa  $OQ$  bina puncta  $p$ ,  $P$ : Inveniri autem semper poterunt bina, ac bina tantum, & omnia, ac sola puncta ita inventa una cum punctis  $M$ ,  $m$  in Ellipsi, & Hy-

## 10 SECTIONUM CONICARUM

Hyperbola, & cum puncto M in Parabola erunt ad Sectionem Conicam quæsitam.

37. In primis enim si centro F intervallo RQ, vel RO in recta OQ directrici parallela inveniatur punctum P, vel  $p$ , id esse debet ad quæsitam Sectionem Conicam, & si sit, ita inveniatur. Ducta enim PD perpendiculari ad directricem, adeoque parallela RE, cui proinde erit æqualis, erit FP ad PD, ut RQ, vel RO ad RE, sive ob  $UV$ , OQ parallelas FP ad PD, ut FV, vel  $Fu$  ad FE, nimirum per constructionem in ratione determinante; unde etiam patet ob FV,  $Fu$  assumptas æquales fore etiam æquales RQ, RO. Si autem P fuerit ad Sectionem Conicam, erit contra FP, ad PD, ut FV, vel  $Fu$  ad FE; adeoque FP ad PD ut RQ, vel RO ad RE æqualem PD: adeoque oportebit FP esse æqualem RQ, vel RO, & punctum P inveniari centro F, radio RQ; & eadem est demonstratio pro puncto  $p$ .

38. Porro per quodvis punctum S rectæ Tt ducta ORQ parallela directrici, invenientur centro F intervallo RQ bina puncta P,  $p$  hinc inde ab R, vel unicum congruens cum R, vel nullum, prout RQ fuerit major, vel æqualis, vel minor respectu FR. Nam EFR ipsi OQ perpendicularis est, cum sit perpendicularis directrici AB; adeoque circulus centro F descriptus, transcurrit ultra OQ, eamque secat in binis punctis hinc inde a perpendicularo FR, vel contingit in R, vel ad eam non pertingit.

39. Est autem FR semper æqualis RS, cum angulus FRS sit rectus, & ob KE, FE æquales, ac angulum KEF rectum, sit semirectus KFE, adeoque & SFR. Ipsa vero RS, assumpto S intra limites enunciatis in constructione, erit semper pars ipsius RQ, vel RO, adeoque minor ipsis: abeunte S in L, vel  $l$ , cum ipsis congruet: assumpto vero S extra limites enunciatis, erit è contrario RQ, vel RO pars ipsius RS, adeoque RS ipsis major, quod quidem admodum manifestum erit in figuris 12, 13, 14.

40. Nam

40. Nam in fig. 12. in Ellipsi tota linea  $LT$  jacebit F. 12  
 extra angulum  $GEI$ , adeoque puncto  $S$  assumpto in  $LT$ , 13.  
 erit  $RQ$  pars ipsius  $RS$ . Quod si  $S$  assumeretur in  $l$  14.  
 congruerent ibi puncta  $Q, S$ . Tum tota  $Ll$  jacet in-  
 tra angulum  $GEI$ , adeoque assumpto  $S$  in  $Ll$ , est  $RS$   
 pars ipsius  $RQ$ ; abeunte  $S$  in  $F$ , ea evanescit; as-  
 sumpto  $S$  in  $FL$  evadit  $RS$  pars ipsius  $RO$ , abeunte  
 verò  $S$  in  $L$ , rursus conveniunt  $S, O$ . At tota  $Lt$   
 jacet extra angulum  $GEI$ , & extra ipsi ad verticem  
 oppositum  $gEi$  ita, ut assumpto  $S$  in  $LK$ , sit  $RO$  pars  
 ipsius  $RS$ , abeunte  $S$  in  $K$ , evanescat  $RO$ , assumpto  
 $S$  in  $Kt$  sit iterum  $RQ$  pars  $RS$ .

41. In fig. 13. in Parabola eadem prorsus accidunt,  
 cum eo solum discrimine, quod ob  $Tt, Ii$  parallelas  
 nusquam habetur earum concursus  $l$ , adeoque tota in-  
 definita  $LT$  jacet intra angulum  $GEI$ , tota  $Lt$  extra  
 ipsum, & extra  $gEi$  ipsi ad verticem oppositum: ac  
 proinde per totam  $LT$  est  $RS$  pars  $RQ$ , vel  $RO$ , per  
 totam  $Lt$  contra  $RO$ , vel  $RQ$  pars  $RS$ .

42. Demum in fig. 14. in Hyperbola tota paritet  
 $LT$  jacet intra angulum  $GEI$ , jacet autem  $l$  ultra di-  
 rectricem, & tota quidem  $Ll$  jacet extra angulos  $GEI$ ,  
 $gEi$ , sed tota  $lt$  intra  $gEi$  jacet; adeoque per totam  
 $FT$  est  $RS$  pars  $RQ$ , per  $FL$  pars  $RO$ , per  $LK$  con-  
 tra  $RO$  pars  $RS$ , per  $Kl$  vero  $RQ$  pars  $RS$ , & per  
 totam  $lt$  rursus  $RS$  pars  $RQ$ .

43. His omnibus perspectis patet, assumpto  $S$  in fig. F. 9.  
 9. intra  $Ll$ , in fig. 10. per totam  $LT$ , in fig. 11. per 10.  
 totas  $LT, lt$  inveniri in recta directrici parallela bina 11.  
 puncta ad Sectionem Conicam quæsitam: eo assumpto  
 in  $L$ , vel  $l$ , coeuntibus in primo punctis  $S, O$ , in  
 secundo punctis  $S, Q$ , fieri  $FM, Fm$  æquales  $ML,$   
 $ml$ , adeoque coire ibi puncta  $P, p$  in unicum  $M$ , vel  
 $m$ , in quo nimirum circulus centro  $F$  radio  $ML$ , vel  
 $ml$  descriptus rectam  $MN$ , vel  $mn$  contingeret, exi-  
 stente ibidem  $FM$ , vel  $Fm$  ad  $ME$ , vel  $mE$ , ut  $ML$ ,  
 vel  $ml$  ad ipsas  $ME$ , vel  $mE$ , nimirum ut  $Fu$ , vel  $FV$   
 ad  $FE$ , sive in ratione determinante: at assumpto  $S$   
ubicun-

12 SECTIONUM CONICARUM  
 ubicumque extra eos limites, nullum inveniri punctum: Q.E.D.

Coroll. 1.

44. *Datis foco, directricem, & ratione determinante, datur Sectio Conica.*

45. Patet, cum iis datis, inveniantur omnia ejus puncta.

Coroll. 2.

46. *Ellipsis tota citra directricem jacet, & in se ipsam redit: Parabola unicum habet ramum citra directricem in infinitum excurrentem; Hyperbola binos ramos in infinitum excurrentes, alterum citra, alterum ultra directricem.*

47. Patet ex ipsa problematis constructione, cum nimirum ex omnibus rectis directrici parallelis omnes, & solæ rectæ ductæ in fig. 9. intra limites  $LL$  occurrant Ellipsi hinc inde a recta  $Mm$  in binis punctis  $P$ , &  $p$ , quæ deinde in  $M$  &  $m$  coeunt; omnes autem, & solæ secantes infinitam  $LT$  in fig. 10. occurrant Parabolæ, ac omnes, & solæ in fig. 11. per infinitas  $LT$ ,  $lt$  Hyperbolæ occurrant.

Coroll. 3.

48. *Ellipsis, Parabola, & ramus citerior Hyperbolæ contingunt rectas  $LN$ ,  $Lu$ ,  $NV$  in  $M$ ,  $u$ ,  $V$ ; Ellipsis autem, & ramus ulterior Hyperbolæ rectum  $ln$  in  $m$ .*

49. De punctis  $M$ ,  $m$  patet; cum ibi puncta  $P$ ,  $p$  coalescant in unicum, & quævis directrici parallela ex altera parte rectæ  $LM$ , vel  $lm$ , ducta occurrat Sectioni Conicæ in binis punctis hinc inde ab  $M$ . De punctis autem  $V$ ,  $u$  colligitur ex eo, quod abeunte  $S$  in  $F$ , abeunt puncta  $O$ ,  $R$ ,  $Q$  in  $u$ ,  $F$ ,  $V$ , adeoque in ipsa  $Vu$  invenienda sunt bina puncta centro  $F$  intervallo  $FV$ ; quæ erunt ipsa  $V$ ,  $u$ , evanescente nimirum ibidem  $FR$ , & factis  $RP$ ,  $RQ$  æqualibus inter se, ac ipsi  $FV$ . At utcumque parum distet  $OQ$  ab  $uV$  utralibet ex parte, semper latus  $RP$  minus est, quam basis  $EP$ , adeoque quam  $RQ$ , ac proinde Sectionis Conicæ punctum  $P$  utrinque circa  $V$  jacet citra rectam  $NV$ , & eadem est demonstratio pro  $u$ .

Co-

Coroll. 4.

50. *Sectionis Conicæ perimeter est linea curva, nusquam interrupta.*

51. *Esse lineam curvam constat ex eo, quod recta esse non possit ea linea, quam plures rectæ ita contingant in unico puncto singulæ, ut ipsa utrinque circa contactum jaceat ad easdem ejusdem rectæ partes.*

52. *Numquam autem interrumpi, patet ex constructione ipsa, cum satis pateat, puncto S excurrente motu continuo per rectam Ll in Ellipsi, & per rectas LT, Lt indefinitas in Parabola, ac Hyperbola, debere punctum P pariter excurrere motu continuo. Sed sic accuratius demonstratur.*

53. *Si alicubi abruptatur, ut fig. 15, 16 in P, vel recta SP alteri arcui pA occurreret iterum in p, ut in fig. 15, vel nusquam, ut in fig. 16. Primum fieri non potest, cum recta directrici parallela nonnisi in unico puncto possit occurrere Sectioni Conicæ ad eandem partem rectæ MH ( num. 38. ). Secundum fieri non potest, quia ex altero extremo p arcus pA abrupti ducta ps parallela directrici, aliæ parallelæ VO numero infinitæ ductæ per puncta V interposita punctis S, s, licet interceptæ iis limitibus definitis, in quibus quævis parallela debet occurrere perimetro sectionis hinc inde a recta MH, ipsi numquam ex ea parte occurrerent.*

D E F I N I T I O II.

54. *C* *Hondam illam Vu per focum ductam dico Latus Rectum Principale Sectionis Conicæ; rectam Mm in Ellipsi ( fig. 9. ) & in Hyperbola ( figur. 11 ) Latus Transversum Principale, sive Axem Transversum, ejusque vertices M, m, ac ipsa Mm secta bifariam in C, dico C Centrum: erectis autem hinc inde rectis CX, Cx perpendicularibus axi transverso, ac mediis geometricè proportionalibus inter FM, Fm*  
*Boscovich. Tom. III. C binas*



## 14 SECTIONUM CONICARUM

*binas distantias foci , a binis verticibus axis transversi , dico Xx Axem Conjugatum , ejusque vertices x , X. Rectam autem MH indefinitam in Parabola ( fig. 10. ) dico ejus Axem transversum , & M ejus verticem . Sed cum axem dixerō , & ejus magnitudinem non definivero , intelligam totam rectam utrinque indefinitam , in qua sunt axium vertices . Rectas axi utrilibet perpendiculares , & ad Sectionis perimetrum utrinque terminatas dico ejus Ordinatās , ut sunt chordæ Pp respectu axis transversī ; segmentum autem axis interceptum inter ordinatam , & verticem , vel centrum , dico Abscissam ab eo vertice , vel a centro , ut MR' , mR' sunt abscisse a verticibus M , & m ; & CR abscissa a centro .*

### SCHOLIUM I.

35. **P**ost hasce definitiones etuenus primò tria Corollaria, quæ ab iis non pendent , nisi in sola nominum usurpatione , & debuissent continuatè sequi Corollariorū propositionis primæ , cum ex sola ejus constructione sponte fluant , sed definitiones interferendæ fuerunt , ut ea , quorū proprietates enunciarentur , suis in ipsa enunciatione nominibus appellarentur . Consequentur Corollaria 4 , & 5 , quæ erunt proprie Corollaria definitionum lateris recti , & semiaxis conjugati , qui hic assumptus est ita , ut ejus quadratum sit æquale rectangulo distantiarū foci a binis verticibus . Tum Corollarium 6 erit iterum Corollarium propositionis primæ , & continebit præcipuam Sectionum Conicarum proprietatem , quæ earum naturam exhibet , & foecundissima est ita , ut reliqua omnia Corollaria deinde ab ipsa pendeant , & ejus potissimum Corollaria sint . Potuisset idcirco enunciari per propositionem , tum ob enunciati theoremat̄is dignitatem , tum ob foecunditatem novam , tum idcirco , quod paullo majore ambitu indigeat ad sui demonstrationem , binarum nimirum rationum compositione

sitione. Verum consultius duximus id quoque Corollariis immiscere, tum quia vix quidquam ad sui demonstrationem postulat præter constructionem problematis primi, tum quia proprietatem enunciat axis transversæ, quam deinde inveniemus generalem & axi conjugato, & diametris omnibus, (quæ in quavis Sectione Conicâ infinitæ sunt) & in propositione 6 enunciabimus.

Coroll. 1.

56. *Axis transversus bifariam secat suas ordinatas, & secat tam aream, quam perimetrum Sectionis Conicæ terminatæ quavis ordinata in duas partes prorsus æquales, & similes.*

57. Nam ordinata  $Pp$  esset chorda circuli descripti centro  $F$ , radio  $FP$ , adeoque (Coroll. 4. prop. 5. Geom.) a perpendiculari  $FR$  per centrum ducto secatur bifariam. Inde autem patet, totam Figuram  $MPR$ , vel  $mRP$  conversam circa axem transversum debere prorsus congruere figuræ  $MRp$ , vel  $mRp$ , cum quævis semiordinata  $RP$  debeat ob angulos ad  $R$  rectos congruere sibi æquali  $Rp$ .

Coroll. 2.

58. *Omnium foci radiorum minimus in Ellipsi est is, qui terminatur ad verticem axis transversæ propiorum, maximus, qui ad remotiorem reliqui eo minores, vel majores, quo ad illum, vel hunc verticem accedunt magis puncta perimetri, ad quæ terminantur: in Parabola, & utrovis Hyperbolæ ramo ille minimus, qui ad axis verticem terminatur in eo ramo situm, reliqui eo majores, quo terminantur ad puncta ab eodem vertice remotiora, nec nisi hinc inde bini æquales haberi possunt in eodem hinc inde angulo ab ipso axe transversæ.*

59. Nam radius foci  $FP$ , cum habeat ad  $PD$ , si-  
ve  $RE$  rationem constanter eandem (num. 1.), cre-  
scet, vel decrescet, ut ipsa  $ER$ . Patet autem abeunte  
 $P$  in  $M$ , vel  $m$ , abire pariter  $R$  in eadem puncta,  
recedente  $P$  ab  $M$ , vel  $m$ , recedere &  $R$  ab iisdem,

16 SECTIONUM CONICARUM

ac proinde ipsarum ER in Ellipsi, Parabola, & ramo ceteriore Hyperbolæ minimam esse ipsam EM, tum vero perpetuo crescere in his quidem in infinitum Ellipsi vero donec in *m* evadat maxima, ac pariter in ramo ulteriore Hyperbolæ in fig. 11. fore omnium FR' minimam F*m*, tum eas in recessu puncti P ab *m* crescere in infinitum. Binæ vero FP, F*p*, quæ solæ communem RE habent, jacebunt hinc inde in angulis RFP, R*Fp* æqualibus ob FR communem, & latera RP, R*p*, ac FP, F*p* æqualia,

Coroll. 3.

60. *Differentia dimidii lateris recti principalis, & radii foci in Ellipsi, Parabola, ac ramo ceteriore Hyperbolæ summa in ulteriore ad distantiam ordinate a foco est in ratione determinante.*

61. Cum enim sit & FP, ad RE, & FV ad FE in ea ratione, erit & illarum differentia, vel summa ad harum differentiam, vel summam in ratione eadem (cap. 2. Arit. n. 13). Porro distantia FR ordinatæ P*p* a foco F est ubique differentia ipsarum ER, EF, & in ramo ulteriore Hyperbolæ in fig. 11 est FR: summa ipsarum ER', EF,

Coroll. 4.

62. *Dimidium latus rectum principale ad distantiam foci a directrice est in ratione determinante, & in Parabola latus rectum principale est duplum ejus distantie, quadruplum tum distantie foci a vertice, tum distantie verticis a directrice.*

63. Patet primum ex ipsa constructione prop. 1. cum sit FV ad FE in ratione determinante. Porro in Parabola ea est ratio æqualitatis, & FM, ME æquantur inter se. Patent igitur & reliqua.

Coroll. 5.

64. *Quadratum semiaxis conjugati æquatur differentie quadratorum semiaxis transversi, & distantie foci a centro, existente illo majore in Ellipsi, minore in Hyperbola; ac quadratum distantie foci a centro æquatur*  
in

*in Ellipsi differentie quadratorum semiaxium existente semiaxe transverso semper majore, in Hyperbola eorum summa.*

65. Patent ex eo, quod ex definitione ipsa quadratum semiaxis conjugati debeat esse æquale rectangulo  $MFm$ , & ob  $Mm$  sectam bifariam in  $C$ , quadratum  $CM$  (Coroll. 2 & 5 prop. 13. Geom.) æquetur in Ellipsi, ubi  $CF$  est minor quam  $CM$ , quadrato  $CF$ , & rectangulo  $MFm$  simul. At in Hyperbola, ubi  $CF$  est semper major quam  $CM$ , quadratum  $CF$  æquatur quadrato  $CM$ , & rectangulo  $MFm$  simul.

Coroll. 6.

66. Quadratum semiordinate axis transversæ equatur in Parabola rectangulo sub abscissa a vertice, & quadrupla distantia foci ab ipso vertice, sive sub eadem abscissa, & latere recto principali: in Ellipsi vero & Hyperbola est ad rectangulum sub binis abscissis; ut quadruplum rectangulum sub binis distantis foci a binis verticibus ad quadratum axis transversæ, sive ut quadratum axis, vel semiaxis conjugati ad quadratum axis, vel semiaxis transversæ, sive ut latus rectum principale ad latus transversum, quæ rationes omnes æquales sunt.

67. Nam ob  $OQ$  sectam bifariam in  $R$ , & non bifariam in  $S$ , erit (Coroll. 4. 5. prop. 13. Geom.) quadratum  $RS$  cum rectangulo  $OSQ$  simul æquale quadrato  $RQ$ , sive quadrato  $FP$ , seu quadratis  $FR$ ,  $RP$ . Cum igitur & quadratum  $RS$  æquetur quadrato  $RF$  ob ipsas  $RS$ ,  $RF$  æquales (num. 39.), erit & quadratum  $RP$  æquale rectangulo  $OSQ$ .

68. Est autem in fig. 10.  $SQ$  æqualis  $FV$  dimidio lateri recto  $uV$ , & æqualis  $LN$ , sive duplæ  $LM$ , nimirum (cum ob angulum  $LMF$  rectum, &  $LFM$  femirectum (num. 39.) æquentur inter se  $MF$ ,  $ML$ ) duplæ  $FM$ . Ducta vero  $Ly$  normali ad  $OS$ , quæ proinde erit parallela & æqualis abscissæ  $MR$ , erunt

C 3 Oy

18 SECTIONUM CONICARUM

Oy ; yS ipsi æquales. Nam triangula SyL, OyL similia sunt triangulis NME, LME ob singula latera singulis lateribus parallela, adeoque ut NM, LM æquantur MF, sive ME, ita & Sy, Oy æquantur yL. Erit igitur OS dupla Ly, sive dupla abscissæ MR, & rectangulum OSQ, sive quadratum illud semiordinatæ RP æquale rectangulo sub dupla abscissa MR æquali duplæ Ly, sive toti OS, ac dimidio latere recto FV æquali SQ, adeoque æquale rectangulo sub abscissa MR, & toto latere recto uV, sive rectangulo sub abscissa, & quadrupla distantia FM foci a vertice.

69. Ducta autem pariter Ly in fig. 9, & 11, quæ, si opus sit, producta occurrat rectæ *ln* in Y, erit OS ad *nt* duplam *ml*, sive duplam *mF* ( num. 43. ) ut LS ad Ll, sive ut Ly ad LY, vel ut MR ad Mm, & SQ ad LN duplam LM, vel pariter duplam MF, ut Sl ad Ll, sive ut yY ad LY, vel ut Rm ad Mm. Igitur conjunctis rationibus erit rectangulum sub OS, & SQ, sive quadratum RP ad quadruplum rectangulum sub MF, & Fm, ut rectangulum sub MR, & Rm ad quadratum Mm, vel alternando quadratum semiordinatæ RP ad rectangulum MRm sub abscissis, ut quadruplum rectangulum MFm sub binis distantis foci a verticibus ad quadratum axis transversæ Mm.

70. Porro cum CX, Cx sint mediæ inter FM, Fm ( num. 54. ), erit quadratum CX, vel Cx æquale rectangulo MFm, & proinde quadratum totius axis conjugati Xx æquale quadruplo rectangulo MFm, adeoque ratio ejus quadrupli rectanguli ad quadratum axis transversæ eadem est, ac ratio quadrati axis, vel semiaxis conjugati ad axem, vel semiaxem transversum quadratum.

71. Demum cum ipsa FV sit semiordinata, & FM, Fm abscissæ a verticibus erit quadratum FV ad rectangulum MFm, sive ad quadratum CX, ut ipsum quadratum CX ad quadratum CM: Ac proinde FV, CX, CM sunt continue proportionales, & earum dupla Vv, latus

latus rectum principale,  $ax$  axis conjugatus,  $Mm$  axis transversus sunt continue proportionales, adeoque ratio primi ad tertium, est eadem, ac ratio quadrati secundi ad quadratum tertii.

Coroll. 7.

72. Vertices axis conjugati in Ellipsi sunt in ipsa ejus perimetro.

73. Nam quadratum semiordinatæ per centrum ductæ ad rectangulum sub  $MC$ ,  $Cm$ , quæ sunt ejus abscissæ, sive ad quadratum  $CM$ , debet esse, ut quadratum semiaxis conjugati  $CX$  ad quadratum idem semiaxis transversi  $CM$ . Ac proinde semiordinata per centrum ducta æquatur ipsi  $CX$ , & punctum  $X$  est ad perimetrum, ac eadem est demonstratio pro  $x$ ,

Coroll. 8.

74. Quadrata semiordinatarum axis transversi sunt in Parabola, ut abscissa a vertice, in Ellipsi, & Hyperbola, ut rectangula sub binis abscissis a verticibus.

75. Erit enim quadratum unius ordinatæ in Parabola ad quadratum alterius, ut rectangulum sub abscissa illius, & latere recto principali ad rectangulum sub abscissa hujus & eodem (num. 66.), ac idem illud latus rationem non mutat.

76. In Ellipsi autem, & Hyperbola erit quadratum unius semiordinatæ ad rectangulum sub suis abscissis, ut quadratum alterius ad rectangulum sub suis; adeoque alternando erunt illa quadrata, ut illa rectangula.

Coroll. 9.

77. Perimeter Parabole, & utriusque ramus Hyperbole utrinque ab axe transverso recedunt ultra quoscumque limites.

78. Nam abscissa  $MR$  in illa, & utraque abscissa  $MR$ ,  $mR'$  in hac crescunt ultra quoscumque limites,

20 SECTIONUM CONICARUM

adeoque & semiordinatarum quadrata ultra quoscunq; que limites trescunt.

Coroll. 10.

79. *Semiordinata axi transverso æque distantes a centro, vel a respectivis verticibus sunt æquales inter se in Ellipsi, & Hyperbola, quo autem centro propiores, eo majores in Ellipsi, minores in axe transverso Hyperbola.*

80. Erunt enim in ordinatis æque distantibus binę abscissę unius æquales binis abscissis alterius, abscissa nimirum unius a vertice  $M$ , abscissę alterius a vertice  $m$ , & viceversa, adeoque rectangula sub abscissis æqualia, & æqualia semiordinatarum quadrata. At cum rectangulum  $MRm$  sit differentia quadratorum  $CM, CR$ , quo minor erit  $CR$  in Ellipsi, eo major erit excessus quadrati  $CM$  supra ejus quadratum; & in Hyperbola eo minor ejus quadrati excessus supra quadratum  $CM$ . Quare eo ibi majus, hęc minus rectangulum  $MRm$ , & proinde etiam quadratum semiordinate, & ipsa semiordinata.

Coroll. 11.

81. *Quavis recta in Ellipsi, & Hyperbola per centrum ducta, & ad perimetrum utrinque terminata, in ipso centro bifariam secatur.*

F.17  
18

82. Ducta enim in fig. 17, 18 quavis  $PC$  ad centrum, ac semiordinata  $PR$  axis transversi, tum assumpta  $Cr$  æquali  $CR$ , & erecta ad partes oppositas semiordinata  $rp$ , ac ducta  $Cp$ , erit  $rp$  æqualis  $RP$  ob distantias  $Cr, CR$  æquales. Igitur ob angulos ad  $R$  &  $r$  alternos æquales, erunt in triangulis  $PRC, prC$  æquales & anguli ad  $C$ , & rectę  $PC, pC$ , ac proinde cum recta  $PC$  producta debeat efficere angulum ad verticem oppositum æqualem angulo  $RCP$ , debeat abire in ipsam  $Cp$ , & terminari ad  $p$ , ac in ipso centro secari bifariam.

Coroll. 12.

83. *In Ellipsi, & Hyperbola axis conjugatus omnes suas ordinatas bifariam secat, & ejus ordinata æque distantes a centro æquales sunt, quo autem remotiores a centro,*

E L E M E N T A. 21

*erit, eo in Ellipsi minores, in Hyperbola majores & ad in Hyperbola quævis ordinata axi conjugato major axe transverso.*

84. Sumptis enim, in fig. 19, 20, CR, Cr in F.19. axe transverso æqualibus, semiordinate RP, rp ad eandem axis partem ductæ æquales erunt inter se. Quare & Pp jungens ipsas parallelas, & æquales erit parallela, & æqualis Rr, cui cum perpendicularis sit axis Xx, erit & ipsi Pp perpendicularis, quam habebit pro sua ordinata, & secabit in I ita, ut PI, pI æquantur ipsis CR, Cr inter se æqualibus, adeoque & inter se æquales sint. Completis autem ordinatis PP', pp' axi transverso, erit eodem argumento P'p' ordinata axi conjugato. Patet autem fore æquales P'p', P'p', & earum distantias CI, C'I' a centro C æquales æqualibus semiordinatis RP, RP' axis transversi. Quo autem distantia CI fuerit major, eo semiordinata RP axis transversi erit major adeoque ejus distantia CR a centro eo minor in Ellipsi, major in Hyperbola, & proinde eo ibi minor, hinc major etiam semiordinata IP axis conjugati, & tota ordinata Pp. Cumque in Hyperbola quævis CR abscissa axis transversi a centro major sit semiaxe CM, erit quævis semiordinata PI axi conjugato major ipso semiaxe, transverso CM, & tota ordinata Pp major toto axe Mm.

*Coroll. 13.*

85. *Quadratum semiordinate axi conjugata ad summam in Hyperbola, & differentiam in Ellipsi quadratorum semiaxis conjugati, & abscissa a centro, vel in hac ad rectangulum sub binis abscissis a binis verticibus est, ut quadratum semiaxis, vel axis transversi ad quadratum semiaxis, vel axis conjugati.*

89. Est enim ( num. 66. ) quadratum RP, five CI ad rectangulum MRm, ut quadratum CX ad quadratum CM, adeoque alternando quadratum CI ad quadratum CX, ut rectangulum MRm ad quadratum CM. Porro ob Mm sectam bifariam in C ( Coroll. 2. 5. propos. 13. Geom. ) in fig. 19 quadratum CM est



29 SECTIONUM CONICARUM

est æquale quadrato CR, & rectangulo MR*m*. At in fig. 20. quadratum CR æquale quadrato CM, & rectangulo MR*m*. Igitur ibi dividendo erit differentia quadratorum CI, CX, vel rectangulum XI*x*, hic componendo, eorum summa ad quadratum CX, ut quadratum CR ad quadratum CM, & alternando, tum invertendo quadratum CR sive PI ad summam in Hyperbola quadratorum CI, CX, differentiam in Ellipsi, vel in hac ad rectangulum XI*x*, ut quadratum CM ad quadratum CX, vel ut quadratum M*m* ad quadratum X*x*.

Coroll. 14.

87. *Axi conjugatus Ellipsim secat in duas partes prorsus æquales, & similes; ac bini Hyperbola rami sunt prorsus inter se æquales & similes, & tam Ellipsis, quam Hyperbola alium focum habent, ac directricem æque distantes a centro, & ab alternis verticibus, ac habentes easdem prorsus proprietates, quas prior focus, & prior directrix.*

88. Si enim super axe *xX* convertatur dimidia figura 19, 20 ita, ut abeat punctum *m* in M, abibit quævis *rp* in RP, & Ip, in IP, adeoque Semiellipsis *xmX* in *xMX*, ac tam in Ellipsi, quam in Hyperbola *mp* in MP.

89. Quod si captis Cf, Ce æqualibus, & oppositis CF, CE, ductaque *æb* perpendiculari axi transverso, tota figura convertatur circa axem conjugatum *xCX*, abibit *æb* in locum AEB, *m* in locum M, *f* in locum F, & viceversa: quævis autem perimetri puncta adhuc erunt in locis, in quibus alia perimetri puncta erant ante. Adeoque omnia, quæ respectu omnium perimetri punctorum verificabantur de foco F, & directrice AB, jam verificabuntur de foco *f*, & directrice *ab*. Porro ob CM, Cm, ac CF, Cf, & CE, Ce æquales inter se, erunt pariter inter se æquales & ME, me, & MF, mf, & Me, mE.

Co:

Coroll. 15.

90. In Ellipsi, & Hyperbola distantia focorum a se invicem, axis transversus, & distantia binarum directricum a se invicem, sive distantia centri a foco, a vertice axis transversi, & a directrice sunt continue proportionales in ratione determinante.

91. Cum enim recta FE per focus ducta occurrat Sectioni Conicæ in punctis M, m; jacente altero M inter puncta F, E, quatuor puncta m, F, M, E constituent proportionem harmonicam, (num.8.), adeoque cum Mm secta sit bifariam in C, erunt (num.22.) CF, CM, CE continue proportionales in ratione FM ad ME, nimirum in ratione determinante: ac in eadem ratione erunt eorum dupla Ff, Mm, Ee.

Coroll. 16.

92. Si e quovis perimetri puncto ad binos focos ducantur bina rectæ, erit earum summa in Ellipsi, differentia in Hyperbola æqualis axi transverso.

93. Ducta enim per P recta axi transverso parallela, quæ binis directricibus occurrat in D, d, erit tam FP ad PD, quam fP ad Pd in ratione determinante, sive ut Mm ad Ee. Quare ipsarum summa in Ellipsi (fig.19) differentia in Hyperbola (fig.20) ad Dd summam in illa, differentiam in hac ipsarum PD, Pd, erit pariter, ut Mm ad Ee. Cum igitur Dd, Ee æquales sint, erit & ipsarum FP, fP summa in Ellipsi, differentia in Hyperbola æqualis axi transverso Mm.

Coroll. 17.

94. Si ab extremis punctis Chorda axi transverso parallela ducantur ad eundem focus bina rectæ, earum summa in Ellipsi, differentia in Hyperbola æquatur axi transverso.

95. Ducta enim Fp, patet ipsam debere æquari fF, cum conversa figura circa axem conjugatum abeat F in f, & P in p. Quare summa vel differentia binarum FP, Fp erit eadem, ac binarum FP, fP.

Coroll. 18.

96. Si ad extrema puncta rectæ per centrum ductæ,  
& ad

## 24 SECTIONUM CONICARUM

*Et ad perimetrum utrinque terminata ducantur in Ellipfi, & Hyperbola ex eodem foco binæ rectæ, earum summa in Ellipfi, differentia in Hyperbola æquabitur axi transverso.*

**F.21** 97. Nam in triangulis  $pCF$ ,  $PCf$ , erunt latera  $CP$ ,  
**22**  $Cf$  æqualia lateribus  $Cp$ ,  $CF$ , & anguli ad  $C$  ad verticem oppositi æquales. Quare &  $Pf$ ,  $pF$  æquales erunt. Cum igitur summa in Ellipfi, differentia in Hyperbola rectarum  $PF$ ,  $Pf$  æquetur axi transverso, æquabitur eidem etiam ibi summa, hinc differentia rectarum  $FP$ ,  $Fp$ .

*Coroll. 19.*

*98. Differentia in Ellipfi, summa in Hyperbola laterum recti, & transversi ad distantiam focorum sunt in eadem ratione determinante, in qua est ea distantia ad axem transversum, & is ad distantiam directricum.*

**F.19** 99. Est enim ( num. 60 ) differentia in Ellipfi, sum-  
**20** ma in Hyperbola rectæ  $fP$ , & dimidii lateris recti, nimirum &  $Fu$ , ad  $fR$  in ea ratione. Porro abeunte  $P$  in  $V$ , abit  $R$  in  $F$ , & evadit  $fR$  ipsa distantia focorum  $Ff$ , recta vero  $FP$  abit in  $FV$ . Quare in Ellipfi differentia  $fP$  ab  $Fu$  evadit differentia binarum  $fP$ ,  $pF$ , sive ( num. 92 ) totius axis transversi, a toto latere recto  $VFu$ ; at in Hyperbola cum  $fP$  contineat axem transversum, &  $pF$  ( num. 92 ), sive in eo casu axem transversum, &  $FV$ , erit summa  $fP$ , &  $Fu$  in eo casu summa axis transversi, & totius  $Vu$ .

*Coroll. 20.*

*100. Si facto centro in altero foco  $f$  Ellipseos in fig. 23, vel Hyperbolæ in fig. 24, intervallo  $fE$ , vel  $fe$  æquali axi transverso describatur circulus, & ex quovis puncto  $P$  perimetri Ellipseos, vel Hyperbolæ ducantur binæ rectæ altera  $PF$  ad alterum focum  $F$ , altera  $PD$  perpendicularis peripheriæ ipsius circuli in Ellipfi ad partes oppositas ejus centro  $f$ , in Hyperbola versus ipsum, donec ipsi peripheriæ occurrat citra  $f$  in  $D$ , ut  $PD$ , vel ultra in  $d$ , ut  $pd$ , prout punctum perimetri jaquerit, ut  $P$ , in eodem ramo*

*cum*

cum  $F$ , vel in opposito, ut  $p$ , erunt semper ea recta æquales.

101. Nam periphæriæ circuli perpendiculares lineæ sunt radii, qui per centrum  $f$  transeunt; in Ellipsi autem hinc  $fP$ ,  $FP$  æquantur toti  $fD$  (num. 91.), adeoque remanet  $FP$  æqualis  $PD$ . In Hyperbola vero  $fP$  excedit  $FP$  per differentiam æqualem axi transverso (num. 92), adeoque æqualem  $fD$ . Quamobrem erit  $FP$  æqualis residuæ  $PD$ , & cum  $Fp$  excedat  $pf$  per axem transversum æqualem  $fd$ , eo addito, erit  $Fp$  æqualis  $pd$ .

S C H O L I U M II.

102. **E**ST satis elegans ejus circuli analogia cum directricè Parabolæ. In fig. 1. si ea Parabolam referat, distantia perpendicularis  $PD$  a directricè rectilinea  $AB$  æquatur distantia  $FP$  a foco  $F$ . Hic in fig. 23. 24. distantia perpendicularis  $PD$  a peripheria circuli curvilinea  $AEB$  idem præstat, cum æquetur distantia  $FP$ , & cum ipsa directrix in Parabola directionem non mutet, in Ellipsi est cava versus  $F$ , in Hyperbola convexa.

103. Ex tam multis vero, quæ huc usque ex ipsa prima definitione fere sponte profluxerunt, jam hinc patet, quam apta sit definitio a nobis assumpta ad percipiendam Sectionum Conicarum naturam, atque indolem. Earum autem formam multo sibi evidentius oculis subjiciet Tyro, si curvas ipsas hujus problematis ope delineaverit, ac, si ductum perpendet, naturam intelliget. Delineabit autem admodum facile hoc pacto.

104. Facto quovis angulo acuto  $GEI$ , ut in fig. 25, F. 25  
vel recto, ut in fig. 26, vel obtuso, ut in fig. 27, ac 26  
bifariam secto per rectam  $EH$ , assumatur in ea pro 27.  
foco punctum  $F$  ad arbitrium, ducaturque recta  $Tt$ ,  
quæ cum  $Hb$  faciat angulum semirectum, quæ quidem alteri lateri anguli assumpti, ut  $EG$ , occurret  
ali-

26 SECTIONUM CONICARUM.

alicubi in  $L$ , alteri vero, ut  $EI$ , occurret in  $l$  ad eadem partes in fig. 25, erit parallela in fig. 26, occurret in  $l$  ad partes oppositas in fig. 27, lateri nimirum  $IE$  producto versus  $z$ . Nam ubi angulus  $G\dot{E}I$  est rectus, ut in fig. 26, angulus  $H\dot{E}I$  erit semirectus, & æqualis externo  $H\dot{F}T$ , adeoque  $FT$ ,  $EI$  parallelæ erunt, ubi vero est acutus agulus  $G\dot{E}I$ , ut in fig. 25, erit  $H\dot{E}I$  semirecto minor; ubi ille obtusus, ut in fig. 27, erit hic semirecto major; ac proinde  $EI$ ,  $FT$  ibi convergent, hic vero divergent, convergentes ex parte opposita  $s$ ,  $z$ .

105. Assumptis autem in lateribus  $EI$ ,  $EG$ , vel  $Eg$  segmentis  $EN$ ,  $En$  æqualibus ipsis  $EL$ ,  $El$ , & applicata regula in  $LN$ ,  $ln$  definiuntur puncta  $M$ ,  $m$  vertices axis transversi; tum assumptis pluribus  $EO$ ,  $EQ$  æqualibus in ipsis lateribus anguli  $G\dot{E}I$  inter puncta  $L$ ,  $n$ , &  $N$ ,  $l$  in fig. 25, a punctis  $L$ ,  $N$  versus  $G$ ,  $I$  in fig. 26, ab ipsis versus  $G$ ,  $I$ , & a punctis  $l$ ,  $n$  versus partem oppositam  $g$ ,  $z$  in fig. 27, ac applicata semper regula ad puncta  $O$ ,  $Q$ , quæ rectæ  $HEh$  occurret in  $R$  ita, ut ob isoscelismum trianguli  $OEQ$ , & angulum ad  $E$  sectum bifariam, ipsa  $OQ$  secetur ibi bifariam, & ad angulos rectos; centro  $F$  intervallo  $RQ$ , vel  $RO$  inveniantur bina puncta  $P$ ,  $p$  hinc inde. Pluribus demum punctis ita inventis delineari per ipsa poterit Sectio Conica, quæ determinatis præterea punctis  $u$ ,  $V$  per rectam ipsi  $EH$  perpendicularem facilius quam alibi delineabitur circa puncta  $u$ ,  $V$ ,  $M$ ,  $m$  sequendo ductum rectarum  $Eu$ ,  $EV$ ,  $LN$ ,  $ln$ , quas in his punctis debet curva contingere.

106. Porro collata hac constructione cum figuris 9, 10 11, & cum solutione problematis, facile patebit rem eodem redire. Recta autem  $FM$  sive  $LM$  erit minor, vel æqualis, vel major respectu  $ME$ , prout angulus  $LEM$  fuerit semirecto minor, æqualis, vel major, nimirum prout totus  $G\dot{E}I$  fuerit acutus, rectus, vel obtusus; ac proinde in primo casu obveniet Ellipsis, in secundo Parabola, in tertio Hyperbola,

Quod

107. Quod si manente angulo mutaverit distantiam  
foci a vertice anguli E, perspiciet simul manere peni-  
tus curvæ formam, & mutari solam magnitudinem.  
Et quidem si binas ejusmodi figuras descripserit, ac as-  
sumpserit semper rectas EQ, EO in eadem ratione ut-  
robique ad rectas EN, EL, facile perspiciet, manere  
angulos omnes, & omnia semper obvenire utrobique  
similia; at mutato angulo GEI, statim forma ipsa cur-  
væ mutabitur, ita, ut manentibus punctis F, M, &  
accedente E ad M is accedat ad rectum; Ellipsis ob-  
longetur per omnes magnitudinum gradus, donec, eo  
evadente recto, desinat in Parabolam, vertice *m* ita in  
infinitum recedente, ut nusquam jam sit, ac eodem fa-  
cto obtuso mutabitur Parabola in Hyperbolam, vertex  
*m* regredietur ex infinito ex parte opposita, ac binæ  
Hyperbolæ rami erunt quodammodo veluti quædam El-  
lipseos jam plusquam infinitæ dimidia oppositas oras  
spectantia. Inde autem patebit & affinitas quædam El-  
lipseos in immensum oblongatæ cum Parabola, qua fit,  
ut in Astronomia motus Cometarum in Ellipsis ma-  
xime oblongis habeantur pro Parabolicis, sine ullo er-  
rore notabili in eo arcu, qui est proximus foco, ac  
vertici nobis conspicuo.

108. Quoniam vero ab angulo LEM pendet ratio  
LM ad ME, sive ratio illa determinans FM ad ME,  
& ille ab hac; patet omnes Parabolas fore inter se si-  
miles, cum in iis angulus sit semper rectus; Ellipseos  
vero fore inter se similes, & Hyperbolas inter se, si  
ratio determinans fuerit eadem. Nimirum si in fig. 9, F. 9  
10; 11, maneat ratio determinans, & mutetur utcum- 10  
que distantia FE a directrice; rectæ omnes FP in da- 11  
to angulo inclinatæ ad ipsam FE, sive ad axem trans-  
versum ex eadem parte verticis M, mutabuntur in ea-  
dem ratione. Si enim sint binæ ejusmodi Sectiones Co-  
nicæ, erit in utraque FP ad PD sive RE in eadem ra-  
tione, ob eandem rationem determinantem, & PF ad  
FR ob æquales angulos in triangulis FRP, adeoque &  
FP ad FE summam vel differentiam FR, RE, prout  
R ca-

28 SECTIONUM CONICARUM.

R cadat intra FE, vel extra, in eadem ratione erit, & proinde etiam FP in una ad FP in altera constanter, ut FE in illa ad FE in hac. Quin imo cum ratio CF ad CM in Ellipsi, & Hyperbola sit eadem, ac ratio determinans (num. 90): ea manente, manebit eadem ratio quadrati CM ad quadratum CF, adeoque & ad eorum differentiam, nimirum ad quadratum semiaxis conjugati, (num. 64) & viceversa. Quate si in pluribus Ellipsis, vel Hyperbolis fuerit eadem ratio semiaxium, vel axium, adeoque & ratio lateris recti principalis ad transversum, illæ erunt inter se similes; dissimiles, si diversa.

109. Quod si rectæ Iz, Gg manentibus punctis F, L, M, N in fig. 25. evadant parallelæ, & punctum E, ac directrix nusquam jam sit, Ellipsis mutatur in circulum, coeuntibus foco f, & centro C cum F, ac F.28 fig. 25 abit in fig. 28, in qua cum RQ sit semper æqualis eidem FV, vel MN, punctum P est semper ad circulum descriptum radio eodem FV, ac centro F. Quamobrem circulus quidem est quædam velut Ellipsis, cujus foci coeant, sed ejus directrix ita in infinitum recedit, ut nusquam jam sit, & ejus ratio determinans ita in infinitum decrescit, ut penitus evanescat, & sit prorsus nulla; adeoque definitio a nobis assumpta ipsi revera in Geometrica saltém, ac reali consideratione aptari non possit, ut in Scholio 1. post ipsam Definitionem 1. innuimus.

110. Atque hoc quidem pacto Conicæ Sectiones in se invicem transformantur, vel in circulum. Possunt autem & ad rectas lineas, & ad punctum ita accedere, ut demum in eas desinant. Nam si potius manente foco F, (fig. 9. 10. 11.) & directrice, adeoque puncto E, minuatur in casu Ellipseos ratio determinans in infinitum, & penitus evanescat, accedentibus in infinitum punctis V, // ad F, ac recidentibus demum in ipsum; latera IEz, GEg accederent ad axem EFH in infinitum, & in ipsum reciderent, ac interea tota Ellipsis contraheretur versus focum F, & in ipsum unicum pun-

punctum desineret. Si vero in casu Hyperbolæ ratio cresceret in immensum, & conciperetur jam omnes finitarum magnitudinum limites transgredi, recedentibus punctis  $u$ ,  $v$  in infinitum ita, ut nusquam jam sint; latera ipsa  $IEz$ ,  $GEg$  accederent ad directricem consideratam positionibus  $AEB$ ,  $BEA$ , ac demum in ipsam reciderent, utroque Hyperbolæ ramo interea se expandente, ac verticibus  $M$ ,  $m$  accedentibus ad ejus punctum  $E$  ita, ut demum in ipsum reciderent, & abeuntibus ramis ipsis in directricem. Si demum manente directricem, & ratione determinante, focus  $F$  ita accedat ad directricem, ut demum in eam recidat in  $E$ ; patet ex numer. 16., Ellipsim quidem debere abire in ipsum unicum punctum  $E$ , Parabolam in rectam axi perpendicularem  $EFH$ , Hyperbolam in binas rectas ita inclinatas directrici, ut radius ad sinum inclinationis sit in ratione determinante. Nam si contra focus  $F$  recedat ultra quoscunque limites ita, ut nusquam jam sit, secum avehet & rectam  $Tt$ , & axium vertices, & totas curvas in infinitum, quo demum obrute nusquam jam erunt. Proderit autem plurimum hasce transformationes locorum Geometricorum contemplari, quibus vis quædam, atque admirabilis Geometriæ indoles intimius aliquanto perspicitur.

S C H O L I U M III.

III. **Q**Uoniam de Sectionum Conicarum similitudine mentio injecta est superiore Scholio, non erit abs re pauca quædam de figurarum similitudine hinc demonstrare, futura usui tum in Sectionibus Conicis, tum in omni late Geometria. *Sint in fig. 29, 30, 31. bina rectæ datæ  $FG$ ,  $fg$ , & ad binas figuras cujuscumque formæ  $FADB$ ,  $fadb$  ductis utcunque  $FE$ ,  $fe$ , que faciant angulos  $GFE$ ,  $gfe$  semper æquales, & vel semper ad easdem plagas, ut exhibent fig. 29, ac 30, vel ad oppositas, ut 29, ac 31, sit autem semper  $FE$  ad  $fe$  in*

$D$  data



### 38 SECTIONUM CONICARUM

*data ratione; ejusmodi figuras dico Similes, in primo casu Directe, in secundo Contrarie, & rectas illas FE, fe Latera Homologa, eas autem ipsas, vel quasvis alias facientes cum iis, vel cum FG; fg angulos aequales ad easdem pariter plagas, vel ad oppositas; dico rectas Positione Homologas, quae si assumantur pariter in illa constanti ratione; easdem dico pariter Latera Homologa; vel rectas etiam Magnitudine Homologas, puncta vero illa F, f dico itidem Homologa.*

112. *Si ductis utcumque FC, fc magnitudine & positione homologis, factis nimirum angulis GFC, gfc aequalibus; & captis FC, fc in illa constanti ratione; erunt & C, c puncta homologa, ac rectae CE, ce pariter in iisdem angulis ductae ad ipsas CF, cf incurrent in puncta homologa E, e; & erunt in eadem illa ratione constanti, nimirum erunt & positione, & magnitudine homologa.*

113. *Ductis enim FE, fe in angulis aequalibus ad FG, fg, adeoque & ad FC, fc, tum EG, ec, erunt in triangulis FEC, fec tam angulis ad F, f aequales; quam latera FE, FC proportionalia lateribus fe, fc; adeoque ipsa triangula similia; & anguli FEC, fec aequales, ac latera CE, ce in eadem illa ratione. Quamobrem rectae ex C, c in aequalibus angulis ductae ad CF, cf congruet cum ipsis CE, ce, & incident in illa puncta homologa.*

114. *Patet, illa ipsa puncta E, e fore homologa, cum & FE, fe inclinentur ad FG, fg in angulis aequalibus, & sint in illa constanti ratione: ac datis in singulis figuris singulis punctis homologis, cum rectis per ea transentibus, & positione homologis, ac ratione illa constanti posse inveniri infinita alia numero puncta homologa, & rectas, quae bina puncta homologa binarum figurarum conjungunt, fore pariter homologas & positione, & magnitudine, ac facile colligitur binas rectas, quae bina puncta conjungunt in una, ad aliam, quae in ea conjungunt alia bina quaevis,*  
de-

debere inclinari in eodem angulo, in quo in altera inclinantur rectæ jungentes puncta iis homologa: ac triangula ad ternâ quævis homologa puncta terminata fore similia.

115. Si altera e figuris similibus habuerit rectam aliquam pro perimetro, habebit & altera rectam ipsi & positione, & magnitudine homologam, ac si binæ ejusmodi rectæ concurrant in singulis figuris angulos æquales constituent.

116. Sit enim ejusmodi recta EB in prima e figuris (29); & ductis FE, FB, & ad quodvis ejus punctum I recta FI; ducantur in secunda (30; vel 31) recte  $f_a$ ;  $f_b$  homologæ ipsis FE, FB tum positione tum magnitudine; eruntque puncta  $e$ ;  $b$  in perimetro secundæ figuræ, ac homologa ipsis E, B; adeoque ducta  $eb$  erit & positione; & magnitudine homologa EB, ac angulus  $f_e b$  æqualis angulo FEB. Facto igitur angulo  $e f_i$  æquali EFI versus  $b$ ; donec recta  $f_i$  occurrat rectæ  $eb$  in  $z$ ; erunt similia triangula EFI;  $e f_i$  adeoque & FI ad  $f_i$  in eâ ratione constanti; adeoque & punctum  $z$  erit in perimetro secundæ figuræ; ac homologum I: Quare secunda figura habebit pro perimetro rectam  $eb$ , & si primâ habuerit plures rectas, secunda habebit totidem iis homologas; & in iisdem angulis ad se invicem inclinatas.

117. Si prima figura habuerit perimetri partem aliquam curvilineam, habebit & secunda; ac chordæ per bina singularum puncta homologa ductæ; cum rectis quibusvis homologis continebunt angulos æquales; eruntque & positione; & magnitudine homologæ; ac tangentés indefinite per puncta homologa ductæ erunt positione homologæ; ipsi vero arcus punctis homologis terminati erunt in eadem illa ratione constanti; quos proinde itidem Homologos dico; area vero quæcunque clausa lineis homologis sive rectis; sive curvis erunt in ratione duplicata laterum homologorum.

118. Cum enim singulis lateribus rectis alterius figuræ, debeant respondere latera recta alterius, non

32 SECTIONUM CONICARUM

potest latus curvilineum non respondere lateri curvilineo, quod nimirum si non curvilineum sed rectilineum esset, illi in altera pariter rectilineum responderet. Porro puncta in illis homologa erunt ea, in quæ incident rectæ homologæ a quibusvis singulis singularum homologis punctis ductæ, & iccirco chordæ, quæ jungent homologa ejusmodi puncta, & ipsæ homologæ erunt & positione, & magnitudine, quæ iccirco ad rectas quascunque homologas habebunt inclinationem eandem. Si ejusmodi chordæ sint  $DE$ ,  $de$ , quæ indefinite producantur in  $M, N$ ;  $m, n$ , erunt ipsæ  $MN$ ,  $mn$  positione homologæ, & cum homologis rectis eisdem continebunt angulos. Coeuntibus vero punctis  $D, E$ ;  $d, e$ , secantes  $MN$ ,  $mn$  evadunt tangentes, quæ iccirco remanent positione homologæ, & cum homologis eisdem continent angulos. Porro cum arcibus in plures, ac plures particulas sectis in infinitum, chordæ semper homologæ sint & positione, & magnitudine, ac earum summe ad arcuum ipsorum magnitudinem accedant in infinitum, arcus ipsi erunt in ea ratione constanti. Si autem a quibusvis perimetri angulis, vel ab extremis chordarum homologarum utcumque parvarum punctis, ad bina puncta homologa assumpta singula in singulis figuris ducantur rectæ, triangula illa omnia jungent terna puncta homologa, adeoque similia erunt, & areas habebunt in ratione duplicata laterum homologorum. Quare omnes homologæ areæ figurarum similium sive rectilineæ sint, sive curvilineæ, ad quas areæ chordarum in infinitum accedunt, erunt in ratione duplicata laterum homologorum.

F. 32 119. Si ex quodam puncto  $F$  in fig. 32, 33 ad quas  
 33 vis puncta  $E$  figura  $AEB$  ductis rectis  $FE$ , capiantur  
 in iis semper  $F e$  ad  $FE$  in ratione data, vel versus  
 $E$ , ut in fig. 32, vel ad partes oppositas, ut in fig.  
 33, punctum  $e$  describet perimetrum figura  $aeB$  directe  
 similis figura  $AEB$ , binis punctis homologis coeuntibus  
 in

in  $F$ , quod erit utrique commune, & puncta  $E$ , e erunt homologa, ut & recta  $FE$ ,  $Fe$ ; ac in iis quavis recta homologa erunt inter se parallela, quavis puncta homologa jacebunt in directum cum puncto communi  $F$ , & si fuerint curvæ perimetri, tangentes ducta per puncta homologa, siue per puncta, in quibus perimetro occurrunt ad easdem partes, vel ad oppositas recta ducta per  $F$  erunt parallela.

120. Patet, cum ducta per  $F$  quavis indefinita  $FG$ , & in ea assumpto  $g$  ad easdem partes in fig. 32, ad oppositas in fig. 33, semper  $GFE$ ,  $gFe$  debeat esse ibi idem angulus, hic æqualis ad verticem oppositus, & ratio  $FE$  ad  $Fe$  ponatur constans. Rectæ vcto quavis homologæ ad quamvis rectam per  $F$  transeuntem debebunt ita æque inclinari, ut parallelismum servent: Ex puncto  $F$  ad quodvis punctum primæ figuræ ducta recta, assumenda erit in ea ipsa ad easdem partes, vel ad oppositas recta ipsi homologa, quæ punctum homologum definiat, ac tangentes per puncta homologa  $E$ , e ductæ debebunt cum recta  $Ee$  homologa continere angulos æquales ita, ut servent parallelismum.

121. Si autem figuræ sint directe similes, & binâ puncta homologa coeant, ac congruat directio unius rectæ cum recta homologa, vel ad easdem partes, vel producta ad partes oppositas, rectæ omnes ex eo communi puncto ductæ usque ad perimetrum ad easdem pariter, vel ad oppositas partes erunt in data ratione, & homologæ, ac habebuntur ea omnia, quæ superiore numero dicta sunt.

122. Nam si punctum  $F$  sit commune, & congruant binæ quavis rectæ homologæ  $FG$ ,  $Fg$  utrovis modo, ducta quavis  $FE$ , quæ occurrat perimetro secundæ figuræ in  $e$ , erit angulus  $GFE$  idem ac  $gFe$  in fig. 32, æqualis ad verticem oppositus in fig. 33, adeoque  $FE$ ,  $fe$  debebunt esse recte homologæ, & in illa ratione constanti.

123. Sed jam redeundum ad ipsas Sectiones Conicas,

34 SECTIONUM CONICARUM  
 Quarum elegantem constructionem per motum continu-  
 num ope filorum videbimus sequenti Scholio.

SCHOLIUM IV.

124. **E**X proprietate, quam num. 93. demonstravi-  
 mus, facile eruitur methodus describendi El-  
 lipsim, & Hyperbolem motu continuo ope filorum qua  
 quidem passim utuntur fabri lignarii, & murarii pro  
 Ellipsi. *Assumpto filo, cujus longitudo aequetur axi fu-  
 turae Ellipseos, ejus extrema capita designantur punctis*  
 F. 19 *focorum F, f in fig. 19. tum stylo P filum circumducit-*  
*ur ita, ut semper extensum maneat, & excurret, ac*  
*Ellipsis describitur, cum nimirum binæ FP, fP simul*  
*semper æquantur, eidem longitudini fili. Et vero et-*  
*iam datis binis Ellipseos axibus Mm, Xx, sive lon-*  
*gitudine & latitudine Ellipseos quaesita, foci F, f ad-*  
*modum facile inveniuntur, duplicato nimirum filo, ac*  
*medio ejus puncto, sive ipso flexu superposito alteri ver-*  
*tici x axis conjugati, diducantur bina capita, donec ad*  
*axem transversum deveniant, extenso filo in F, & f.*  
 Pater enim eos fore focos, & Ellipsim transituram per  
 x, vel geometricè factò centro in altero vertice x axis  
 conjugati intervallo CM semiaxis transversi, inveni-  
 entur in ipso axe transverso foci F, f; cum nimirum  
 (num. 64. debeat esse quadratum CF differentia qua-  
 dratorum Cx, CM, nimirum binà quadrata Cx, CF  
 quæ æquantur quadrato xF, debeant æquari quadrato  
 CM, adeoque ipsa xF semiaxi CM.

125. *At si bina fila ita jungantur, ut alterius ca-*  
*put tantum excurret ultra caput alterius, quanta est lon-*  
*gitudò axis transversi quaesita Hyperbola, & ea capita*  
 F. 20 *designantur focus F, f, tum stylo P simul evolvantur il-*  
*la bina fila, ut extensa maneat, & æquales utrius-*  
*que partes in illa divaricatione, & explicacione excur-*  
*rant ex ipso stylo, describentur ramus Hyperbole circa*  
*axem focorum, cui filum brevius infixum fuerat. Semper*  
 enim

enim differentia filorum  $FP$ ,  $fP$  manebit, eadem, que fuerat initio. Tum permutatis capitibus, describetur etiam alter ramus. Foci autem  $F$ ,  $f$  datis axibus inveniuntur in axe transverso centro  $C$  intervallo  $Mx$ , cum nimirum ( num. 64 ) quadratum  $CF$ , vel  $Cf$  in Hyperbola æquetur summæ quadratorum semiaxium  $CM$ ,  $Cx$ , adeoque ipsa  $CF$ , vel  $Cf$  ipsi  $Mx$ .

126. Parabola autem hoc pacto describi poterit ope fili. *Sit regula  $AB$  in fig. 34, qua collocetur loco directricis, ac ipsi applicetur norma  $HDI$  ita, ut alterum ejus latus  $DI$  excurrat per ipsam regulam alteri lateri  $DH$  affigatur in  $H$  caput alterum fili  $HPF$ , cujus longitudo æquetur lateri ipsi, alterum vero caput affigatur in  $F$  foco Parabola describenda, & dum norma movetur, detineatur stylo mobili  $P$  filum ipsum partim applicatum regule in  $HP$ , partim distentum in  $FP$ . Patet fore semper  $PF$  æqualem  $PD$ , adeoque punctum  $P$  ad Parabolam foco  $F$ , directrice  $AB$ . Descripto autem arcu dimidio  $MP$ , poterit conversione normæ alter arcus  $Mp$  describi ex parte opposita.* F. 34

### SCHOLIUM V.

127. **C**onstructione problematis primi determinatus est concursus rectarum directrici parallelarum, & axi perpendicularium cum Sectionis Conicæ perimetro, sequenti vero problemate determinabimus concursum rectæ cujusvis per focum ductæ, ac ejus quoque constructio harum curvarum formam proponet ob oculos.

### PROPOSITIO II. PROBL.

128. **D**atis directrice, foco, & ratione determinante invenire concursum rectæ datæ transeuntis per focum cum Sectionis Conicæ perimetro.

129. Sit primo recta data per focum transiens parallela

## 36 SECTIONUM CONICARUM

parallelâ directrici. Demisso in ipsam directricem in fig. 35; 36 perpendicularo FE, capiuntur in ea recta data FV, Fg ad ipsam FE in ratione determinante; & (num. 48) ejus concursus cum perimetro Sectionis Conicæ, erunt puncta u, V.

130. Si autem sit alia quævis non parallela; eâ directrici occurret in aliquo puncto Q. Capiantur in ipsa directrice QG, Qg æquales ipsi QF, posito puncto Q ad eam plagam respectu Q, ad quam jacet F respectu V. Ductisque GV, gV, earum occurfus, si qui erunt; cum recta data QF, productis & ipsis, & QF utraque ex parte, quantum opus fuerit, erunt quæsi concursus cum Sectionis Conicæ perimetro, eruntque ii soli.

131. Nam ducta PD perpendiculari ad directricem, similia erunt triangula FPV, QPG, QFE, QPD, adeoque erit FP ad FV, ut QP ad QG, sive ad QF, nimirum ut PD ad FE; adeoque alternando FP ad PD, ut FV ad FE in ratione determinante, & eadem est demonstratio pro puncto p, substitutis p, g, d pro P, G, D. Contra vero si punctum P fuerit ad Sectionem Conicam, & ducatur per V, ac P recta occurrens directrici in G, erit FP ad PD, ut FV ad FE in ratione determinante, & PD ad PQ, ut FE ad FQ, ob FE, PD parallelas, adeoque ex æqualitate ordinata FP ad PQ, ut FV ad FQ. Est autem FP ad PQ, ut FV ad GQ ob ipsarum FV, GQ parallelismum: Ergo erit GQ æqualis FQ. Quare punctum, quod ad Conicam Sectionem sit, determinari omnino debet assumpta QG, vel Qg æquali QF, & ducta GV, vel gV; adeoque puncta inventa ea constructione sunt ad ipsam Sectionem Conicam, & sunt ea sola. Q. E. D.

Coroll. 1.

132. *Quævis recta per focus ducta occurrit Ellipsi in binis punctis hinc inde a foco: quævis pariter occurrit Parabola hinc inde a foco, præter unicam directrici perpendiculararem, cujus altera interfectio a directri-*

rectrice remotior ita in infinitum recedit, ut nusquam jam sit. In Hyperbola autem quavis occurrit semel inter focum, & directricem; alter vero occurfus in infinitum ita recedit, ut nusquam jam sit in binis rectis hinc inde directrici inclinatis in angulo, quem num. 10. diximus angulum equalitatis, in reliquis inclinatis in angulo minore habetur citra directricem ultra focum, in inclinatis in angulo majore ultra directricem.

133. Nam rectę quidem  $QF$ ,  $GV$  se decussantes, necessario semper sibi occurrent alicubi in  $P$  inter focum, & directricem: rectę vero  $QF$ ,  $gV$  vel erunt parallele, puncto  $p$  ita in infinitum abeunte, ut nusquam iam sit, vel convergent ad partes  $FV$ , ut in fig. 35, vel ad partes  $Qg$ , ut in fig. 36, prout  $Qg$ , sive  $QF$  fuerit æqualis, major vel minor respectu  $FV$ . Porro in Ellipsi in qua  $FE$  est major, quam  $FV$ , semper  $FQ$ , quę vel congruit cum  $FE$ , vel est ipsa major, erit quę major, vel multo magis major quam ipsa  $FV$ , adeoque punctum  $p$  semper habebitur, ut in fig. 35, citra directricem ad partes oppositas  $P$  respectu  $F$ . In Parabola, in qua  $FE$  equatur  $FV$ , si  $FQ$  congruat cum  $FE$ , nimirum sit perpendicularis directrici, erit equalis ipsi  $FV$ , & punctum  $p$  ita in infinitum recedet, ut nusquam jam sit. In reliquis vero positionibus omnibus erit  $FQ$  major, quam  $FE$ , adeoque major, quam  $FV$ , & punctum  $p$  habebitur, ut in Ellipsi. In Hyperbola vero, in qua  $FE$  est minor quam  $FV$ , si angulus  $FQE$  fuerit ejusmodi, ut radius ad ejus sinum habeat rationem determinantem, quam nimirum habet  $FV$  ad  $FE$ , ipsa  $FQ$  habebit ad  $FE$  rationem eandem, adeoque equabitur ipsi  $FV$ , & punctum  $p$  ita in infinitum recedet, ut nusquam jam sit. Si autem is angulus fuerit minor, erit  $FQ$  major, quam  $FV$  & habebitur casus figurę 35, ut in Ellipsi, & Parabola; si autem is angulus fuerit major, erit  $FQ$  minor, quam  $FV$ , & concursus  $p$  abibit, ut in fig. 36, ultra directricem.



38 SECTIONUM CONICARUM

F.37 134. Si recta Pp per focum F ducta in fig. 37, 38,  
 38 39, 40, & occurrens directrici in Q, sectioni Conica  
 39 in P, p secetur bifariam in R, erunt RF, RP, RQ  
 40 continue proportionales in ratione, quam habet foci ra-  
 dius ad ordinatam directrici in eo angulo FQE, & si  
 recta ipsi FQ perpendicularis ducta e foco F occurrat di-  
 rectrici in I, recta per I, & R ducta; erit in Parabola perpendicularis directrici, in Ellipsi, & Hyperbola per  
 centrum transibit.

135. Primum patet ex num. 22. Cum enim puncta  
 p, F, P, Q constituent proportionem harmonicam  
 ( num. 8. ), & Pp secetur bifariam in R, erunt RF,  
 RP, RQ in continua ratione FP ad PQ. Secundum  
 sic demonstratur.

136. Ducta præterea PD perpendiculari directrici, &  
 FH eidem parallela, quæ occurrat rectæ IR productæ,  
 si opus sit, in H, erit RF ad RQ, nimirum HF ad  
 IQ in duplicata ratione FP ad PQ, nimirum ut il-  
 lius quadratum ad hujus quadratum. Est autem ob an-  
 gulos IFQ, IEF rectos, & angulum ad I communem  
 triangulis FIQ, EIF, recta IQ ad IF, ut IF ad IE,  
 adeoque QI ad IE, ut quadratum QI ad quadratum FI,  
 sive ob similia triangula rectangula QFI, QDP, ut  
 quadratum QP ad quadratum PD; Erit igitur ex æ-  
 qualitate ordinata FH ad IE ut quadratum FP ad qua-  
 dratum PD, nimirum in ratione determinante dupli-  
 cata.

137. Porro ea ratio in Parabola est ratio æqualita-  
 tis adeoque in fig. 38 æquantur FH, IE; & proinde  
 IH parallela est rectæ EF, & directrici perpendicularis.  
 At in Ellipsi in fig. 37, & in Hyperbola in fig. 39,  
 40, est ( num. 90 ) ad CF ad CM, & CM ad CE  
 in ratione determinante, adeoque CF ad CE in eadem  
 ratione duplicata. Erit igitur in utraque FH ad EI, ut  
 CF ad CE, ac proinde ductis CH, CI, triangula  
 CFH, CEI similia erunt ( Coroll. 2. prop. 12. Geom. )  
 & angulus FCH, ECI æqualibus, puncta I, H, C in  
 directum jacent.

SCHO.

## S C H O L I U M.

138. **H**ÆC quidem constructio minus fecunda est, quam constructio primi problematis, adhuc tamen & expedita est, & formam Conicarum Sectionum, ac earum discrimen proponit ob oculos; cum nimirum ex coroll. 1. statim pateat Ellipsim quidem redire in Orbem circa focum, Parabolam habere unicam ramum citra directricem protensum in infinitum, Hyperbolam vero binos ejusmodi ramos hinc inde a directrice. Secundi autem Corollarii summus in præcipua quadam Sectionum Conicarum proprietate demonstranda usus erit paullo infra.

139. Satis autem facile perspicitur & illud, rectam F.35  
quoque per  $G$ , &  $g$  ductam debere transire per  $p$ , & 36  
rectam ductam per  $g$ , &  $V$  debere transire per  $p$ , adeoque vel alterum e punctis  $V$ ,  $g$  cum utroque  $G$ ,  $g$ , vel alterum e punctis  $G$ ,  $g$  cum utroque  $V$ ,  $g$  problemati solvendo satisfacere.

## P R O P O S I T I O I I I . P R O B L .

140. **D**atis foco, directrice, & ratione determinante, invenire concursum recte datae cujusvis cum Sectione Conica.

141. Si recta data sit directrici parallela, solvetur problema per constructionem problematis 1 (n. 34, 36), F.41  
si transeat per focum solvetur per constructionem problematis 2 (num. 128). Si sit quævis alia  $KH$ , quæ 42  
quidem directrici necessario alicubi occurrer in  $H$ , 43  
constructur problema hoc pacto, 44  
45

142. In figuris 41, 42, 43, 44, 45, quarum prima ad Ellipsim pertinet, secunda ad Parabolam, reliquæ ad Hyperbolam pro casibus, in quibus occurrat recta data soli ramo citeriori, vel soli ulteriori, vel utrique. Assumpto puncto  $L$  ubivis extra directricem demissoque in ipsa directricem perpendiculo  $LG$ , ac in eo, si opus sit, produ-

cto

40 SECTIONUM CONICARUM.

Et capta  $LS$ , quæ sit ad ipsum in ratione determinante, centro  $L$ , radio  $LS$  describatur circulus, ductaque  $LO$  parallela rectæ datæ  $KH$ , donec occurrat directrici in  $O$ , tum conjunctis punctis  $H, F$ , ducatur per  $O$  recta  $zOZ$  ipsi  $HF$  parallela posito in ea puncto  $Z$  ad eandem directricis partem cum centro  $L$ , puncto vero  $z$  ad partem oppositam; & si ipsa  $OZ$  producta utraque ex parte indefinite alicubi occurrat circulo in  $T$  vel  $t$ , ducta  $LT$  vel  $Lt$ , ac ex  $F$  recta ipsi parallela, hujus concursus cum  $HK$  in  $P$  vel  $p$  determinabit punctum quæsitum, nec in aliis punctis præter hoc modo inventa recta data potest datæ Sectioni Conicæ occurrere.

143. Ducta etiam  $PD$ , vel  $pd$  perpendiculari ad directricem; ob rectas  $LO, GL$  parallelas rectis  $PH$ ;  $DP$ , similia erunt triangula  $LGO, PDH$ ; & ob rectas  $LO, OT, TL$  parallelas rectis  $PH, HF, FP$ , similia  $LTO, PFH$ ; quare  $FP$  ad  $PH$ , ut  $LT$  ad  $LO$ ; &  $PH$  ad  $PD$ , ut  $LO$  ad  $LG$ ; adeoque & ex æqualitate ordinata  $FP$  ad  $PD$ , ut  $LT$ , sive  $LS$  ad  $LG$ , nimirum in ratione determinante; adeoque punctum  $P$  est ad datam Sectionem Conicam, & eadem est demonstratio pro puncto  $p$ .

144. Contra vero si quoddam punctum  $P$  sit ad Sectionem Conicam datam, & manentibus cæteris ducatur  $LT$  parallela  $FP$ , donec occurrat rectæ  $OZ$  alicubi in  $T$ , erit  $LT$  ad  $LO$  ut  $FP$  ad  $PH$ , &  $LO$  ad  $LG$  ut  $PH$  ad  $PD$ , adeoque  $LT$  ad  $LG$  ut  $FP$  ad  $PD$  in ratione determinante, in qua cum sit  $LS$  ad  $LG$ , erit  $LT$  æqualis  $LS$ , adeoque punctum  $T$  ad circulum. Quare punctum quodvis, in quo recta  $HK$  occurrat Sectioni Conicæ, debet inveniri exposita constructione per concursum rectæ  $zOZ$  cum circulo, & sola puncta eo pacto inventa sunt ad Sectionem Conicam datam: Q. E. D.

## S C H O L I U M.

145. **M**irum sane quam foecunda est hæc constructio, quam Tyroni exercendo apta. Plurima quidem ex ea inferri possunt theoremata, & pleraque utilissima ac iterum foecunda: curabimus autem quantum fieri poterit, ne tanta rerum copia confusio- nem pariat. Interea notandum illud; posse punctum L assumi etiam ultra directricem, quamquam nos in hisce schematis ipsum semper citra directricem assump- simus, Deinde posse ipsum assumi diversis locis, quæ multo faciliorem constructionem exhiberent, sed mi- nus generalem, & generalibus theorematibus eruendis minus aptam. Potissimi casus, in quibus constructio contrahitur, sunt ii, in quibus assumatur punctum L in ipsa perimetro Sectionis Conicæ, nimirum in ali- quo puncto P jam invento, quo casu radius circuli es- set ipsa recta PF, quæ ad perpendicularum PD rationem habet determinantem; vel assumatur in foco ipso F, quo casu radius circuli esset dimidium latus rectum; sive in fig. 9, 10, 11 FV, cum nimirum sit FV, ad perpendicularum FE pariter in ratione determinante, vel pro Ellipsi, & Hyperbola in centro, quo casu in fig. 19, 20 radius circuli esset femiaxis transversus CM, qui (num. 90) ad perpendicularum CE habet pariter rationem determinantem, vel pro quavis Sectione Conicæ in ipsa recta data, quo casu hic punctum O congrueret cum puncto H, puncto nimirum L ja- cente in ipsa KH. Poterit Tyro constructionem hæc generalem ad hosce casus particulares contrahere ac notare quo pacto mutata positione, vel directione rectæ datæ, possint erui plures satis diversæ & elegan- te constructiones, quibus omnia quæsitæ Sectionis Co- nicæ puncta inveniantur.

146. Et quidem ipsa constructione nostra generali patet inveniri puncta omnia, si nimirum manente directio-

ne

## 42 SECTIONUM CONICARUM

ne rectæ datæ mutetur ejus positio, nimirum si manente angulo ad  $H$  excurrat punctum  $H$  per totam directricem; vel si per datum punctum quodvis, ut per focus, vel in Ellipsi & Hyperbola per centrum converzatur recta. In iis omnibus positionibus rectæ motu parallelo delatæ, vel per datum punctum conversæ habebuntur omnia Sectionis Conicæ puncta, & earum discrimen facile detegetur; atque hanc ipsam ferme tenebimus viam in eruendis iis, quæ tam multa se sponte offerunt.

147. Interea quod ad ipsam constructionem pertinet; notetur illud. *Si recta data directrici parallela sit, puncta  $H$ ,  $O$  ita in infinitum abeunt, ut nusquam jam sint; ac si ea recta transeat per focus  $F$ , congruentibus  $HK$ ,  $HF$ , congruunt etiam  $OZ$ ,  $OL$ ; &  $LT$ ,  $Lt$  abeunt in has;  $FP$ ,  $Fp$  in illas; adeoque in utroque hoc casu a generali hac constructione deserimus. Posset quidem ex ipsa pro utroque casu peculiaris constructio derivari; sed utrique casui consultum est in Prop. 1; & 2. Proinde iis omissis, eruemus hic primo loco generalia theorematâ, quæ fluunt e motu parallelo rectæ datæ eandem semper inclinationem retinentis ad directricem:*

148. Ac primo quidem Corollario plurimâ simul jungemus nimis inter se analogâ, quæ proveniunt ex unico casu Ellipseos; in quo recta data quamcumque positionem habeat; & e binis Parabolæ, in quorum primo ea sit directrici utcumque obliqua; in secundo perpendicularis; ac demum e ternis Hyperbolæ, in quorum primo recta datâ faciat cum directrice angulum minorem angulo æqualitatis, in secundo æqualem; in tertio majorem:

Coroll. 1.

149. *E rectis omnibus data recta parallelis binæ semper Ellipsim contingunt singula in singulis punctis, reliquæ omnes, quæ iis interjacent eam secant in binis singula punctis, quæ extra illas cadunt, ipsi nusquam occurrunt. In Parabola unica contingit in unico puncto, reliquæ*

liquæ omnes bis secant, vel ipsæ nusquam occurrunt, prout jacent a tangente versus focum, vel ad partes oppositas præter casum, quo recta data sit directrici perpendicularis, quo casu nulla tangit, secant vero omnes in singulis punctis singule, altera intersectione ita in infinitum abeunte, ut nusquam jam sit. In Hyperbola si recta data efficiat cum directrice angulum minorem angulo æqualitatis, binæ contingunt singulos ramos in singulis punctis, reliquæ vero nusquam occurrunt, vel eundem ramum in binis punctis secant, prout iis tangentibus interjacent, vel extra eas cadunt: Si recta data efficiat angulum æqualitatis, unica ex omnibus ipsi parallelis nusquam Hyperbola occurrit, sed binos ramos relinquit hinc inde, licet ad eos accedat magis, quam pro quavis data distantia utcumque parva, atque idcirco dicitur Asymptotus, reliquæ omnes secant in singulis punctis singule ramum ceteriorem, vel ulteriorem, prout facuerint hinc inde ab ipsa asymptoto, altera earum intersectione ita in infinitum abeunte, ut nusquam jam sit. Si demum angulus inclinationis sit angulo æqualitatis major, omnes rectæ secant bis Hyperbolam, singulos nimirum ramos qualibet in punctis singulis.

150. Horum omnium demonstratio sponte fuit rite E. 41  
 perspectis positionibus omnibus circuli respectu directricis, & rectarum LO, OZ positione respectu circuli. 42  
 Ac primo quidem in Ellipsi, in qua ratio determinans 43  
 est ratio minoris inæqualitatis, erit LS minor, quam 44  
 LG, ut in fig. 41; in Parabola æqualis, coeuntibus 45  
 in ea punctis G, S, ut in fig. 42; in Hyperbola ma-  
 jor, ut in fig. 43; 44; 45. Quare circulus in El-  
 lipsi ad directricem non pertinet; in parabola eam  
 continget in eo puncto, in quo coeunt G, S; in Hy-  
 perbola ultra eam transcurret, quam proinde secabit  
 in binis punctis N, n, ad quæ ductæ LN, Ln incli-  
 nabuntur ad ipsam directricem in angulo æqualitatis,  
 cum nimirum sit radius ad sinum anguli LNG, vel  
 LnG, ut LN, vel Ln ad LG, nimirum in ratione  
 determinante.

#### 44 SECTIONUM CONICARUM

151. Præterea si recta  $zOZ$  circulo occurrat in binis punctis  $T$ ,  $t$ , patet rectam  $KH$  debere Sectioni Conicæ occurrere pariter in binis punctis, dempto casu, quo  $LT$ , vel  $Lt$  congruat cum directione rectæ  $OL$ , recta vero  $KH$  non transeat per focus  $F$ , quo nimirum casu recta  $FP$ , vel  $Fp$  evadit parallela rectæ  $KH$ , puncto  $P$  vel  $p$ , in quo deberent concurrere ad determinandum Sectionis Conicæ punctum, ita in infinitum abeunte, ut nusquam jam sit. Quod si recta  $zOZ$  circulo nusquam occurrat, recta quoque  $KH$  nusquam occurret Sectioni Conicæ. Facile autem colligitur & illud: punctum  $P$  vel  $p$  debere jacere citra vel ultra directricem, prout punctum  $T$ , vel  $t$  jacuerit ad eandem partes directricis cum centro  $L$ , vel ad oppositas, cum in figuris profus similibus  $FHDP$ ,  $TOGL$ , & ad directricem  $AB$  similiter positus, directrix ipsa debeat vel utrumque e lateribus secare, vel neutrum. Demum si coeuntibus punctis  $T$ ,  $t$ , recta  $zOZ$  evadat tangens circuli, evanescente arcu illo intermedio  $Tt$ , coibunt etiam puncta  $P$ ,  $p$  in Ellipsi, & recta  $KH$  evadet tangens.

152. Manente igitur inclinatione rectæ  $KH$  ad directricem, sive manente angulo ad  $H$ , concipiatur ea recta motu continuo translata ita, ut punctum  $H$  percurrat totam directricem, deveniendo ex parte sinistra  $A$  ex distantia quavis indefinite magna versus dexteram  $B$ , Habebuntur eo pacto omnes rectæ illam directionem habentes, & licebit contemplari quando, & qua ratione in datæ Sectionis Conicæ perimetrum incurrent. In omni eo motu punctum  $O$  manebit semper cum maneat punctum  $L$ , & inclinatio  $LO$  ad directricem. Recta  $FH$  perficiet dimidiam conversionem circa punctum  $F$ , tendente puncto  $H$  dextrorsum; adeoque & rectæ  $Oz$ ,  $OZ$  illi semper parallelæ dimidiam conversionem absolvent eodem ordine; sed si centrum circuli  $L$  assumptum fuerit citra directricem, quod ubique præstitimus, punctum  $z$  tender a sinistra ad dexteram, punctum vero  $Z$  ipsi oppositum contra a dextera

tera ad sinistram. Ea mentis oculis diligenter sittenda sunt, ut liceat unico velut conspectu casus complecti omnes, toto spatio per lineas KH, OZ indefinite utrinque productas tanquam per everricula quædam velut perraso.

153. Incipiendo ab Ellipsi in fig. 46 habebuntur 7 F.46  
 diversi casus lineæ zOZ respondentes totidem casibus rectæ HK, sive EH. In primo casu OZ<sub>1</sub> extra circum-  
 lum cadet ex parte dextera, tum in secundo recta OZ<sub>2</sub>  
 jam ipsum continget alicubi pariter ex parte dextera in  
 unico puncto Q, deinde recta OZ<sub>3</sub> adhuc centrum L  
 relinquens ad sinistram circumulum ipsum secabit in binis  
 punctis T<sub>1</sub>, t<sub>1</sub> tum OZ<sub>4</sub> transiens per ipsum cen-  
 trum secabit circumulum in binis punctis T<sub>2</sub>, t<sub>2</sub> deinde  
 OZ<sub>5</sub> relinquens jam centrum ad partem dexteram ipsum  
 circumulum pariter secabit in punctis T<sub>3</sub>, t<sub>3</sub>, tum OZ<sub>6</sub>  
 continget iterum alicubi in unico puncto q ex parte  
 sinistra, ac demum OZ<sub>7</sub> extra circumulum cadet pariter  
 ex parte sinistra, Eodem igitur passu in primo casu re-  
 cta H<sub>1</sub>K<sub>1</sub> extra Ellipsim cadet ex parte sinistra, tum  
 in secundo recta H<sub>2</sub>K<sub>2</sub> jam ipsam continget alicubi pa-  
 riter ex parte sinistra in unico puncto I, deinde recta  
 H<sub>3</sub>K<sub>3</sub> adhuc focum F relinquens ad dexteram Ellipsim  
 ipsam secabit in binis punctis P<sub>1</sub>, p<sub>1</sub>, tum H<sub>4</sub>K<sub>4</sub> tran-  
 siens per ipsum focum secabit Ellipsim in binis punctis  
 P<sub>2</sub>, p<sub>2</sub>, illis nimirum, quæ determinavimus constru-  
 ctione secundi problematis num. 128 juxta num. 132; deinde  
 H<sub>5</sub>K<sub>5</sub> relinquens jam focum ad partem sinistram  
 ipsam pariter secabit in punctis P<sub>3</sub>, p<sub>3</sub>; tum H<sub>6</sub>K<sub>6</sub>  
 continget iterum alicubi in unico puncto i ex parte  
 dextera, ac demum H<sub>7</sub>K<sub>7</sub> extra Ellipsim cadet pariter  
 ex parte dextera. Quamobrem e rectis omnibus data  
 rectæ parallelis bina semper Ellipsim contingunt singulæ  
 in singulis punctis, reliquæ omnes, quæ iis interjacent,  
 eam secant in duobus punctis, quæ extra illas cadunt,  
 ipsi nusquam occurrunt: quod quidem de Ellipsi propo-  
 sueramus.

154. In Parabola si recta data sit obliqua ad directri. F.47  
 Boscovich. Tom. III. E cem,



## 46 SECTIONUM CONICARUM

tem, quem casum exhibet fig. 47. habebuntur casus tantummodo quinque, qui nimirum eodem profus pacto procedent; ac numero superiore in Ellipsi. Sed quoniam hic ipsa directrix OA contingit circulum in illo puncto, in quo coeunt G; & S, post lineam  $z_4OZ_4$  quævis linea  $z_5OZ_5$  utcumque exiguum cum directrice angulum continens ipsum circulum secabit in binis punctis  $T_3$ ;  $t_3$ . Quare utcumque punctum  $H_5$  recedat versus B, recta  $FH_5$  continente cum directrice angulum utcumque exiguum; semper recta  $H_5K_5$  Parabolam secabit in binis punctis  $P_3$ ;  $p_3$ . At si recta data sit perpendicularis directrici, ut in fig. 48; jam etiam LO evadente perpendiculari ad directricem, ipsum O congruit cum G; S in eo puncto, in quo directrix circulum tangit; & casus deducuntur ad tres tantum. Quævis enim  $zOZ$  ex illo contractu ducta circulum secabit in ipso puncto O, in quod proinde abibunt omnia puncta  $t$ , & præterea in aliquo alio puncto T: Nulla igitur ejusmodi recta HK Parabolam continget; secabit autem quævis ex iis in aliquo puncto P; quod determinabit recta FP parallela rectæ LT; & in casu rectæ  $H_2K_2$  transeuntis per focum punctum  $P_2$  determinabitur constructione Problematis secundi; vel Problematis primi, in quo verticem axis cujusvis Conicæ Sectionis invenimus num. 36 & quidem in Parabola unicum. Recta autem ex F parallela rectæ Lt ducta, quæ deberet alteram intersectionem determinare rectæ  $H_1K_1$  vel  $H_3K_3$  cum Parabola, congruet cum ipsa  $FK_2$ , quæ ipsis parallela est ita; ut intersectio post recessum in infinitum nusquam jam sit: Quare omnium ejusmodi rectarum *unica contingit in unico puncto; relique omnes ipsam bis secant; vel ipsi nusquam occurrunt prout jacent a tangente versus focum; vel ad partes oppositas; præter rectas directrici perpendiculares sive axi parallellas; quarum nulla tangit, secant vero omnes in singulis punctis singule, altera intersectione ita in infinitum abeunte; ut nusquam jam sit.* Quod de Parabola fuerat propositum.

ILM.

155. Pro Hyperbola faciat primo data recta cum directricē angulum minorem angulo æqualitatis, ut in fig. 49; & quoniam  $L_n$ ,  $LN$  inclinātur in ipso æ-  
 qualitatis angulo ( num. 150. ); recta  $LO$  datæ re-  
 ctæ parallelā, adeoque continens angulum minorem  
 ipsius  $LN_n$ ;  $L_nN$  debet directrici occurrere in ali-  
 quo puncto  $O$  extra circulum sito: Quare dum recta  
 $KH$  satis distat à foco  $F$  ita, ut  $FH_1$  satis incline-  
 tur ad directricem; recta quidem  $z_1Oz_1$  non oc-  
 curret circulo ex parte  $Z_1$ ; sed tamen ipsum secabit bis ex  
 parte oppositā  $z_1$  in arcu ultra directricem excurrente.  
 Eo casu patet ex num. 151. rectas  $FP_1$ ;  $Fp_1$  paral-  
 lelas rectis  $LT_1$ ;  $Lt_1$  debere occurrere ipsi  $K_1H_1$  in  
 binis punctis  $P_1$ ;  $p_1$  ultra directricem sitis; nimirum  
 debere occurrere ramo ulteriori Hyperbolæ, atque id ac-  
 cidet, donec  $z_2Oz_2$  contingat illum ipsum arcum alicubi  
 in  $q$ , recta  $H_2K_2$  ipsum ulteriorem ramum contingente  
 in  $i$ : tum recta  $Z_3Oz_3$  nusquam circulo occurret; &  
 recta  $H_3K_3$  nusquam occurrat Hyperbolæ. Ubi autem  
 iterum  $Oz_4$  contigerit circulum in  $Q$  citra directri-  
 cem; recta  $K_4H_4$  continget jam ramum citiorem  
 alicubi in  $l$ ; ac deinceps casus quintus, sextus, & se-  
 ptimus se habebunt prorsus ut casus tertius, quartus,  
 & quintus in Ellipsi; ac quocumque in immensum  
 recedat  $H_7$  versus  $B$  semper obtinebit idem casus septi-  
 mus: Igitur si recta data efficiat cum directricē angu-  
 lum minorem angulo æqualitatis; binæ ex omnibus re-  
 ctis ipsi parallelis contingunt singulos ramos singula in  
 punctis singulis; reliquæ vero nusquam occurrunt; vel se-  
 cant in binis punctis eundem ramum; prout iis interja-  
 cent vel extra eas cadant. Quod primo loco de Hy-  
 perbola proposuimus.

156. Quod si recta data faciat cum directricē angu-  
 lum æqualitatis, ut in fig. 50, recta  $LO$  abibit in ip-  
 sam  $LN$ ; abeunte puncto  $O$  in  $N$ . Quamobrem quæ-  
 vis recta per  $O$  ducta secabit circulum in ipso puncto  
 $O$ , vel  $N$ , in quod proinde abibunt omnia puncta  $t$ ;  
 ac præterea in alio puncto  $T$ ; præter unicam  $Z_2Oz_2$

48 SECTIONUM CONICARUM

perpendicularem radio LN, quæ circulum continget, ipsa quoque interfectione T<sub>2</sub> ibi coeunte cum t, & cum O, ac N. Donec igitur punctum H<sub>1</sub> fuerit satis remotum a foco, angulo FH<sub>1</sub>B satis acuto, recta Z<sub>1</sub>OZ<sub>1</sub> secabit ex parte z<sub>1</sub> in T<sub>1</sub> arcum circuli jacentem ultra directricem, & recta K<sub>1</sub>H<sub>1</sub> ramum ulteriorem in P<sub>1</sub>, abeunte autem t in O recta ipsi Lt parallela ex F ducta, erit parallela ipsi H<sub>1</sub>K<sub>1</sub>, ac ejus interfectio ita in infinitum recedet, ut nusquam jam sit facta Z<sub>2</sub>z<sub>2</sub> tangente circuli, ubi & FH<sub>2</sub> evadit perpendicularis rectæ K<sub>2</sub>H<sub>2</sub>, ac proinde abeunte in O ipso etiam puncto T<sub>2</sub>, recta ipsi LT<sub>2</sub> parallela ducta e foco F evadet parallela ipsi K<sub>2</sub>H<sub>2</sub>, ac proinde utraque interfectio determinanda nimirum a punctis t, T ita in infinitum abit, ut nusquam jam sit: unde consequitur rectam K<sub>2</sub>H<sub>2</sub> nusquam occurrere Hyperbolæ, Reliquis autem omnibus OZ<sub>3</sub>, OZ<sub>4</sub>, OZ<sub>5</sub> secantibus circulum in puncto t coeunte cum O, & in alio puncto T<sub>3</sub>, T<sub>4</sub>, T<sub>5</sub>, citra directricem sito, reliquæ omnes K<sub>3</sub>H<sub>3</sub>, K<sub>4</sub>H<sub>4</sub>, H<sub>5</sub>H<sub>5</sub> secabunt ramum ceteriorem Hyperbolæ in unico puncto P<sub>2</sub>, P<sub>3</sub>, P<sub>4</sub> singulæ, altera interfectione, quæ nimirum in rectis K<sub>3</sub>H<sub>3</sub> K<sub>5</sub>H<sub>5</sub> determinanda erat per punctum t, ita in infinitum abeunte, ut nusquam jam sit, quod de interfectione rectæ K<sub>4</sub>H<sub>4</sub>, constat ex constructione probl. 2. num. 120, Cum vero quævis Z<sub>1</sub>O, Z<sub>3</sub>O utcumque parum inclinata ad illam Z<sub>2</sub>O perpendicularem radio LO circulum necessario secet in aliquo puncto T<sub>1</sub>, T<sub>3</sub> hinc, vel inde a contactu O, pariter quævis K<sub>1</sub>H<sub>1</sub>, K<sub>3</sub>H<sub>3</sub> utcumque proxima illi K<sub>2</sub>H<sub>2</sub> secabit ramum ceteriorem, vel ulteriorem in aliquo puncto P<sub>1</sub>, P<sub>2</sub>, ac proinde recta illa K<sub>2</sub>H<sub>2</sub> indefinite producta accedet hinc ramo ulteriori, inde ceteriori indefinite productis magis, quam pro data quavis distantia, quin ipsis unquam occurrat, quod ipsum exprimit asymptoti nomen. Quare in Hyperbola, si rectæ, quæ parallelæ sunt rectæ datæ, cum directrice efficiant angulum aequalitatis, nulla Hyperbolam contingit, una ex  
iis

is omnibus est asymptotus, quæ nimirum nusquam ipsis occurrit, sed binos ramos relinquit hinc inde, licet ad eos accedat magis, quam pro data quavis distantia utcumque parva: reliquæ omnes secant in singulis punctis singula ratum ceteriorem, vel ulteriorem, prout jacuerint hinc inde ab asymptoto sibi parallela, altera earum intersectione ita in infinitum abeunte, ut nusquam jam sit. Quod secundo loco de Hyperbola proposuimus.

157. Si veto demum recta data faciat cum directricæ angulum majorem angulo æqualitatis, ut in fig. 51, recta LO accedet magis ad perpendicularum LS, abeunte puncto O intra circulum. Quamobrem quævis recta ZO per ipsum O ducta secabit circulum in binis punctis, quorum alterum  $\tau$  jacebit ultra directricem, alterum T citra. Quævis igitur recta KH secabit pariter Hyperbolam in binis punctis, quorum alterum  $p$  jacebit ultra, alterum P citra directricem, quod de recta  $K_2H_2$  transeunte per focum demonstratum est ex constructione problematis secundi. Quare si ille inclinationis angulus sit major angulo æqualitatis, omnes illæ rectæ secant Hyperbolam in binis punctis, nimirum singulos ramos in singulis: Quod erat postremo loco propositum de Hyperbola.

Coroll. 2.

158. Recta Conicam Sectionem nec in pluribus, quam in duobus punctis secat, nec in pluribus, quam in unico, contingit.

159. Patet ex Coroll. 1., ex eo nimirum, quod recta OZ circulum nec in pluribus, quam duobus punctis, secat, nec in pluribus, quam in unico, contingit.

## SCHOLIUM II.

160. **A**dmirabilis sane ac notatu dignissima est asymptotorum natura, quæ nimirum si perpetuo producantur, perpetuo ad lineas pariter productas ita accedunt, ut nulla sit distantia utcumque parva, quam aliquando non transcendant; licet omnino nunquam coincidunt, in quo cum convergentibus serièbus analogiam habent summam, & plurima sunt earum genera, de quibus agemus suo loco. Interea, ut evidentior evadat Tyroni res, immediate etiam hoc pacto demonstrabitur.

161. Si recta  $K_2H_2$  in fig. 50 usquam Hyperbolæ occurreret in  $R$ , vel  $r$ , deberet esse  $FR$  ad  $RH_2$ , vel  $Fr$  ad  $rH_2$  in ratione æqualitatis cum lineâ data in angulo æqualitatis ponatur inclinata ad directricem. Id autem fieri omnino non potest ob angulos  $RH_2F$ ,  $rH_2F$  rectos. Recta igitur  $K_2H_2$  quantumlibet producat, nusquam Hyperbolæ occurreret. At si sumatur, quævis  $K_1H_1$ , vel  $K_3H_3$  jacens ultra ipsam, vel citra, & ipsi utcumque proxima, illa Hyperbolæ occurreret, atque occurfus facile determinatur. Si enim ea occurrat rectæ  $FH_2$  in  $i$ , vel  $l$ , erit angulus  $FH_2i$ ,  $FH_2l$  acutus ob angulum  $F_2H_1$ ,  $F_1H_3$  rectum. Quare si fiat angulus  $H_1FP_1$ ,  $H_3FP_2$  æqualis ipsi  $FH_2i$ ,  $FH_2l$ , adeoque pariter acutus, recta  $FP_1$ ,  $FP_2$  occurreret alicubi rectæ  $H_1i$ ,  $H_3l$  in  $P_1$ ,  $P_2$ , eritque triangulum  $FP_1H_1$ ,  $FP_2H_3$  isosceles, ac proinde  $FP_1$ ,  $FP_2$  ad  $P_1H_1$ ,  $P_2H_3$  in ratione æqualitatis, & punctum  $P_1$ ,  $P_2$  ad Hyperbolam, quorum primum jacebit ultra directricem, ut  $i$ , secundum citra, ut  $l$ . Quæ quidem demonstratio & simplicissima, & evidentissima est.

162. Simul autem hic etiam sine circulo problema admodum facile solvitur inveniendi punctum ad Hyperbolam in recta inclinata in angulo æqualitatis, & patet ex constructione ipsa eam in unico puncto Hyper-

parabolæ occurrere . Eodem pacto etiam in parabola fig. F.48  
 48 rectorum KH directrici perpendicularium intersectio  
 cum Parabola facilius invenitur facto angulo  $H_1FP_1$   
 æquali angulo  $FH_1P_1$ . Res eodem redit, cum ibi an-  
 gulus rector æqualem rationem requirat, & proinde  
 angulorum æqualitatis vices gerat.

163. Sequentibus hujus constructionis Corollariis erue-  
 mus primum proprietates quasdam harum linearum,  
 quæ solæ inter omnes sibi parallelas Sectioni Conicæ  
 nusquam occurrant, reliquis omnibus eam secantibus  
 semel, tum faciemus gradus ad eas, quarum aliæ bis  
 secant, aliæ contingunt.

Coroll. 3.

164. *In Hyperbola asymptoti sunt bina, sunt perpen-  
 diculares, rectis a foco ductis ad earum intersectionem cum  
 directrici, transeant per centrum, binos ramos binis ad  
 verticem oppositis angulis continent, quos angulos axis  
 transversus bifariam secat, ac earum segmenta interce-  
 pta inter centrum & directricem æquantur singula semia-  
 xi transverso.*

165. Binas esse constat ex eo, quod habeantur bi-  
 næ inclinationes LN, Ln in fig. 50 hinc inde in an-  
 gulo æqualitatis, ac singulæ habere debeant asymp-  
 totum sibi parallelam. Esse perpendiculares rectis a foco  
 ductis ad earum intersectiones cum directrici, demon-  
 stratum est num. 156. Reliqua sic demonstrantur. Cen-  
 tro C intervallo semiaxis transversi CM in fig. 52 in- F.52  
 veniantur in directrici puncta H, h ductisque CH, Ch,  
 & FH, Fh, erit CF ad CH, ut CH ad CE in ratio-  
 ne determinante, cum in ea sit CF ad CM, & CM  
 ad CE ( num. 90. ). Quare primo, quidem rectæ CH,  
 Ch, quarum ratio ad CE est eadem, ac ratio radii  
 ad sinum anguli CHE, ChE, inclinantur directrici in  
 angulo æqualitatis ( num. 10 ). Deinde similia erunt  
 triangula CHF, CHE ( Coroll. 2. Prop. 12. Geom. )  
 Quare angulus CHF erit æqualis recto CEH, adeo-  
 que CH erit asymptotus, & eadem est demonstratio  
 pro Ch, quarum utraque præterea ex constructione æ-

## 52 SECTIONUM CONICARUM

quatur semiaxi transverso  $CM$ . Patet autem triangulū  $HCh$  isoscelis angulum  $HCh$  ab axe  $CM$  perpendiculari basi secari bifariam, ut & basim ipsam, ac cum singulæ asymptoti binas ramos hinc inde relinquunt, oportet rami ipsi jaceant in binis earum angulis ad verticem oppositis.

Coroll. 4.

166. *Distantia foci ab intersectione asymptoti cum directrice aequatur semiaxi conjugato, ac utrique æquatur segmentum tangentis per verticem axis ductæ, & interceptum ipso vertice, atque asymptoto.*

167. Nam ob angulum  $FHC$  rectum, est quadratum  $FH$  differentia quadratorum  $CF$ ,  $CM$ , cui (num. 64) æquatur quadratum semiaxis conjugati  $CX$ , adeoque  $FH$ ,  $CX$  æquantur inter se. Si autem recta axi perpendicularis per  $M$  ducta, quæ ibi Hyperbolam continget (num. 48), occurrat asymptotis in  $T$ ,  $t$ , æqualia erunt triangula rectangula  $CMT$ ,  $CHF$ , quorum angulus ad  $C$  communis, & latera  $CM$ ;  $CH$  æqualia, adeoque &  $MT$  æquatur  $FH$ , &  $CT$  æquatur  $CF$ , ac eadem est demonstratio pro  $Fh$ ,  $Mt$ ,  $Ct$ .

Coroll. 5.

168. *Asymptoti sunt diametri ejus rectanguli, quem efficiunt recta utrique axi parallela, ducta per alterius vertices, habentis latera ipsis axibus æqualia; ac radius ad tangentem anguli, quem utraque asymptotus continet cum utrolibet axe, est ut ille axis ad alterum: & Hyperbolæ, quæ habent eosdem cum eodem axe asymptotorum angulos, sunt similes, & viceversa.*

169. Si enim per alterum axis verticem  $m$  ducatur recta axi transverso perpendicularis, occurrens asymptotis  $CT$ ,  $Ct$  in  $I$ , &  $i$ , erunt eadem demonstratione  $mI$ ,  $mi$  æquales ipsi  $CX$ ,  $Cx$ ; cum &  $eç$ , &  $Mt$ ,  $MT$  sint iis præterea parallelæ, recta quoque  $iX$ ,  $Tx$  parallelæ erunt, & æquales (Coroll. 1. Prop. 2. Geom.) semiaxi transverso  $CM$ , & recta  $IX$ ,  $ix$  semiaxi  $Cm$ , ac totum  $TiIi$  rectangulum habens latera æqualia ipsis

sis axibus  $Mm$ ,  $Xx$ ; ubi radius ad tangentem anguli  $MCt$  est, ut  $CM$  ad  $Mt$ , sive ad  $CX$ , vel ut  $Mm$  ad  $Xx$ ; ac radius ad tangentem anguli  $XCt$ , ut  $CX$  ad  $Xt$ , vel ad  $CM$ , sive ut  $Xx$  ad  $Mm$ . Hyperbolæ vero, quæ eandem habebunt ad eundem axem asymptotorum, inclinationem, eandem habebunt rationem axis transversæ ad conjugatum, adeoque erunt similes, & viceversa.

Coroll. 6.

170 Si altera e binis Hyperbolis habeat pro axe transverso axem conjugatum alterius, & viceversa, quas dicimus Hyperbolas Conjugatas, communes habebunt asymptotos, & æqualem focorum distantiam a communi centro.

171. Si enim alia Hyperbola habeat pro axe transverso,  $Xx$ , pro conjugato  $Mm$ , rectangulum illud superioris Corollarii erit pro utraque idem; adeoque communes utrique diametri ejus rectanguli, & distantie focorum a centro, quæ in singulis æquari debent eidem  $CT$ , vel  $Ct$ , communes erunt.

SCHOLIUM III.

172. HÆC quidem de Hyperbolarum asymptotibus fere sponte fluxerunt, ex quibus facile solvuntur plurima problemata, quibus quærantur asymptoti dato foco, centro, & directricæ, vel foco, centro, & vertice axis transversæ, vel binis axibus, vel quærratur directrix datis asymptotibus, & foco, vel alia hujusmodi, quæ per se quisque facile solvet; pendent autem a combinatione eorum; quæ in iis theorematibus connectuntur inter se. Plures aliæ maxime notabiles asymptotorum proprietates occurrent infra. Notanda interea mira indoles quatuor ramorum pertinentium ad binas Hyperbolas conjugatas, quorum crura in infinitum producta ad se invicem accedunt magis, quam pro quavis data differentia, quin usquam concurrant. Porro ejus figuræ, quam simul concludunt,

ana-



## 54 SECTIONUM CONICARUM.

analogia quædam satis elegans cum Ellipsi ultro pariter se nobis offeret infra. Interea transibimus ad nonnullas proprietates rectorum Conicam Sectionem secantium, quæ ad plures tangentium proprietates nos deducunt.

### Coroll. 7.

173. Si recta directrici alicubi occurrens Sectionem Conicam in binis punctis secet, bini radii foci ad Sectionum puncta ducti, cum recta transeunte per illum occursum, & focum continebunt angulos hinc inde æquales. Si autem contingat, recta ducta a foco ad contactum, & occursum cum directrice rectum angulum continebunt.

F.41 174. Nam in fig. 41, 42, 43, 44 in quibus puncta  
 42 P, p jacent in eodem ramo, posito V in recta HF pro-  
 43 ducta ad partes F, in fig. vero 45 eo posito ad partes  
 44 H; anguli HFP, VFp, quos rectæ FP, Fp continent  
 45 cum recta VF, erunt æquales angulis LTt, LtT, quos  
 radii LT, Lt iis paralleli continent cum chorda Tt pa-  
 rallela ipsi VFH; adeoque cum hi æquentur inter se  
 ob isoscelismum trianguli TLt, etiam illi inter se pari-  
 ter æquales erunt.

175. Inde autem jam patet, si coeuntibus punctis P,  
 p, ubi ad eundem ramum terminantur, recta KH eva-  
 dat tangens, foci radiis FP, Fp coeuntibus in unicum,  
 debere ipsum hunc radium evadere perpendicularem ipsi  
 VFH. Sed idem multo magis manifestum fit in fig. 46,  
 47, 49, ubi angulus, quem IF, vel zF continet cum  
 F.46 FH sibi respondente, debeat esse æqualis angulo, quem  
 47 circuli radius LQ, vel Lq priori parallelus continet cum  
 49 QO, qO tangente circuli parallela posteriori, adeoque  
 rectus.

### Coroll. 8.

176. Bina tangentes ductæ per extrema puncta chordæ transeuntis per focum (Chordam autem dico rectam, quæ jungit bina quavis perimetri puncta, licet in Hyperbola ea pertineat ad ramos oppositos) concurrunt in directrice, & ibi continent angulum in Ellipsi acutum, in Para-  
 raba-

*Parabola rectum, in Hyperbola obtusum, vel acutum, prout chorda jungit bina puncta ejusdem rami, vel ramorum oppositorum.*

177. Si enim chorda  $Pp$ , in fig. 53, 54 transeat per F. 53  
 focum F, ducta FH ipsi perpendiculari, donec occurrat 54  
 directrici in H, rectæ PH, pH erunt tangentes (num.  
 173). Ductis autem in primo casu in fig. 53 rectis  
 PD, pd perpendicularibus directrici, erit PF in Ellipsi  
 minor, in Parabola æqualis, in Hyperbola major,  
 quam PD, adeoque cum PD, PF sint sinus angulorum  
 PHD, PHF ad radium communem HP (num. 25.  
 Trig.), erit angulus PHF in Ellipsi minor, in Parabo-  
 la æqualis, Hyperbola major, quam PHD; ac pariter  
 etiam pHF respectu pHd. Quare totus angulus PHp con-  
 stans e binis PHF, pHF minor in Ellipsi, æqualis in  
 Parabola, major in Hyperbola binis PHD, pHd simul  
 sumptis, sive residuo ad duos rectos, quibus nimirum  
 æquantur omnes anguli prodeuntes ex H versus F si-  
 mul sumpti; ac proinde ipse PHp recto minor in Elli-  
 psi, æqualis in Parabola, major in Hyperbola. At in  
 fig. 54, ubi P, p sunt ad ramos oppositos, ob angu-  
 lum HFP rectum, acutus est totus FHp, adeoque mul-  
 to magis PHp acutus est.

Coroll. 9.

178. *Recta ex concursu tangentium directrici perpen-  
 dicularis in Parabola chordam per focum ductam secat  
 bifariam, & ejus segmentum inter directricem, & chor-  
 dam interceptum æquatur dimidiæ chordæ, ac secatur bi-  
 fariam in ipsa Parabole perimetro.*

179. Nam in Parabola fig. 53 ob æquales angulos  
 PHD, PHF, & angulos PDH, HFP rectos, angulus  
 quoque HPI æqualis erit angulo HPD, sive ducta per-  
 pendiculari ad directricem, & proinde parallela PD,  
 æqualis angulo PHI alterno ipsius HPD. Igitur & la-  
 tera IH, IP trianguli PHH, æqualibus angulis opposita,  
 æqualia erunt, ac eadem demonstratione ip æquatur IH,  
 adeoque & IP. Si autem ipsa HI occurrat perimetro in  
 V, erit FV æqualis VH, adeoque angulus VFH æqua-  
 lis

56 SECTIONUM CONICARUM.

lis VHF. Cum igitur in triangulo rectangulo IFH binis anguli VHF, VIF simul æquantur tertio IFH recto, erit & VIF æqualis VFI, & VI æqualis VF, adeoque & VH.

SCHOLIUM IV.

180. **E** Corollario septimo admodum facile deducitur aliud Theorema, quod quidem posset hic in Corollatorum serie collocari. Vetum cum contineat unam è præcipuis Sectionum Conicarum generalibus proprietatibus, & ipsam itidem admodum fecundam, eandem sequenti Propositione enunciabimus: tum ex ea plura deducemus Corollaria, quorum pleraque summum habent usum. At primi raro admodum usus adveniet, nec ab eo alia pendent. Cum tamen in Elementis demonstrari soleat, ipsum etiam deducemus, & ita exprimemus, ut generaliter verum sit, licet ab aliis ita exprimi soleat, ut in aliquo casu sit falsum.

PROPOSITIO IV. THEOREMA.

181. *SI è quovis puncto perimetri in Ellipsi, vel Hyperbola ducantur bina recta ad binos focos, vel in Parabola altera ad unicum focum, altera axi parallela, ea cum tangente per idem punctum ducta aequales continent angulos hic inde.*

182. De Parabola patet ex eo, quod ob angulum HFP in fig. 53 rectum (num. 173.), & basim HP communem, ac latera PF, PD æqualia, æquatur angulus HPF angulo HPD, vel productis DP, HP in O, & Q, angulo quoque OPQ ipsi ad verticem opposito.

183. In Ellipsi autem, & Hyperbola fig. 55, 56 si tangens per P ducta occurrat directrici AB pertinenti ad focum F in H, & directrici ab pertinenti ad focum, f juxta num. 87. in h, inclinabitur in eodem angulo ad utramque, cum eæ nimirum sint parallelæ.

Qua-

Quare erit (num. 2, & 87)  $FP$  ad  $PH$ , ut  $fP$  ad  $Ph$ , adeoque ob angulos ad  $F$ , &  $f$  rectos æquales ( num. 173) etiam (num. 25. Trig.) cosinus angulorum  $FPH$ ,  $fPh$ , & ipsi anguli  $FPH$ ,  $fPh$  inter se, ac in Hyperbola, productis pariter  $hP$ ,  $fp$  in  $Q$ , &  $O$ , anguli  $FPH$ ,  $OPQ$  æquales erunt. Q.E.D.

Coroll. 1.

184. Duplum anguli, quem continent binæ tangentes, æquatur in Parabola angulo, quem binæ rectæ a contactibus ad focum ductæ ibi continent si ibi continent ita, ut cuspis anguli spectet concursum tangentium; in Ellipsi vero differentia, in eodem Hyperbolæ ramo summa binorum angulorum, quos ejusmodi rectæ ad binos focos ductæ in iis continent, si in Ellipsi bini hiatus se mutuo spectent, & in Hyperbola uterque spectet eandem plagam; quod si anguli diversas positiones habeant, alter ex iis substitui debet ejus complemento ad quatuor rectos.

185. Nam in fig. 57 in Parabola si tangentes sint  $MPH$ ,  $mpH$ , ducantur  $PO$ ,  $po$ ,  $Hn$  parallelæ axi ad eam plagam, ad quam ipse in infinitum protenditur intra Parabolam, & recta  $HFN$  per focum  $F$ , erunt bini anguli  $FPH$ ,  $FpH$  æquales binis in contactu  $MPO$ ,  $mpo$ , sive ob parallelas binis  $PHn$ ,  $pHn$ , adeoque simul toti  $PHp$ . Angulus autem  $NFP$  externus æquatur simul binis  $FPH$ ,  $FHP$ , &  $NFp$  binis  $FpH$ ,  $FHp$ , adeoque totus  $PFp$  toti  $PHp$  una cum binis  $FPH$ ,  $FpH$  ipsi æqualibus, nimirum duplo  $FHp$ .

186. At in Ellipsi in fig. 58 ductis  $HFN$ ,  $Hfn$ , bini  $FPH$ ,  $FpH$  æquales erunt binis  $fPM$ ,  $fpM$ , sive quatuor internis, & oppositis  $PfH$ ,  $PHf$ ,  $pfH$ ,  $p fH$ , nimirum toti  $PHp$ , & toti  $Pfp$ . Angulus autem  $PFp$  æqualis binis  $PFN$ ,  $pFN$ , sive quatuor internis  $FPH$ ,  $FHP$ ,  $FpH$ ,  $FHp$ , vel binis illis  $FPH$ ,  $FpH$  cum angulo  $PHp$ , adeoque angulo  $PHp$  bis, & toti  $Pfp$  semel. Quare angulo  $Pfp$  dempto a  $PFp$ , remanet angulus  $PHp$  bis.

187. Demum in Hyperbola fig. 59 ductis  $fHn$ ,  $HFN$ , angulo-

58 SECTIONUM CONICARUM

F.59 angulus  $PFp$  constans binis  $PFN$ ,  $pFN$  cum æquetur quatuor  $FPH$ ;  $FHP$ ;  $FpH$ ;  $FHp$ ; excedit  $PHp$  per binos  $FPH$ ;  $FpH$ . Simili argumento  $PHp$  excedit  $Pfp$  per binos  $HPf$ ;  $Hpf$  prioribus æquales. Igitur  $PFp$ ,  $PHp$ ;  $Pfp$  sunt in continua arithmetica proportione; & binorum extremorum summa æquatur duplo medio.

F.60 188. Quod si angulus  $PFp$  ut in fig. 60; 61; 62 ob-  
61 vertat hiatum ad partes oppositas  $N$ , pro ipso sumen-  
62 dum erit ejus complementum ad quatuor rectos; nimirum aggregatum binorum  $PFN$ ;  $pFN$ ; ac demonstratio eodem redibit.

Coroll. 2.

189. In Ellipsi normalis tangenti; & in Hyperbola tangens dividit bifariam angulum, quem continent bini binorum focorum radii ad contactum ducti, ac ipsa normalis; & tangens una cum binis focus axem dividunt in proportione harmonica.

F.63 190. Primum patet: si enim in Ellipsi in fig. 63; &  
64 in Hyperbola in fig. 64 tangens occurrat axi in  $T$ , ac  $PI$  ipsi normalis in  $I$ ;  $FP$ ;  $fP$  in Hyperbola debent æquales angulos continere cum tangente  $PT$ ; quæ si in Ellipsi producat in  $H$  ad partes oppositas  $T$ ; erunt pariter æquales anguli  $FPT$ ;  $fPH$ ; adeoque &  $FPI$ ;  $fPI$ ; eorum complementa ad rectos  $TPI$ ;  $HPI$  æquales erunt.

191. Secundum autem deducitur ex primo, & ex nu. 39, cum nimirum rectorum  $PT$ ,  $PI$  altera fecet bifariam angulum  $FPf$ , altera sit huic ipsi perpendicularis.

Coroll. 3.

192. Bina distantia  $FP$ ;  $fP$  focorum a contactu; binæ  $FI$ ,  $fI$  in axe computata a normali; binæ  $FT$ ,  $fT$  ibidem computata a tangente sunt in eadem ratione inter se. Tres distantia  $CI$ ,  $CF$ ;  $CT$  centri  $C$  computata in axe a normali; a foco; a tangente sunt in continua ratione geometrica rectorum  $FI$ ;  $FT$ ; in qua focus dividit distantiam  $IT$  normalis a tangente. Si e binis focus, & centro demittantur perpendiculara  $FA$ ;  $CL$ ,  
fa in

*fa* in tangentem, sunt in eadem ratione inter se quatuor rectarum binaria, 1. *TF*, *TI*, 2. *TC*, *Tf*, 3. *FA*, *IP*, 4. *CL*, *fa*.

193. Patent omnia ex proprietatibus proportionis harmonicae propositis ante Prop. 1. a num. 18. Nimirum eandem esse rationem *FI*, *If*, & *FT*, *Tf*, ac *FP*, *Ff* partim ex ipsa notione proportionis harmonicae, partim ex num. 30: Rectas *CI*, *CF*, *CT*, esse continue proportionales in ratione *If* ad *fT* patet ex num. 22 ob *Ff* intervallum binorum punctorum alternorum sectum bifarium in *C*. Sunt autem *IF* ad *FT*, ut *If* ad *fT*, ex prima hujus parte. Demum ob parallelismum, rectae *FA*, *IP*, *CL*, *fa* sunt inter se, ut *FT*, *IT*, *CT*, *fT*. Has autem esse geometrice proportionales constat ex num. 26.

Coroll. 4.

194. *In Ellipsi, & Hyperbola si ex utrovis foco ducatur perpendicularum in tangentem, recta jungens hujus extremum punctum cum centro, parallela est recta jungenti contactum cum foco altero, & equalis semi-axi transverso; adeoque ipsi equalis erit recta ex centro ad tangentem ducta parallela jungenti focum cum contactu ipso; eidem vero aequale est etiam segmentum rectae transeuntis per contactum, & focum utrumlibet interceptum ipso contactu, & recta tangenti parallela ducta per centrum.*

195. Nam si tangens *TP* in fig. 63, 64 occurrat in *A*; & *O* rectis *CA*, *FO* parallelis rectae *fP*, recta vero ducta per *C* parallela ipsi *HP* rectis *PF*, *Ff*, *OF*, in *B*; *b*, *R*; ob *CF*, *Cf* aequales; erunt aequales etiam *PA*, *AO* (Coroll. 5 Propos. 12 Geom.) intercepte iisdem parallelis *FO*, *CA*; *fP*, ac ob eandem rationem *CR*, *Cb* aequales erunt inter se, ac proinde aequales etiam *FR*, *fb* in triangulis *RCF*, *bCf* equalibus. Cum vero recta *FP* contineat cum tangente eundem angulum, quem *fP*, adeoque eundem, quem *FO* huic parallela, triangulum *PFO* erit isosceles, & *FO* equalis *FP*. Quare primo quidem in triangulis *FAO*, *FAP*  
ob

60 SECTIONUM CONICARUM

ob omnia latera equalia, anguli ad A erunt equales; & recta FA perpendicularis tangenti. Deinde cum RF equetur  $fb$ , & FO equetur FP in fig. 63, summa FP, Pb, bf, quę (num. 92) equatur axi transverso, equalis erit summe OF, Pb, FR, sive binis OR, Pb, quarum singule cum equentur inter se, & equentur CA ob parallelismum, erit tam CA parallela  $fP$ , quam Pb equalis semiaxi transverso CM: imo cum & triangulum BPb sit isosceles ob angulos ad B, & b equales angulis alternis ad P, erit & PB equalis Pb, adeoque ipse semiaxi. In Hyperbola vero in fig. 64 excessus Pf supra FF, erit idem, ac summa excessuum Pf supra bf, sive FR, & ipsius FR supra PF, sive FO, quę nimirum equabitur binis PB, OR equalibus inter se, vel duple AC. Cum igitur ille excessus Pf supra PF equetur pariter axi transverso, equabitur ejus dimidio tam CA, quam Pb, & eodem, quo in Ellipsi, argumento FB.

Coroll. 5.

196. Perpendicularum e foco in tangentem ductum incidit in Ellipsi, & Hyperbola in concursum tangentis ipsius cum circulo habentis pro diametro axem transversum, in Parabola vero in rectam axi perpendicularem in ipso vertice.

197. Primum constat ex precedenti, cum nimirum in fig. 63 64, ob rectam CA equalem CM, circulus centro C radio CM debeat transire per A, Secundum F.65 patet in fig 65 ex eo, quod si tangens occurrat rectę FD in A, eam ibi secabit bifariam, cum secet bifariam angulum ad P trianguli isoscelis FPD. Ac proinde, si ducatur MA, ea ob FD, FE sectas bifariam in A, & M erit parallela directrici ED, adeoque perpendicularis axi.

Coroll. 6.

198. In ipsa Parabola id perpendicularum est medium geometrice proportionale inter quadrantem lateris rectę principalis, & distantiam contactus a foco, ac mutato  
utcum

et cumque puncto contactus, est in ratione subduplicata distantie ipsius.

199. Nam triangula rectangula  $FMA$ ,  $FAP$  similia sunt, cum habeant unum angulum rectum equalem, & angulus  $PFA$  equalis  $PDA$  ob  $PD$ ,  $PF$  equales, æquatur etiam alterno  $AFM$ , ac proinde  $FM$  ad  $FA$ , ut  $FA$  ad  $FP$ . Hinc autem quadratum  $FA$  æquatur rectangulo sub  $FM$ , quæ (n. 68.) est quarta pars lateris recti principalis, &  $FP$ , adeoque ob  $FM$  invariata, ut cumque mutetur  $P$ , id quadratum est, ut  $FP$ , nimirum ipsa  $FP$  in ratione duplicata  $FA$ , & hæc in subduplicata illius.

Coroll. 7.

200. In Parabola ipsa normalis terminata ad axem est dupla perpendiculi e foco in tangentem demissi: distantia foci tam a normali, quam a tangente computata in ipso axe, equalis distantie contactus a foco; subtangens dupla abscissa, subnormalis dimidia lateris recti principalis; normalis ad tangentem, ut latus rectum ad ordinatam.

201. Nam nomine *Tangentis*, *Normalis*, *Subtangentis*, *Subnormalis*, intelligitur  $PQ$  intercepta inter contactum & axem;  $PI$  perpendicularis tangenti pariter terminata ad axem;  $QR$  segmentum axis inter tangentem, & ordinatam;  $RI$  segmentum ejusdem inter normalem, & ordinatam. Porro primo  $PI$  æquatur  $FD$  ob parallelas, adeoque est dupla  $FA$ . Secundo erit inde, ut  $IP$  dupla  $FA$ , ita  $IQ$  dupla  $FQ$ ; adeoque  $FQ$  æqualis  $FI$ , sive  $PD$ , nimirum distantie  $FP$ . Tertio ut  $IP$  dupla  $FA$ , ita  $PQ$  dupla  $AQ$ , adeoque & subtangens  $RQ$  dupla  $MQ$ , adeoque dupla etiam abscissæ residuæ  $RM$ . Quarto in triangulis  $FED$ ,  $IRP$  ob laterum omnium parallelismum similibus, & ob  $RP$ ,  $ED$  æquales, æqualibus, erit subnormalis  $RI$  æqualis  $FE$  dimidio lateri recto principali. Quinto demum ob angulum ad  $I$  communem triangulis rectangulis  $IRP$ ,  $IPQ$  erit normalis  $IP$  ad tangentem  $PQ$ , ut  $IR$  ad semiordinatam  $RP$ , adeoque ut totum latus rectum ad totam ordinatam.



## 62 SECTIONUM CONICARUM

## SCHOLIUM.

202. **P**roprietas, quam in hac propositione demonstravimus est una è potissimis Sectionum Conicarum proprietatibus, quæ nimirum ipsis focus nomen dedit. Nam radii lucis in speculum incidentes ita reflectuntur, ut angulum reflexionis faciant angulo incidentiæ æqualem, qui anguli, ubi speculi superficies est curva, æstimantur penes tangentem in ipso incidentiæ, & reflexionis puncto. Nimirum in Ellipsi in fig. 66 radii omnes  $fP$  egressi e foco  $f$  incidentes in perimetrum debent reflecti ab  $F$ , & viceversa: in Parabola in fig. 67 radii omnes  $OP$  delati per rectas axi parallelas debent pariter colligi in  $F$ , & radii egressi ex  $F$  debent abire paralleli. In Hyperbola in fig. 68. si radii  $OP$  deferentur cum directione tendente ad  $f$  debent pariter colligi in  $F$ , & si egrediantur ex  $F$ , debent abire tanquam si egressi essent ex  $f$ . Atque hoc pacto igne satis valido excitato in  $f$ , potest in magna distantia accendi ignis in  $F$ , ac speculo Parabolico obverso soli, cujus radii adveniunt ad sensum paralleli, excitatur ignis in ejus foco  $F$ , ibidem vero accensa candela in ipso  $F$ , lumen satis validum ad magnam distantiam transmitti potest per radios post reflexionem parallelos.

203. His perspectis regrediemur iterum ad constructionem illam nostram, & motum lineæ parallelæ, unde aliam admodum insignem Sectionum Conicarum proprietatem eruemus, nimirum secundas diametros, quæ chordas omnes parallelas bifariam secant, ac ex hac ipsa alia theoremata tanquam ex novo quodam ramo novos surculos quoquoersum prorumpentes deducemus. Sed præmittemus Lemmâ quoddam generale, cujus usus etiam infra occurret, & in Geometria late patet.


LEMMA

L E M M A.

204. *SI tres rectæ, Pp, Qq, Tt in fig. 69; 70 con-*  
*veniant in eodem puncto F, & a binis punctis*  
*H, h unus ex iis, ut Pp, ducantur binæ parallele HA,*  
*ha usque ad alteram e reliquis, Tt, & binæ itidem pa-*  
*rallele HR, hr, vel jacentes, vel non jacentes cum iis*  
*in directum usque ad alteram Qq, erit semper HA ad*  
*HR, ut ha ad hr, ac mutato utrumque puncto H per*  
*rectam Pp, manentibus rectarum HA, HR directioni-*  
*bus, manebit earum ratio constans. Contra vero si fue-*  
*rint Hā, ha parallele inter se, & HR, hr inter se,*  
*fuerit autem HA ad HR, ut ha ad hr, jacentibus pun-*  
*ctis H, R; h, r, vel ad eandem plagam, ut in fig. 69.*  
*vel ad oppositas, ut in fig. 70, prout HA, hā jacerint*  
*ad easdem, vel ad oppositas, rectæ Qq, Pp, Tt ductæ*  
*per extrema parallelarum puncta H, h; A, a; R, r,*  
*vel nusquam concurrent, vel simul concurrent in eodem*  
*puncto F: & si manente ratione HR ad HA, earumque*  
*directione, binis puncta H, A excurrant per binas rectas,*  
*excurrat etiam R per rectam, si ille coeunt, convergen-*  
*tem ad idem punctum*

205. Prima pars patet, quia triangula HFA, hFa ob  
 angulos parallelarum æquales erunt semper similia, ut  
 & HFR, hFr. Quare erit HA ad HF, ut ha ad hF  
 & HF ad HR, ut hF ad hr, adeoque ex æqualitate ordi-  
 nata HA ad HR, ut ha ad hr. Secunda pars directe  
 facile demonstrari potest, sed deducitur facilius e prima.  
 Si enim coeuntibus rectis Hh, Aa in F, recta per F, & r  
 ducta non transiret per R, transiret per aliud punctum  
 O rectæ HR, & esset HA ad HO, ut ha ad hr, sive  
 ex hypothesi ut HA ad HR, & proinde HO, HR æqua-  
 les, pars, & totum.

## PROPOSITIO V. THEOREMA;

206.  *Chordas omnes parallelas inter se bifariam fecat diameter, quæ in Ellipsi, & Hyperbola semper per centrum transit, in Parabola est directrici perpendicularis, siue axi parallela, & data Sectione Conica, ac inclinatione ordinatarum, datur.*

207. De chordis parallelis, vel perpendicularibus directrici patet ex num 56, & 83, per quos bifariam secantur hæ ab axe conjugato, illæ ab axe transverso.

F.71 De reliquis sic demonstratur. In fig. 71, 72, 73, 74  
 72 quæ constructæ sunt juxta num. 142, & quarum prima  
 73 pertinet ad Ellipsim, secunda ad Parabolam, tertia  
 74 ad chordas jungentes in Hyperbola bina ejusdem rami puncta, quarta ad chordas jungentes in ipsa Hyperbola ramos oppositos, agatur LV perpendicularis ad chordam circuli Tt, quam & secabit bifariam: producat LO, qua opus est, ut circulo ipsi occurrat in M, & m, secetur chorda Pp bifariam in R, ducaturque per focum F chorda P'p' ipsi parallela, occurrens directrici in Q, erectaque FI ipsi perpendiculari, quæ necessario alicubi occurret directrici in I, ducatur IR' ipsam p'P' secans bifariam in R', quæ (num. 134) in Ellipsi, & Hyperbola transibit per centrum, in Parabola erit perpendicularis directrici, adeoque patallela axi.

208. Jam vero cum sit HP ad HF, ut OL ad OT, & HF ad Hp, ut Ot ad OL, erit ex æqualitate perturbata HP ad H'p, ut Ot ad OT, & HR ipsarum HP, Hp semisumma in prioribus tribus figuris, semidifferentia in postrema, ad priorem HP, ut OV pariter semisumma, vel semidifferentia ipsarum Ot, OT ad priorem Ot. Quare cum ratio HR ad HA componatur ex tribus HR ad HP, HP ad HF, HF ad HA, & prima sit eadem ac OV ad Ot, secunda eadem ac OL ad OT, ac tertia, ob triangulorum rectorangulorum HAF,

E L E M E N T A. 65

HAF, OVL similitudinem, eadem, ac OL ad OV, erit ipsa ratio HR ad HA eadem, ac solidi sub rectis OV, OL, OL ad solidum sub rectis Ot, OT, OV, nimirum ob VO communem; ut quadratum OL ad rectangulum TOt, sive ad rectangulum MOm ipsi æquale (Prop. 13. Geom.). Ea ratio est constans; utcumque mutata positione chordæ Pp, dummodo ejus inclinatio ad directricem sit semper eadem, manentibus nimirum semper punctis O, M, L, m. Inde autem deducitur ex num. 204, omnia puncta R fore semper in eadem recta. Cum nimirum maneat & directio rectarum HA, HR, & ratio, ac puncta H, A excutrant per rectas IH, IF, excurreret etiam punctum R per rectam ex I ductam, & chordæ omnes parallelæ ab eadem diametro bifariam secabuntur. Ea autem diameter erit illa ipsa IR', quæ chordam per focus transeuntem bifariam secat. Atque id quidem patet ex eo, quod ea recta debet secare bifariam chordam quamvis utcumque proximam chordæ P'Rp' transeunti per focus F. Sed sic accuratissime demonstratur; nam demonstratio illa generalis pro chordis omnibus non habet locum pro ea, quæ per focus transit, licet facile ad eandem reduci possit.

209. Ratio HR ad HA est eadem, ac quadrati LO ad rectangulum MOm (num. 208), nimirum (Coroll. 2, & 5. Prop. 13. Geom.) ad differentiam quadratorum OL, LM. Quare erit HR ad RA differentiam in prioribus tribus figuris, summam in quarta ipsarum HR, HA, ut quadratum OL ad quadratum LM, quod pariter provenit si in illis a quadrato OL auferatur differentia quadratorum OL, LM, & in postrema figura addatur, nimirum ut quadratum OL ad quadratum LT, vel ut quadratum HP ad quadratum PF, sive ut quadratum QP' ad quadratum P'F; & invertendo RA ad RH in ratione duplicata FP' ad P'Q, in qua ipsa ratione est R'F ad R'Q, cum (num. 134) R'F, R'P, R'Q sint continue in ea ratione simplici. Recta igitur IR' debet transire per R' (num. 204).

F 3 ipsa

## 66 SECTIONUM CONICARUM

ipsa  $IR'$  in Ellipsi, & Hyperbola transeat per centrum (num 134), in Parabola sit perpendicularis directrici, patet chordas omnes parallelas habere suam diametrum, quæ eas omnes bifariam secet, & transeat in illis per centrum, in hac sit perpendicularis directrici, & parallela axi, adeoque detur invento puncto  $I$  per rectam  $FA$  perpendicularem cuilibet ex hujusmodi chordis,  $Q. E. D.$

Coroll. 1.

210. *Quævis recta per centrum transiens in Ellipse, & Hyperbola, præter solas Hyperbola asymptotos, & parallela axi in Parabola, est diameter suas habens ordinatas, quas bifariam secat, & quarum directio datur, data Sectione Conica, & ipsa diametro, nec præter axes ulla diameter suis ordinatis perpendicularis est.*

211. Rectam enim directrici parallelam, ac perpendicularem, sive axes ipsos, in Ellipsi & Hyperbola, quæ quidem ordinatis suis perpendicularis sit, esse ejusmodi constat ex num 56., & 83. Data autem quavis alia recta, quæ per centrum  $C$  transeat in fig. 71, 73, 74, ea directrici occurret in aliquo puncto  $I$ , ex quo ducta recta ad focum  $IF$ , & per  $F$  recta  $QF$  perpendiculari ipsi  $IF$ , ipsa  $IC$  secabit bifariam chordas omnes  $PP$  parallelas ipsi  $QF$ , quæ num. 149, semper habebuntur in fig. 71 in Ellipsi, ac in Hyperbola habebuntur semper, præter casum, quo in fig. 73, 74 recta  $FQ$  inclinatur ad directricem in angulo æqualitatis, quo solo casu rectarum eam inclinationem habentium altera intersectio ita recedit in infinitum, ut nusquam jam sit. At is casus est ille ipse in quo  $CI$  est alterutra ex asymptotis, & ipsi  $QF$  parallela. Nam in fig. 50 recta  $PH_2$  est perpendicularis asymptoto  $K_2H_2$  transeunti per centrum, & rectæ  $K_4FH_4$  habenti inclinationem æqualitatis ad directricem, juxta num. 156. in Parabola vero in fig. 72 quævis recta parallela axi transverso occurrit directrici alicubi in  $I$ , unde ducta recta  $IF$ , recta  $FQ$  huic perpendicularis,

ris ; non poterit esse perpendicularis directrici , in quo solo casu rectorum ipsi parallelarum altera intersectio ita in infinitum recedit , ut nusquam jam sit : cumque semper IF sit perpendicularis ordinate Pp , nusquam erit ipsi perpendicularis diameter IR ,

Coroll. 2.

212. Quavis diameter in Ellipsi occurrit perimetro in duobus punctis , in Parabola quavis in unico , in Hyperbola quavis in duobus pertinentibus ad binos ramos oppositos , vel in nullo , prout jacuerit in iisdem asymptotorum angulis , quos axis transversus bifariam secat , vel extra , que puncta diametrorum vertices dico ; ut in axibus : ac recta per hos ipsos vertices ducta ordinatis parallela est tangens . Porro cum diametri magnitudinem non desinio , intelligo segmentum ipsius interceptum binis verticibus , ac in Hyperbola diametros jacentes in angulis asymptotorum , in quibus jacet axis transversus , dico primarias , que jacent extra , dico secundarias , & hæc quidem occurrunt binis ramis Hyperbola conjugate , ac eorum quoque vertices , dico illa occursum puncta , pro earum magnitudine assumens segmentum interceptum binis verticibus . In Ellipsi autem quamvis diametrum primariam dico respectu suarum ordinatarum , ac in utraque diametrum parallelam ordinatis alterius diametri , seu tangentibus per ejus vertices ductis , dico ejus conjugatam .

213. Nam in primis in Ellipsi chordæ omnes (num. 149. ) , in quocunque angulo inclinentur , habent binas tangentes parallelas , quibus clauduntur , in quam tangentem si desinat chorda Pp in fig. 71 , debent binæ femiordinate RP , Rp , quæ nimirum semper æquantur inter se , simul evanescere , punctis P , p simul cum puncto diametri R abeuntibus in ipsum contactum . Eodem argumento in Parabola , in qua ordinatæ quæcumque unicam tangentem sibi parallelam habent ; diameter , quæ cum sit perpendicularis directrici , in unico puncto debet occurrere curvæ , illi occurret in illo ipso contactu . At in Hyperbola ordinatæ omnes , quæ

68 SECTIONUM CONICARUM.

ad directricem inclinatur in angulo minore, quam sit angulus æqualitatis, habent binas tangentes parallelas; contactibus pertinentibus ad ramos oppositos, quæ in angulo majore nullas habent. Potro in fig. 75. si CH sit altera ex asymptotis, & diametèr quædam CI accedat ad perpendicularum CE magis, quam ipsa, Ci minus, ac ipsis FI, FH, Fi perpendiculares sint FO, FQ, Fo; ( num. 134 ) quæ num. 211. erunt parallelæ ordinatis diametrorum CI, CH, Ci, satis patet, FO inclinari ad directricem in angulo minore, quam FQ, quæ ipsi asymptoto parallela, ob angulum FHC pariter rectum, inclinatur in angulo æqualitatis; Fo in angulo majore, adeoque prout diameter accesserit magis, quam utraque ex asymptotis CH, Ch ad axem CEF, vel minus, nimirum prout jacuerit in eo asymptotorum angulo HCh, quem axis transversus secat, vel extra, habebit binas tangentes suis ordinatis parallelas, & pertinentes ad ramos oppositos, vel nullas (nu. 149); & in primo casu per illos ipsos contactus transire debet, eodem argumento, in secundo nusquam occurret perimetro, cui si uspiam occurreret, haberetur ibi tangens ordinatis parallela; deberet enim ejus ordinata abire in tangentem, coeuntibus nimirum binis ejus extremis punctis, quæ si non coirent, diametèr ipsa ordinatam per idem punctum non secaret bifariam.

Coroll. 3.

214. *Diameter aream Conicæ Sectionis terminatam ordinata quavis, & totam in Ellipsi aream bifariam secat.*

215. Patet ex eò, quod si concipiatur ordinata à vertice diametri motu continuo, & parallelo delata, binæ semiordinatæ semper sibi æquales, & eadem celeritate progredientes, generabunt areas semper æquales.

Coroll. 4.

## Coroll. 4.

216. *Chordæ per bina extrema binarum ordinatarum puncta ductæ, ac tangentes per bina extrema ductæ ejusdem chordæ, si parallela non sunt, concurrunt in diametro: diameter vero per concursum tangentium ducta habet pro ordinata chordam jungentem binos contactus.*

217. Cum enim in Fig. 76, 77, ordinatæ  $AB$ ,  $ab$  F.76 bifariam secentur a diametro in  $E$ , &  $e$ , erit  $eb$  ad 77  $ea$ , ut  $EB$  ad  $EA$ , adeoque binæ rectæ  $aA$ ,  $bB$  debent (num. 204) concurrere cum diametro  $Ee$  in eodem ejus puncto  $D$ . Ubi autem coeuntibus ordinatis  $ab$ ,  $AB$ , rectæ  $AD$ ,  $BD$  desinunt in tangentes  $Ad$ ,  $Bd$ , debet punctum  $d$  manere in ipsa diametro. Hinc autem & postremum sponte fluit.

## Coroll. 5.

218. *Ellipsis centro, & utrique foco cavitatem obvertit, Parabola foco cavitatem, Hyperbola ramus uterque centro convexitatem, foco vero ramus citerior cavitatem, ulterior convexitatem.*

219. Nam in Ellipsi chordæ omnes, adeoque omnia arcus puncta ( num. 149. ) jacent inter binas tangentes; inter quas & centrum jacet, quod situm est in medio inter binos contactus, & focus uterque, cum chordæ per eos ductæ debeant iisdem tangentibus contineri; adeoque Ellipsis & centro, & utrique foco cavitatem obvertit. In parabola focus jacet ad eas partes, ad quas chordæ jacent respectu tangentis, & in Hyperbola centrum inter binas tangentes; extra quas chordæ jacent cum arcubus, focus ad eam plagam versus quam ramus citerior protenditur, ramo ulteriore vergente ad partes oppositas. Patent igitur, quæ proposuimus etiam in iis.



## SCHOLIUM I.

220. **Q**uod ad curvaturam pertinet respectu focorum, poterat erui etiam immediate ex nu. 149; sed libuit potius huc reservare, ut simul haberentur etiam ea, quæ pertinent ad centra. Porro quo vergat curvatura respectu foci & centri, necessario demonstrandum est, cum inter cætera ubi in Mechanica inquiritur in vires, quibus Sectiones Conicæ describi possunt, inde pendeat, utrum eæ tendere debeant ad datum punctum, an ab ipso: nimirum utrum attractive esse debeant, an vero repulsive. Jam vero faciemus gradum ad proprietates quasdam Hyperbolæ relatae ad asymptotos, quæ ab hac diametrorum chordas bifariam secantium proprietate pendent, & fecundissimæ iterum sunt, ac quædam etiam, quæ Hyperbola habet Ellipsi quoque communia, sponte progignunt.

Coroll. 6.

221. *In Hyperbola segmentum chorda interceptum inter unum extremum, & unam asymptotum, æquatur segmento intercepto inter alterum, & alteram, ac diameter, ubi ordinatas bifariam secat, secat etiam bifariam earum, si opus est, productarum segmentum interceptum a symptotis.*

F. 78  
79 222. Sit enim ejusmodi chorda  $Pp$  terminata ad eundem ramum in fig. 78, ad oppositos in fig. 79, quæ occurrat asymptotis in punctis  $H, h$ . Si  $PH, ph$  non sunt æquales, erit altera, ut  $PH$ , major. Abscissa  $PO$  æquali  $ph$ , ex  $C$  per  $O$  ducatur recta, quæ (num. 212) occurret alicubi eidem ramo in  $P'$ , ac recta per  $P'$  parallela chordæ priori occurrat asymptotis in  $H', & h'$ , Hyperbolæ iterum in  $p'$ . Diameter quidem, quæ hujusmodi chordas pro ordinatis habet, per centrum  $C$  transibit, & ipsas chordas secabit bifariam in  $R$ , &  $R'$  (num. 206). Cum igitur æquentur &  $RP, Rp$ , &  $PO, ph$ , erit &  $RO$  æqualis  $Rh$ ; adeoque (n. 204) &  $RP', & A'h'$  æquales erunt, nimirum &  $R'p, R'h'$  æquales.

æquantur, pars, & totum. Æquales igitur sunt ipsa PH, ph, & adita communi Pp, ipse pH, Ph æquales erunt, ac additis RP, Rp æqualibus erunt & RH, Rb æquales.

Coroll. 7.

223. Tangens Hyperbola asymptotis terminata, secantur bifariam in ipso contactu, ac recta ex ipso contactu ducta parallela alteri asymptoto usque ad alteram, erit dimidia segmenti asymptoti prioris intercepti inter centrum & tangentem, ac secabit bifariam segmentum ejusmodi posterioris.

224. Si enim in fig. 78 recta HPph abeat in tangentem Ala, abeuntibus punctis P, p in contactum I debet AI esse æqualis Ia: quate ducta præterea ID parallela CA, donec occurrat Ca in D, erit & DE æqualis Da: ac ob Ia dimidiam Aa, erit & ID dimidia AC.

Coroll. 8.

225. Si e binis punctis P, p quibusvis Hyperbola, in fig. 80, 81 inclinentur ad binas asymptotos bina recta PB, PO, & pb, po in quibusvis binis angulis datis, rectangulum BPO sub binis inclinatis ab uno puncto, erit semper æquale rectangulo bpo sub inclinatis ab alio, quod proinde mutato puncto P utcumque manebit semper magnitudinis ejusdem.

226. Nam ob parallelas erit PB ad pb, ut PH ad pH, sive sumptis æqualibus, ut ph ad Ph, nimirum, ob parallelas, ut po ad PO: ac proinde rectangulum sub extremis PB, PO æquale rectangulo sub mediis pb, po.

Coroll. 9.

227. Si e quovis puncto Hyperbola P ordinatur PD alteri asymptoto, parallela alteri, rectangulum sub abscissa a centro CD, & ejusmodi ordinata erit semper constans, quod rectangulum dicitur Potentia Hyperbolæ, a deoque mutato utcumque puncto, erunt ordinata in ratione reciproca simplici abscissarum.

228. Nam si PO, PB abeant in PD, PR parallelas binis asymptotis, erit adhuc constans rectangulum sub PD,

72 SECTIONUM CONICARUM

PD, PB, quæ abiens in PR evadit æqualis CD; lateri opposito parallelogrammi PRC D. Erit igitur constans etiam rectangulum sub CD, DP, & respectu binorum punctorum P. p, erit PD ad pd, ut cd ad CD.

SCHOLIUM II.

229. HÆC constans Hyperbolæ potentia est una e præcipuis proprietatibus Hyperbolarum, & assumi solet pro determinatione naturæ ipsius Hyperbolæ relatæ ad asymptotos, ita ut curvæ, in quibus ordinatæ sunt in aliqua ratione multiplicata, vel submultiplicata reciproca abscissarum, ut hic sunt in simplici, appellentur Hyperbolæ altiores. Ex ea plurimæ proprietates profluunt, quarum aliquas, ut monui etiam sequentibus Corollariis; tum regrediar ad eas, quæ eruntur e præcedentibus Corollariis, ex quibus etiam illa ipsa potentia sponte profluxit.

Coroll. 10.

230. Positis iisdem, area tam parallelogrammi CDPR, quod continent binæ rectæ ordinatæ ab eodem Puncto P ad binas asymptotos cum ipsis asymptotis, quam trianguli CDP, quam continet abscissa, ordinata asymptoto, & semidiameter, ac area in fig. 78 ACa, quam continet tangens ad asymptotos terminata cum ipsis asymptotis, sunt magnitudinis semper constantis.

231. Si enim PB sit asymptoto perpendicularis, adhuc erit constans rectangulum sub PD, & PB, sive sub CR, & PB, nimirum factum ex basi, & altitudine parallelogrammi CDPR, adeoque tam ejus area, quam area trianguli PCD ejus dimidii. Ducta autem ID in fig. 78. parallela asymptoto AC, erit ob Aa sectam bifariam in I ( numer. 223 ), area ACa dupla areæ ICa, adeoque, ob aC sectam itidem bifariam in D, quadrupla areæ CDI constantis.

F.78

Coroll. 11.

232. Si in fig. 80. e binis punctis P, p. ejusdem ra-F.80  
mi Hyperbole ducantur bina ordinata PD, pd ad alte-  
ram asymptotum, & bina alia PR, pr ad alteram, a-  
rea DPPd clausa arcu, asymptoto, & prioribus binis or-  
dinatis, æquabitur area RPpr clausa eodem arcu, alte-  
ra asymptoto, & posterioribus binis, ac earum singu-  
la erunt æquales area sectoris PCp terminati ad cen-  
trum C.

233. Si enim PD, pr sibi mutuo occurrant in e,  
area Crpd æquabitur ( num. 230 ) areæ CRPD. Qua-  
re dempta communi CreD, & addita communi Pep,  
erit area DPPd equalis areæ RPpr. Quoniam vero &  
area trianguli CDP æquatur areæ trianguli Cdp, si  
PD, Cp sibi invicem occurrant in I, dempta com-  
muni CID, & addita communi Pip, erit area  
sectoris PCp æqualis areæ DPPd, adeoque & RPpr.

Coroll. 12.

234. Concurfus e ordinata PD in fig. 82 ad alte-F.82  
ram asymptotum, cum ordinata rp ad alteram, & con-  
curfus E ordinata RP cum ordinata dp fit in diame-  
tro primaria ICi habente pro ordinata chodam Pp, &  
si e vertice I ejus diametri ducatur ordinata IM ad  
alteram asymptotum, erunt & abscisse CD, CM,  
Cd, & ordinata DP, Ml, dp continue proportio-  
nales

235. Ductis enim Ce, CE, erit ( num. 227 ) CD  
ad Cd, ut pd, sive De ad DP, sive dE. Quare ob  
angulos CDe, CdE in parallelis æquales, similia erunt  
triangula CDe, CdE, & angulus DCe æqualis angu-  
lo dCE ac propterea recta Ce supra CE cadit: ipsa  
autem Ee diameter parallelogrammi PepE bifariam se-  
cat alteram ejus diametrum Pp in B, ut facile  
colligitur. Quare cum Ee transeat per centrum C,  
ipsa erit diameter habens pro ordinata eandem Pp,  
quæ si occurrat perimetro in I, & ducatur IM  
ordinata ad asymptotum Cd, erit ob trian-  
gulorum

74 SECTIONUM CONICARUM

gulorum similitudinem  $CD$  ad  $CM$ , ut  $De$ , sive  $dp$  ad  $MI$ , nimirum ( num. 227. ) ut  $CM$  ad  $Cd$ , adeoque  $CD$ ,  $CM$ ,  $Cd$  in continua proportione, quibus cum sint reciproce proportionales ( num. 227 )  $PD$ ,  $IM$ ,  $pd$ , erunt & ipsæ in continua proportione.

Coroll. 13.

236. Si sumantur abscissæ in altera asymptoto in continua proportione geometrica, & erigantur ordinatae alteri asymptoto parallelae, area clausa binis quibusvis proximis ordinatis, arcu, & asymptoto erunt inter se æquales; ac inter se æquales area Sectorum terminatorum ad centrum a binis quibusvis proximis ordinatarum verticibus, constituentibus progressionem geometricam abscissis, vel ordinatis: area computata a data quavis ordinata, vel a data quavis semidiametro per ordinata verticem ducta usque ad sequentes ordinatas, vel semidiametros crescet in progressionem arithmetica, & area clausa ordinata quaris, arcu, & asymptoto crescet in infinitum; si arcus & asymptotus in infinitum producantur.

237. Nam existentibus  $CD$ ,  $CM$ ,  $Cd$  in continua proportione geometrica, ut &  $DP$ ,  $MI$ ,  $dp$ , recta  $CI$  ( num. 234 ) secat bisariam chordam  $Pp$  in  $B$ , & proinde triangula  $PCB$ ,  $pCB$  habentia bases  $PB$ ,  $pB$  æquales, & eandem altitudinem in  $C$  habent areas æquales, a quibus si demantur areæ hyperbolicæ  $PIB$ ,  $pIB$  æquales ( nota 14 ) remanebunt æquales etiam areæ sectorum  $PCI$ ,  $ICp$ , adeoque & areæ Hyperbolicæ  $PDMI$ ,  $IMdp$ , quæ illis æquales sunt ( num. 232 ) erunt inter se æquales. Eodem autem pacto sumpta  $Cm$  tertia post  $CM$ ,  $Cd$ , inveniatur area sectoris  $pCi$ , vel quadrilinei  $dpim$  æqualis prioribus, atque ita porro assumptis novis abscissis in continua proportione geometrica, ac remanentibus in eadem reciproca ordinatis, areis sectorum incipientibus a quavis semidiametro  $CP$ , vel areis quadrilineis incipientibus a quavis ordinata  $PD$  accedent nova incrementa semper æqualia, atque areæ proinde crescent in ratione arithmetica. Cumque numerus abscis-

scissarum in geometrica proportione assumptarum augeri possit in infinitum, potest etiam in infinitum augeri numerus incrementorum illorum æqualium, quorum proinde summa quavis finitam magnitudinem excedet.

S C H O L I U M III.

238. **H**ÆC area in arithmetica progressionem crescentis proprietates, dum abscissæ crescunt in progressionem geometricam est admodum insignis & notatu digna. Inde enim fit, ut area Hyperbolica haberi possint pro logarithmis numerorum, quos exprimit abscissæ; quin imo ope ipsius areae Hyperbolicae computatae methodo, quæ ope calculi integralis facile invenitur, logarithmi quoque computantur, & computatis semel logarithmis, area Hyperbolæ clausa datis ordinatis, & abscissis facile invenitur. Sed hic geometricas, non arithmeticas proprietates persequimur Sectionum Conicarum.

239. Pergam igitur ad aliam proprietatem, quæ pariter ex constanti illa potentia Hyperbolæ deducitur, cui alias ex aliis prorumpentes adjiciam.

Coroll. 14.

240. *Recta alteri asymptoto parallela, occurrens binis tamis Hyperbolarum conjugatarum, secatur bifariam ab altera asymptoto, ac Hyperbolarum conjugatarum potentia æquales sunt:*

241. Sint enim in fig. 83 juxta num. 170 axes communes  $Mm$ ,  $Xx$ , communes asymptoti  $TB$ ,  $tb$  occurrentes tangentibus per axium vertices ductis in  $T$ ,  $t$ ,  $B$ ,  $b$ . Recta  $MX$  parallela asymptoto  $TB$  secabitur ab asymptoto  $Ct$  bifariam in  $O$ , ut  $TB$  in  $C$ . Si autem quævis alia ipsi parallela  $IL$  occurrat  $Ct$  in  $D$ , erit (n. 227)  $DI$  ad  $MO$ , ut  $CO$  ad  $CD$ , ut  $DL$  ad  $OX$ , adeoque ob  $OM$ ,  $OX$  æquales, æquabuntur &  $DI$ ,  $DL$ . Inde vero & rectangula  $CDI$ ,  $CDL$ , quæ sunt binarum

76 , SECTIONUM CONICARUM  
 rum Hyperbolarum conjugatorum potentia, equalia  
 sunt.

Coroll. 15.

242. Tangens asymptotis intercepta aequatur diametro conjugata ejus diametri, qua per contactum transit, ac recta jungens in vertice binas diametros conjugatas, & alteri asymptoto, parallela ab altera secatur bifariam.

243. Si enim *Ala* fig. 83. sit ejusmodi tangens, erit ( num. 223 ) *CA* dupla *DI*, adeoque aequalis *IL*, cui cum parallela sit, erunt & *AI*, *CL* equales, & parallelae adeoque & eorum dupla *Aa*, *Ll* equalia. Diameter autem *LCl* cum parallela sit tangenti *Ala*, erit ( num. 217 ) conjugata diametri *ICi*, & recta *IL* jungens earum diametrorum vertices, asymptoto *TB* parallela, ab asymptoto *bt* bifariam secatur.

Coroll. 16.

244. Diametri conjugata in Hyperbolis sunt sibi invicem conjugata quatuor tangentes per earum vertices ductae concurrunt in asymptotis, ubi parallelogrammum constituunt inscriptum figura clausa quatuor Hyperbolarum ramis, cujus area est semper constans, aequalis nimirum rectangulo sub axibus, ac parallelogrammum semidiametrorum conjugatarum rectangulo sub semiaxibus.

245. Ducta enim in fig. 83. *aLQ* patalla *iCI*, erit segmentum asymptoti *CQ* equale *IL*, adeoque duplum *DL*, ac proinde *aLQ* tangens ( num. 223 ), & ducta *ldi*, ac sumpta *dq* aequali *dC*, patet ob *Cl*, *Ci*, aequales *CL*, *CI*, fore & *li* aequalem *LI*, adeoque aequalem tam *CA*, quam *CQ*, & proinde *dl*, *di* dimidias *CA*, *CQ*. Quare *Al*, *Qi* convergent ad idem punctum *q* ita, ut sit *Cq* dupla *dq*, & *Aq* *Qq* sectae bifariam in *l*, *i*, adeoque tangentes. Erit igitur & diameter *li* parallela tangentibus ductis per vertices diametri *Ll*, adeoque ejus conjugata: & *AaQq* erit parallelogrammum, quatuor tangentium, cujus area constanter aequalis erit areae rectanguli *TtBb*, cum sint qua-

druply

duplę triangulorum  $ACa$ ,  $TCt$  equalium (num. 230) & area  $CIaL$  parallelogrammi semidiametrorum conjugatarum, vel area  $ACLI$  cui ea equatur, equalis areę  $TMCx$ , cum sint duplę triangulorum  $ACI$ ,  $TCM$  pariter equalium,

Coroll. 17.

246. *Omniū diametrorum primariarum minima est axis transversus, secundariarum conjugatus; quarum vertices quo magis ab axe ipso transverso vel conjugato recedunt, eo majores sunt, nec nisi binę hinc inde in equalibus angulis inclinatę equalēs: primaria autem est major, equalis, vel minor respectu suę conjugatę, ac angulū asymptotorum, in quibus jacet axis transversus, & Hyperbola, sunt acuti recti, vel obtusi, prout axis transversus fuerit, major, equalis, vel minor respectu conjugati.*

247. Nam quo magis semiordinata  $RI$  distat a vertice axis  $M$ , eo magis crescit (num. 79) & ipsa, ac crescente abscissa a centro  $CR$ , crescit & summa quadratorum utriusque, adeoque crescit semidiameter  $CI$ . Eo autem magis &  $IL$  recedit ab  $MX$ , adeoque  $L$  ab  $X$ , & proinde eo magis crescit semidiameter secundaria  $CL$ , cum ea sit primaria Hyperbolę conjugatę. Binę autem  $CI$ ,  $CN$ , terminate ad puncta  $I$ ,  $N$  ordinatę ejusdem in angulis  $RCI$ ,  $RCN$  cum axe  $CM$  equalibus ob  $CR$  latus commune, &  $RI$ ,  $RN$  latera equalia triangulorum rectangulorum  $CRI$ ,  $CRN$ , equalēs sunt. Porro, cum in triangulis  $COM$ ,  $COX$  latus  $CO$  sit commune, &  $OM$ ,  $OX$  latera equalia (n. 240, prout semiaxis transversus  $CM$  fuerit major, equalis, vel minor respectu conjugati  $CX$ , etiam angulus  $COM$  erit major equalis, vel minor angulo  $COX$ , adeoque, ob  $MX$ ,  $IL$  parallelas, &  $CDI$  major, equalis, vel minor  $CDL$ , & semidiameter primaria  $CI$  major, equalis, vel minor  $CL$ . Contra, vero angulus asymptotorum  $TCt$  equalis alterno  $COX$  erit minor, equalis, vel major  $OCB$ , qui equatur  $MOC$ , adeoque is angulus  $TCt$  asymptotorum, in quo jacet



78 SECTIONUM CONICARUM  
axis transversus & Hyperbola erit acutus, rectus, vel obtusus.

Coroll. 18.

248. *Differentia quadratorum binarum semidiametrorum conjugatarum est ad quadruplam potentiam Hyperbolæ ipsius, ut cosinus anguli asymptotorum ad radium adeoque semper constans; & æqualis differentia quadratorum semiaxium.*

F.78 249. Ducta enim in fig. 78 IV perpendiculari asymptoto  $Ca$ , differentia quadratorum semidiametri  $CI$ , & tangentis  $Ia$  quæ tangens æquatur (num. 242) semidiametro conjugatæ diametri  $Ii$  erit semper eadem; ac differentia quadratorum  $CV$ ;  $Va$ ; cum ob angulos ad  $V$  rectos; quadratum illius semidiametri æquetur quadratis  $CV$ ,  $VI$  simul, & quadratum  $Ia$  quadratis  $aV$ ;  $VI$  simul: Porro quadratum  $CV$  excedit bina quadrata  $CD$ ;  $DV$  per bina rectangula  $CDV$ , & quadratum  $aV$  deficit a binis quadratis  $Da$ ;  $DV$  per bina rectangula  $VDa$ ; sive a binis quadratis illis ipsis  $CD$ ;  $DV$  per bina illa ipsa rectangula  $CDV$ : Igitur differentia quadratorum  $CV$ ;  $Va$  æquatur quadruplo rectangulo sub  $CD$ ,  $DV$ : Est autem rectangulum sub  $CD$ ,  $DV$  ad rectangulum sub  $CD$ ,  $DI$ ; sive ad potentiam Hyperbolæ in ratione  $DV$  ad  $DI$ ; nimirum ut cosinus anguli  $VDI$ ; sive interni; & oppositi  $aCA$  ad radium, adeoque constans; & cum axes ipsi sint diametri conjugatæ, erit æqualis differentiæ quadratorum semiaxium.

#### SCHOLIUM IV.

250. **H**isce jam ex constanti illa Hyperbolæ potentia deduētis redeundum ad n. 223, ex quo potentia ipsa constans deducta est, ut alium surculum inde simul cum ea prorumpentem persequamur, qui tamen minus fecundus est.

## Coroll. 19.

251. (Si chorda occurrat asymptotis, rectangula sub utraque intersectione cum asymptoto, & binis cum perimetro Hyperbola; vel utraque ex his; & illis binis, equalia erunt inter se; & mutata utcumque positione chorda; dummodo maneat directio; erunt semper magnitudinis constantis, equalia nimirum semper quadrato semidiametri parallelae ipsis chordis; ac ubi chorda ad unicum ramum terminatur; quadrato etiam tangentis intercepta contactu; & utraque asymptoto; & si ipsa chorda occurrat etiam Hyperbolis conjugatis, ejusmodi rectangula inter se equalia; & constantia erunt octo:

252. Cum enim sint in fig. 78, 79 equales inter se ( num. 221 )  $HP$ ;  $ph$ ; &  $Hp$ ,  $hP$ ; equalia erunt quatuor rectangula  $HPh$ ;  $Hph$ ;  $PHp$ ,  $Php$ , & manentibus directionibus  $PH$ ;  $Ph$  ad asymptotos, rectangulum  $HPh$  erit semper magnitudinis constantis ( num. 225 ): Abeuntibus autem in fig. 78 punctis  $P$ ,  $p$  in contactu  $I$ ; abit rectangulum  $PHp$  in quadratum tangentis  $AI$ ; cui equalis est ( num. 242 ) semidiameter parallela ipsi; & chordis  $Pp$ ; ac in fig. 79 abeuntibus punctis  $H$ ,  $h$  in centrum  $C$ ; abit rectangulum  $HPh$  in quadratum semidiametri  $CI$ . Hinc autem si in fig. 84 sint  $il$ ,  $Ll$  diametri conjugate; & ipsa chorda  $Pp$  occurrat praeterea Hyperbole conjugate in  $N$ ;  $n$ ; tum quatuor illa rectangula  $HPh$ ,  $Hph$ ,  $PHp$ ;  $Php$ ; tum quatuor  $NHn$ ,  $Nhn$ ,  $HNh$ ,  $Hnh$  erunt equalia eisdem quadrato semidiametri  $CL$ :

## Coroll. 20.

253. Si fig. 84 e vertice  $p$  semidiametri primariae in quamvis diametrum primariam  $ICi$  ducatur semiordinata  $pR$ ; & e vertice  $D$  semidiametri  $CD$  ejus conjugata recta  $DE$  ipsi  $pR$  parallela; erit quadratum  $CE$  abscissa a centro per posteriorem, aequale rectangulo sub  $IR$ ;  $Ri$  abscissis a binis verticibus per priorem, & differentia binorum quadratorum binarum abscissarum a centro  $CE$ ,  $CR$  aequabitur quadrato semidiametri  $CI$ ,

## 80 SECTIONUM CONICARUM

*In quam semiordinata est demissa : differentia vero quadratorum semiordinatae  $pR$ , & parallela  $DE$  quadrato semidiametri  $CL$  conjugata ipsius  $CI$ , & idem habebitur si ea semiordinata, & ejus parallela ducatur in diametrum secundariam, sed ibi quadratum abscissa a centro per ordinatam aequabitur rectangulo sub abscissis a binis verticibus per parallelam.*

254. Nam si  $Cp$ ,  $CD$  sint semidiametri conjugatae,  $pD$  erit parallela asymptoto  $AQ$  ( num. 242 ), & secta bifariam a  $Ca$  in  $V$ . Quare si  $Rp$  occurrat asymptoti in  $H$ ,  $h$ , & ducatur  $hD$ , quæ occurrat asymptoto  $HC$  in  $H'$ , erit ( n. 204 ) etiam  $HH'$  secta bifariam in  $C$ , & cum  $Hh$  fecerit bifariam in  $R$  ( nu. 221 ) erit  $bH'$  parallela  $CR$ , adeoque ordinata diametri  $ICL$ , & ab ea secta bifariam in  $R'$ .

255. Jam vero rectangulum  $bDH'$  ( quod est æquale ( num. 251 ) quadrato  $CI$  ) una cum quadrato  $R'D$ , sive  $CE$  equatur quadrato  $R'h$ , sive  $CR$ , vel quadrato  $CI$ , & rectangulo  $IRi$ ; adeoque dempto utrobique quadrato  $CI$ , quadratum  $CE$  equatur rectangulo  $IRi$ . Pariter cum quadrata  $CE$ ,  $CI$  simul æquentur quadrato  $CR$ , erit quadratum  $CI$  differentia quadratorum  $CR$ ,  $CE$ ; quadratorum vero  $ED$ ,  $Rp$ , sive  $Rh$ ,  $Rp$  differentia est rectangulum  $hpH'$ , sive ( num. 251 ) quadratum  $CL$ . Demum ut  $Cp$ ,  $CI$  sunt semidiametri primariæ,  $CD$ ,  $CL$  secundariæ respectu Hyperbolæ  $PIp$ , illæ sunt secundariæ, hæ primariæ respectu Hyperbolæ  $DL$ . Quare patent tam quæ de primariis, quam, quæ de secundariis diametris affirmaveram.

Coroll. 21.

256. *Quadratum semiordinatae ad differentiam quadratorum suæ semidiametri, & abscissa a centro in diametris primariis, summam in secundariis, & ad rectangulum in illis sub binis abscissis a binis diametri verticibus est ut quadratum semidiametri, vel diametri conjugatae ad quadratum illius ipsius suæ semidiametri, vel diametri.*

256. Si

257. Si enim præterea diameter primaria  $Iz$  occurrat suæ ordinatæ in  $R$ ; erit quadratum  $Rb$ ; sive quadratum  $Rp$  cum rectangulo  $Hph$ ; nimirum bina quadrata  $Rp$ ,  $CL$  ad quadratum  $Ia$ ; sive  $CL$ ; ut quadratum  $CR$ , sive quadratum  $CI$  cum rectangulo  $IRz$ ; ad quadratum  $CI$ ; ac dividendo quadratum  $Rp$  ad quadratum  $CL$ , ut differentia quadratorum  $CR$ ;  $CI$ , sive ut rectangulum  $IRz$  ad quadratum  $CI$ ; vel alternando quadratum  $Rp$  ad differentiam quadratorum  $CR$ ,  $CI$ , vel ad rectangulum  $IRz$ , ut quadratum  $CL$  ad quadratum  $CI$ ; velut quadratum totius  $Ll$  ad quadratum totius  $Iz$ .

258. Quod si diameter secundaria  $Il$  occurrat in  $R$  suæ ordinatæ  $Pp'$ , asymptotis autem in  $b$ ,  $H'$ , erit quadratum  $R'b$  ad quadratum  $La$ , sive  $CI$ , ut quadratum  $CR'$  ad quadratum  $CL$ , & componendo quadratum  $R'b$  cum quadrato  $CI$ , sive cum rectangulo  $lp'p'$ , (n. 251) nimirum quadratum  $R'p'$  ad quadratum  $CI$ , ut summa quadratorum  $CR'$ ,  $CL$  ad quadratum  $CL$ , & alternando quadratum  $R'p'$  ad summam quadratorum  $CR'$ ,  $CL$ , ut quadratum  $CI$  ad quadratum  $CL$ , sive ut quadratum totius  $Iz$  ad quadratum totius  $Ll$ .

SCHOLIUM V.

259. **H**isce deductis generaliter pro quavis Hyperbolarum specie, addam hinc postremo nonnulla, quæ pertinent ad Hyperbolam æquilateram, quæ nimirum habet latus rectum æquale axi transverso, adeoque & ipsos axes æquales, & juxta num. 246 angulos asymptotorum rectos. Plurimæque, quæ ad ipsam Hyperbolam æquilateram pertinent, deducuntur ex iis, quæ hinc pro Hyperbolis in genere demonstravimus, adeoque hinc pariter locum sibi vindicant. Interea notandum illud: Hyperbolam æquilateram esse id inter Hyperbolas, quod est circulus inter Ellipses. Nam Ellipsis, cujus axes æquales sint, jam in circulum migrat.

## 82 SECTIONUM CONICARUM

Coroll. 22.

260. *Hyperbola*, quæ axem transversum habet æqualem conjugato, habet primo latus rectum æquale axi transverso, unde & æquilatera dicitur: Secundo quadratum distantie foci a centro duplum quadrati axis utriuslibet: Tertio angulos asymptotorum rectos: Quarto potentiam æqualem dimidio quadrato semiaxis utriuslibet: Quinto quasvis diametros conjugatas æquales: Sexto quadratum cujusvis semiordinata cujuslibet diametri primariae æquale rectangulo sub binis abscissis a binis verticibus: Septimo quadratum cujusvis semiordinata cujuslibet diametri secundariae æquale summa quadratorum semidiametri ipsius vel primariae, vel ejus conjugate, & abscisse a centro: Octavo ipsam semiordinatam ad axem conjugatum æqualem distantie sui concursus cum ipso axe a vertice axis transversi: Nono e binis diametris primariis, vel e binis secundariis æqualibus, habet alteram alterius conjugatæ perpendicularem.

261. Primum patet, cum sit ( num. 71 ) latus rectum tertium proportionale post binos axes. Secundum deducitur ex num. 64. cum quadratum distantie foci a centro æquetur summe quadratorum binorum semiaxium, adeoque ubi ii æquales sunt, duplo quadrato utriuslibet. Tertium demonstratum est num. 246.

F.83 Quartum patet in fig. 83. Nam si angulus TCt fuerit in ea rectus & COM ac MCO semirectus, & OC æqualis OM, adeoque rectangulum sub CO, & OM, quod ( num. 227 ) dicitur potentia Hyperbolæ, æquabitur quadrato utriuslibet CO, vel OM, nimirum dimidio quadrato CM, vel CX. Quintum demonstratum est n. 246, & eruitur etiam ex n. 248: cum quadratorum differentia nulla sit in axibus, adeoque nulla in quibusvis diametris conjugatis. Sextum deducitur ex quinto, & ex num. 256, cum nimirum quadratum semiordinate ad rectangulum sub iis abscissis debeat esse ut quadratum semidiametri conjugate, ad quadratum ejus semidiametri primariae, quæ in Hy-

per-

parabola, æquilatera est ratio æqualitatis. Septimum patet ex eodem numero, nam in diametris secundariis quadratum femiordinatæ eodem argumento erit ad summam quadratorum ejus semidiametri, & abscisse a centro pariter in ratione æqualitatis. Octavum patet ex septimo & tertio. Nam ex septimo si in fig. 84  $Ii$ ,  $Ll$  sint axes, erit quadratum  $Rp'$  æquale quadratis  $CR'$ ,  $CI$ , & ex tertio. angulus  $ICR'$  rectus, adeoque si concipiatur  $R'I$ , erit ejus quadratum æquale pariter quadratis  $CI$ ,  $CR'$  adeoque quadrato  $Rp'$ , ac proinde ipsa  $Rp'$  ipsi  $R'I$  æqualis. Nonum facile deducitur e quinto: nam in fig. 83 si  $CN$  sit equalis  $CI$  erit & angulus  $NCR$  æqualis  $ICR$  (nu. 245). adeoque &  $NCG$  æqualis  $ICD$ , qui ob omnia latera triangulorum  $CDI$ ,  $CDL$  æqualia, erit æqualis angulo  $DCL$ . Quare addito  $NCD$  communi erit  $NCL$  æqualis recto  $GCD$ . Sunt autem  $NC$ ,  $IC$  semidiametri primariæ respectu Hyperbolæ  $NMI$ , &  $CL$  conjugata posterioris, ac eadem sunt secundariæ respectu Hyperbolæ  $LX$ , adeoque valet idem pro utroque diametrorum genere.

Coroll. 23.

262. Si e binis verticibus  $V$ ,  $u$  in fig. 85 cujuscvis diametri primariæ Hyperbolæ æquilatera, ducantur binæ rectæ ad quodvis punctum  $P$  ejus perimetri, & per verticem  $V$  ejusdem rami tangens  $VI$  occurrens ipsi  $uP$  in  $I$ , angulus  $VuP$  æquabitur angulo  $VPR$ , vel  $PVI$ , adeoque quadratum chordæ  $VP$  æquabitur rectangulo  $uPI$ ; differentia angulorum ad basim  $Vu$  trianguli  $VPu$  constanter æquabitur angulo  $uVI$ , quem continet tangens  $VI$  cum diametro  $Vu$ .

263. Ducta enim femiordinata  $PR$ , quæ erit parallela tangenti  $VI$ , erit (num. 260.) quadratum ipsius  $PR$  æquale rectangulo  $uRV$ , adeoque  $uR$  ad  $PR$ , ut  $PR$  ad  $RV$ , nimirum ab angulum ad  $R$  communem similia triangula  $VRP$ ,  $PRu$ , & angulus  $RuP$  æqualis angulo  $VPR$ , adeoque & alterno  $PVI$ . Quare ob angulum ad  $P$  communem etiam triangula  $IVP$ ,  $PuV$  re-

84 SECTIONUM CONICARUM

manent similia, & IP ad PV, ut PV ad P $\mu$ , ac quadratum VP æquale rectangulo  $\mu$ PI. Est autem angulus  $\mu$ VI differentiâ anguli  $\mu$ VP ab angulo IVP, five V $\mu$ P:

SCHOLIUM VI:

264. **A**Tque hoc quidem pacto ex constructione problematis tertii erimus primariam proprietatem diametrorum ordinatas suas secantium bifariam, & inde Hyperbolæ ad asymptotos relatæ proprietates deduximus alias nihilo minus fecundas, ac Hyperbolæ demum æquilateræ naturam, & proprietates plerasque. In hac postrema habetur etiam alia quædam elegans analogia ipsius Hyperbolæ æquilateræ cum circula, & constructio loci geometrici, ejus usus nonnunquam occurrit.

F.86 265. Constat ex primis Geometriæ elementis in circulo supra chordam quamvis V $\mu$  in fig. 86 ad quodvis peripheriæ punctum P ad eandem ab ipsa chorda partem jacentis ductas binas rectas, contineri angulum VP $\mu$  semper æqualem, cujus nimirum mensura est arcus dimidius VH $\mu$ , cui insistit, five qui ab eadem chorda subtenditur ad partem oppositam. Quare in circulo reliquorum angulorum PV $\mu$ , P $\mu$ V summa est semper constans, æqualis nimirum complemento anguli VP $\mu$  duos rectos; qui cum sit æqualis angulo  $\mu$ VI, quem tangens V $\mu$  ad partem oppositam ducta continet cum ipsa chorda, erit summa illa angulorum PV $\mu$ ; P $\mu$ V æqualis angulo  $\mu$ VI, quem ea chorda ad eandem partem continet cum tangente VI; dum in Hyperbolæ non summa, sed differentia angulorum PV $\mu$ , P $\mu$ V æquatur angulo  $\mu$ VI, quem diameter  $\mu$ V continet pariter cum tangente VI ad eandem partem.

266. Hinc si queratur hujusmodi Problema; *super data basi constituere triangulum ita, ut summa, vel differentia angulorum ad basim æquetur angulo dato*; utrumque Problema erit indeterminatum, infinitas nimirum solutiones admittens, quas omnes idem continuus

tinuis locus geometricus complectitur, qui pro summa erit arcus circuli, pro differentia crus infinitum Hyperbolæ. Pro utroque autem constructio est hujusmodi. *Ad punctum V extremam data basis fiat angulus uVI equalis data summa, vel differentia. Tum pro F.85 summa in fig. 86 construatur arcus circuli VPu habens 86 VI pro tangente; Vu pro chorda, & pro differentia in fig. 86. arcus Hyperbolæ æquilatere VP indefinite productus habens pariter VI pro tangente, & Vu pro diametro primaria, & ad quodvis punctum P eorum arcuum ductis rectis VP, Pu habebitur solutio problematis:*

267. Potro circulus cum iis conditionibus admodum facile describitur: Ducatur VC perpendicularis ad VI, ac secta bifariam Vu in O, etigatur OC perpendicularis ad Vu; donec occurrat in C priori perpendiculari, ac centro C intervallo CV; vel Cu, quas patet fore æquales, fiat circulus; quem patet debere transire per V, u; & habere pro tangente VI perpendicularem ejus radio. Ac eadem constructio esset, si quaeretur, quod eodem recidit, punctum P ita; ut angulus VPu esset æqualis dato. Tum nimirum faciendus esset angulus uVi ad partes oppositas P æqualis dato, & peracta reliqua constructione haberetur, quod quaerebatur: ac eodem pariter redit Problema, quo semper data Vu quaeratur segmentum circuli capiens angulum VPu æqualem dato.

268. Hyperbolæ vero æquilatere facile pariter determinatur data diametro primaria Vu; & tangente VI. Secta enim diametro ipsa Vu bifariam in C, & acta per C recta parallela tangenti, in qua capiantur CB, Cb æquales semidiametris CV, Cu, erit Bb diameter conjugata æqualis primariæ Vu, ac datis binis diametris conjugatis datur Hyperbolæ.

269. Nam in primis ex num. 221 eruitur expeditissima methodus describendi Hyperbolam per puncta dato puncto P & asymptotis concurrentibus in C in fig. 87. Circumducta circa P regula, quæ ipsis asymptotibus F.87  
tis



86 SECTIONUM CONICARUM.

ris occurrat in  $H, h$ , fumatur semper  $hp$  æqualis  $HP$  directione contraria eritque  $p$  ad Hyperbolam, cujus uterque ramus facile describitur. Datis autem binis dia-  
 F.84 metris conjugatis  $Iz, Ll$  in fig. 84 facile inveniuntur asymptoti ( num. 244 ) ducendo per  $I, i, l, L$  rectas ipsis parallelas ac per puncta,  $A, Q, a, q$ , in quibus concurrunt, asymptotos, quibus datis, & dato puncto  $I$  jam dantur omnia puncta per expositam constructionem.

SCHOLIUM VII.

270. **E**X eadem proprietate Hyperbolæ, ex qua ejusmodi constructio derivatur, & illud ostendi potest, admodum facile per concursum Hyperbolæ datæ cum dato circulo inveniri binas medias continue proportionales inter binas rectas datas, cujus Problematis casus particularis est etiam celebris illa cubi duplicatio ab Apolline olim præscripta, quod Problema idcirco Veteres usque adeo torfit, & tandiu frustra per planam Geometriam, sive per rectarum intersectiones inter se, vel cum circulo est quæsitum.

F.88 271. *Capiantur in lateribus anguli recti  $HCh$  in fig. 88. bina rectæ  $CR, Cr$  æquales datis, & completo re-ctangulo  $RPrC$  ducatur  $CP$ , qua assumpta pro diametro describatur circulus, qui ob angulos ad  $R, r$  rectos transibit per ipsa puncta  $R, r$ : per punctum autem  $P$ , asymptotis  $HC, Ch$  describatur Hyperbola, que ubi circulo occurreret iterum in  $p$  solvet problema; ducta enim  $pi$  perpendiculari  $Ch$ , erunt  $ip, Ci$  media continue proportionales inter  $Cr, CR$ .*

272. Ducta enim per  $P, p$  recta, quæ asymptotis occurrat in  $H, h$ , erit ex natura Hyperbolæ  $HP$  æqualis  $ph$ , &  $Hp$  æqualis  $Ph$  adeoque &  $Cr$  æqualis  $ih$ . Ex natura vero circuli recta  $Cp$  erit perpendicularis  $Pp$ , ac triangula rectangula  $Cip, pih$  similia toti  $Cph$ , adeoque & inter se. Erit igitur  $Cr$  ad  $Ci$ , ut  $HP$  ad  $Hp$ , sive sumptis æqualibus, ut  $hp$  ad  $hP$ , sive ut  $ip$  ad  $rP$   
 Erit

Erit autem &  $hi$  ad  $ip$ , ut  $ip$  ad  $Ci$ ; quamobrem &  $Cr$  ad  $ip$  erit, ut  $ip$  ad  $Ci$ , adeoque eadem erit ratio  $Cr$  ad  $ip$ ,  $ip$  ad  $Ci$ ,  $Ci$  ad  $rP$ , vel  $CR$ , &  $Cr$ ,  $ip$ ,  $Ci$ ,  $CR$  continue proportionales.

273 Verum etiam sine totius Hyperbolę constructione satis erit descripto circulo unicum ejus punctum  $p$  determinare, circumducendo regulam circa  $P$  donecprehendatur  $PH$  æqualis  $ph$ ; quin imo etiam sine circulo secta  $PC$  bifariam in  $O$  satis erit regulam circumducere, donecprehendatur  $OH$  æqualis  $Oh$ ; ductis enim  $OB$ ,  $Cp$  perpendicularibus ad  $Hh$  ob triangulum  $HOh$  isoscelium erit  $HB$  æqualis  $Bh$ , & ob  $PO$ ,  $OC$  æquales, erit  $PB$  æqualis  $Bp$ , adeoque &  $PH$  æqualis  $ph$ . Sed determinatam problematis solutionem dat binorum locorum geometricorum circulis, & Hyperbolę concursus, ubi se continui eorum arcus interfecant.

274. Circuli pariter & Hyperbolę intersectio exhibet etiam admodum expeditam methodum trisectionis anguli, quod Problema pariter diu a Geometris per planam Geometriam nequicquam quæsitum, quam nimirum transcendit profus; ac ex ipsa constructione patebit, fieri omnino non posse, ut per circulum, & rectam lineam solvatur unquam. Satis autem constat, angulum quemvis secari in partes æquales tres, si secetur in tres partes æquales arcus circuli habentis centrum in anguli vertice, & interceptus inter anguli ipsius crura, seu latera.

275. Sit igitur arcus circuli  $FBm$  fig. 89 secandus in partes æquales tres. Chorda  $mF$  secetur bifariam in  $E$ . F. 89.  
Agatur per  $E$  recta  $AB$  ipsi perpendicularis, quę transibit per centrum  $C$ . Foco  $F$ , directrice  $AB$ , ratione determinante 2. ad 1 sit Hyperbola, quę arcui circuli occurrat in  $P$ , eritque  $FP$  pars tertia arcus  $FBm$  ita, ut ducta  $PO$  parallela  $Em$ , quę ipsi directrici occurrat in  $D$  arcus in binis punctis  $P$ ,  $O$  sectus sit in tres partes æquales.

276. Demonstratio est admodum facilis. Quoniam  
chor=

## 88 SECTIONUM CONICARUM

chorda  $PO$  est diametro  $AB$  perpendicularis, ab ea secatur bifariam. Est autem  $FP$  ad  $PD$  in ratione determinante  $2$  ad  $1$ . Quare  $FP$  est dupla  $PD$ , adeoque æqualis  $PO$ , & proinde arcus  $FP$ ,  $PO$  æquales. Ob chordas autem  $Fm$ ,  $PO$  parallelas, etiam  $FP$  est æqualis  $mO$ . Quare tres partes  $FP$ ,  $PO$ ,  $Om$  sunt inter se æquales, ut oportebat. Quoniam autem est &  $Fm$  ad  $mE$ , ut  $2$  ad  $1$ , patet  $m$  fore alterum axis transversi verticem. Quod si alter vertex sit  $M$ , erit  $FM$  dupla  $ME$ , & assumpta  $mV$  versus  $M$  æquali  $FM$ , erit &  $mV$  dupla  $VE$ , adeoque  $VE$ ,  $ME$  æquales, &  $FM$  æqualis  $MV$ , sive  $FM$ ,  $MV$ ,  $Vm$  æquales: nimirum divisa  $Fm$  in  $M$ , &  $V$  in partes tres, erunt,  $M$ ,  $m$  vertices axis transversi;  $V$  centrum Hyperbolæ.

277. Porro idem ramus Hyperbolæ secabit circulum etiam alicubi in  $p$ , ac ramus oppositus alicubi in  $P'$ , & erit  $Fp$  dupla  $pd$ , æqualis  $po$ , ac tres chordæ, & arcus  $Fp$ ,  $pd$ ,  $om$  æquales, ac pariter  $FP'$  dupla  $P'D'$  æqualis  $P'O'$ , quæ etiam ob  $P'O'$ ,  $mF$  parallelas erit æqualis  $O'm$ . Quare tres chordæ, & arcus  $FP'$ ,  $P'O'$ ,  $O'm$  æques. Nimirum sicut  $FP$  erit pars tertia arcus  $FBm$ , ita  $FBP$ , erit pars tertia arcus  $FBP'...FBm-AFBm$ , sive ipsius  $Fm$  integrò circulo aucti, &  $FBmAp$  erit pars tertia arcus  $FBmAFBmAFBm$ ; sive arcus  $Fm$  aucti binis circulis, & e contrario arcus  $Fp$  erit tertia pars arcus  $FAm$ ;  $FAP'$  erit tertia pars  $FAmBFAm$  ejusdem  $FAm$  circulo aucti  $FAmBP$  pars tertia  $FAmBFAmBFAm$  ejusdem aucti binis circulis, & cum  $FP$  sit tertia pars arcus  $FBm$ , &  $Fp$  tertia arcus  $FAm$ , erit  $PFp$  tertia totius circuli: cumque  $FP$  sit tertia  $FBm$ , &  $FBP'$  tertia  $FBmAFBm$ , sive ipsius  $FBm$  circulo aucti, erit  $PP'$  pars itidem tertia circuli totius, & puncta  $p$ ,  $P$ ,  $P'$  totum circulum dividant in partes æquales tres.

278. Id autem semper continget in quavis solutione geometrica, qua quæraturs pars tertia arcus cujuscumque, Semper omnino inveniri debent puncta tria, quæ totum circulum dividant in partes æquales tres, nec

eorum

eorum punctotum inveniri unquam poterit unum, sine reliquis binis. Ratio ejus est ipsa circuli natura in se ipsum redeuntis in infinitum, infinito quodam quarundam veluti spirarum numero, quarum nulla prima, nulla ultima. Semper autem ipse circulus ita sibi similis erit, ut quascumque proprietates habuerit quivis ejus arcus binis punctis interceptus generales, & pendentes unice ab eo, quod singula ejus puncta eque distent a centro eodem, easdem habere debeat tam arcus, qui ab altero ex iis punctis incipiens desinat in alterum in eadem spira, quam qui desinat post unam integram conversionem peractam, tam qui post duas, tam qui post earum numerum quemcumque, idque tam progrediendo ab eo puncto versus unam plagam, quam tendendo versus oppositam. Quare ubi queritur pars tertia arcus incipientis ab  $F$ , & desinentis in  $m$ , fieri omnino non potest, ut aliqua geometrica constructione determinetur pars tertia arcus  $FBm$ , non vero simul & arcus  $FBmAFBm$ , & ita porro quocumque numero integrarum conversionum assumpto. Quin imo eadem simul constructione invenienda erit pars tertia omnium omnino arcuum, qui pergendo ab  $F$  versus  $A$  desinunt in  $m$ , sive in eadem assumatur spira punctum  $m$ , sive in quavis quocumque integris conversionibus disjuncta.

279. Quamobrem licet eo problemate videatur requiri unica pars tertia unici arcus, revera requiruntur innumere innumerorum arcuum, quod prima fronte videretur factu impossibile non solum per circulum, & rectam lineam, sed per curvas in immensum magis compositas. Sed illud perquam commode accidit, ut omnium illorum numero infinitorum arcuum trisectiones habeantur in illis ipsis tribus punctis  $P$ ,  $P'$ ,  $p$ , a se invicem distantibus per tertiam circuli partem. Si enim  $FP$  sit tertia pars arcus  $FBm$ ; addendo huic integrum circulum, addenda erit partii tertiae priori pars circuli tertia  $POP'$ , & habebitur

pro

## 90 SECTIONUM CONICARUM.

pro parte tertia totius  $FBmAFBm$  arcus  $FPP'$ : additō toti arcui triseccando alio integro circulo: addenda erit parti tertiæ iterum pars tertia circuli  $Pp$ , & jam pars tertia arcus triseccandi erit  $FPPp$ : addendo verò iterum alium circulum, addenda erit parti tertiæ iterum pars tertia circuli totius  $pP$ , eritque pars tertia arcus triseccandi  $FBmAFP$ ; & ita porro novis adveniētibz circulis arcui triseccando, novi semper accedent parti tertiæ trisentes circuli, & trisectionum puncta semper discurrunt per  $P, P', p$  in infinitum. Existente autem partiter  $Fp$  parte tertia arcus  $FAm$ , ac novis integris adjectis circulis trisectiones discurrunt per  $p, P', P$  in infinitum. Quamobrem tria requiruntur ad hoc Problema circuli puncta, & cum recta; vel circulus circulum nonnisi in duobus punctis secare possit; id Problema solvere omnino non poterunt: poterit Hyperbola, quæ potest in tribus punctis circulo occurrere; immo posset etiam si quatuor puncta requirerentur; ac in applicatiōe Algebræ ad Geometriam ostendemus binas quasvis Sectiones Conicas problemati solvendo sufficere; vel quamvis cum circulo. Sed hisce omissis regrediendum est jam ad illam nostram generalem Problematis constructionem.

## SCHOLIUM VIII.

280. **U**T ex generali constructione Propositionis tertiæ novos & satis uberes capiamus fructus, punctum illud  $L$ ; quod ibi assumpseramus ubicunque, **F.90** assumamus jam in fig. 90, 91; 92 in ipsa recta data  
 91  $KH$ , cujus concursus quæritur cum Conica Sectione.  
 92 Patet punctum  $O$  fig. 41 debere hic abire in  $H$ ; cum ibi recta  $LO$  ducta sit parallela ipsi  $KH$ , adeoque & illius rectam  $OZ$ ; quæ ibidem erat parallela rectæ  $HF$ , abire in ipsam  $HF$  hujus. Quare jam constructio evadet multo simplicior. Sumpto radio  $LM$ , qui ad perpendiculum demissum ex  $L$  in directricem sit in ratione deter-

determinante, & descripto circulo, si is alicubi occurrat rectæ FH, in T, t, rectæ FP, Fp parallelæ ipsis LT, Lt determinabunt puncta P, p ad Conicam Sectionem; ac si punctis T, t coeuntibus recta HF contingerit circulum, etiam puncta P, p coibunt, & recta HL Sectionem Conicam continget. Quod si præterea punctum L abeat in aliquod perimetri punctum P, ut in fig. 93, patet etiam PF fig. 90; 91, 92 debere abire in LT sibi parallelam, circulo transeunte per focum, ubi coibunt binæ puncta F, T. At si L fuerit extra F.93 Ellipsim, vel Parabolam, vel inter binos Hyperbolæ ramos oppositos, focus F jacebit extra circulum, si vero L assumatur intra Ellipsim, vel Parabolam, vel utrumvis Hyperbolæ ramum, focus cadet intra circulum, quod sic etiam accuratissime demonstrari potest.

281. Sit in fig. 94, 95, 96 P in perimetro Sectio-F.49 nis Conicæ citrà directricem, & ducta PH perpendi- 95 culari ad directricem ipsam, ac producta tantundem ad 96 partes oppositas ita, ut PQ æquetur PH, per H, P, Q ducantur ex F rectæ indefinite ad partes H, P, Q, & vel neutra rectarum FP, FQ incidet in directricem; ut in fig. 94, vel incidet FP in I, ut in fig. 95; vel etiam FQ in h, ut in fig. 96. Assumpto in FP quovis puncto L, agatur recta ALa parallelâ HQ, occurrens directrici in S, rectis FH, FQ in A; a, ac ipsis parallelâ in fig. 96 sit hpq occurrens rectis FH, FP in q, p; & patet fore semper FL ad LA, vel La; ut FP ad PH, vel PQ ipsi æqualem, nimirum in ratione determinante, ac in eadem ratione fore Fp ad ph in fig. 96 coeuntibus ibi punctis a, S cum h, ubi L congruat cum p.

282. Inde vero patet, solum in fig. 96 punctum p fore iterum ad Sectionem Conicam existente Fp ad ph in ratione determinante, cum nimirum in nullo puncto L haberi possit FL ad LS in ea ratione, nisi id vel congruat cum P congruentibus A, S cum H, vel abeat in p congruentibus a, S cum h. Erit igitur punctum L extra Ellipsim, Parabolam, & utrumque Hyperbolæ ramum,

92 SECTIONUM CONICARUM

ramum, si assumatur in fig. 94, 95 ubicumque ultra P, & in fig. 96 inter P, p, erit autem intra illas, vel intra alterum hujus ramum, si assumatur citra P inter ipsum & F, vel in fig. 96 ultra p.

283. Porro cum radius circuli assumi debeat ad LS in ratione determinante, in qua semper est LF ad LA, vel La patet, ipsum fore majorem, æqualem, vel minorem respectum LF, prout LS fuerit major, æqualis, vel minor respectu LA, vel La. Patet autem assumpto L<sub>1</sub> ubicumque inter F, & P, fore L<sub>1</sub>S<sub>1</sub> majorem, quam L<sub>1</sub>A<sub>1</sub>, assumpto L in P, fore LS æqualem LA, & eodem assumpto in fig. 96 in p fore LS æqualem La; assumpto autem L<sub>2</sub> ubicumque ultra P in fig. 94, & inter P ac I in reliquis, fore L<sub>2</sub>S<sub>2</sub> minorem quam L<sub>2</sub>A<sub>2</sub>, si L assumeretur in ipsa directrice in I evanescente LS, evanescit & circulus, ac in punctum abit, ac assumpto L<sub>3</sub> ubicumque ultra I in fig. 95, & inter I, ac p in fig. 96, fore L<sub>3</sub>S<sub>3</sub> minorem, quam L<sub>3</sub>A<sub>3</sub>, ac demum assumpto L<sub>4</sub> ubicumque ultra p in fig. 96, fore iterum L<sub>4</sub>S<sub>4</sub> majorem quam L<sub>4</sub>A<sub>4</sub>. Quare radius circuli erit major, æqualis, vel minor, quam distantia LF a foco, prout punctum L assumptum fuerit intra Ellipsim, Parabolam, utrumlibet Hyperbolæ ramum, vel in perimetro, vel extra: Q. E. D.

284. Inde autem facile eruitur primo illud. Si assumatur punctum intra Ellipsim, Parabolam, vel utrumlibet ramum Hyperbolæ, nullam rectam inde posse duci, que Sectionem Conicam contingat, & quamvis rectam per ipsum ductam debere ipsam secare bis, præter rectas parallelas axi in Parabola, vel utrilibet asymptoto in Hyperbola, quarum altera intersectio ita in infinitum recedit, ut nusquam jam sit.

F.91 285. Nam in hoc casu punctum F, ut in fig. 91. cadet intra circulum, nec ulla ex eo duci poterit recta FH, quæ circulum tangat, quævis ex iis, quæ per ipsum ducatur, circulo occurrerit bis punctis T, & adeoque & HL Sectioni Conicæ occurrerit in binis punctis P, p, nisi forte alterum ex iis ita in infinitum recedat,

ut nusquam jam sit, quod in iis casibus posse fieri patet ex num. 149.

286. Quod si punctum assumatur in perimetro Sectionis Conicæ, unica e rectis omnibus per ipsum transeuntibus, continget ibidem ipsam Sectionem Conicam, relique omnes ipsi occurrent iterum, præter rectas parallelas axi Parabolæ, vel Hyperbolæ asymptotis.

287. Nam in eo casu focus F jacebit, ut in fig. 93 F. 93 in circuli peripheria, adeoque unica e rectis per ipsum transeuntibus, ut FH<sub>3</sub> ipsum circulum continget, reliquis secantibus iterum: unde consequitur unicam P<sub>3</sub>H<sub>3</sub> e rectis transeuntibus per P debere Sectionem Conicam contingere ibidem in P, reliquis extra expositos casus occurrentibus ipsi iterum.

288. Si vero punctum assumatur extra Ellipsim, Parabolam, vel utrumque Hyperbolæ ramum, bina e rectis per ipsum transeuntibus Sectionem Conicam contingent, reliquarum omnium ea, quæ jacebunt in iis tangentium angulis, in quibus focus jacet, occurrent bis, altero tamen occurssu in rectis axi Parabolæ, vel utrilibet asymptoto Hyperbolæ parallelis abeunte in infinitum ita, ut nusquam jam sit, utroque autem occurssu in Hyperbolæ pertinente ad eundem ramum, vel ad oppositos, prout recta inclinabitur ad directricem in angulo minore quam asymptoti, vel majore; bini vero contactus jacebunt in eodem Hyperbolæ ramo, vel in oppositis, prout punctum ipsum jacuerit in iis asymptotorum angulis, in quibus foci jacent, vel extra; & in priore casu terminabuntur ad eum ramum, qui jacet in eodem asymptotorum angulo cum puncto assumpto. Sed cadente puncto in alteram asymptotum, alter contactus in infinitum recedet, eo cadente in centrum, recedet uterque, nec usquam jam erit.

289. Nam in eo casu focus F jacebit, ut in fig. 97, F. 97 98, 99 extra circulum, adeoque binæ ad ipsum ex F 98 tangentibus duci poterunt FQH<sub>1</sub>, FqH<sub>2</sub> quæ binas LI, 99 LI Sectionis Conicæ tangentes determinabunt. Ex rectis vero omnibus transeuntibus per F, eæ omnes, quæ



94 SECTIONUM CONICARUM

transibunt per quodvis directricis punctum  $H_3$  jacens inter puncta  $H_1, H_2$ , circulum secabunt bis, quavis transiens hinc inde per puncta  $H_4, H_5$ , nusquam circulo occurrer. Quare idem accidet & rectis transeuntibus per  $L$  respectu Sectionis Conicæ, & patet punctum  $H_3$  fore in iis rectarum  $LI, Li$  productarum, qua opus est, angulis, in quibus jacet focus  $F$ , ut in fig. 97, 98, in angulo  $HLH_2$ , qui in illa est ipsi  $Li$  ad verticem oppositus, in hac est ipse  $Li$ , at in fig. 99 in angulo  $ILH_2$ , quem continet tangens  $IL$ , cum tangente  $iL$  producta. Quod autem attinet ad punctum intersectionis  $P$ , vel  $p$  recedens in infinitum, jam toties vidimus ex num 149. Puncta vero contactuum  $I, i$  jacebunt in ramo citeriori vel ulteriori, vel ita in infinitum recedent, ut nusquam jam sint, prout puncta  $Q, q$  jacuerint respectu directricis in arcu circuli secti a directrice ipsa in  $N$ , &  $n$  eodem cum centro  $L$ , vel in opposito, vel inciderint in illa ipsa puncta  $N, n$ .

290. Concipiatur autem centrum circuli  $Li$  positum citra directricem, vel  $Li$  ultra deferri ex parte  $A$  directricis versus  $B$  ita, ut intersectio  $N$  ipsius circuli cum directrice primo quidem in fig. 100 distet a puncto axis  $E$  magis, quam intersectio  $H$  asymptoti  $CH$  parallele ipsi  $LN$ ; tum in fig. 101 abeat  $L$  in ipsam asymptotum  $CH$ , adeoque  $N$  in  $H$ , ac demum in fig. 102 transcurrat ultra ad partes  $B$ , ac arcus quidem  $NON$  jaceat ad eandem directricis partem cum centro  $L$ , arcus  $Non$  ad oppositam, & recta  $VNu$  perpetuo tangat ipsum circulum in  $N$ . Quoniam ea rectum angulum continet cum  $NL$ , &  $FH$  cum  $HC$  (num. 164), patet, ipsam  $Vu$  fore parallelam ipsi  $FH$ , ac focum  $F$  relinquere in fig. 100 ad partes  $B$ , in ipsum incidere in fig. 101, eum relinquere ad partes  $A$  in fig. 102. Quare etiam tangens  $Fq$  jacebit in primo casu in arcu  $Non$ , abibit in secundo in  $N$ , jacebit in tertio in  $NOu$ , & contactus Hyperbolæ respondens ipsi  $q$  in primo casu jacebit in ramo ulteriore,

in secundo abibit in infinitum ita, ut nusquam jam sit, in tertio jacebit in ramo citeriore. Cumque idem debeat pariter evenire contactui Q, ubi centrum circuli deveniat ex parte B versus A; patet, productis asymptotis HC, hC in D, d; donec punctum L erit in angulo HCd, vel hCD; binos contactus terminari ad binos ramos oppositos illo existente in angulo HCb, utrumque contactum debere jacere in ramo citeriori; illo jacente in dCD; utrumque jacere in ramo ulteriori, illo vero abeunte in alteram asymptotum, alterum contactum debere abire in infinitum, alterum remanere in eo ramo; ad quem id asymptoti punctum accedit; at illo demum abeunte in centrum, utrumque contactum ita removeri; ut nusquam jam sit.

291. Ex hisce autem omnibus plurima sponte consequuntur, quorum pauca utiliora attingemus. Ex num. 284 constat, *Ellipsim Parabolam, ramum Hyperbola utrumvis cavitatem obvertere quaquaversus cuicumque puncto intra ipsas sito, convexitatem aliquo saltem arcu punctis sitis extra.* Nam si aliqua ex parte puncto intra sito convexitatem obverteret arcus aliquis, posset pergendo versus eum deveniri ad locum, ex quo ad illum tangens duci posset. Non potest autem punctis intra sitis obvertere cavitatem, nisi obvertat convexitatem sitis extra.

292. Ex num. 286 patet *in quovis puncto perimetri Sectionis Conica nonnisi unicam tangentem haberi posse.* Facile autem demonstrari posset; ibi *arcum curvae utrinque circa contactum jacere semper ad eandem tangentis partem*, quod tamen & ex num. 149, & ex num. 288 sponte fuit; cum nimirum recta ibi motu parallelo delata, hic circumvoluta circa punctum situm extra Sectionem Conicam primum incipiat eam contingere, tum in binis hinc inde a contactu punctis secare. Inde autem consequitur *Sectionem conicam nullibi flexum mutare; sed perpetuo in eadem plagam incurvari.*

96 SECTIONUM CONICARUM.

293. Ope ipsius num. 286 facile demonstratur & illud, licet recta Conicam Sectionem contingat in unica puncto, nullam aliam rectam duci posse in angulo, quem ea bina linea in ipso contactu constituunt. Nam in fig. 93, in qua  $KP_3H_3$  est tangens, sit quævis  $FH_1$ ,  $FH_5$  utcumque parum inclinata ad tangentem circuli  $FH_3$ , & ea circum fecabit iterum alicubi in  $T_1$ , vel  $T_5$ , & recta  $H_1P_3$ , vel  $H_5P_3$  Sectionem Conicam in aliquo puncto  $P_1$ , vel  $P_5$ . Sumatur jam punctum quodvis  $P_2$ , vel  $P_4$  ipsi  $P_3$  propius, & puncto  $T_2$ , vel  $T_4$  jacente in arcu  $FT_1$ , vel  $FT_5$ , ac recta  $FH_2$ , vel  $FH_4$  subeunte angulum tangentis circuli  $H_3F$ , productæ, si opus est, versus chordam, cum ipsa chorda,  $FT_1$ , vel  $FT_5$ , subibit  $H_2P_3$ , vel  $H_4P_3$  angulum, quem continet tangens Sectionis Conicæ  $KP_3H_3$  cum illa  $FH_1$ , vel  $FH_5$ , & jacebit in arcu  $P_3P_1$ , vel  $P_3P_5$ , adeoque ut arcus circuli aliquis  $FT_2T_1$ , vel  $FT_4T_5$  hinc inde a contactu subit semper inter tangentem, & rectam quamvis tangenti utcumque proximam, ita idem in Sectionibus Conicis evenit.

294. Patet inde quo pacto dato puncto in Sectionis Conicæ perimetro duci possit tangens, ducendo nimirum inde ad focus rectam  $P_3F$ , tum huic perpendicularem  $FH_3$  usque ad directricem, ac jungendo puncta  $H_3$ ,  $P_3$ , quod quidem jam ex num. 173 innotuerat. At hic præterea ex num. 288 eruitur methodus admodum expedita ducendi tangentem ad Sectionem Conicam e puncto  $L$  ubivis dato extra ipsam. Centro  $L$  in fig. 97, 98, 99, intervallo, quod ad perpendicularum demissum ex  $L$  in directricem sit in ratione determinante, describatur circulus, ad quem ducantur rectæ  $FQ$ ,  $Fq$  tangentes, quæ occurrant directrici alicubi in  $H_1$ , &  $H_2$ . Rectæ ductæ per ea puncta, & per  $L$  contingent Sectionem Conicam, & puncta contactuum  $I$ ,  $i$  invenientur ductis  $FI$ ,  $Fi$  perpendicularibus ad  $FH_1$ ,  $FH_2$ , quæ semper invenientur, præter casum, quo  $L$  cadat in Hyperbolæ asymptotos. Quod si for-

si forte altera e tangentibus circuli  $FQ$ ,  $Fq$  evadere  
 parallela directrici; puncto  $H_1$ ,  $H_2$  abeunt in infini-  
 tum ita, ut nusquam jam sit, ipsa quoque  $LI$ ; vel  $L_i$   
 evadet directrici parallela, & contactus  $I$ , vel  $i$  abibit in  
 verticem axis transversi. Si vero punctum detur in di-  
 rectricè; ut  $H$  in fig. 53, 54, circulus quidem evanes-  
 cet; sed ducta ad focum  $HF$ , & chorda  $Pp$  per focum  
 ipsi perpendiculari; habebuntur binæ tangentès  $Hp$ ,  $HP$ ,  
 juxta num. 177. F. 53  
54

295. Præterea facile deducitur & illud, *rectam*,  
*que ex concursu binarum tangentium ad focum duci-*  
*tur, secare bifariam angulum, quem ibi continent bi-*  
*ni radii focû ducti ad binos contactus, vel, ubi bi-*  
*ni contactus jacent in binis ramis oppositis, alter ex*  
*his cum altero producto.* Nam in fig. 97 si angulis F. 97  
 $H_1FI$ ;  $H_2Fi$  rectis ( num. 173 ) auferantur anguli 98  
 $LH_1$ ,  $LH_2$  æquales ob latera triangulorum  $FLQ$ , 99  
 $FLq$  æqualia, relinquentur anguli  $LFI$ ,  $LFi$  æqua-  
 les. In fig. 98 a rectis  $QFI$ ,  $qFi$  demptis æquali-  
 bus  $QFL$ ,  $qFL$  relinquuntur æquales  $LFI$ ,  $LFi$ : at in  
 fig. 99 producta  $IF$  in  $O$ , a rectis  $QFO$ ,  $qFi$  demptis  
 $QFL$ ,  $qFL$  æqualibus; pariter remanent  $LFO$ ,  $LFi$   
 æquales.

296. Posset hic etiam facile deduci, *in Ellipse quam-*  
*vis rectam per centrum ductam bis occurrere Ellipse hinc*  
*inde a centro, Hyperbolæ autem bis, vel nunquam,*  
*prout jaceat in illis asymptotum angulis, quos axis se-*  
*cat, vel in reliquis; deducendo primum ex num. 284,*  
 cum nimirum centrum intra Ellipsim jaceat, secundum  
 vero ex num. 288, quorum utrumque jam a num. 213  
 deduximus; quin imò assumpto centro Ellipseos vel Hy-  
 perbolæ pro centro circuli  $L$ , cujus radius esset ipse  
 femiaxis transversus, ut innuimus num. 145, deduci  
 possent multa ex iis, quæ in fig. 63, 64 demonstravi-  
 mus num. 195.

297. Sed admodum elegans est ratio, qua hinc di-  
 recta demonstratione deducatur illa Hyperbolæ ad asym-  
 ptotos relatæ proprietates, quam num. 221 deduximus

## 98 SECTIONUM CONICARUM

ex natura diametrorum per reductionem ad absurdum: F.103 nimirum si chorda Pp in fig 103, 104, occurrat asym-  
 104 ptoti in L, L', fore PL, æqualem pL'. Si enim asym-  
 ptoti occurrant directrici in punctis R, r, & pro cen-  
 tro circuli assumatur tam L, quam L', patet (num.  
 290) debere circulos transire illum per R, hunc per r,  
 & contingi ibidem ab FR, Fr æqualibus inter se cum  
 hic puncta R, r sint illa intersectio asymptoti cum di-  
 rectrice, quæ in fig. 101 est in H, quæ chorda si de  
 more occurrat directrici in H, ac recta HF circulis in  
 T, t, T', t', erit FP parallela tam LT, quam L'T',  
 & Fp tam Lt, quam L't', ac rectangula Tft, T'ft'  
 æqualia erunt quadratis æqualibus FR, Fr. Quare  
 erit FT' ad FT, sive PL' ad PL, ut Ft ad Ft', sive ut  
 pL ad pL', & componendo in fig. 103, dividendo in  
 fig. 104 erit LL' ad LP, ut ipsa LL' ad pL', & proinde  
 LP, Lp æquales.

298. Atque ex his omnibus jam patet, quam fecunda  
 sit hæc constructio. At multa, & multo graviora  
 supersunt, ac ipsa iterum ite fecunda, ut quocumque  
 te veritas novi semper ex eodem veluti trunco rami, e  
 singulis ramis ramenta alia, futeuli, frondes quoquo-  
 versum prorumpant, atque profiliant. Sequenti Propo-  
 sitione præcipuam quandam, & fecundissimam Sectio-  
 num Conicarum proprietatem ex eadem constructione  
 deducemus.

### PROPOSITIO VI. THEOREMA.

299. **I**N rectis omnibus transeuntibus per punctum da-  
 tum quodcumque, & Sectioni Conicæ bis occur-  
 rentibus, rectangula, quæ continentur sub binis distan-  
 tiis puncti ipsius a binis occursibus singularum recta-  
 rum, sunt inter se in ratione, quæ pendet a sola ratio-  
 ne determinante speciem Sectionis Conicæ, & incli-  
 natione rectarum ipsarum, substituto etiam quadra-  
 to tangentis, ubi bini occursus coeuntes abeant in  
 contactum; manente vero inclinatione binarum re-  
 cta-

*Earum, ac mutato utcumque illo puncto in data Sectione Conica manebit semper constans ratio unius rectanguli, vel quadrati ad aliud.*

300. Occurrat enim circulo recta KH in fig. 90, F. 90  
 91, 92 in M, m, recta vero per L, & F ducta in D, 91  
 d. Erit LP ad TF, ut LH ad TH, & Lp ad tF, ut LH 92  
 ad tH. Igitur conjunctis rationibus erit rectangulum  
 PLp ad rectangulum Tft, sive ad rectangulum DFd,  
 ut quadratum LH ad rectangulum THt, sive MHm,  
 nimirum ad differentiam quadratorum LH, LM. Jam  
 vero ratio LH ad LM sive ad LT est eadem, ac ratio  
 HP ad PF, sive quam habet ordinata ad directricem  
 in angulo AHL ad foci radium FP, quæ pendet a so-  
 la ratione determinante speciem Sectionis Conicæ, &  
 inclinatione rectæ LH, cum sit FP ad PH ( num. 2. )  
 in ratione composita ex ratione determinante, & ra-  
 tione sinus ejus inclinationis ad radium. Pendebit igitur  
 ab iis solis etiam ratio quadrati HL ad quadratum  
 LM, & quadrati HL ad eorum quadratorum differen-  
 tiam, adeoque & ratio rectanguli PLp ad rectangu-  
 lum DFd. Sed si quevis alia HE eodem modo occur-  
 rat in aliis punctis P, p manente puncto L, ratio quo-  
 que rectanguli ejusdem DFd ad rectangulum novæ PLp  
 pendebit a sola ratione determinante speciem Sectionis  
 Conicæ, & inclinatione hujus novæ LH. Ergo & ra-  
 tio unius rectanguli PLp ad quodvis aliud pendebit a  
 sola ratione illa determinante, & inclinatione recta-  
 rum ipsarum. Quare si jam illud punctum, per quod  
 rectæ transeunt, mutetur utcumque, sive ubicumque  
 accipiatur, & per ipsum transeant rectæ cum iisdem  
 semper inclinationibus, ea ratio rectanguli pertinen-  
 tis ad unam ex iis rectis ad rectangulum pertinens  
 ad aliam in omnibus diversis puncti positionibus ma-  
 nebit constans, ac patet coeuntibus punctis P, p in fig. F. 97  
 97, vel 98 in I, adeoque in ipso contactu factis LP, 98  
 Lp æqualibus LI, rectangulum PLp debere abire in  
 quadratum tangentis LI, quod illi rectangulo substitui  
 poterit. Patet igitur quidquid erat propositum.

## SCHOLIUM I.

301. SI rationem ipsam velimus expressam sinibus inclinationis, & algebraicis signis, facile obtinebimus. Si nimirum ratio determinans dicatur  $P$  ad  $Q$ , sinus autem inclinationis dicatur in priore  $S$ , in posteriore  $s$ , erit ratio rectæ  $FP$  ad  $PH$  in priore ratio  $SP$  ad  $Q$ , & in posteriore  $sP$  ad  $Q$ . Quare ratio primi rectanguli ad secundum erit composita ex rationibus  $QQ$  ad  $QQ-SSPP$ , &  $QQ-sPP$  ad  $QQ$ , five  $QQ-ssPP$  ad  $QQ-SSPP$ , quæ quidem est expressio ejus rationis admodum simplex.

302. Porro cum Sectiones Conicæ possint aliquando in rectas desinere, proprietas rationis constantis rectangulorum in rectis datam directionem habentibus & se interfecantibus communis est etiam, ubi eæ occurrant binis anguli rectilinei lateribus, ut  $Pp$ ,  $P'p'$  in fig. 105, 106, vel binis rectis parallelis, ut in fig. 106, 107. Id autem in iis casibus multo facilius perspicitur. Nam manebunt semper anguli triangulorum  $PRP'$   $pRp'$  adeoque & ratio rectæ  $RP$  ad  $RP'$ , &  $Rp$  ad  $Rp'$  erit semper eadem: ac proinde ratio quoque rectanguli  $PRp$  ad rectangulum  $PR'p'$ .

## SCHOLIUM II.

303. DEMONSTRATIO propositionis cum pendeat a constructione Problematis tertii, non habet vim, ubi punctum datur in directrice ipsa, quo casu circulus evanescit, nec ubi recta sit directrici parallela, vel per focum transeat, ut notavimus in ipsa Problematis constructione. Posset quidem & iis casibus aptari demonstratio longiore ambitu; sed satis erit notare illud: cum ex generali constructione Theorema locum habeat in casibus omnibus, in quibus punctum datum accedit ad directricem quantumlibet, & rectæ ad eas binas positiones pariter accedunt quantum-

utnlibet, oportet sane, ut & in iis casibus sit vera; in quos generalis constructio definit, postquam ultra quoscunque limites ad eos accesserit.

304. Sic etiam liceret ex propositione ipsa deducere hæc binæ Theoremata pro rectis axi, vel asymptoto utrilibet parallelis in Parabola, vel Hyperbola, quarum nimirum altera intersectio ita in infinitum recedit, ut nusquam jam sit, considerando, quid accidat rectis ad eas directiones accedentibus ultra quoscunque limites. Sed libet per finitam Geometriam hosce casus evolvere ex ipsa constructione, cum ex primo potissimum pendeat diametrorum omnium natura in Parabola, & asymptotorum in Hyperbola:

*Coroll. 1.*

305. Si recta per datum punctum transiens sit parallela axi in Parabola, & alteri asymptoto in Hyperbola, quæ nimirum (num. 149.) altera intersectione ita in infinitum recedente; ut nusquam jam sit, in unico puncto occurrat perimetro; in ea pro constanti ratione rectangulo sub binis distantibus a binis occurribus substitui potest rectangulum sub distantia ab unico occurso, & recta quavis constanti in Parabola, vel illi ipsi asymptoto inclinata in Hyperbola ex ipso dato puncto in angulo constanti, & ratio illa constans pendebit præterea a magnitudine rectæ constantis in Parabola, & rectæ ductæ in inclinatione ad asymptotum in Hyperbola:

306. Nam si in fig. 108, 109, 110, quarum prima F. 108 pertinet ad Parabolam, reliquæ ad Hyperbolam, recta 109 HL occurrat bis in Pp perimetro Sectionis Conicæ, 110 recta vero tL semel in P; recta tFT' per focum transeat, erit recta FP', æqualis Ft', cum P't' sit ordinata in angulo æqualitatis, & FP' parallela TL. Centro F intervallo Ft' inveniatur in recta tP' punctum I, eritque triangulum isosceles IFt' simile isoscelio FP't', cum habeant unum angulum ad basim communem in t', adeoque & reliquos æquales. Quare erit It' ad t'F, ut t'F ad t'P', sive ut FT' ad PL, adeoque rectangulum sub It' & PL æquale erit rectangulo t'FT' sive rectan,



102 SECTIONUM CONICARUM

rectangulo constanti  $Mfm$ , cui æquatur rectangulum  $Tft$ , & quod ad rectangulum  $PLp$  in data Sectione Conica, in qua ratio determinans est semper eadem, habet rationem pendentem a sola inclinatione rectæ  $LH$  juxta Propositionis demonstrationem.

307. Porro si per  $F$  ducatur recta  $FO$  in fig. 108 directrici parallela, & in fig. 109, 110 recta tendens ad  $R$  occursum directricis cum asymptoto parallela ipsi  $Et'$ , ea ipsam secabit in  $O$  ad angulos rectos, cum  $e'P'$  sit perpendicularis directrici in fig. 108 ex hypothesi, &  $FR$  occurrat asymptoto  $CR$  ad angulos rectos ( num. 164 ). Quare basim  $t'I$  trianguli isosceles  $t'FI$  secat bifariam in  $O$ . Est autem  $t'O$  in fig. 108 semper constans, nimirum æqualis distantiaæ foci  $F$  a directrice, quæ ( num. 62 ) est dimidia lateris recti principalis Parabolæ, adeoque  $t'I$  semper æqualis lateri recto principali, & rectangulum sub  $It'$ , &  $PL$ , ad rectangulum sub  $P'L$  & quavis recta constanti habebit rationem constantem, quam habebit latus rectum principale ad illam rectam, quæ proinde pendebit a magnitudine ipsius rectæ.

308. At in fig. 109, 110 est  $t'O$  ad  $OR$ , quæ æquatur distantiaæ perpendiculari puncti  $L$  ab asymptoto  $CR$ , in ratione constanti, nimirum ob similitudinem trianguli rectanguli  $ROt'$  cum rectangulo  $FER$ , cum quo habet angulum æqualem, vel eundem ad  $R$ , adeoque cum triangulo rectangulo  $FRC$ , in ratione  $FR$  ad  $RC$ , sive ( num. 164, & 166 ) semiaxis conjugati ad semiaxem transversum. Quare cum quævis recta in quovis dato angulo inclinata ex  $L$  ad asymptotum  $CR$  debeat habere ad rectam ex ipso  $L$  perpendiculararem asymptoto ipsi, sive ad distantiam illam perpendiculararem, quæ æquatur  $OR$ , rationem constantem, quæ pendebit ab inclinatione ejus rectæ; illa ipsa  $Ot'$  & recta quoque ejus dupla  $It'$  habebunt ad quamvis inclinatum ex  $L$  in quovis angulo dato rationem constantem pendentem ab ejus inclinatione, compositam ex binis constantibus  $t'O$  vel  $t'I$  ad  $OR$ , &  $OR$  ad eandem

dem inclinatum, adeoque & rectangulum sub  $L'$  &  $PL$  ad rectangulum sub  $P'L$  & ejusmodi recta inclinata in angulo constanti habebit rationem constantem pendentem ab inclinatione ejus ipsius rectæ.

Coroll. 2.

309. Si e quovis puncto  $L$  in fig. III, III ducantur bina recta  $LP$ ,  $Lp$  asymptotis parallela, occurrentes perimetro in  $P$ ,  $p$ , & ex punctis  $P$ ,  $p$  ducantur bina recta  $PD$ ,  $pd$  in datis quibusvis angulis ad asymptotos alternas; rectangula  $LPD$ ,  $Lpd$  erunt in ratione constanti, mutato utcumque puncto  $L$ , & si inclinationes rectarum  $PD$ ,  $pd$  ad suas asymptotos aequales fuerint, ratio erit æqualitatis.

310. Nam si per  $L$  ducatur quevis alia recta in dato angulo, que nimirum occurrat perimetro in  $I$ , &  $i$ , tam rectangulum  $LPD$ , quam  $Lpd$  habebunt (num. 308) rationem constantem ad  $ILi$ , cum  $ILi$  occurrat perimetro bis,  $LP$  semel, & tam  $PD$ , quam  $pd$  in datis angulis inclinentur; adeoque habebunt rationem constantem etiam inter se. Porro cum ea ratio pendeat ab inclinatione rectarum  $PD$ ,  $pd$  ad asymptotos, si inclinatio fuerit utrobique eadem, ratio utriusque rectanguli  $LPD$ ,  $Lpd$  ad idem  $ILi$  erit eadem, adeoque ipsa erunt inter se æqualia.

Coroll. 3.

311. Si e quovis puncto  $P$  Hyperbola ducantur bina recta  $PG$ ,  $PV$  singula parallela alteri asymptoto, & terminata ad alteram, continebunt rectangulum magnitudinis semper constantis, & si ex altero puncto  $p$  ducantur pariter  $pu$ ,  $pg$ , quarum prior sit parallela  $PG$ , posterior  $PV$ , erunt recta  $Pp$ ,  $Gg$ ,  $Vu$  inter se parallela, & concurrentibus  $GP$ ,  $gP$ , in  $L$ ;  $VP$ ,  $up$  in  $l$ , recta  $Ll$  transibit per centrum  $C$ , & parallelogramma  $CGLg$ ,  $CLVI$ ,  $LPlp$  similia erunt.

312. Erit enim ex Corollario præcedenti rectangulum  $LPV$  æquale rectangulo  $Lpu$ . Quare  $pu$ , sive  $Cg$  ad  $LP$ , sive  $gV$ , ut  $PV$  sive  $CG$  ad  $lp$ , sive  $Gu$ : adeoque per conversionem rationis  $Cg$  ad  $CV$ , ut  $CG$

ad

## 104 SECTIONUM CONICARUM

ad  $Cu$ , & rectangulum sub  $Cg$  &  $Cu$ , sive sub  $pg$  &  $pu$ , æquale rectangulo sub  $CG$  &  $CV$ , sive sub  $PG$  &  $PV$ , quod proinde manebit constantis magnitudinis, utcumque mutato puncto  $P$ .

313. Jam vero proportionalium terminorum capiendo summas, vel differentias; vel substituendo rectas iis parallelas, & æquales, patebit, fore  $LP$  ad  $LG$ ; ut  $Lp$  ad  $Lg$ , adeoque  $Pp$ ;  $Gg$  parallelas, &  $CG$  ad  $Cu$ , ut  $Cg$  ad  $CV$ ; adeoque  $Gg$ ;  $Vu$  parallelas, & demum inde  $CG$  ad  $Cu$ , ut  $LG$  ad  $lu$ ; adeoque triangula  $GCL$ ,  $uCl$  similia; & eorum angulos ad  $C$  æquales recta  $Cl$ , si producat, qua opus est, abeunte in  $L$ , unde patent omnia.

## SCHOLIUM III.

314. **H**OC quidem pacto delapsi sumus ad potentiam illam Hyperbolæ constantem, quam demonstravimus num. 227, cum nimirum hic habeatur constans rectangulum etiam sub  $CG$ ; &  $GP$ . Inde autem facili regressu demonstrarentur ea omnia, quæ ad asymptotos pertinentia erimus e proprietate diametrorum chordas bifariam secantium a num. 221, quæ quidem demonstrari potuissent etiam ope num. 297. At quoniam ea jam demonstrata sunt, hic progrediemur ad Corollaria quædam generalia, quæ ab ipsa Propositione, vel ab hisce Corollariis sponte consequuntur.

*Coroll. 4.*

315. *Si per quoddam punctum transeant binæ rectæ secantes Sectionis Conicæ perimetrum; rectangula sub binis distantis puncti ipsius a binis singularum intersectionibus erunt inter se; ut quadrata tangentium iis parallelarum, si qua sunt, a concursu ad contactum; & ut quadrata semidiametrorum parallelarum.*

316. Primum patet ex ipsa enunciatione Propositionis, cujus est casus particularis. Nam si ex uno puncto ducantur binæ rectæ, & ex alio binæ iis parallele

læ : hæ habebunt ad directricem eandem inclinationem ac illæ . Quare si illæ secent bis , hæ tangant , illarum rectangula ad se invicem , erunt ut harum quadrata . Secundum in omnibus diametris Ellipseos , & in diametris primariis Hyperbolarum patet ex eo , quod eę semper ad perimetrum Sectionis Conicę terminentur , & secantur bifariam in centro . Debebunt enim rectangula sub binis semidiametris per idem centrum ductis esse in eadem ratione , in quã sunt rectangula rectarum iis parallelarum transeuntium per illud alium quodvis punctum . Pro secundariis Hyperbolę diametris , quę non terminantur ad perimetrum Hyperbolę ejusdem , sed ad perimetrum conjugatę , sic demonstratur . Occurrat chorda Pp in fig. 113 eidem ramo Pp' binis & utraque binis in fig. 114 , prior autem utrobique alteri asymptoto in G , & per G ducatur chorda Ii parallela Pp' . Erit rectangulum PLp ad rectangulum P'Lp' , ut rectangulum PGp ad rectangulum IGi ( num. 299 ) . Sunt autem rectangula PGp , IGi æqualia ( num. 251 ) quadratis semidiametrorum sibi parallelarum .

Coroll. 5.

317. Si plures chordę , vel tangentes parallele ab una aliqua chorda transversim secantur , erunt quadrata tangentium ; & rectangula sub segmentis chordarum , ut rectangula sub segmentis chordę transverse .

318. Si enim in fig. 115 , 116 chordę Vu occurrant tangentes IA , ia inter se parallele in A , a , & chordę Pp , Pp' in L , L' , oportebit esse quadrata IA , ia , & rectangula PLp , P'Lp' ad rectangula VAu , Vau , VLu , VL'u in eadem ratione , adeoque & illę inter se , ut hæc inter se .

Coroll. 6.

319. Singula ejusmodi quadrata , vel rectangula tangentium , vel chordarum parallelarum æquantur singulis rectangulis sub segmento chordę transverse intercepto inter alterum ejus extremum , ac tangentem , vel chordam parallelam , & segmento tangentis , vel chordę parallela

106 SECTIONUM GONICARUM

parallela intercepto inter ipsam chordam transversam, & aliam rectam datam ductam per alterum verticem chordæ transversæ.

320. Si enim ex quovis puncto chordæ transversæ R ducatur RS iis chordis, vel tangentibus parallela, quæ sit ad  $\mu R$  in ea ratione data, in qua est rectangulum  $PLp$  ad  $VL\mu$ , & per  $\mu$ , & S ducatur recta tangentibus occurrens in B,  $b$ , chordis in D,  $D'$ , erit rectangulum  $VLD$  ad rectangulum  $VL\mu$ , ut  $LD$  ad  $L\mu$ , five ut  $RS$  ad  $R\mu$ , nempe ut rectangulum  $PLp$  ad idem illud  $VL\mu$ . Quare illi rectangulo  $VLD$  æquabitur hoc rectangulum  $PLp$ , five abeuntibus  $L$  in  $A$ ;  $P$ ,  $p$  in contactum  $I$ ,  $D$  in  $B$ , æquabitur rectangulo  $VAB$  quadratum  $AI$ .

Coroll. 7.

211. Si pro chorda transversa substituatur tangens, quam rectæ parallele secent, utrumque præcedens Corollarium habebit locum, dummodo rectangulo segmentorum chordæ transversæ substituatur quadratum tangentis interceptæ inter contactum, & parallelas.

F.117 322. Si nimirum in fig. 117 tangens per  $V$  ducta occurrat chordis  $Pp$ ,  $P'p'$  parallelis, & tangenti  $IA$  in  $L$ ,  $L'$ ,  $A$ , erunt rectangula  $PLp$ ,  $P'L'p'$ , & quadratum  $AI$  ad se invicem; ut quadrata  $VL$ ,  $VL'$ ,  $VA$ , (num. 317.) & ex puncto quovis  $R$  tangentis  $AL$  ducta  $RS$  illis parallela, quæ sit ad  $VR$  in ratione data rectanguli  $PLp$  ad quadratum  $EV$ , si ducatur  $VS$  illis rectis parallelis occurrens in  $D$ ,  $D'$ ,  $B$ , erunt rectangula  $PLp$ ,  $P'L'p'$ , & quadratum  $AI$  æqualia rectangulis  $VLD$ ,  $VL'D'$ ,  $VAB$ .

Coroll. 8.

F.118 323. Si binis tangentibus  $IE$ ,  $iE$  in fig. 118, 119  
119 concurrentibus in  $E$  occurrat tangens ducta per  $V$  in  $A$ ,  $a$ , ejus segmenta  $AV$ ;  $aV$  erunt in ratione composita  $AI$ ,  $ai$ , &  $Ei$ ,  $Ei$ .

324. Si enim ex  $A$  ducatur recta parallela tangenti  $Ei$  occurrens perimetro in  $P$ ,  $p$  erit quadratum  $VA$  ad quadratum  $Va$ , ut rectangulum  $PAP$  ad quadratum  $ai$ , five

sive in ratione composita ex rationibus rectanguli  $PAp$  ad quadratum  $AI$ , & quadrati  $AI$  ad quadratum  $ai$ . Cum igitur, ( nu. 317 ) sit rectangulum  $PAp$  ad quadratum  $AI$ ; ut quadratum  $Ei$  ad quadratum  $EI$ , erit quadratum  $AV$  ad quadratum  $aV$ , in ratione composita quadrati  $AI$  ad quadratum  $ai$ , & quadrati  $Ei$  ad quadratum  $EI$ , adeoque  $AV$  ad  $Va$  in ratione composita  $AI$  ad  $ai$ ; &  $Ei$  ad  $EI$ .

Coroll. 9.

325. Si tangens  $AVa$  fig. 120, 121 binis tangentibus parallelis  $AI$ ,  $ai$  occurrat, erit  $VA$  ad  $Va$ , ut  $AI$  ad  $ai$ ; quæ si præterea in Ellipsi fuerit parallela rectæ jungenti contactus bisariam secabitur in ipso contactu.

326. Erit enim quadratum  $VA$  ad quadratum  $AI$ ; ut quadratum  $Va$  ad quadratum  $ai$ . Quare  $VA$  ad  $AI$ , ut  $Va$  ad  $ai$ , & alternando  $VA$  ad  $Va$ , ut  $AI$  ad  $ai$ . Quod si Ellipsi in fig. 120 fuerit  $Aa$  parallela  $ai$ , erunt  $AI$ ,  $ai$  æquales, adeoque æquales &  $VA$ ,  $Va$ .

#### SCHOLIUM IV.

327. Huc usque deduximus Corollaria ex ipsa Propositione. Hoc postremum sponte exhiberet aliud Theorema utilissimum ac itidem fecundissimum aliorum quamplurimum, quæ ex ultimo pariter profluunt. Sed ne nimis late evagentur, id etiam ex alio generaliori, quod reservo propositioni integræ 8, ex qua ipsum cum suis Corollariis pariter fluit. Interea huc usque deductis alia analogæ, quæ a Corollario primo hujus propositionis 6 deducuntur, persequar, quæ nimirum pertinent ad casum rationis æqualitatis, in quo altera intersectio in Parabola, & Hyperbola ita in infinitum recedit, ut nunquam jam sit, ac sequentia quidem duo Corollaria respondent quinto & sexto e Propositione deductis; nam quartum transferri non potest ad rectas parallelas axi in Parabola, directrici in Hyperbola, quæ nullam

tan-

708 SECTIONUM CONICARUM

tangentem habent sibi parallelam, nec semidiametrum, diametris nimirum omnibus in Parabola in infinitum productis, & nulla diametro existente in Hyperbola parallela asymptotis.

Coroll. 10,

328. Si plures chordæ, vel tangentes parallele secantur transversim a recta axi parallela in Parabola, vel alteri asymptoto in Hyperbola, erunt quadrata tangentium, & rectangula sub segmentis chordarum, ut segmenta ejus parallela abscissa ab ipsius concursu cum perimetro.

329. Si enim in fig. 122, 123, quarum illa ad F. 122 Parabolam, hæc ad Hyperbolam pertinet, rectæ VL, 123 parallelae ibi axi, hic alteri asymptoto, quæ quidem occurreret perimetro in unico puncto V ( num. 149 ), occurrant tangentes IA, ia inter se parallelae in A, a, & chordæ Pp, Pp' in L, L', oportebit ( num. 305 ) esse quadrata IA, ia, & rectangula PLp. P'Lp' ad rectangula in Parabola quidem sub quavis recta constanti, in Hyperbola vero sub recta ducta a punctis A, a, L, L' in dato quovis angulo ad asymptotum illam ipsi VL parallelam, quæ idcirco constans pariter erit, & abscissis VA, Va, VL, VL' in ratione constanti. Igitur erunt etiam illa quadrata, vel rectangula inter se, ut hæc rectangula inter se, quæ ob rectam illam constantem sunt, ut ipsæ VA, Va, VL, VL'.

Coroll. 11.

330. Singula ejusmodi quadrata, vel rectangula æquantur singulis rectangulis sub ejusmodi abscissis rectæ illius parallelae axi, vel asymptoto, & recta quadam data.

331. Si enim assumatur quarta proportionalis post quamvis VL, LP, Lp, rectangulum sub VL, & ipsa æquabitur rectangulo PLp, rectangula autem sub VA, Va, VL', & ipsa ad rectangulum sub ipsa, & VL erunt, ut VA, Va, VL' ad VL, sive ut quadrata Al, ai, & rectangulum P'Lp' ad rectangulum PLp, adeoque quadrata Al, ai, & rectangulum P'Lp' pariter equalia rectangulis sub illa eadem quarta proportionali, & abscissis VA, Va, VL' singula singulis.

SCHO-

SCHOLIUM V.

333. **H**Ujus Corollarii II. relatio ad Corollarium  
 6 facilius perspicietur, si assumpto pariter  
 in recta VL quovis puncto R, ducatur RS parallela  
 tangentibus, vel chordis, & equalis illi constanti quar-  
 te proportionali, tum per S ducatur ipsi VL parallela:  
 quæ occurrat tangentibus in B, b, chordis in D, D';  
 erunt enim pariter quadrata AI, ai, & rectangula PLp,  
 P'L'p' æqualia rectangulis VAB, Vab, VLD, VL'D' -  
 ac figura 115, vel 116 abit in 122 vel 123, si pun-  
 cto u in illis ita in infinitum abeunte, ut nusquam  
 jam sit, rectæ VR, BS nusquam jam sibi occurrant,  
 adeoque parallele evadant.

Coroll. 12.

333. Si in chordam Vu, vel tangentem IB in fig. <sup>F.124</sup>  
 124, 125 incurrant plures rectæ LP, L'P' axi paralle- <sup>125</sup>  
 la in Parabola, vel alteri asymptoto in Hyperbola, erunt  
 rectangula VLu, VL'u sub segmentis chordæ, vel qua-  
 drata IL, IL' tangentis ibi, ut segmenta LP, L'P' re-  
 ctæ illius parallele intercepta inter chordam, vel tan-  
 gentem, & perimetrum, hic ut rectangula sub iisdem  
 segmentis, & recta in quovis angulo dato ducta ex in-  
 terfectione ipsius cum chorda, vel tangente, ad asym-  
 ptotum parallelam.

334. Patent ex ipso Coroll. I, vel etiam II. Sunt  
 enim ibi quadrata IL, IL', vel rectangula VLu, VL'u  
 in Parabola, ut rectangula sub L'P'; L'P, & recta con-  
 stanti, quæ rationem non mutat; hic ut rectangula sub  
 ipsis LP, L'P' & rectis ex L, & L' ductis ad asym-  
 ptotum parallelam in quovis angulo dato.

Coroll. 13.

335. Segmenti Parabolici VMu in fig. 126. area est <sup>F.126</sup>  
 ad aream trianguli VMu habentis pro basi chordam Vu,  
 & verticem in M in vertice diametri MR, cujus ipsa  
 est ordinata, ut 4 ad 3; ad parallelogrammum vero  
 VEeu clausum tangente per M ducta, & proinde ipsi  
 Roscovich. Tom. III. I Vu



## 110 SECTIONUM CONICARUM

*Vu* parallela, sive ad rectangulum sub ipsa chorda *Vu*, & perpendicularo in eam demisso ex eodem vertice, ut 2 ad 3.

336. Secta enim bifariam *MV* in *B*, agatur per *B* secta parallela diametro *MR*, occurrens chordæ *uV* in *L*, perimetro Parabolæ in *D*. Patet fore *LB* ad *MR*, ut *VB* ad *VM*, ut 1 ad 2, vel ut 2 ad 4. Erit autem *MR* ad *LD* (n. 333) ut rectangulum *VRu* ad rectangulum *VLu*, sive in ratione composita *VR* ad *LV*, & *Ru* ad *Lu* nimirum 2 ad 1, & 2 ad 3 sive ut 4 ad 3, ac proinde *BL* ad *LD*, ut 2 ad 3, & *BL* ad *BD* ut 2 ad 1. Quare & area trianguli *BVL* dupla erit areæ *BVD* ob altitudinem communem in *V*, sumptis *BL*, *BD* pro basibus. Area autem trianguli *VDM* pariter dupla est areæ trianguli *VDB* ob basim *VM* duplanti baseos *VB*. Igitur area trianguli *VDM* erit equalis areæ *BVL*, quæ cum sit ad aream trianguli similis *MVR*, ut quadratum *BV* ad quadratum *VM*, erit, ut 1 ad 4. Eodem vero argumento area trianguli *Mdu* erit quarta pars areæ *MRu*. Quare totum triangulum *VMu* ad bina triangula *VDM*, *udM* simul, ut 4 ad 1. Eodem vero pacto sectis bifariam chordis *VD*, *DM*, *Md*, *du* haberentur quatuor triangula, ad quæ priora illa duo simul essent, ut 4 ad 1 tum octo alia, ad quæ illa quatuor essent pariter, ut 4 ad 1, & ita porro, ac series rectarum semper magis in infinitum accederet ad perimetrum Parabolæ, & area ad aream segmenti parabolici, qua concluderetur omnis illa progressio in infinitum producta, cujus progressionis primus terminus esset triangulum *CMu*, & ratio primi termini ad secundum, ut 4 ad 1. Quoniam igitur in progressionibus geometricè decrescensibus est (c. 3. n. 10. Arith.) differentia primi termini a secundo ad primum, ut primus ad totam progressionis summam: erit ut 3 differentia 4 ab 1 ad 4, ita illud triangulum ad aream sectoris parabolici. Parallelogrammum vero *CEeu* est duplum ejus trianguli, & æquale rectangulo sub basi *Cu*, & altitudine *MI*. Igitur erit, id parallelogrammum, &  
id

id rectangulum ad aream ipsius sectoris ut 6 ad 4  
sive ut 3 ad 2.

SCHOLIUM VI.

337. NISI supra demonstrata fuisset proprietas diametrorum chordas omnes bifariam secantium admodum facile hic ex hac ipsa propositione deduci posset pro omnibus diametris Ellipseos; ac Parabolæ, & pro secundariis Hyperbolæ:

338. Si enim sint binæ tangentes IB; *ib* parallelæ in Ellipsi in fig. 127; vel in Hyperbola in fig. 128, ac in eas incidat in L, *l* chorda Pp parallela *li* jungenti contactus, debebunt rectangula PLp, Pp ad quadrata tangentium LI, *li* habere rationem eandem cumque ipsæ IL, *il* æquales esse debeant, erunt æqualia etiam ea rectangula, adeoque Pl ad PL, ut pL ad pl, sive componendo in Ellipsi, dividendo in Hyperbola Ll ad PL, ut ipsa Ll ad pl adeoque Pl, pl æquales. Quare si secta bifariam *il* in C agatur per C recta CR ipsius tangentibus parallela, quæ nimirum abscindet rectas RL, Rl æquales rectis Cl, Cl, adeoque & inter se ea ipsa & chordam Pp secabit bifariam in eodem puncto R.

339. Et eo quidem pacto haberetur proprietas diametrorum omnium in Ellipsi, si nimirum concipiatur, tangentes parallelas BI, *bi* in fig. 127 conversæ circa orientem Ellipsim, conversa cum iis *li*, & positione chordarum Pp. In Hyperbola vero habentur omnes diametri secundariæ, quæ solæ tangentes habent sibi parallelas. Sed pro primariis hoc pacto progredi liceret. Assumpta in fig. 128 CR' æquali CR, & ducta PL'R'lp' parallela rectæ PLR/p; debebunt esse æquales IL, IL', adeoque æqualia rectangula P'Lp', PLp, quæ ad æqualia quadrata IL', IL eandem rationem habent. Essent autem æquales P'L' p'. Quamobrem ob L'l' æqualem Ll, si P'L' esset major, vel minor PL, etiam Lp' esset pariter respectu Lp: adeoque rectangulum P'L'p' non erit æquale rectangulo PLp, nisi PL æquetur P'L'.

## 112 SECTIONUM CONICARUM

Ducta igitur  $PP'$ , quam  $CI$  secet in  $r$ , ea erit parallela  $LL'$ , & bifariam rectam in  $r$ , ut  $LL'$  in  $I$ , ac  $CI$  erit diameter omnes chordas  $PP'$  parallelas tangenti  $LL'$  secans bifariam, & eadem est demonstratio pro chordis  $pp'$ .

F. 129 340. At in Parabola in fig. 129 si sit quævis chorda  $Pp$ , ac e contactu  $I$  tangenti ipsi parallela ducantur recta parallela axi, ea ipsam chordam secabit bifariam in  $R$ . Ductis enim  $PL$ ,  $pl$  pariter axi parallelis, erunt quadrata  $IL$ ,  $il$  ad se invicem, ut ipsæ  $LP$ ,  $lp$ , quæ cum æquales esse debeant, erunt æqualia & ipsa quadrata, & rectæ  $IL$ ,  $il$ , &  $RP$ , &  $Rp$  ipsis æquales.

341. Porro jam ex ipsa hac demonstratione patet, in Parabola omnes diametros debere esse axi parallelas: ac in Ellipsi, & Hyperbola omnes debere transire per centrum, demonstraretur ex eo, quod omnes chordæ per centrum transeuntes in ipso centro bifariam secantur (n. 81 & diametri ejusmodi chordas etiam secare debeant bifariam, adeoque per illud idem centrum transire. Atque hæc quidem innuere libuit, ut pateret, quam facile alio prorsus pacto ex eadem definitione series proprietatum deduci posset, deducta ante alias hac constanti ratione rectangulorum sub chordarum segmentis.

342. Sed iis omissis contemplabimur hic potius miram quandam analogiam, quam habent Ellipses, & Hyperbolæ similes communi centro, & positione axis transversi, ac Parabolæ æquales communi positione axis, cum asymptotis Hyperbolarum, quæ profluit partim ex Prop. 5, partim ex hac Prop. 6, & Corollariis.

### S C H O L I U M VII.

F. 130 343. *SI sint in fig. 130. binæ Ellipses, & in fig. 131, 132 binæ Hyperbolæ similes, quarum 132 commune centrum C, & axes transversi Cu, Cu' positione congruant; ac in fig. 133 binæ Parabolæ æquales, 133 congruente axium positione; ordinatarum eandem in utraque positionem habentium diametri positione congruent, & si quaedam alterius ordinata Pp occurrat alteri in H,*  
h 16-

h jacentibus P, p in fig. 131 in eodem ramo, in fig. 132 in ramis oppositis erunt semper aequalia segmenta HP, hp, & Hp, hP intercepta hinc inde inter interiorem, & exteriorem.

344. Si enim ducatur in fig. 130 & 131 diametri Ii chordæ Pp, quæ alteri Ellipsi, & Hyperbolæ occurrat in E, & e, tangentes per I, & E ductæ, erunt parallelæ (n. 119.). Quare cum ordinata Pp debeat esse parallela tangenti per verticem suæ diametri I, erit & Hh parallela tangenti ductæ per verticem diametri E, adeoque ipsius ordinata. In fig. vero 132 si ipsi Pp diameter parallela Ii occurrat alteri Hyperbolæ in A, & diameter habens pro ordinata Pp debet esse (n. 212.) parallela tangenti ductæ per verticem I. cum debeat esse conjugata diametri Ii, & pariter diameter ordinatæ Hh parallela tangenti ductæ per A. Cum igitur eæ tangentes parallelæ esse debeant, eandem habebunt directionem earum ordinarum diametri, & cum debeant transire per idem centrum commune C, positione congruent. Demum in fig. 133 si concipiatur Parabola HVh translata per axem ita, ut segmentum axis VF abeat in segmentum axis V'F' sibi æquale, congruet tota cum illa Parabola sibi æquali ita, ut diameter ER abeat in IR' existente vertice I in eadem distantia ab axe, in qua erat, adeoque in eadem recta priore erit diameter IR, & quoniam adhuc tangens per I ducta cum diametro eundem angulum continebit, quem tangens per E, erunt huiusmodi tangentes parallelæ, & proinde communis directio ordinarum utriusque diametri, & communis ordinarum eandem directionem habentium diameter.

345. Igitur in omnibus eiusmodi figuris a communi diametro secabuntur ambæ ordinatæ Pp, Hh bifariam in R; ac proinde erit HP æqualis hp, & Hp æqualis Ph.

346. Manente ordinarum eiusmodi directione quatuor rectangula HPh, PHp, Hph, Php semper erunt inter se equalia, & magnitudinis constantis, ac semper equalia in fig. 130, 131, 133 quadrato tangenti IA, vel  
 la du-

114 SECTIONUM CONICARUM

*Ya ducta per verticem I diametri interioris, ac deter-*  
*minata contactu, & perimetro exteriori, ipsa tangen-*  
*te Aa secta bifariam in I; in fig. vero 132 differentie*  
*quadratorum semidiametrorum parallelarum CI, CA.*

347. Ducta enim per P, & I recta, quæ alteri cur-  
 ve occurrat in M, & N, erit & PM æqualis IN, &  
 MI æqualis PN. Quare rectangulum MPN erit æqua-  
 le rectangulo MIN. Est autem (n. 299.) rectangulum  
 MPN ad rectangulum HPb, ut MIN ad rectangulum  
 AIa. Igitur etiam rectangulum HPb erit æquale rectan-  
 gulo AIa. Porro rectangula HPb, PHp, Hpb, Php, pa-  
 ter, æqualia esse ob PH, pb, & Hp, hP æquales, re-  
 ctangulum autem AIa erit in fig. 130, 131, 133 æqual-  
 le quadrato AI, cum coeuntibus punctis P, p in I abeant  
 HP, hp æquales in AI, ai, & in fig. 132 ob diame-  
 trum Aa sectam bifariam in C erit rectangulum AIa  
 differentia quadratorum CI, Ca.

348. Hic autem jam patet analogia Sectionis Co-  
 nicæ externæ respectu internæ cum asymptotis. Seg-  
 menta rectæ interceptæ hac externa perimetro, & inter-  
 na æquantur hic inter se (num. 345), ut (n. 221)  
 segmenta rectæ interceptæ asymptotis, & Hyperbola.  
 Ex ea æqualitate inferitur hic (num. 346) constantis  
 mensura illorum quatuor rectangulorum, quæ conti-  
 nentur sub distantia alterius intersectionis cum altera o-  
 binis perimetris, & binis intersectionibus cum altera,  
 ut in asymptotis (numer. 251), & ut ibi, ita et-  
 iam hic, ubi habetur tangens ordinatis rectis paral-  
 lela, eam in ipso contactu secatur bifariam, ac illa re-  
 ctangula æquantur quadrato tangentis interceptæ con-  
 tactu, & perimetro exteriori. Ubi autem in fig.  
 132 non habetur tangens parallela, æquantur illa re-  
 ctangula differentie quadratorum CI, CA, quæ in  
 asymptotis, ubi CA evanescit, æquantur (num. 251)  
 quadrato toti ipsius CI. At in eo etiam conveniunt.  
 Si enim axis Vh minuatur in infinitum ita, ut de-  
 um evanescat, Hyperbola desinit in binas rectas  
 transeuntes per C juxta numer. 16 & 10, quæ e-  
 runt

runt ipsæ asymptoti, quo casu evanescente AC, differentia quadratorum CI, CA est idem, ac ipsum quadratum CI. Quamobrem proprietates asymptotorum sunt generales in Hyperbola omnibus Hyperbolis similibus communi centro, & axium positione, quæ, axe evanescente, desinunt demum in asymptotos ipsas, in quibus generales illæ proprietates manent, licet aliquæ ex iis ita immutentur, ut remaneant accommodatæ ipsis rectis, & evanescentiæ axis transversæ, ac ex natura rectæ lineæ cum iis ipsis proprietatibus conjuncta deducantur alia Theoremata.

349. Et quidem in ejusmodi similibus perimetris analogia cum asymptotis in Hyperbola, & Parabola etiam ulterius progreditur. Nam in iis, ubi in infinitum producantur, perimenter exterior ad interioram accedit ultra quoscunque limites, quin tamen unquam sibi occurrant. In Ellipsi quidem perimetrorum distantia est semper finita, & quidem minima in ipsis axium conjugatorum verticibus, maxima in verticibus transversorum. At in Hyperbola in fig. 131, & in Parabola in fig. 133 recedente ordinata Pp in infinitum, crescit ipsa in infinitum, adeoque crescit in infinitum & Hp ipsa major, & cum sit Hp ad Ai, ut IA ad pb, ob rectangulum illud æquale quadrato Ai ipsa pb decrescit pariter in infinitum. Sed cum Hp nusquam abeat in infinitum (nam omnes chordæ parallelæ alicui secanti bis eundem ramum inclinantur ad directricem (num. 149) in angulo minore, quam sit angulus æqualitatis), & proinde eam secant bis, ac omnes pariter in Parabola bis secant (n. 354) nusquam pb evanescet.

S C H O L I U M VII.

350. **S**ed jam regrediendum ad seriem Theorematum hisce scholiis interruptam ac eruemus proprietatem maxime notabilem, que licet sit quoddam  
1      4      sim-

116 SECTIONUM CONICARUM

simplex veluti Corollarium ipsius Propositionis 6, tamen hic nova Propositione 7 enunciabitur cum nimirum naturam ipsam Sectionum Conicarum contineat, & usum habeat frequentissimum.

PROPOSITIO VII. THEOREMA:

351. **Q**uadratum semiordinate cujuscvis diametri primarie in Ellipsi & Hyperbola ad rectangulum sub abscissis a binis verticibus est in constanti ratione, nimirum ut quadratum diametri, vel semidiametri conjugate ad quadratum ejus diametri vel semidiametri sive si, ut in axe, tertia continue proportionalis post diametrum ipsam, & diametrum conjugatam dicatur parameter, vel latus rectum, & ipsa diameter latus transversum, erit, ut latus rectum, vel parameter ad latus transversum, vel diametrum illam ipsam. In Parabola vero equatur rectangulo sub abscissa ab unico diametri vertice, & recta constanti, quam dico parametrum; vel latus rectum, & quae equatur ordinatae per focum ductae, ac equatur quadruplae distantiae verticis diametri a foco, vel a directrice.

F. 134. 352. Pro Ellipsi, & diametris primariis Hyperbo-  
135 le, in fig. 134, 135 haberi rationem constantem quadrati semiordinate LP, vel Lp ad rectangulum VLM sub binis abscissis a binis verticibus V, ut patet ex Propositionibus 5, & 6. Nam ex prop. 6 rectangulum PLp ad rectangulum VLM habet rationem constantem, manente ordinatarum directione, & ex Propositione 5 recta Pp bifariam secatur in L, adeoque rectangulum PLp æquatur quadrato PL, vel pL. Idem pro Hyperbola constat etiam ex numer. 256.

353. Eam rationem esse eandem, quam parametri, vel lateris recti ad diametrum, vel latus transversum, patebit ex definitione parametri; si demonstraretur esse eandem, ac rationem quadrati diametri, vel semi-

semidiametri conjugatæ ad quadratum diametri, vel semidiametri primariæ. Id autem pro Ellipsi patet in fig. 134; cum diametri omnes in ea terminentur ad perimetrum, adeoque si  $ACA$  sit diameter conjugata, esse debeat in eadem illa ratione rectangulum  $ACA$  ad rectangulum  $VCu$ , sive quadratum  $AC$  ad quadratum  $VC$ , adeoque & quadratum  $Aa$  ad quadratum  $Vu$ . Pro Hyperbola demonstratum est num. 256.

354. In Parabola vero in fig. 136 cum rectangulum  $PLp$ , sive quadratum  $PL$  sit per Coroll. 1. Prop. 6 ad rectangulum sub abscissa  $VL$ , & quavis recta constante in ratione constanti, si semel assumatur pro recta illa constanti, sive pro parametro tertia proportionalis post aliquam abscissam, & ejus semiordinatam, jam quadratum semiordinatæ fiet æquale rectangulo sub abscissa, & ea parametro, adedque ea ratio constans in reliquis omnibus ordinatis erit ratio æqualitatis.

355. Quod si ordinata  $PLp'$  transeat per focum  $F$ , & diameter  $LV$  occurrat directrici in  $H$ , erit (num. 178)  $VL'$  dimidia  $L'H$ , &  $L'H$  dimidia  $Pp'$ , ac proinde æqualis  $PL'$ . Quare erit  $L'V$  ad  $L'P'$  ut  $L'P'$  ad  $Pp'$ , & proinde ordinata  $Pp'$  per focum ducta erit illa parameter constans, quæ erit quadrupla  $VH$ , adeoque & quadrupla  $VF$ : Q. E. D.

### SCHOLIUM I.

356. **C**UM ex hac quoque Propositione plurima consectoria profluant, ordinem quemdam in iis deducendis persequar. In primis quæ omnes Sectiones Conicæ communia habent in diametris omnibus cum iis, quæ initio de axibus sunt Demonstrata Corollario 1. indicabo; tum deducam bina, quæ Parabolæ soli sunt propria, quibus demonstratis progrediar ad Theoremata quædam pertinentia ad Ellipsim, & Hyperbolam generaliter: demum occasione nacta comparationis Ellipseos cum circulo, plures ejus proprietates evolvam.



## 118 SECTIONUM CONICARUM.

### Coroll. 1.

357. *Quæ deducta sunt pro ordinatis axis transversæ in Corollariis 8, 10, 12, 13 definit. 2 num. 74, 79, 83. 85, eadem locum habent in ordinatis diametrorum omnium, si pro axe conjugato ponatur in binis postremis diameter conjugata.*

358. Demonstratio est eadem utrobique, petita pariter ex ratione constanti, quam habet quadratum semiordinatæ ad rectangulum sub abscissis, & quod pertinet ad Coroll. 13 demonstratum est pro Hyperbola num. 256.

### Coroll. 2.

359. *Latus rectum cujusvis diametri in Parabola æquatur lateri recto principali, & quadrupla abscissæ a vertice axis per ordinatam ductam ex ejus diametri vertice.*

F.65 360. Est enim in fig. 65 parameter diametri transeuntis per P quadrupla (num. 351) PD, adeoque quadrupla ER compositæ ex EM quarta parte lateris recti principalis, & MR ejusmodi abscissæ a vertice.

### Coroll. 3.

F.124 361. Si e quovis puncto L chorda Vu Parabolæ in  
125 fig. 124, vel tangentis IL in fig. 125. ducatur LP axi parallela usque ad perimetrum, erit ibi rectangulum VLu, hîc quadratum IL æquale rectangulo sub PL, & latere recto ejus diametri, cujus ibi chorda Vu est ordinata, & qua hîc transit per contractum I.

362. Secta enim in fig. 124 chorda Vu bifariam in R, & erecta RM parallela axi, quæ erit (num. 206, & 212) diameter ejus chordæ, erit quadratum VR, sive rectangulum VRu (num. 351) æquale rectangulo sub RM, & latere recto diametri ipsius. Erit autem rectangulum VLu ad rectangulum VRu (num. 333) ut rectangulum sub LP, & illa parametro assumpta pro constanti, ad rectangulum sub RM, & eadem parametro, adeoque & rectangulum VLu erit æquale rectangulo sub LP, & eadem parametro. Porro si coeuntibus V, u secans LVu abeat in tangentem, quadratum  
ejus

E L E M E N T A. 219

ejus tangentis debet æquari rectangulo sub LP, & ea parametro. Sed idem in fig. 125. patebit, si in diametrum IR axi, adeoque ipsi PL parallelam ducatur semiordinata PR, quæ erit parallela, & æqualis LP. Erit enim quadratum RP æquale rectangulo sub IR, & parametro diametri IR, adeoque & quadratum IL æquale rectangulo sub LP, & eadem parametro.

Coroll. 4.

363. *In Ellipsi, & Hyperbola diametri conjugatæ sunt sibi invicem conjugatæ.*

364. Pro Hyperbola demonstratum est etiam (n. 344.), sed pro utraque sic evincitur communi demonstratione. Sint in fig. 137, 138 binæ ordinatæ Pp, Pp' eidem diametrio Vu æqualiter distantes a centro C per CL, Cl, & proinde æquales (num. 357, & 79). Si ducatur per centrum C diameter ACa parallela ordinatis Pp, Pp', ea secabit chordas PP', pp' bifariam, cum LP, LP', & lp, lp' debeant æquari æqualibus CL, Cl, ac proinde habet ipsas chordas PP', pp' pro ordinatis. Igitur binæ diametri Vu, Aa ejusmodi sunt, ut alterius ordinatæ sint alteri mutuo parallelæ, adeoque (num. 312) ipsæ diametri sibi mutuo conjugatæ sunt.

Coroll. 5.

365. *Si communem diametrum habeant plures Ellipses, vel plures Hyperbolæ eandem primariam diametrum, ordinate vero sint in quibusvis angulis inclinatæ ad ipsas diametros; semiordinatæ ad idem diametri punctum pertinentes erunt in omnibus in constanti ratione inter se, quam habebunt diametri conjugatæ, & idem respectu Ellipsium contingit semiordinatæ ad circulum, & respectu Hyperbolarum tangenti ex eodem puncto diametri ductæ ad circulum ipsum eadem diametro descriptum, habita ipsius circuli diametro pro diametro ejusdem conjugatæ, cui tangenti semiordinatæ Hyperbolæ æquilatere æqualis erit.*

366. Si enim in fig. 139, 140 ejusmodi Ellipsium, vel Hyperbolarum semiordinatæ fuerint LP, LP', erunt, invertendo in proportione hujus Propositionis 7, quadrata

## 120 SECTIONUM CONICARUM.

drata semiordinatarum  $LP$   $LP'$  ad quadrata suarum semi-diametrorum conjugatarum in eadem ratione communis rectanguli  $VL_{\mu}$  ad quadratum communis semi-diametri  $CV$ , adeoque &  $LP$  ad suam semi-diametrum conjugatam, ut  $LP'$  ad suam, ac proinde alternando  $LP$  ad  $LP'$ , ut altera semi-diameter conjugata ad alteram.

367. Quod si in fig. 139  $VP_{\mu}$  sit circulus, in eo quadratum  $LP$  æquatur rectangulo  $VL_{\mu}$ , & si in fig. 140. ducatur  $LT$  tangens ad circulum  $VT_{\mu}$ , quadratum ipsius æquatur rectangulo  $VL_{\mu}$ . Quare etiam in iis erit quadratum  $LP$  figuræ 139, &  $LT$  fig. 140. ad quadratum semi-diametri circuli, ut rectangulum  $VL_{\mu}$  ad quadratum  $CV$ , nimirum in ratione æqualitatis, ac proinde manebit demonstratio. In Hyperbola, vero æquilatera diametri conjugatæ erunt æquales, (num. 260), adeoque ratio quadrati  $LP'$  in fig. 140 ad rectangulum  $VL_{\mu}$ , vel quadratum  $LT$  ratio æqualitatis, adeoque  $LP'$  æqualis  $LT$ .

### Coroll. 6.

368. In eodem casu chordæ  $Pp$ ,  $P'p'$  ductæ per vertices binarum ordinatarum pertinentium ad bina communia diametri puncta  $L$ ,  $l$ , vel tangentes ductæ per bina extrema puncta  $P$ ,  $P'$  ordinatarum pertinentium ad commune diametri punctum  $L$  concurrent in ipsa diametro alicubi in  $Q$ , quod etiam in Ellipsi cum circulo comparata contingit, in qua iccirco erit abscissa a centro ad semi-diametrum, ut hæc ad distantiam tangentis a centro comparatam in ipsa diametro.

369. Patet ex lemmate generali num. 204. Erit enim  $LP$  ad  $LP'$ , ut  $lp$  ad  $lp'$ , adeoque rectæ  $Pp$ ,  $Ll$ ,  $P'p'$  ad idem punctum  $Q$  convergent. Accedent autem puncto  $l$  ad  $L$ , donec cum ipso congruat, evanescentibus simul chordis  $Pp$ ,  $P'p'$ , simul ambæ secantes  $pPQ$ ,  $p'P'Q$  abibunt in tangentes, & adhuc ipsæ tangentes in eodem diametri puncto  $Q$  concurrent. Porro si in fig. 139  $VP_{\mu}$  sit circulus, &  $PQ$  tangens, angulus  $CPQ$  erit rectus, & similia triangula  $CLP$ ,  $CPQ$  ob angulum ad  $C$  communem, adeoque  $CL$  ad  $CP$ , sive  $CV$ , ut  $CV$  ad  $CQ$ .

SCHO-

S C H O L I U M II.

370. **P**Lures hinc Ellipseos proprietates profluunt sane elegantissimæ, tam quæ ad ejus diametros conjugatas pertinent, quam quæ ad ipsius comparationem cum circulo, quæ quidem Hyperbolæ vel nullo modo conveniunt, vel non omnino communes sunt. Eas aliquot Corollariis persequar eo ordine, quo aliæ ex aliis oriuntur,

Coroll. 7

371. *In Ellipsis, annexato iis etiam circulo, habentibus diametrum communem, si ordinate ductæ per vertices binarum diametrorum, quarum singule ad singulas pertineant, transeant per idem cujuscvis diametri punctum, transibunt etiam ordinate ductæ per vertices diametrorum conjugatarum per aliud diametri punctum commune.*

372. Sint enim in fig. 141 semidiametri CP, CP' F.141 & ordinate ad communem diametrum Vu ductæ per P, P' transeant per idem diametri Vu punctum L. Sit quoque Cp semidiameter conjugata CP, adeoque parallela tangenti PQ, & ducta semiordinata pl, tum semiordinata lp', demonstrandum est fore Cp' semidiametrum conjugatam CP'. Sic autem facile demonstratur. Tangens ducta per P' terminatur ad idem punctum Q, & ob similia triangula plC, PLQ est Cl ad lp, ut QL ad LP; & (num. 365) lp ad lp', ut LP ad LP'. Quare ex equalitate ordinata Cl ad pl' ut QL ad LP', adeoque ob angulos QLP', Clp' in parallelis equales, similia erunt triangula QLP', Clp', & Cp' parallela QP', adeoque conjugata semidiametri CP'.

Coroll. 8.

373. *In Ellipse si ad quamvis diametrum uV e verticibus P', p' diametrorum quarumvis conjugatarum ducantur semiordinata P'L, p'l, alterius abscissa a centro CL erit media proportionalis inter alterius abscissas VI, ul a binis verticibus, ac summa quidem quadratorum binarum*

122 SĒCTIŌ NUM CŌNICĀRŪM

*rum abscissarum a centro CL, Cl equabitur quadrato semidiametri CV, in quam ea demissa sunt; summa vero quadratorum semiordinatarum PL, p'l quadrato semidiametri CA' conjugata ipsius CV.*

374. Si enim eadem diametro sit circulus VPu; & erigantur semiordinatæ LP; lp erit (num. 371; Cp parallela tangenti QP, adeoque angulus PCp equalis alterno CPQ recto in contactu. Quare bini anguli PCL; pCl simul equantur recto. Cum igitur equentur recto & bini PCL, CPL in triangulo rectangulo CLP; erit angulus CPL equalis pCl, & proinde similia triangula CPL, pCl, quæ præterea ob bases CP, Cp æquales erunt æqualia; adeoque CL equalis lp mediæ proportionali inter Vl, ul ex circuli naturâ. Præterea vero summa quadratorum CL, Cl equabitur quadrato CP, sive quadrato CV; cumque sit Cl sive PL ad LP', & CL, sive lp ad lp', ut semidiameter CA ad semidiametrum CA' conjugatam CV, erit & summa quadratorum Cl, CL ad summam quadratorum LP', lp', ut quadratum CA, seu CV æquale illi primæ summæ ad quadratum CA, quod proinde erit æquale summæ posteriori.

Coroll. 9.

375. Summa quadratorum diametrorum, seu semidiametrorum conjugatarum in Ellipsi constanter æquatur summæ quadratorum axium, vel semiaxium; parallelogrammum, cujus latera semidiametri conjugata, rectangulo sub semiaxibus; ac parallelogrammum Ellipsi circumscriptum, quod continent tangentes ductæ per diametrorum conjugatarum vertices rectangulo sub axibus, cujus parallelogrammi angulorum vertices erunt semper in perimetro Ellipseos alterius prioris similis, cujus latera ad ejus latera homologa erunt in ratione subduplicata 2 ad 1.

F. 142 276. Nam in fig. 142. si Vu fuerit axis Ellipseos VPu, & diameter circuli VPu, & CP, Cp semidiametri conjugatæ, ductis P'LP, p'lp axi perpendicularibus usque ad circuli peripheriam, tum CP, Cp, erit quadratum CA ad quadratum CA'; ut quadratum LP ad quadratum LP', & quadratum lp ad quadratum lp',  
adeo-

adeoque ut summa quadratorum  $LP'$ ,  $lp$  ad summam quadratorum  $LP$ ,  $lp'$ , seu ob  $PL$  equalem  $Cl$  ( num. 373 ) summa quadratorum  $PL$ ,  $pl$  æquatur summe  $Cl$ ,  $lp$ , sive quadrato  $Cp$ , vel  $CA$ . Igitur & summa quadratorum  $LP'$ ,  $lp'$  æquatur quadrato  $CA'$ . Cum vero etiam  $Cl$  æquetur  $LP$ , adeoque bina quadrata  $Cl$ ,  $CL$  æquentur binis  $PL$ ,  $CL$ , sive quadrato  $CP$ , vel  $CV$ , quatuor quadrata  $LP'$ ,  $lp'$ ,  $CL$ ,  $Cl$ , sive bina semidia- metrorum conjugatarum  $CP'$ ,  $Cp'$  æquabuntur binis quadratis semiaxim  $CA'$ ,  $CV$ ; adeoque & quadrata diametrorum conjugatarum quadratis axium.

377. Ductis autem  $pL$ ,  $p'L$ , erunt, ut  $CA$  ad  $CA'$ , tam arcæ triangulorum  $PpL$ ,  $P'p'L$ , &  $PCL$ ,  $P'CL$ , quæ, cum sint inter easdem parallelas, sunt ut bases  $LP$ ,  $LP'$ , quam arcæ triangulorum  $pLl$ ,  $p'Ll$ , &  $pCl$ ,  $p'Cl$ , quæ pariter sunt ut bases  $pl$ ,  $p'l$ . Sunt igitur in eadem ratione & tota quadrilinea  $PLlp$ ,  $P'Ll'p'$ , & tri- angula  $PCL$ ,  $P'CL$ , ac  $pCl$ ,  $p'Cl$ ; adeoque & residua triangula  $PCp$ ,  $P'c'p'$ ; est autem triangulum  $PCp$  re- ctangulum ad  $C$  dimidium rectanguli sub  $PC$ ,  $Cp$ ; sive sub  $VC$ ,  $CA$ , & triangulum  $P'c'p'$  dimidium pa- rallelogrammi  $P'c'p'T$ . Quare erit rectangulum sub  $AC$ , &  $CV$  ad parallelogrammum  $P'c'p'T$  pariter, ut  $CA$  ad  $CA'$ , sive ut idem rectangulum sub  $AC$ , &  $CV$  ad rectangulum sub  $CA'$ , & eadem  $CV$ ; nimi- tum ad rectangulum sub semiaxibus; cui proinde æ- quale erit illud patallelogrammum.

378. At in fig. 143 si  $QTqt$  sit parallelogrammum F. 143 tangentium ductatum per vertices  $P$ ,  $p$ ;  $P'$ ,  $p'$  diametro- rum conjugatarum  $Pp'$ ,  $P'p$ , satis patet ob ipsarum tangentium parallelismum cum ipsis diametris, fore inter se æqualia quatuor parallelogramma  $CT$ ,  $CQ$ ,  $Ct$ ,  $Cq$ ; quorum proinde cum singula ut  $CT$ , æ- quentur rectangulo sub semiaxibus; simul omnia æ- quabuntur rectangulo sub axibus. Ducta vero  $CQ$  quæ Ellipsi occurrat in  $V$ , chordam  $Pp$  ea bifariam secabit in  $R$ , & ibidem ab ea bifariam secabitur; cum sint binæ diametri parallelogrammi, eritque  $PP'$  ordi-

124 SECTIONUM CONICARUM.

ordinata semidiametri VC, adeoque ( num. 368 ) CR ad CV, ut CV ad CQ, & CQ ad CV, in ratione subduplicata CQ ad CR, five 2 ad 1. Pariter si Pp', CT sibi occurrant in r, & CT Ellipsi in B, erit CT ad CB in ratione subduplicata CT ad Cr, five 2 ad 1, adeoque Q, T ad hujusmodi Ellipsim per num. 119.

Coroll. 10.

379. *Diametrorum omnium in Ellipsi maxima est axis transversus, minima axis conjugatus, reliquarum ea major, quæ axis transverso propior, ac binæ hinc inde in angulis cum ipso equalibus æquales.*

F.142 380. Nam in fig. 142 si Vu sit axis transversus, qui conjugato semper est major (num. 64), erit LP major, quam LP' in eadem ratione; adeoque quadratum CP æquale quadratis CL, PL erit majus quadrato CP, quod est æquale quadratis CL, LP'; ac proinde CP, vel CV major quam CP', & axis transversus duplus CV major quavis diametro dupla CP'.

381. Porro quoniam quadratum PL ad quadratum P'L est in constanti ratione, in eadem ratione crescent, & decrescent & ipsa, & eorum differentia. Crescit autem semper sinus PL in circulo, dum P ab V ab A tendit, decrescente CL, ac in A est maximus, adeoque & differentia quadratorum LP', LP quæ eadem est, ac differentia quadratorum CP, CP', semper crescit ab V ad A, vel A'; & proinde cum quadratum CP sit semper idem, decrescet perpetuo CP', & abeunte P' in A' fiet minimum. Quare diametri quoque quo magis distant ab axe transverso eo minores sunt, & axis conjugatus est omnium minimus.

382. Demum si Ellipsis completa occurrat ipsi PP' in I, erit LI æqualis LP', adeoque & CI æqualis CP', & angulus LCI æqualis LCP'. Quare binæ semidiametri CP', CI hinc inde in equalibus angulis ab axe transverso æquales, adeoque æquales & integræ diametri.

Coroll. 11.

383. Diameter per cuius verticem ducta ordinata ad axem habebit abscissam a centro ejusmodi, ut ejus quadratum sit dimidium quadrati ejusdem semiaxis, habebit diametrum conjugatam sibi æqualem, & ea, datis axibus, facile determinatur.

384. Si enim fuerint  $CP^a$ ,  $Cp'$  æquales, erunt æquales & anguli  $P'CL$ ,  $p'Cl$ , adeoque &  $CL$ ,  $Cl$ , nimirum (si  $Cp'$  fuerit conjugata  $CP'$ )  $CL$ ,  $LP$ , & quadratum  $CL$  dimidium quadrati  $CP$ , sive  $CV$ . Dato autem axe  $uV$ , si fiat angulus  $VCP$  semirectus, tum capta  $CP$  æquali  $CV$ , ducatur  $PL'$  perpendicularis ipsi axi, & capiatur  $LP^a$  ad  $LP$  in ratione semiaxis  $CA^a$  ad semiaxem  $CV$ , erit  $P'C$  semidiameter, quæ suæ conjugatæ æqualis erit.

Coroll. 12.

385. Si eodem axe sit Ellipsis, & circulus; erit area circuli ad aream Ellipseos, ut is axis ad alterum, quæ ratio erit eadem in segmentis communes abscissas habentibus; ac area totius Ellipsis erit media geometricè proportionalis inter areas circulorum habentium pro diametris binos ejus axes, sive circuli circumscripti & inscripti, ac æqualis area circuli habentis diametrum median geometricè proportionalem inter binos axes.

386. Si enim  $Vu$  sit jam axis uterlibet, & circulus rectæ  $PP'$  occurrat in  $I'$ , erit  $PI^a$  ad  $IP'$  semper ut  $PL$  ad  $LP'$ , sive ut semiaxis  $CV$  ad  $CA^a$ , sive ut totus axis  $Vu$  ad axem alterum. Quare & areæ genitæ eodem motu earundem rectarum  $PI'$ ,  $IP'$  erunt in eadem ratione, nimirum area segmenti  $PVI'$  ad segmentum  $IVP'$ , & area totius circuli ad aream totius Ellipseos.

387. Porro cum hinc area circuli habentis pro diametro axem transversum sit ad aream Ellipseos, ut axis transversus ad conjugatum, & area Ellipseos ad aream circuli habentis pro diametro axem conjugatum sit iterum, ut axis transversus ad conjugatum, erit area Ellipseos media inter areas illorum circulorum, & cum



quævis semidiameter sit minor semiaxe transverso, major semiaxe conjugato, patet, circulum descriptum, assumpto pro radio illo priore, fore circumscriptum, assumpto vero hoc posteriore, fore inscriptum. Cumque areæ circulorum sit in ratione duplicata diametrorum, patet, circulum pariter habentem diametrum mediam geometricè proportionalem inter binos axes, habiturum aream pariter mediam inter areas eorundem illorum circulorum, & æqualem areæ Ellipseos.

## S C H O L I U M. III.

388. **A**Tque hoc quidem pacto multa deducimus, quæ Ellipsi ita propria sunt, ut ad Hyperbolam saltem eodem pacto transferri non possint, licet suas habeat Hyperbola ipsa proprietates, quæ earum plerisque respondeant. Sic nonnullis eorum, quæ hic proponuntur n. 373, 375, 379 respondent, quæ pro Hyperbola proposita sunt num. 253, 248, 244.

389. Ex ipsa Propositione facile deducitur, *dati latere transverso, & recto, ac directione ordinarum, vel dati in Ellipsi & Hyperbola binis diametris conjugatis magnitudine, & positione, posse inveniri omnia Sectionis Conicæ puncta*. Assumpta enim quavis abscissa in latere transverso, & ductæ rectæ in ea directione, quam habere debent ordinatæ, quæ nimirum in Ellipsi, & Hyperbola parallela est diametro conjugatæ, satis erit pro Parabola assumere in ipsa hinc inde binas semiordinatas medias proportionales inter abscissam, & latus rectum, in Ellipsi, & Hyperbola assumpta media proportionali inter binas abscissas a binis verticibus, satis erit assumere hinc & inde binas semiordinatas, quæ ad eam sint in ratione simplici diametri conjugatæ ad diametrum illam, in qua assumpta est abscissa, sive in ratione subduplicata lateris recti ad illam diametrum. Habebitur enim, ut patet, debitus semiordinatæ valor, & mutata utcumque abscissa, describetur omnis Sectio Conicæ per puncta.

390. Sed ut pro Hyperbola ex datis binis diametris conjugatis elegantissimam, & expeditissimam constructionem habuimus num. 269 ope regulæ gyrantis circa datum punctum inter binas asymptotos, sic hîc pariter habemus aliam nihilo minus expeditam, & elegantem constructionem Ellipseos per puncta, datis itidem binis diametris conjugatis, idque pariter ope regulæ alia quadam data lege gyrantis inter datas binas rectas.

391. Sint binæ diametri conjugatæ in fig. 144, 145 <sup>F. 144</sup> VC $\mu$ , ACP. Ex alterius vertice A demisso in alteram <sup>145</sup> perpendicularo AB, capiatur AD in eodem, vel ad partes A producto, ut in fig. 144, vel versus B, ut in fig. 145, AD æqualis semidiametro CV, ac per C, & D ducta indefinita EF, productaque indefinite utrinque V $\mu$  in G, & H, moveatur linea BD ita, ut puncto B excurrente per rectam GH, ac puncto D per EF abeat in *db*; & punctum A abiens in *a* describet Ellipsim. Ducta enim ex *d* recta parallela DB, quæ occurrat rectis AP, V $\mu$  in L, N, erit (num. 204) *dL* ad *dN*, ut DA ad DB, sive ut *da* ad *db*. Quare ducta *aL*, erunt similia triangula *adL*, *bdN*; adeoque *aL* parallela diametro VC $\mu$ . Erit autem DA ad *aL*, ut AC ad LC, adeoque quadratum DA, sive CV ad differentiam quadratorum DA, *dL*, sive *da*, *dL*, nimirum ad quadratum *aL*, ut quadratum AC ad differentiam quadratorum AC, LC, sive ad rectangulum sub abscissis AL, LP. Quare alternando quadratum VC ad quadratum AC, ut quadratum *aL* ad rectangulum ALP sub abscissis, & proinde *aL* æqualis semiordinatæ, & punctum *a* ad Ellipsim.

392. Quod si in fig. 146, 147 V $\mu$ , AP fuerint axes, <sup>F. 146</sup> constructio evadet facilior. Sumpto enim in axe CA <sup>147</sup> segmento AD vel ad partes oppositas centri C, ut in fig. 146, vel versus ipsum, ut in fig. 147, & notatis in regula punctis D, C, A, ipsa regula ita convertatur, ut punctum C excurrat per axem VC $\mu$  in *c*, puncto D excurrente per ACP in *d*, ac punctum A translata in *a* describet Ellipsim. Ducta enim *aL* paralle-

123 SECTIONUM CONICARUM

la VC, erit  $da$  ad  $dL$ , ut  $ca$  ad CL, adeoque quadratum  $da$ , five CV ad differentiam quadratorum  $da$ ,  $dL$ , five quadratum  $aL$ , ut quadratum  $ca$ , five CA ad differentiam quadratorum  $ca$ , CL, five CA, CL; nimirum ad rectangulum ALP, adeoque alternando quadratum CV ad quadratum CA, ut quadratum La ad rectangulum ALP, ut oportebat.

393. Quoniam vero illa puncta  $a$ ,  $b$ ,  $d$  in fig. 144 145, vel  $a$ ,  $c$ ,  $d$  in fig. 146, 147 possunt etiam notari in extremo rectilineo chartæ margine, & charta ipsa ita translata, ut puncta  $b$ ,  $d$ , vel  $e$ ,  $d$  semper sint in rectis GH, EF, notari, facile possunt quotcumque puncta  $a$ , & per ea duci linea continua; admodum facile Ellipsis describitur. Solet autem & instrumentum construi respondens fig. 147, in quo virga  $dca$  habeat in  $a$  stylus, in  $c$ , &  $d$  binos pedes insertos ita crenis in lamina incavatis secundum directiones CV, Cu, CA, CP, ut per ipsas excurrant, ac stylus in motu continuo Ellipsim describat, & ut plurima Ellipsium genera describi possint, virga paratur longior, per quam stylus  $a$ , & pedes  $c$ ,  $d$  possint excurrere, & ad moveri ad se invicem, ac removeri ita, ut  $da$  fiat æqualis semiaxi transverso  $ca$  conjugato.

394. Ovalem lineam, quæ referat Ellipsim, sic etiam ope circini licebit describere. Fiat in fig. 148. rhombus quivis HDBE, cujus latera ad partes angulorum oppositorum B, & H producantur: tum centris B, & H, quovis, sed utrobique eodem intervallo, describantur arcus circuli FG, IL, ac centris E, & D reliqui FL, GI, qui apte connectentur cum prioribus in F, G, I, L cum perpendiculares sint iisdem EF, DG, DI, EL, habentibus eorum centra. Quin etiam si dentur in fig. 149. axis major VCu, & minor ACP, facile sic determinabitur rhombus HDBE, cujus ope ejusmodi ovalis fiat. Centro C radiis Cu, CA fiant quadrantes circuli uK, AS occurrentes in K, S ipsis CA, Cu. Ducatur Au occurrens arcui AS in G, ac per quodvis punctum I arcus DG ducatur recta CI occurr-

currens quadranti  $\mu K$  in  $L$ , ducanturque rectæ  $\mu L$  &  $AI$ , per quarum concursum  $F$  ducta recta parallela ipsi  $LC$ , quæ occurrat rectis  $C\mu$ ,  $CP$  in  $B$ ,  $E$  assumptisque  $CH$ ,  $CD$  versus  $V$ , &  $A$  æqualibus  $CB$ ,  $CE$ , habebitur rhombus quæsitus  $EBDH$ . Nam triangula  $FB\mu$ ,  $FEA$  erunt similia isosceles  $LC\mu$ ,  $ICA$ , adeoque arcus circuli radio  $B\mu$  abibit in  $F$ , & radio  $EF$  in  $A$ .

395. Pro quovis rhombosic facilius invenietur quadratum. Sumatur  $AN$  versus  $P$  æqualis  $\mu C$ , tum  $CM$  versus  $\mu$  æqualis  $CN$ , ductaque  $MN$ , ac bifariam secta in  $R$ , sumantur  $MB$ ,  $NE$  ad partes oppositas  $C$  æquales  $MR$ , vel  $NR$ , &  $CH$ ,  $CD$  æquales ipsis  $CB$ ,  $CE$ , ac habebitur intentum. Patet enim  $HDBE$  fore quadratum, ob æqualia triangula  $BCD$ ,  $DCH$ ,  $HCE$ ,  $ECB$ . Ductis autem  $RB$ ,  $RC$ , &  $RO$  parallela  $NE$ , ob  $CM$ ,  $CB$  æquales  $CN$ ,  $CE$  patet,  $MN$ ,  $BE$  fore parallelas, & proinde angulum  $RBO$  æqualem alterno  $MRB$ , sive  $MBR$  ob  $MB$ ,  $MR$  æquales, vel  $CBR$ . Angulus quoque  $ROB$  æqualis est semirecto  $NEO$ , sive semirecto  $BCR$ , &  $BR$  communis triangulis  $BRC$ ,  $BRO$ . Igitur erit  $OB$  æqualis  $CB$ , & ducto arcu  $\mu F$ , erit  $OF$  æqualis  $C\mu$ , sive  $NA$ . Quare additis  $EO$ ,  $EN$ , æqualibus eisdem  $NR$ , erit &  $EF$  æqualis  $EA$ , ac arcus radio  $EF$  abibit in  $A$ . Sed hæc constructio locum non habet, ubi  $CN$  differentia semiaxium sit ita magna, ut  $MB$  exadat major, vel æqualis  $M\mu$ .

S C H O L I U M IV.

396. **P**rogrediemur jam ad aliud Theoremâ deducendum e Prop. 6, ac pariter fecundissimum plurimorum pertinentium potissimum ad tangentes, quorum nonnulla etiam e Corollariis ipsius Prop. 6, deduci poterant, ut monui num. 327. Ordinem deductionis indicabo in Scholiis interjectis.

## PROPOSITIO VIII. THEOREMA.

397. **S**I per concursum  $Q$  fig. 150, 151, 152 tangen-  
tis  $PQ$  cum diametro  $QR$  ducatur recta occurrens  
perimetro sectionis Conicæ in  $T, t$ , & ordinata  $Pp$  in  
 $K$ , erit  $QK$  media harmonice proportionalis inter  $QT$ ,  
 $Qt$  in fig. 150: 151, in quibus  $T, t$  sunt in eodem ra-  
mo, vel  $KT, Kt$  in fig. 152, in qua eadem jacent in  
ramis oppositis.

F.150  
151  
152  
398. Ducta enim recta,  $Qp$ , agantur per  $T, t$  rectæ  
parallelæ ipsi  $Pp$  occurrentes rectis  $QP, QR, Qp$  in  
 $H, h, l, i, L, l$ , & perimetro iterum in  $S, s$ . Quo-  
niam ordinatæ  $TS, ts$  a diametro pariter bifariam se-  
cantur in  $I, i$ , & (num. 204) rectæ  $HL, hl$  a recta  
 $QR$  debent secari bifariam in  $I, i$ , ut recta  $Pp$  in  $R$ ;  
erunt &  $HS, hs$ , æquales  $TL, tl$  & rectangula  $THS,$   
 $ths$  rectangulis  $HTL, htl$ . Porro cum sit  $HT$  ad  $ht$ ,  
&  $TL$  ad  $tl$ , ut  $QT$  ad  $Qt$ ; erit quadratum  $QT$  ad  
quadratum  $Qt$ , ut rectangulum  $HTL$  ad rectangulum  
 $htl$ , sive ut rectangulum  $THS$  ad rectangulum  $ths$ , ni-  
mirum (num. 321) ut quadratum  $PH$  ad quadratum  
 $Ph$ , vel ut quadratum  $KT$  ad quadratum  $Kt$ . Quare  
 $QT$  ad  $Qt$ , ut  $KT$  ad  $Kt$ . Sunt autem  $QT, Qt$  in  
fig. 150, 151 trium  $QT, QK, Qt$  extremæ, &  $KT,$   
 $Kt$  differentiæ extremarum a media, ac in fig. 152 hæ  
extremæ trium  $KT, KQ, Kt$ , illæ differentiæ earundem  
a media. Habetur igitur utrobique ratio harmonica  
proposita.

## SCHOLIUM I.

399. **S**I recta  $QK$  sit parallela axi in Parabola, vel  
alteri asymptoto in Hyperbola, puncto  $t$  ita  
in infinitum recedente, ut nusquam jam sit, fiet juxta  
num. 25  $QT$  æqualis  $TK$ . Sed quoniam eo casu in  
Parabola  $QK$  deberet congruere cum diametro  $QR$ ,  
cuius ipsum casum, qui nimirum usui futurus est,  
accu-

accurate post hoc Scholium per finitam Geometriam demonstrabo.

400. Quod si punctum R abiret in centrum; Pp in fig. 150, 151 evaderet diameter, & tangens PH diametro RQ parallela, adeoque punctum Q abiret in infinitum, quo casu recta Tt pariter parallela tangenti Hh, esset ordinata diametri Pp, & ab ea bifariam secaretur in K, quod pariter congruit cum iis, quæ num. 25. demonstrata sunt de harmonicæ proportionis ratione in æqualitatem desinente, ubi alterum e quatuor punctis extremis abit in infinitum.

401. In casu vero, in quo QK evadat diameter, & congruat cum QR, punctum T ubique, & t in Ellipse, ac Hyperbola evadit ejus vertex, adeoque evanescentibus TS, ts, fiunt HL, hl tangentes, & rectangula HTL, htl evadunt quadrata tangentium, quo tamen casu adhuc demonstratio vim habet, & in casu Ellipseos, ac Hyperbolæ coincidit cum demonstratione Coroll. 9. Propositionis 6. expositi num. 325, in qua seriem quandam confectariorum ejusdem Propositionis abruptimus, ut num. 327. monui, ne nimis late evagaremur, huc reservatis iis, quæ jam deducemus.

Coroll. 1.

402. Tangens PQ in fig. 153, 154, & ordinata per idem punctum P ducta in Ellipse, & diametris Vu primariis Hyperbola, ipsam diametrum secant in Q, & R in eadem ratione directa, & ad eandem centri partem, in Parabola in fig. 155, abscindunt segmenta VR, VQ a vertice equalia.

403. Nam in fig. 153, 154. puncta Q, V, R, u respondent punctis Q, I, R, i fig. 150, 152. Ac proinde erit VQ ad uQ, ut VR ad Ru. Idem autem eruetur etiam ex illo Coroll. 9. Prop. 6: si enim tangentes per V, & u ductæ occurrant tangenti PQ in A, & B, erunt parallelæ, & per id Corollarium erit AV ad Bu, ut AP ad PB, adeoque VQ ad Qu, ut VR ad Ru.

404. Inde autem sequitur puncta Q, & R debere ja-

132 SECTIONUM CONICARUM

cere ad eandem centri partem, quia binę distantię VQ, VR ab eodem vertice V, quę sunt primus & tertius proportionis terminus, debent esse vel simul majores, vel simul minores quam binę distantię ab altero vertice u, adeoque jacere ad eandem partem centri verticibus interjecti, ad quam jacet vertex propior.

405. In Parabola verò in fig. 155 sic per finitain Geometriam demonstratur fore QV, VR æquales. Pręterea diameter ducta per P occurrat tangenti ductę per V in M, ordinatę in r, ac ex concursu A binarum tangentium ducatur AN diameter, & axi parallela usque ad perimetrũ. Erunt ob parallelismum æquales QV, Pr, & VR, MP, adeoque etiam QR, Mr. Erit autem ( num. 328 ) QV ad AN, ut quadratum QP ad quadratum PA, sive ut quadratum QR ad quadratum VR, & AN ad MP, sive VR ut quadratum VA ad quadratum VM, sive ut quadratum rP ad quadratum rM, vel ut quadratum CV ad quadratum QR. Igitur ex æqualitate perturbata, erit QV ad VR, ut quadratum QV ad quadratum VR, quod ostendit eam esse rationem æqualitatis; eritenim rectangulum sub QV & se ipsa, nimirum ejus quadratum, ad rectangulum sub QV, & VR, ut ipsum quadratum QV ad quadratum VR, adeoque rectangulum sub QV & VR æquale quadrato VR, sive QV æqualis VR.

Coroll. 2.

406. In Ellipsi & diametris primariis Hyperbola segmenta diametri VR, VQ, qua abscindit ab altero vertice V ordinata PRp, & tangens PQ per idem punctum P ducta, sunt ut ejusmodi segmenta abscissa ab altero vertice, & ea ratio in Ellipsi est minoris, in Hyperbola majoris inæqualitatis, in Parabola æqualitatis.

407. Paret primus ex præcedentis Corollarii propositione. Nam alternando est VQ ad VR, ut uQ ad uR

$\mu R$ , sive invertendo  $VR$  ad  $VQ$ , ut  $\mu R$  ad  $\mu Q$ .  
 Pater secundum, quia ordinata  $Pp$  secat diametrum in  
 $R$  in Ellipsi inter vertices  $V\mu$ , in Hyperbola extra;  
 cum debeat ( num. 149 ) jacere ibi inter binas tan-  
 gentes sibi parallelas transeuntes per diametri verti-  
 ces ( num. 212 ), hinc extra. Iacebit igitur contra  
 $Q$  ibi extra, hinc intra, & in Ellipsi  $\mu R$  erit minor,  
 quam  $\mu Q$ , in Hyperbola major. In Parabola veto ex  
 Corollario superiore equantur  $VQ$ ,  $VR$ .

Coroll. 3.

408. Si tangens  $VM$  ducta per vertex  $V$  diametri occurrat in  $M$  recta transeunsi per quodvis perimetri punctum  $P$ , & per alterum vertex  $\mu$  in Ellipsi & Hyperbola, ac diametri parallela in Parabola, ea secabitur bifariam in  $A$  a tangente ducta per  $P$ , ac in Parabola tangentes  $VM$ ,  $PQ$  ducta per binos binarum diametrorum vertices  $V$ ,  $P$ , & terminata ad ipsas diametros se mutuo secant bifariam in  $A$ .

409. Erit enim in fig. 153, 154  $B\mu$  ad  $AV$ , ut  $\mu Q$  ad  $VQ$ , adeoque ( nu. 406 ) ut  $\mu R$  ad  $VR$ , nimirum ut  $\mu P$  ad  $PM$ , vel demum ut eadem  $B\mu$  ad  $AM$ , adeoque  $AV$ ,  $AM$  æquales. At in fig. 155 ob  $QV$  dimidiam  $QR$ , erit  $VA$  dimidia  $PR$ , vel  $VM$ , &  $QA$  dimidia  $QP$ , ac proinde æquales &  $AV$ ,  $AM$ , &  $AQ$ ,  $AP$ .

## SCHOLIUM II.

410. **H**Actenus Propositionis consecutaria quedam deduxi, quæ a rationis harmonicæ proprietatibus non pendunt. Nunc quoniam puncta quoque  $Q$ ,  $R$ ,  $V$ ,  $\mu$  in Ellipsi & Hyperbola harmonicam proportionem constituunt, cujus tum priora illa duo, tum hæc posteriora alterna sunt, deducam ea, quæ ex proprietatibus ejusdem harmonicæ proportionis consequuntur, secta distantia binorum alternorum  $V$ ,  $\mu$  bifariam a centro  $C$ , quorum bina potissimum demonstravi num. 22, 26. Quod autem ibi in fig. 6. sunt



134 SECTIONUM CONICARUM

sunt puncta A, R, B, C, D, hoc hinc in Ellipsi in fig. 153. sunt puncta, u, C, R, V, Q, & in Hyperbola in fig. 154. u, C, Q, V, R. Primum autem prioris proprietatis consecutaria, tum posterioris persequar.

Coroll. 4.

411. In Ellipsi, & Hyperbola diametris primariis semidiameter Cu, vel CV est media geometricè proportionalis inter CQ, CR distantias ordinata Pp, & tangentis PQ in eadem diametro assumptas, quæ ad eandem centri partem jacent ambe.

412. Patet primum ex num. 22. ob proportionem harmonicam punctorum Q, R, V, u: quorum alterna sunt V, u, & eorum distantia secta est bifariam in C. Debere autem R, & Q jacere ad eandem partem centri C patet ex num. 402.

Coroll. 5.

413. In iisdem est CR abscissa a centro ad Ru abscissam ab uno vertice, ut VR abscissa ab altero, ad RQ subtangentem.

44. Cum enim sit CR ad CV, ut CV ad CQ, erit in eadem ratione & RV differentia ipsarum CR, CV ad VQ differentiam ipsarum CV, CQ, adeoque CR, ad CV, ut VR ad VQ, & proinde CR ad Ru priorum summam, ut VR ad RQ summam posteriorum.

Coroll. 6.

F.156 415. In Hyperbola in fig. 156. semidiameter quoque secundaria CV, vel Cu est media geometricè proportionalis inter CR, CQ distantias ordinata Pp, & tangentis PQ in eadem diametro assumptas, sed eæ ad partes oppositas jacent, & tangens, ac ordinata diametrum ipsam conjugatam secant in eadem ratione, sed reciproca.

416. Si enim diametro primariæ Dd conjugatæ ipsius Vu occurrat tangens PQ in I, semiordinata sua PE parallela ipsi Vu in E, erunt EP, EC æquales RC, RP, eritque RQ ad CQ, ut RP, sive CE ad CI, nimirum ob CI, CD, CE continue proportio-

tiona-

tionales ( num. 411 ), ut quadratum CE vel RP ad quadratum CD. Quare dividendo RC ad CQ, ut differentia quadratorum RP, CD ad quadratum CD. Est autem ( num. 351 ) quadratum CP, vel CR ad rectangulum DEd, sive differentiam quadratorum CD, CE, vel CD, RP, ut quadratum CV ad quadratum CD, adeoque alternando quadratum CR ad quadratum CV in eadem illa ratione differentiarum quadratorum RP, CD ad quadratum CD. Igitur erit RC ad CQ, ut quadratum RC ad quadratum CV, adeoque RC, CV, CQ sunt continue proportionales.

417. Jacebit autem CQ ad partes oppositas CR, quia cum CI, CE jaceant ad easdem partes ( num. 411 ) tangens PQ prius incidet in diametrum primariam CD, quam in secundariam Vu, ac proinde jacebit Q ultra centrum respectu PR.

418. Jam vero si capiatur Cq equalis, & contraria CQ, ob CR, CV, Cq continue proportionales, & Cu æqualem CV, quatuor puncta q, V, R, u constituent proportionem harmonicam ( num. 24 ) adeoque erit VR ad Ru, ut Vq ad qu, sive ut uQ ad QV, & diameter Vu secta in Q, & in R in eadem ratione, sed reciproca.

Coroll. 7.

419. *Semidiameter quævis in Ellipsi & Hyperbola est media proportionalis inter semiordinatam diametri ipsi conjugata, & sum segmentum interceptum inter centrum, ac tangentem per extremum semiordinate ductam.*

420. Si enim in fig. 153, 154 sit PE semiordinata ad diametrum CD conjugatam CV, erit æqualis CR, adeoque erit ( num. 411 ) ipsa EP ad CV, ut CV ad CQ. Si vero in fi. 153 semidiameter CD producaturs usque ad tangentem QP in H, cum sit pariter CE æqualis semiordinate PR, erit CD media inter CE, CH ( num. 411 ), adeoque inter PR, CH. In figura vero 154 cum CV sit media inter

136 SECTIONUM CONICARUM.  
 ter CR, CQ, erit media inter semiordinata EP,  
 & segmentum CQ.

Coroll. 8.

421. In quavis Sectione Conica tangentes ductæ per  
 extrema puncta cujuscvis ordinata, coeunt in aliquo pun-  
 cto ejus diametri, cujus ea est ordinata, ac si plures  
 Ellipses annumerato iis etiam circulo, vel plures Hy-  
 perbola communem habeant diametrum, tangentes du-  
 ctæ per extrema puncta ordinarum eandem abscissam  
 habentium convergent ad idem ejusdem diametri pun-  
 ctum. Si autem Hyperbola communem cum Ellipsi,  
 vel circulo habeat diametrum primariam, & hujus tan-  
 gens cum illius ordinata congruat in ipsa diametro,  
 concurret etiam hujus ordinata cum illius tangente.

422. Tangentes per extrema ordinatæ puncta du-  
 ctas concurrere in diametro, demonstratum est etiam  
 num. 216; tangentes Ellipsium & circuli, vel Hyper-  
 bolarum communem habentium diametrum, & abscis-  
 sam, concurrere in eodem diametri puncto, demon-  
 stratum est num. 368. Idem hic patet, quia in Para-  
 bola distantia concursus cum diametro utriusque tan-  
 gentis ductæ per bina extrema puncta ordinatæ a ver-  
 tice ipsius diametri debet esse æqualis eidem abscis-  
 sæ, ac in reliquis omnibus casibus Ellipsium, & Hy-  
 perbolarum existente abscissa a centro, & semidia-  
 metro communi, debet esse communis etiam distan-  
 tia concursus tangents cum diametro ab ipso centro,  
 F.157 & ad eandem partem jacere. Pro circulo autem est  
 itidem manifestum; quia si in fig. 157. PQ sit tan-  
 gens, PR semiordinata circuli; in triangulis rectan-  
 gulis similibus CRP, CPQ erit CR ad CP, ut CP ad  
 CQ, adeoque CP, sive CV media itidem inter ab-  
 scissam CR, & distantiam CQ a tangente.

423. Quod si fuerit VP<sub>n</sub> vel circulus, vel Ellipsis  
 & Vp Hyperbola eadem diametro primaria Vn, &  
 RP semiordinata prioris, ac Rp posterioris tangens  
 pertineat ad idem diametri punctum R, etiam prio-  
 ris tangens ducta per P, ac posterioris semiordinata  
 per

per  $p$  debent convergere ad idem punctum  $Q$  diametri, cum pro utraque debeat esse illa  $CQ$  tertia post  $CR$ ,  $CV$ .

Coroll. 9.

424. Tangens  $Aa$ , vel  $Bb$  in fig. 153, 154, 155F.153 per diametri verticem  $V$ , vel  $u$  ducta, & terminata 154 ad tangentes  $PQ$ ,  $pQ$  ductas per extrema puncta or- 155 dinata  $Pp$  in ipso vertice secatur bifariam, & bine recta  $Ba$ ,  $bA$  jungentes in Ellipsi, & Hyperbola angulos oppositos quadrilinei  $AabB$  earum quatuor tangentium, transeunt per concursum  $R$  ordinata cum diametro.

425. Patet primum ( num. 204 ), cum  $Pp$  secetur bifariam in  $R$ , & rectæ  $PQ$ ,  $RQ$ ,  $pQ$  per idem punctum  $Q$  transeant. Secundum sic demonstratur. Cum sit  $Va$  æqualis  $VA$ , erit ipsa ad  $Bu$ , ut  $VA$  ad ipsam  $Bu$ , sive ut  $VQ$  ad  $Qu$ , vel ut  $VR$ , ad  $uR$ : adeoque ob angulos  $RVa$ ,  $RuB$  in parallelis æquales, similia triangula  $RVa$ ,  $RuB$ , & anguli ad  $R$  æquales, ac proinde recta  $aR$  producta ex parte  $R$  in fig. 153, ex parte  $a$  in fig. 154 congruet cum  $RB$ .

### SCHOLIUM III.

426. HÆc quidem profluxerunt ex illa prima proprietate proportionis harmonicæ indicata num. 410, & proposita num. 23; nunc progrediar ad alteram ibidem indicatam, & propositam n. 26 nihilo minus fecundam.

Coroll. 10.

427. In Ellipsi, & Hyperbola in fig. 153, 154 sunt geometricè proportionales tum quatuor distantie  $QV$ ,  $QR$ ,  $QC$   $Qu$  concursus  $Q$  tangentis cum diametro a vertice  $V$ , ab occurſu ordinatæ  $R$ , a centro  $C$ , & ab altero vertice  $u$ ; tum quatuor  $RQ$ ,  $RV$ ,  $Ru$ ,  $RC$ , occurſus ordinatæ  $R$  ab occurſu tangentis  $Q$ , a vertice  $V$ , ab altero vertice  $u$ , & a centro  $C$ .

138 SECTIONUM CONICARUM.

428. Est proprietas ( numer. 26 ) proportionis harmonicæ quatuor punctorum  $u, V, R, Q$ , quorum alterna  $V, u$ , & eorum distantia dividitur bisariam in  $C$ , adeoque  $Q$  &  $R$  sunt reliqua bina in bisectione non assumpta, &  $Q$  est extremum in fig. 152, & 154. Coroll. 11.

429. Si tangens ducta per extremum ordinata punctum  $P$  in fig. 158, 159 occurrat tangentibus ductis per vertices diametri  $V, u$ , in  $A, a$ , & semidiametro conjugata  $CD$  in  $H$ , erunt tam  $RP, CH$  mediæ, licet non continue proportionales, quam semidiameter  $CD$  media continue proportionalis inter binas tangentes  $VA, ua$ .

430. Nam  $VA, RP, CH$ , *au* erunt ad se invicem ut  $QV, QR, QC, Qu$ , quæ ( num. 427 ) sunt in geometrica proportione, quamobrem inter  $VA, ua$  erunt mediæ  $RP, CH$ , adeoque erit etiam media  $CD$ ; quæ ( num. 419 ) est media in ipsas  $PR, HC$ , semiordinatam nimirum, & segmentum diametri conjugatæ interceptum centro  $C$ , ac tangente  $PQ$ .

Coroll. 12.

431. Rectangula, quæ continentur sub binis tangentibus parallelis  $VA, ua$  interceptis inter contactus, & quamvis aliam tangentem  $QP$ , ac sub binis hujus segmentis  $PA, Pa$  interceptis inter illas, & contactum æquantur quadratis semidiametrorum parallelarum iis ipsis tangentibus alterum alteri.

432. Cum enim (num. 429)  $CD$  sit media inter tangentes  $AV, au$ , erit ejus quadratum æquale rectangulo sub iisdem. Quod si  $CI$  sit semidiameter parallela tangenti  $QP$ , erit (n. 315) tam  $AV$  ad  $AP$ , quam *au* ad  $aP$ , ut  $CD$  ad  $CI$ ; adeoque rectangulum sub  $AV, au$  ad rectangulum  $APa$ , ut quadratum  $CD$  ad quadratum  $CI$ . Cum igitur rectangulum sub  $AV, au$  æquetur quadrato  $CD$ , etiam rectangulum  $APa$  æquabitur quadrato  $CI$ . Coroll. 13.

433. Rectangulum  $QPH$  sub segmentis tangentis cujuscvis interceptis inter contactum, & binas quaslibet dis-

*diametros conjugatas est æquale quadrato semidiametri  
CI parallela ipsi tangenti.*

434. Cum enim sit (num. 427) VR ad RQ, ut CR ad Ru, erit etiam AP ad PQ, ut HP ad Pa: adeoque rectangulum QPH æquale rectangulo APa. five (num. 431) quadrato CI.

S C H O L I U M IV.

435. **H**Is deductis progrediendum ad alia, quæ inde prosuunt, si consideretur præterea perpendiculum ductum e centro in tangentem, vel e puncto contactus ad tangentem ipsam usque ad axem utrumvis, nimirum ad proprietates perpendiculi in tangentem, & normalium terminatarum ad axes ipsos, ubi cum diametris & axibus comparantur, quæ & elegantes sunt per sese, & summi sæpe usus in Astronomia, ac Physica.

436. At interea in binis Scholiis ad alia quædam nihilo minus utilia digrediemur. In primis notandum illud, ope hujus postremi Corollarii *admodum facile definiri axes datis binis diametris conjugatis*. Si enim sint in fig. 160, 161 diametri conjugatæ PCp, ICi, & ducta per P recta indefinita HQ parallela Ii, quæ nimirum debet esse Ellipseos, & Hyperbolæ tangens, ac sumpta PS æquali dimidio lateri recto diametri Pp in Ellipsi in fig. 160 in CP producta, in Hyperbola in fig. 161 versus C, sectaque bifariam CS in T, agatur TG perpendicularis ipsi CS, donec occurrat HQ in G, ac cento G intervallo GC, GS, quæ intervalla patet fore æqualia, inveniuntur in ipsa tangente puncta Q, H; rectæ CV, CH, determinabunt positiones axium, & sumpta CV media geometricè proportionali inter CQ, CR, & CD inter CE, CH, tum sumptis Cu, Cd ipsis æqualibus ad partes oppositas, habebuntur axes Vu, Dd.

437. Cum enim circulus transire debeat per puncta C, S, Q, H, erit rectangulum HPQ æquale re-

140 SECTIONUM CONICARUM

Etangulo CPS, adeoque quadrato CI mediæ nimirum inter CP, & dimidium latus rectum; angulus HVC rectus erit, ut oportebat, in axibus, & CD, CV erunt mediæ inter CE, CH, & CR, CQ, quæ nimirum haberi debebant in ejusmodi Ellipsi, vel Hyperbola, existente HPQ tangente parallela diametri IZ conjugatæ Pp.

438. Erit autem in fig. 160 axis transversus is, qui evadet longior, in fig. 161 is, cujus occurfus cum tangente ut Q est propior contactui P. Inventis axibus facile ( num. 124, & 125 ) inveniuntur foci, & datis focus, ac axe transverso invenitur ( nu. 90 ) directrix, atque adeo Conica Sectio ex definitione, qua ab initio usi sumus. Porro descripta iis axibus Sectione Conica, ea necessario transibit per punctum P, & habebit Pp, Ii pro diametris conjugatis. Erit enim quadratum CV sive rectangulum sub CR, CQ, ad rectangulum VRu, sive differentiam quadrati CR a quadrato CV, sive a rectangulo sub CR, & CQ, nimirum rectangulum sub RC & RQ, ut CQ ad RQ, sive CH ad RP, vel ad CE, nimirum ( num. 411 ) ut quadratum CD ad quadratum CE, sive ad quadratum RP, adeoque alternando quadratum CV ad quadratum CD, ut rectangulum VRu ad quadratum RP; ac proinde ipsa RP erit semiordinata, & perimeter transibit per P, cujus tangens erit ( num. 411 ) HTQ ob CR, CV, CQ continue proportionales, & CI, Ci semidiameter conjugata, cum tangenti parallela sit, & ejus quadratum æquetur rectangulo HPQ, juxta n. 433.

439. Hinc inde illud consequitur: si in quadam figura recta Bb in dato angulo inclinata ad datam rectam Vu secetur bifariam ab ipsa in K, vel interpuncta V, u, ut in fig. 162, vel extra ut in fig. 163, ac sint quadrata BK, ut rectangula VKu, sive, quod eodem redit, quadratum KB ad rectangulum VKu in data ratione; ea figura erit Ellipsis in primo casu, Hyperbola in secundo. Secta enim bifariam Vu in C & du-

& ducta per C recta ICi in eodem illo angulo ita , ut quadrata CI, Ci ad quadratum CV sint in illa eadem ratione, ac constructis Ellipsi & Hyperbola, que habeant ipsas Vu, Ii pro diametris conjugatis, ejus Ellipseos, vel Hyperbolæ semiordinata quævis pertinens ad punctum K debet congruere cum KB, vel Kb, cum debeat esse parallela Ii (n. 212) & debeat (n. 351) ejus quadratum ad rectangulum VKu esse in eadem illa ratione quadrati VC ad quadratum CI, adeoque ejus figurę puncta omnia congruent cum punctis ejusmodi Ellipseos, vel Hyperbolæ.

440. Id vero summo usui erit infra, ubi demonstrandum erit, Cono non per verticem secto, obvenire unam e tribus Conicis sectionibus initio definitis, & proinde habere omnes proprietates, quas ex illa definitione deduximus. Sed præterea addendum, illud, *si in fig. 164. quadrata semiordinatarum BK fue-F. 164. xint, ut abscissa PK, a vertice diametri PK, curvam fore Parabolam, cujus parameter tertia continue proportionalis post quamvis abscissam, & suam semiordinatam BK.* Nam in ea curva productum sub parametro, & quavis alia abscissa erit æquale quadrato suæ semiordinatæ, cum hoc aliud quadratum ad illud prius debeat esse, ut rectangulum sub sua abscissa, & illa recta ad rectangulum sub abscissa priore, & recta eadem. Data autem diametro PK, & directione ordinatarum Bb, ac magnitudine unius ex iis, vel parametro, tertia post abscissam PK, & semiordinatam KB, determinatur focus, & directrix Parabolæ, quibus datis, datur Parabola ipsa, quam debere congruere cum ejusmodi curva, facile demonstratur.

441. Producta nimirum diametro KP, donec sit PM quarta parametri pars, recta AM ipsi PM perpendicularis erit directrix. Ducta vero PQ parallela ordinatis, & facto angulo QPF æquali QPM, ac recta PF æquali PM, erit F focus: Si enim foco F, directrice AM describatur Parabola, erit ( num. 1 ) P



142 SECTIONUM CONICARUM

ad ipsam ob PF æqualem PM: erit PQ tangens ( nu. 181 ) ob angulum MPF sectum bifariam a PQ; erit PK diameter ( num. 206 ) ; & ejus parameter ( nu. 351 ) quadrupla PM . Quare ejus ordinata congruet cum Bb & directione , & magnitudine , cum debeat esse parallela tangenti PQ , & semiordinate quadratum æquale ( num. 351 ) reſtângulo sub PK , & parametro , adeoque æquale quadrato KB ; vel Kb :

SCHOLIUM V.

442. **E**odem pacto plurima alia Problemata ex demonstratis Theorematis solvi facile possunt, in quibus vel se quisque , vel Tyroneſem Preceptor exercere poterit . Nonnulla hinc innuam, ex quibus consistunt, *dati 5 punctis determinari Sectionem Conicam; ac proinde binas Sectiones non posse occurrere sibi mutuo , vel circulo , qui inter Ellipses enumerari potest , in pluribus ; quam in quatuor punctis .*

443. In primis *dati binis chordis parallelis , patet; dari directionem unius diametri ;* sectis nimirum ipsis chordis bifariam , & per sectionum puncta ducta recta indefinita; Hinc autem *dato arcu Sectionis Conicæ facile potest inveniri ejus centrum .* Si nimirum ducantur bina paria chordarum parallelarum , quarum singula determinabunt suarum diametrorum directionem; quæ proinde diametri , si concurrant , determinabunt centrum ipsius Sectionis , quæ si diametri evaserint parallelæ erit Parabola , centro in ea in infinitum abeunte ; & ubi eæ convergunt , ac centrum determinant , arcus ille Ellipsim , vel Hyperbolam pertinebit, ( num. 83 ) prout ipsum centrum fuerit propius longiori e binis chordis parallelis , vel breviori; quæ si forte æquales evaserint , satis erit aliam chordam ducere aliquando priorem centro , quam sit altera e ductis , & videre , an chorda ipsa priore longior evaserit an brevior. Quanquam idem patebit etiam

iam (nu. 218), videndo, an arcus centro cavitatem, an convexitatem obvertat.

444. Datis binis chordis parallelis inaequaliter a centro distantibus, adeoque inaequalibus ( num. 83 ), & centro, facile inveniri possunt binæ diametri sibi invicem conjugatæ; vel si centro in infinitum abeunte constet, Sectionem Conicam debere esse Parabolam, facile invenietur unius diametri vertex, & parameter, quibus datis cum ipsa ordinarum positione, datur (n. 436, 438, 441) Sectio Conica.

445. Sint in fig. 165, 166, 167, binæ chordæ  $Pp$ ,  $P'p'$ , & centrum  $C$  jaceat in prima ad partes majoris, in reliquis ad partes minoris, ac si inter utramque jaceret res esset prorsus eadem, dummodo in illa esset majori propius, in hac minori, ut illa Ellipseos casum referat, hæc Hyperbolæ binos casus, in quarum priore chordæ datæ sint ordinatæ ad diametrum primariam, in posteriore ad secundariam. Sectis bifariam ipsis chordis in  $R$ ,  $R'$  habebitur directio diametri  $Vu$  eas habentis pro suis ordinatis, ignotis adhuc ejus verticibus, & ducta per centrum  $C$  recta iis parallela, ea exhibebit positionem diametri  $Bb$  ejus conjugatæ, cujus pariter vertices  $B$ ,  $b$  adhuc ignorantur. Ducta vero per  $P$  recta parallela  $RR'$ , quæ occurrat  $P'p'$  in  $I$ ,  $Bb$  in  $H$ , si sumatur in eâ  $HA$  æqualis, & contraria  $HP$ , patet  $CA$  fore ordinatam diametro  $Bb$ : & proinde  $A$  ad Sectionem Conicam. Debet autem esse (n. 299) rectangulum datum  $P'Ip'$  ad rectangulum datum  $PIA$  in fig. 165, 166, ut rectangulum  $PRp$ , sive quadratum  $PR$  datum, ad rectangulum  $VRu$  sive ad differentiam quadratorum  $CR$ ,  $CV$ , & in fig. 167 ut rectangulum  $BHb$ , sive differentia quadratorum  $CH$ ,  $CB$  ad quadratum  $HP$ , sive  $CR$  datum. Dabitur igitur utrobique ea quadratorum differentia, & data præterea  $CR$  in fig. 165, 166, ac  $CH$  in fig. 167, dabitur ibi  $CV$ , &  $Cu$ , hic  $CB$ , &  $Cb$ .

446. Constructio autem erit hujusmodi. Capta in  
fig

444 SECTIONUM CONICARUM

fig. 165. media proportionali inter  $PI$ ,  $Ip'$ , tum inter  $AI$ ,  $IP$  inveniatur quarta post ipsas, &  $PR$ , cui æqualis ad angulos rectos cum  $CR$  erigatur  $RQ$ , & centro  $C$  intervallo  $CQ$ , invenientur puncta  $V$ ,  $u$ . Erit enim quadratum primæ mediæ ad quadratum secundæ, sive rectangulum  $P'Ip'$  ad rectangulum  $AIP$ , ut quadratum  $PR$  ad quadratum  $RQ$ , quod proinde debet esse æquale differentiæ quadratorum  $CR$ ,  $CV$  existente  $CV$  majore, & erit, cum sit differentia quadratorum  $CR$ ,  $CQ$ .

447. In fig. 166 inventa eodem pacto quarta illa, erigatur  $CQ$  ex  $C$  ipsi æqualis, & ad angulos rectos eidem  $CR$ , tum centro  $Q$  intervallo  $CR$  inveniuntur vertices  $V$ ,  $u$ , & demonstratio erit eadem. Sed si  $CQ$  evaserit æqualis  $CR$ , puncta  $V$ ,  $u$  abibunt in  $C$  evanescet diametèr  $Vu$ , & Hyperbola abibit in rectam lineam, ut numer. 110. Erit enim eo casu  $P'Ip'$  differentia quadratorum  $P'R'$ ,  $R'I$ , sive  $P'R'$ ,  $PR$  ad rectangulum  $PIA$ , sive differentiam quadratorum  $HI$ ,  $HP$ , vel  $CR'$ ,  $CR$ , ut quadratum  $PR$  ad quadratum  $CR$ ; adeoque additis proportionalibus etiam quadratum  $PR$  ad quadratum  $CR$ , ut quadratum  $P'R'$ , ad quadratum  $CR'$ , adeoque si ducerentur  $CP$ ,  $CP'$ , angulus ad  $C$  in triangulis  $R'CP'$ ,  $RCP$  esset idem, & puncta  $C$ ,  $P$ ,  $P'$  in directum.

448. Quod si quarta illa proportionalis obvenerit major quam  $CR$  in fig. 166, centro  $Q$  intervallo  $CR$  non poterunt inveniri puncta  $V$ ,  $u$ , & tum casus pertinebit ad fig. 167, &  $Vu$  non erit diametèr primaria, sed secundaria. Nimirum factis ut media inter  $PI$ ,  $IA$  ad mediam inter  $P'I$ ,  $Ip'$ , ita  $HP$ , sive  $CR$  ad quartum, debet obvenire recta minor, quam  $CH$ , sive  $PR$ , cum nimirum recta major, quam  $CR$  habuerit in priore casu ad  $PR$  eam rationem, quam media inter  $PI$ ,  $IA$  ad mediam inter  $P'I$ ,  $Ip'$ . Erecta igitur  $CQ$  perpendiculari ad  $HC$  æquali quartæ inventæ, centro  $Q$ , intervallo  $CH$ , vel  $RP$  determinabuntur vertices  $B$ ,  $b$  diametèri primariæ conjugatæ ipsius  $Vu$ ,

$Vu$ , cum debeat quadratum illius quartæ æquari differententiæ quadratorum  $CH$ ,  $CB$ .

449. Inventa autem diametro primaria  $Vu$  in fig. 165, 166, &  $Bb$ , in fig. 167, admodum facile invenitur diameter ejus conjugata. In illis enim sumenda erit  $CB$  ad  $CV$ ; ut  $PR$  ad mediam inter  $VR$ ,  $Ru$ , in hac  $CV$  ad  $CB$ ; ut  $HP$  ad mediam inter  $BH$ ,  $Hb$ ; cum nimirum (n. 351) quadratum semidiametri conjugatæ sit ad quadratum semidiametri primariæ; ut quadratum semiordinatæ ad rectangulum sub abscissis.

450. In parabola autem in fig. 168 ducta  $PI$  paral-  
lela  $RR'$ , si capiatur media inter  $P'I$ ,  $Ip'$ , tum tertia post ipsam; &  $PR$ , erit illa media ad hanc tertiam; ut  $PI$  ad  $R'V$  sumendam in directum cum  $RR'$  ad partem ordinatæ minoris. Erit enim  $PI$  ad  $R'V$ ; ut quadratum illius mediæ, sive rectangulum  $P'Ip'$  ad quadratum  $PR$ ; seu rectangulum  $PRp'$  ut debet esse per num. 361.

451. Datis autem binis diametris conjugatis, & centro determinatur Ellipsis, vel Hyperbola (num. 436, 438), & dato vertice, ac directione diametri, & unæ quavis ordinata, adeoque & latere recto tertio post abscissam, & semiordinatam, ac ordinatarum directione datur Parabola num. 440.

452. *Quod si bina chorda data æquales sint, Problema erit indeterminatum, vel impossibile, prout æqualiter, vel inæqualiter a centro distiterint.* In eo casu punctum  $I$  cadet in  $P$ , & assumpta alia chorda parallela binis illis æqualibus magnitudinis cujuscumque, per eam, & per alteram e datis determinata Sectione Conica, ea debet habere pro chorda sua illam etiam alteram e binis æqualibus datis, quæ si a centro æque non distiterint Problema impossibile erit, cum quævis Sectio Conica debeat habere ordinatas, quæ inæqualiter a centro distant, inæquales, & pertinebit casus ad Ellipsim desinentem in binas rectas parallelas, ubi axe conjugato manente, & æquali ipsis chordis datis, axis transversus concipiatur excrefcere in infinitum

146 SECTIONUM CONICARUM

ita, ut ejus vertices jam nusquam sint, in quas & Parabola abibit, si binæ ejus ordinatæ æquales sint, vertice V in fig. 168 ita in infinitum abeunte, ut nusquam jam sit.

F.169 453. *Dentur jam in fig. 169, 170 quinque puncta 170A, P, p, B, P', per quæ oporteat Sectionem Conicam determinare.* Conjungantur bina quævis paria punctorum rectis, at BA, Pp, quæ si fuerint parallelæ, jam definient unius diametri positione (num. 443), si non fuerint parallelæ concurrent alicubi in Q. Ducta per quintum punctum P' recta alteri ex iis, ut Pp parallela occurrens alteri, si opus est productæ in I, fiat ut media inter AQ, QB ad mediam inter QP, Qp, ita media inter AI, IB ad quartum. Tum capiatur tertia continue proportionalis post PI & quartum terminum inventum, cui in ipsa recta P'I producta, si opus est, capiatur æqualis Ip' ad partes P, vel ad oppositas ita, ut si punctum Q fuerit vel simul intra utramque AB, Pp, vel simul extra utramque etiam I vel sit simul inter utramque AB, P'p, vel simul extra utramque, si vero illud fuerit inter alteram, & extra utramque, si vero illud fuerit intra alteram ex his, & extra alteram, eritque etiam p' ad eandem Sectionem Conicam. Erit enim rectangulum AQB ad rectangulum PQp, ut rectangulum AIB ad rectangulum P'Ip': ac binæ chordæ Pp, P'p' parallelæ determinabunt unius diametri positionem. Eodem modo conjunctis Ap, PB, & ducta P'i parallela Ap determinabitur ia, & alterum par chordarum parallelarum P'a, Ap, ac per ipsas altera diameter. Si binæ diametri fuerint parallelæ, Sectio Conica erit Parabola, & per binas chordas parallelas determinabitur juxta nu. 450: si concurrant alicubi, determinabunt centrum, ac per ipsum, & binas chordas parallelas definietur Ellipsis, vel Hyperbola juxta n. 444. Quod si forte binæ ordinatæ, ut Pp, P'p' evaserint æquales, & æqualiter a centro distantes, ad earum diametrum ex utrovis reliquorum datorum punctorum A, B ducta recta

parallela iis usque ad diametrum, & producta tantumdem, jam habebitur alia chorda inequaliter a centro distans, & Problemati determinando par.

454. In fig. 169 punctum Q erat extra utramque F.169  
 Pp AB, erat I intra AB, assumenda fuit Ip' ad partes oppositas respectu IP', ut I remaneret simul intra utramque AB; Pp', & eodem pacto quoniam q fuit intra utramque Ap, BP, & i intra AB, assumpta est ia ad partes oppositas iP'. At in fig. 170 erat Q in-F.170  
 tra Pp, sed extra BA. Quare cum I fuerit intra AB, assumenda fuit Ip' ad partes IP', ut I jaceret extra Pp'. Et cum q fuerit intra PB, sed extra Ap, & i extra BA, assumenda fuit contra ia ad partes oppositas iP', ut i remaneret intra Ap'. Id autem semper necessario habendum præ oculis. Nam ubi agitur de Ellipsi, & Parabola, semper concursus binarum chordarum habebitur inter utramque, vel extra utramque, prout id punctum jacuerit intra Sectionem Conicam, vel extra. In Hyperbola vero si utraque recta vel simul inclinetur directrici in angulo majore, quam sit angulus equalitatis, vel simul in angulo minore, utraque vel binos conjunget ramos oppositos, vel ejusdem rami puncta, & concursus utriusque in primo casu habebitur intra utramque chordam, si id punctum jacuerit inter utramque ramum, habebitur vero extra, si jacuerit intra utrumvis ramum; in secundo vero casu habebitur intra utramque, si jaceat intra eum ramum, extra utramque, si extra eum jaceat. At si altera inclinetur in angulo majore, altera in minore; illa conjunget utrumque ramum, hæc ejusdem rami bina puncta, quo casu concursus necessario jacebit semper intra alteram, & extra alteram. Quare generaliter hoc verum erit in binis paribus chordarum, quarum priores binæ posterioribus binis sunt parallele, debere utrumque concursum, vel simul esse intra utramque, vel simul extra utramque, vel simul intra alteram, & extra alteram, qui postremus casus solum habebitur in Hyperbola, ubi altera chorda debeat

148 SECTIONUM CONICARUM

*conjungere binos ramos oppositos; altera bina puncta ejusdem rami.*

455. Infinitum esset persequi omnes casus; in quibus constructio rectas lineas pro Sectionibus Conicis exhibebit. Verum id generaliter licebit etiam ante constructionem deprehendere. Sectio enim Conica non nisi in unam rectam, vel duas abire potest. Quamobrem nisi saltem tria puncta in directum jaceant, in rectas non incidetur, quæ si jacuerint in directum, rectæ lineæ omnino habebuntur. Pariter si pro binis punctis detur tangens cum ipso contactu, res eodem redibit; considerato puncto dato pro duplici, ut si puncta  $P, p$  coi- rent, & recta  $Qpp$  abiret in tangentem; ac ideo si detur tangens cum contactu, & tria puncta præterea, vel dentur binæ tangentes cum binis contactibus, & aliud punctum, eodem pariter res rediret: sed ista, & alia ejusmodi persequi, ut ubi dantur tangentes sine contactu, infinitum esset, quorum nonnullos casus Nevvtonus elegantissime solvit principiorum lib. 1.

456. Illud unum satis erit inferre, quod supra innuimus, *Sectionem Conicam alteri Sectioni Conicæ non posse occurrere, nisi in quatuor punctis*. Si enim quinque puncta congruant, congruit jam tota Conica Sectio cum tota. Porro si binæ intersectiones coeant habentur contactus, si tertiâ iis accedat habetur contactus arctior extra verticem axium, qui, ut infra patebit, fiet id, quod osculum dicimus: ubi autem omnes concurrunt in unicum punctum, evadit osculum adhuc arctius in axium verticibus. Sed hæc non sunt hujus loci, & post excursum fusio-rem ad solutionem Problematum pertinentium ad determinationem Sectionum Conicarum ex quibusdam datis, regrediemur ad seriem Corollariorum interruptam numero 435, persequentes ea, quæ pertinent ad normalem, ac perpendicularum e centro in tangentem adjecta reliquis ante consideratis.

Coroll. 14.

457. Rectangulum sub binis normalibus  $PM$ ,  $Pm$  in fig. 171, 172 ad quodvis punctum  $P$  pertinentibus, ac  $P$  terminatis ad binos axes aequatur tam rectangulo  $HPQ$  sub binis segmentis  $QH$  tangentis per idem punctum  $P$  ducta & terminata ad binos axes  $Vu$ ,  $Dd$ , quam quadrato semidiametri  $CI$  parallela ipsi tangenti, & conjugata diametri transeuntis per idem punctum  $P$ .

458. Sunt enim similia bina triangula rectangula  $MPQ$ ,  $mPH$ , cum ob angulum ad  $Q$  in fig. 171 communem triangulis rectangulis  $MPQ$ ,  $HCO$ , & in fig. 172 angulos ad verticem  $Q$  oppositos æquales sit ipsum  $MPQ$  simile  $HCO$ , ac ob angulum ad  $H$  communem sit eidem  $HCO$  simile  $mPH$ . Quare erit  $MP$  ad  $PQ$ , ut  $PH$  ad  $Pm$ , & rectangulum sub  $MP$ , &  $Pm$  æquale rectangulo sub  $HP$ , &  $PQ$ , adeoque etiam (num. 433) quadrato  $CI$ .

Coroll. 15.

459. Rectangulum sub perpendicularo  $CL$  ducto e centro in tangentem, ac normali  $PM$ , vel  $Pm$  ad alterum axem  $Vu$ , vel  $Dd$  terminata aequatur quadrato semiaxis alterius  $CD$ , vel  $CV$ , & binæ normales inter se sunt in ratione reciproca duplicata axium, ad quos terminantur, perpendiculara vero e centro in tangentem, mutato utcumque puncto contactus in ratione reciproca normalis utriuslibet.

460. Ductis enim semiordinati  $PR$ ,  $PE$  ad axes  $Vu$ ,  $Dd$ , erunt similia triangula rectangula  $CLH$ ,  $PRM$  ob angulos ad  $C$ , &  $P$  a parallelis contentos æquales, & pariter similia  $CLQ$ ,  $PmE$ . Erit igitur  $CL$  ad  $CH$ , ut  $PR$  ad  $PM$ , adeoque rectangulum sub  $CL$ , &  $PM$  æquale rectangulo sub  $CH$ , &  $PR$ , sive (num. 419) quadrato semiaxis conjugati  $CD$ , ac pariter  $CL$  ad  $CQ$ , ut  $PE$  ad  $mP$ , adeoque rectangulum sub  $CL$ , &  $mP$  æquale rectangulo sub  $CQ$ , &  $PE$ ; sive (num. 419.) quadrato semiaxis  $CV$ .

461. Hinc autem ob  $CL$  utrique rectangulo communem, erunt  $PM$ ,  $Pm$ , ut quadrata  $CD$ ,  $CV$ , ob  
ma-



150 SECTIONUM CONICARUM

magnitudinem vero constantem rectanguli sub CL, & utraque normali, ipsum perpendiculum CL augebitur, vel minuetur in eadem ratione, in qua contra minuetur, vel augebitur normalis ipsa.

Coroll. 16.

462. Subnormalis ad abscissam a centro in utroque axe est, ut quadratum alterius axis ad quadratum ipsius, & in axe transverso abscissa est ad distantiam occursum normalis cum axe ipso a centro, ut quadratum semiaxis transversae ad quadratum distantiae foci utriuslibet a centro.

463. Est enim in iisdem triangulis tam subnormalis MR ad PE, sive RC, quam PR ad subnormalem Em, ut PM ad Pm, sive ( num. 459. ) ut quadratum semiaxis CD ad quadratum semiaxis CV. Hinc autem erit CR ad CM-differentiam in Ellipsi, summam in Hyperbola ipsarum CR, RM, ut quadratum semiaxis transversae ad quadratum distantiae foci a centro, quod ( num. 64 ) in Ellipsi æquatur differentiae in Hyperbola summæ quadratorum semiaxium.

Coroll. 17.

F.173 464. Si per verticem axis V in fig. 173, 174, 174 175. 176, ducantur recta VO perpendicularis axi, & 175 aequalis dimidio lateri recto ipsius axis, tum CO in Ellipsi 176 in fig. 173, ac in Hyperbola in fig. 174, 175 per centrum, & in Parabola in fig. 176 OI parallela axi, occurrens ordinata RP in D, erit RD aequalis subnormali RM.

465. Erit enim Ellipsi in Hyperbola RD ad abscissam CR, ut dimidium latus rectum VO ad semiaxem CV, nimirum ut quadratum alterius axis ad quadratum axis Vu, sive ( num. 462 ) , ut RM ad ipsam RC. In Parabola vero in fig. 176 erit RD æqualis dimidio lateri recto VO, adeoque ( num. 200 ) subnormali RM.

Coroll. 18.

466. Rectangulum sub semidiametro CI conjugata semi-

*semidiametri CP in fig. 171, 172, & perpendicularo, vel PO e vertice P diametri ejus conjugata demisso in ipsam, vel CL e centro C in tangentem per P ductam aequatur rectangulo sub semiaxibus, & semidiametri, vel diametri omnes sunt in ratione reciproca ejusmodi perpendicularorum.*

467. Est enim tam quadratum CL ad rectangulum sub CL, & PM, quam rectangulum sub CL, & Pm ad rectangulum sub PM, & Pm, ut CL ad PM, ob CL communem in utroque termino primæ rationis, & Pm in utroque secundæ, Quare cum & ( num. 459 ) rectangulum sub CL, & PM æquetur quadrato semiaxis CD, rectangulum vero sub CL, & Pm quadrato semiaxis CV; rectangulum sub PM, & Pm ( num. 457 ) quadrato CI, erit quadratum CL ad quadratum CD, ut quadratum CV ad quadratum CI, adeoque CL ad CD, ut CV ad CI, & rectangulum sub CL, & CI, vel sub Cl, & PO æquali ipsi CL in parallelogrammo CLPO æquale rectangulo sub semiaxibus CD, CV.

468. Porro cum rectangulum sub eo perpendicularo, & CI constanter æquetur eidem rectangulo sub semiaxibus, mutato ipso perpendicularo, mutabitur CI in ratione ejus reciproca.

S C H O L I U M VI.

469. **P**osset hîc jam admodum facile communi demonstratione pro Ellipsi, & Hyperbola eruit, illud parallelogrammum circumscriptum Ellipsi, vel inscriptum quatuor ramis Hyperbolarum conjugatarum, quod continetur rectis ductis per vertices alterius e diametris conjugatis parallelis alteri, æquari rectangulo sub binis axibus, quod pro Hyperbola demonstravi num. 244; pro Ellipsi num. 375. Nam parallelogrammum, quod potest continere semidiameter Cl cum semidiametro CP in suo angulo, esset ejus pars quarta, & æquatur rectangulo sub basi Cl, & altitudine CL, nimirum rectangulo sub semiaxibus. Sed ad alia pergendum nondum eruta.

## 152 SECTIONUM CONICARUM.

Coroll. 19.

470. *Quævis semidiameter est ad normalem ductam per verticem ejus conjugata, & terminatam ad alterum axem, ut is semiaxis, vel axis ad alterum, & omnes semidiametri sunt, ut ejusmodi normales.*

471. Est enim IC ad PM, vel Pm; ut rectangulum sub IC, & CL, sive (num. 466) sub CD; CV ad rectangulum sub CL, & PM, vel Pm, nimirum (num. 459) ad quadratum CD, vel CV, adeoque ut CV ad CD, vel ut CD ad CV. Cumque ea ratio sit constans; mutabuntur eodem pacto ipsæ CI, PM, Pm:

### SCHOLIUM VII.

472. **H**UC usque persequuti sumus præcipuas proprietates, quæ ex illa harmonica tangentis proportionem profluunt, considerando prius ejus unius consectaria, tum introducendo considerationem centri, & diametrorum conjugatarum, ac deinde normales ad curvam, & perpendiculum e centro in tangentem. Nunc etiam focos inducemus, quorum relationem ad tangentem vidimus num. 181, cum nimirum radii foci ad contactum ducti debeant cum ipsa tangente continere angulos æquales, adeoque & cum normali, & aliam ibidem habuimus proportionem harmonicam (num. 189) definitam a tangente, normali, & binis focis. Quo tamen plures assumuntur termini comparandi, eo plures etiam combinationes proveniunt, quibus animus defatigatur, atque obruitur. Quamobrem multis omissis, quas persequi infinitum esset, præcipuas tantummodo delibabimus.

Coroll. 20.

F.177 473. *Diameter Mm in fig. 177, 178, 179 est media 178 proportionalis inter cordam Pp ductam per focus, & diametrum transversum.*

474. Si enim ipsi Mm occurrat tangens per P ducta in A, & semiordinata in D, ac ordinatam Pp sua diameter ipsi PD parallela secet in I, erit (num. 194) CA  
æqua-

æqualis femiæxi transverso CV ob suum parallelismum cum FP ducta per focum, PI vero dimidia Pp erit æqualis CD. Cum igitur (num. 411, & 415) sit CM media inter CA, CD, erit tota Mm media inter Vu duplam CA, & Pp.

Coroll. 21.

475. Si in fig. 180, 181 in Ellipse, & Hyperbola F. 180 ex occurſu M normalis terminata ad axem transverſum 181 Vu cum axe ipſo, ducatur perpendicularum MT in rectam e foco F ductam ad punctum P perimetri, ex quo normalis ducitur, id in ipſa ab eodem puncto abſcindet ſegmentum PT æquale dimidio lateri recto principali, quod & in Parabola locum habet.

476. Ducta enim per C diametro Ii parallela tangenti PQ, ea a recta PF abſcindet (num. 194) ſegmentum PD æquale femiæxi transverso; & in normali PM ſegmentum PO æquale perpendicularo CL ex centro C ducto in tangentem PQ, eritque (num. 459) rectangulum OPM æquale quadrato ſemiæxis conjugati. Erunt autem ſimilia triangula rectangula PTM, POD, adeoque erit PD ad PO, ut PM ad PT, & rectangulum ſub PT, & PD ſemiæxe transverso æquale rectangulo ſub PM, & PO, ſive quadrato ſemiæxis conjugati, nimirum PT tertia poſt ſemiæxem transverſum, & conjugatum, ſive æqualis dimidio lateri recto principali. In Parabola vero in fig. 176 ducta MT perpendiculari ad F. 176 PF æqualia erunt triangula rectangula PTM, MRP, cum ob latera FP, FM æqualia (num. 200) ſint æquales anguli FPM, FMP, & PM communis. Quare erit PT æqualis ſubnormali RM, ſive (num. 200) dimidio lateri recto principali.

Coroll. 22.

477. Dimidium latus rectum principate ad normale æxi transverso eſt, ut perpendicularum e centro in tangentem ad ſemiæxem ipſum transverſum.

478. Eſt enim fig. 180, 181 PT ad PM, ut PD æ- F. 180 qualis ſemiæxi transverso ad PO æqualem perpendicularo 181 CL. Poſſerat etiam deduci ex num. 459, ex quo re-  
ctan-

## 154 SECTIONUM CONICARUM

triangulum sub PM, & CL æquatur quadrato semiaxis conjugati, sive (n. 71, vel 351) rectangulo sub dimidio latere recto principali, & semiaxæ transverso.

Coroll. 23.

479. *Differentia quadratorum normalis ad axem transversum terminatæ, & dimidii lateris recti principalis æquatur in Parabola quadrato semiordinate ipsius axis; est in Ellipsi, & Hyperbola ad ipsum, ut quadratum distantie focorum ad quadratum axis transversi, sive ut differentia in Ellipsi; summa in Hyperbola quadratorum semiaxis transversi, & conjugati ad quadratum semiaxis conjugati, sive ut differentia in Ellipsi, summa in Hyperbola totius, vel dimidii lateris recti principalis, & totius, vel dimidii axis transversi ad totum, vel dimidium axem transversum, que rationes omnes eadem sunt.*

F.176 480. Patet in Parabola in fig. 176, cum in triangulis illis PTM, PRM æqualibus, etiam MT debeat æ-  
177  
178  
quari PR, ac ob angulum ad T rectum ejus quadratum differentie quadratorum normalis PM, & dimidii lateris recti PT, quod immediate patet in triangulo rectangulo PRM, in quo PM normalis, RM æqualis dimidio lateri recto, PR semiordinate. Pro Ellipsi & Hyperbola sic demonstratur in fig. 180, 181. Ducta Pf ad alterum focum, & semiordinate PR, similia erunt triangula rectangula FMT, FPR ob angulum ad F communem. Quare erit PR ad MT, ut FP ad FM, adeoque etiam (num. 192) ut  $fP$  ad  $fM$ , nimirum ut summa in Ellipsi, differentia in Hyperbola ipsatum FP,  $fP$ , sive utrobique axis transversus ad summam in Ellipsi; differentiam in Hyperbola rectatum FM,  $fM$ , sive utrobique ad distantiam focorum Ff. Adeoque quadratum semiordinate PR ad quadratum MT, sive differentiam quadratorum normalis PM, & dimidii lateris recti PT, ut quadratum axis transversi ad quadratum distantie focorum, vel sumendo dimidiorum quadrata; ut quadratum semiaxis transversi ad quadratum distantie foci a centro; nimirum (num. 64) ad differ-

rens

rentiam in Ellipsi, summam in Hyperbola quadratorum semiaxis transversi, & conjugati; cumque sit (nu. 66) quadratorum semiaxis transversi ad quadratum conjugati, ut axis, vel semiaxis transversus ad totum, vel dimidium latus rectum; eadem illa ratio erit differentiae totius, vel dimidii axis transversi, & totius, vel dimidii lateris recti in Ellipsi; summæ in Hyperbola ad totum, vel dimidium axem transverso.

Coroll. 24.

481. Differentia in fig. 182 in Ellipsi, binarum  $Pf$ ,  $Pf$  ductarum a quovis puncto  $P$  ad binos focos, & summa in fig. 183 in Hyperbola ad  $CR$  abscissam a centro in axe transverso est constanter, ut distantia focorum  $Ff$  ad semiaxem transversum  $CV$ . F. 182  
183

482. Si enim recta  $Pf$  occurrat in  $B$ , &  $D$  rectis  $FE$ ,  $CD$  ductis e foco  $F$ , & centro  $C$  parallelis tangenti  $QP$ , erit  $PD$  (num. 194) æqualis semiaxi transverso  $VC$ , & ob angulos  $PFB$ ,  $PBF$  æquales iis, qui fiunt in  $P$  cum tangente, adeoque (num. 181) æquales inter se, erit  $PB$  æqualis  $PF$ , &  $fB$  in Ellipsi differentiae, in Hyperbola summæ binarum  $Pf$ ,  $PF$ , quæ ob  $fF$  duplam  $FC$ , sive  $fC$ , erit dupla  $fD$ . Erit autem summa illa, vel differentia ad  $fF$  distantiam focorum, ut  $fD$  ad  $fC$ , ut  $DP$ ; sive  $CV$  ad  $CQ$ , nimirum (num. 411) ut  $CR$  ad  $CV$ , & alternando  $fB$  ad  $CR$ , ut  $fF$  ad  $CV$ .

Coroll. 25.

483. Rectangulum sub binis rectis  $PF$ ,  $Pf$  in fig. 184, ductis a quovis puncto  $P$  ad binos focos æquatur quadrato semidiametri conjugate ejus, quæ tendit ad  $P$ , rectangulo sub binis normalibus terminatis ad binos axes, ac rectangulo sub segmentis tangentis interceptis inter contactus, & binos axes; & ipsius rectanguli  $FPf$ , ac quadrati ipsius  $CP$  summa in Ellipsi, differentia in Hyperbola æquatur ibi summæ, hæc differentiae quadratorum semiaxium. F. 184  
185

484. Concipiatur enim circulus circumscriptum triangulo  $FPf$ , qui occurrat axi conjugato in  $m$ , &  $N$ ,  
posito

156 SECTIONUM CONICARUM.

posito  $N$  in arcu  $FPf$  in fig. 184 in opposito in fig. 185, ducatur  $Pm$  occurrens axi transverso  $Vu$  in  $M$ , &  $NP$  secans axem  $uV$  in  $Q$ , ac recta  $Fm$ . Ob rectam  $Ff$  sectam bifariam, & ad angulo rectos in  $C$  a diametro  $Nm$ ; arcus  $FNf$ ,  $Fmf$  secabuntur bifariam in  $N$ ,  $m$ . Quare tam recta  $Pm$  in fig. 184, quam  $PN$  in fig. 185 secabit bifariam angulum  $FPf$ , cum anguli insistente æqualibus arcibus  $Fm$ ,  $fm$  in fig. 184,  $FN$ ,  $fN$  in fig. 185 æquales esse debeant; recta vero  $PN$  erit ipsi  $Pm$  perpendicularis ob angulum  $mPN$  rectum in semicirculo. Erit igitur utrobique num. 181,  $Pm$  normalis,  $PN$  tangens. Angulus autem  $FmP$ , erit æqualis angulo  $MfP$ , cum uterque insinat eidem arcui  $FP$ , adeoque ob angulos ad  $P$  æquales in triangulis  $FPm$ ,  $MPf$ , erunt similia ea triangula, &  $FP$  ad  $Pm$ , ut  $PM$  a  $Pf$ , ac rectangulum  $FPf$  æquale rectangulo  $MPm$ , adeoque num. 457) tum quadrato semidiametri conjugate ejus, quæ tendit ad  $P$ , tum rectangulo  $NPQ$ . Cumque summa in Ellipsi num. 375, 248), differentia in Hyperbola quadratorum semidiametrorum conjugatarum æquetur ibi summe, hinc differentie quadratorum semi-axium, æquabitur eidem ibi summa, hinc differentia rectanguli  $FPf$ , & quadrati  $PC$ .

Coroll. 26.

485. Rectangulum  $FmF$  sub binis distantibus concursus normalis cum axe transverso a binis focus æquatur in Ellipsi differentia, in Hyperbola summa quadrati normalis  $PM$  ad ipsum terminata, & quadrati semidiametri conjugate ejus, quæ terminatur ad  $P$ , vel rectanguli  $FPf$  binarum ductarum ab binis focus, & rectangulum  $FQf$  sub binis distantibus concursus tangentis a binis focus æquatur in Ellipsi summa, in Hyperbola differentia quadrati tangenti  $PQ$  terminata ad axem transversum, & quadrati ejusdem illius semidiametri conjugate, vel rectanguli  $FPf$ .

486. Nam ex circuli natura rectangulum  $FmF$  æquatur rectangulo  $mMP$ , & rectangulum  $FQf$  rectangulo  $PQN$ . Porro rectangulum sub  $Mm$ , &  $MP$ , addito qua-

quadrato MP in fig. 184, & ablato in fig. 185, evadit rectangulum sub mP, & PM, sive quadratum illius semidiametri conjugatæ, vel rectangulum FPf, & rectangulum sub PQ, & QN, ablato in fig. 184 quadrato PQ & addito in fig. 185, evadit rectangulum sub PQ, & PN, sive illud idem quadratum semidiametri conjugatæ, vel rectangulum FPf.

Coroll. 27.

487. Si e binis focus F, f in Ellipsi in fig. 63, & F. 63 Hyperbola in fig. 64. ducantur in tangentem PT bina perpendiculara FA, fa eorum rectangulum æquabitur quadrato semiaxis conjugati.

488. Erit enim (num. 192) FA ad normalem IP, ut perpendiculum CL e centro in tangentem ad fa; ac proinde rectangulum sub FA, & fa æquabitur rectangulo sub IP, & CL, sive (n. 459) quadrato semiaxis conjugati.

Coroll. 28.

489. Radius ad sinum anguli, quem recta e foco ducta ad contactum continet cum tangente, est in Ellipsi, & Hyperbola, ut semidiameter parallela tangenti ad semiaxem conjugatum, & is angulus in Ellipsi a recto maxime in ipsius axis conjugati verticibus distat, angulo quem bina recta inde ad focum ducta continent ibi existente maximo: tum illius differentia a recto, qua æquatur duplo hujus, eo magis minuitur, quo punctum contactus ad verticem propiorem axis transversæ accedit magis: in Hyperbola is angulus eo magis recedit a recto, & ille, quem ea bina recta continent, eo magis minuitur, quo contactus magis distat a vertice axis transversæ.

490. Nam ob angulos FPA, fPa utrobique æquales (num. 181) est FP ad FA, ut fP ad fa in eadem ratione, ac proinde quadratum FP ad quadratum FA, ut rectangulum FPf, sive (n. 483) quadratum semidiametri parallelæ tangenti PT, ad rectangulum sub FA, & fa, sive (n. 487) quadratum semiaxis conjugati; ac



138 SECTIONUM CONICARUM

Præterea FP ad FA, sive radius ad sinum Anguli FPA, ut illa ipsa semidiameter ad eum semiaxem.

491. Quamobrem is sinus eo erit minor, & angulus præterea eo magis recedet a recto, quo ea semidiameter major erit. Porro ea semidiameter in Ellipsi eo est major, quo ejus conjugata CP est minor, cum summa quadratorum utriusque sit (num. 375) constanter æqualis summa quadratorum semiaxium, & CP eo est minor (num. 379), quo magis P. accedit ad vertices axis conjugati, & recedit a vertice propiore axis transversi. Quare angulus FPA eo magis recedit a recto, quo magis P accedit ad verticem axis conjugati, ubi maxime a recto recedit. Cumque ejus differentia a recto API sit angulus FPI, & FPf sit duplus ipsius FPI; ipse angulus FPf erit maximus puncto P congruente cum semiaxis conjugati vertice, & eo major erit, quo magis P ad eum verticem accedet, & recedet a vertice sibi propiore axis transversi.

492. At in Hyperbola in fig. 64 cum diameter CP in recessu a vertice axis conjugati perpetuo crescat (num. 246, & differentia quadratorum semidiameterum conjugatarum sit constanter eadem; etiam semidiameter conjugata perpetuo augetur, adeoque perpetuo recedet a recto angulus FPA, & minuetur tam ipse, quam FPf ejus duplus.

SCHOLIUM VIII.

493. **P**ostrema hæc Corollaria, quæ ad focum pertinent, licet non profluxerint immediate ab ipsa propositione hæc 8, tamen profluxerunt a Corollariis ex ea deductis combinatis cum iis, quæ antea fuerant eruta, quam ob causam hinc divellenda non fuerant. Postremum hoc determinat anguli, quem foci radius cum tangente continet, magnitudinem, ac incrementa, & decrementa pro Ellipsi, & Hyperbola. Pro Parabola idem deduci facile potest e num. 198. Est nimirum radius ad sinum anguli FPA in fig. 65, ut FP ad.



Sub abscissa VR, & intercepta RL inter diametrum, ac rectam ductam per A, qua intercepta erit quarta proportionalis post latus transversum, rectum, & abscissam ab altero vertice, cui latus rectum non applicatur. Idem vero quadratum, & rectangulum in Parabola æquabitur rectangulo sub illa abscissa VR, & latere recto; in Ellipsi ab eodem deficiet; in eo Hyperbolæ ramo, cui latus rectum est applicatum, excedet ipsum, per rectangulum sub ipsa abscissa, & quarta proportionali post latus transversum, rectum, & ipsam abscissam.

496. Est enim (num. 351) quadratum PR in Parabola in fig. 187 æquale rectangulo sub abscissa VR, & latere recto VA, adeoque sub VR, & RL. At in Ellipsi, ac Hyperbola est ipsum quadratum PR ad rectangulum VRu, ut latus rectum AV ad transversum Vu, sive ut LR ad Ru, vel assumpta VR communi, ut rectangulum sub VR, & RL ad idem rectangulum VRu. Quare quadratum ipsum RP æquale erit rectangulo sub VR, & RL.

497. Patet autem in Parabola RL æquari lateri recto VA, in Ellipsi esse minorem ipso VA, in Hyperbola majorem; & si in his ducatur VO usque ad Pp parallela AL, cui & æqualis erit, & abscindet OL æqualem lateri recto VA, erit Vu ad VA, ut VR ad RO, ac proinde ipsa RO quarta post latus transversum Vu, rectum VA, & abscissam VR, ac rectangulum sub VR, & RL a rectangulo sub VR, & OL, vel VA deficiet in Ellipsi, ipsum excedet in Hyperbola per rectangulum sub VR, & OR. Q. E. D.

### SCHOLIUM I.

498. CUM quadratum semiordinatæ rectangulo illi sub abscissa, & latere recto æquetur in Parabola, deficiat ab eo in Ellipsi, redundet in Hyperbola, hinc Parabolæ, Ellipsi, Hyperbolæ nomen datum a Veteribus, quod Græco semone æqualitatem, defectum, & redundantiam mensuræ exprimit. Sed in postea de-  
fini-

limitatione, ut num. 12 notavimus, habentur statim æqualitas quædam alia, defectus, & excessus rationis illius determinantis.

499. Porro hæc recta AL data idem prorsus præstat pro Ellipsi, & Hyperbola, quod num. 319. in fig. 115, F. 115 & 116 illa BD, quæ ibi etiam transit per u, & si ipsum V congruat ibi cum contactu I, & chorda Vu evadat diameter; illæ figuræ abibunt in has ita, ut ibi puncta D, L sint eadem; quæ hæc L, R; ordinata vero Pp secabitur in R bifariam, ac rectangulum illud PDP æquale rectangulo sub VL, & DL evadet hæc ipsum quadratum semiordinatæ RP æquale rectangulo sub VR, & RL.

500. Sed jam ex hac Propositione comparata cum num. 464 eruat Corollarium non inutile, & sponte fluens; quod ad subnormalem pertinet, tum ad osculatores circulos faciemus gradum.

Coroll. 1.

501. *Subnormalis in axe transverso deficit per dimidium lateris recti principalis in Parabola ab ipso latere recto principali, in Ellipsi & Hyperbola a quarta proportionali post latus transversum; rectum, & abscissam a vertice axis remotiore, sive ab illa recta, cum qua continet abscissa rectangulum æquale quadrato semiordinatæ:*

502. Nam in fig. 173, 174, 176 si capiatur VA du-  
pla VO, adeoque æqualis lateri recto principali, tum  
recta ex A parallela axi VR in Parabola in fig. 176,  
tendens ad u in reliquis, & occurrens ordinatæ PR in  
L, subnormalis RM, quæ æquatur RD (num. 464),  
deficiet ab RL, quæ est illa ipsa recta enunciata in  
hac Prop. 9, & in hoc Coroll. 1, per DL æqualem  
AO dimidio lateri recto principali VA.

Coroll. 2.

503. *Circulus qui communem in aliquo puncto tangentem habet cum Conica Sectionis perimetro, & e diametro per id punctum transeunte abscindit chordam æqualem lateri recto ejus diametri, maxime omnium accedit ad arcum Se-*

162 SECTIONUM CONICARUM

Sectionis ipsius ita, ut nullius alterius circuli arcus inter arcus ipsorum transire possit, sed cujuscumque majoris arcus aliquis continuus utrinque a contactu extra utrumque cadat inter ipsos & tangentem, cujuscumque minoris a tangente recedat magis, quam uterlibet ex iis, & jaceat ex parte ipsorum cava; quem circulum osculatorems voco.

504. Manentibus enim in fig. 189, 190, 191 punctis V, R, *n*, A, L, O, ut in Propositione in fig. 186, 187, 188 (perimeter autem Sectionis Conicæ non ducitur vitandæ confusionis gratia) eadem recta VA, quæ Sectionem Conicam contingit in V, tangat ibidem & circulum MV*m*, qui a diametro abscindat chordam aliquam VH, ac rectæ LR parallelæ tangenti occurrat in M, *m*; ipsi vero tangenti VA occurrat tangens HT ducta per H in T, & rectæ MN, *mn* parallelæ tangenti HT occurrant rectæ VH in N, *n*.

505. In primis erit quadratum MR æquale rectangulo sub VR, & NH, ac quadratum *m* R rectangulo sub VR, & *n*H. Nam in fig. 189 ob MN, MR parallelas tangentibus TH, TV, anguli MRN, MNR æquantur angulis THV, TVH æqualibus, cum eos singulos mensuret dimidius arcus VH, adeoque & ipsi æquales erunt, & æquales MRV, MNH eorum complementa ad binos rectos, ac rectæ MN, MR æquales. Quate cum etiam angulus VMR æquetur alterno TVM chordæ VM cum tangente VT, qui (Coroll. 6 Prop. 9. Geom.) æquatur angulo MHN insistenti in alterno segmento, similia erunt triangula VRM, MNH, eritque VR ad RM, ut MN, sive ipsa MR ad NH, & quadratum MR æquale rectangulo sub VR, & HN. Eodem prorsus argumento anguli VR*m*, H*nm* æquales sunt, & æquales V*m*R, & *n*H*m*, adeoque est etiam VR ad R*m*, ut *mn*, sive R*m* ad H*n*, adeoque quadratum R*m* æquale rectangulo sub H*n*, & VR.

506. Cum igitur quadratum semiordinatæ Sectionis Conicæ, in quavis e tribus figuris æquetur (num. 495) rectangulo sub VR, & RL, patet fore id quadratum

ma-

majus, æquale, vel minus quadrato  $MR$ , vel  $mR$ , ac punctum  $M$ , vel  $m$  debere jacere intra eam Sectionem Conicam, in ea, vel extra prout  $RL$  fuerit major, equalis, vel minor respectu  $HN$ , vel  $Hn$ .

507. Jam vero si is circulus intercipiat chordam  $VH$  majorem latere recto  $VA$ , accipiat recta  $HB$  versus  $V$ , si intercipiat chordam minorem, accipiat recta  $Hb$  versus  $V$  recta  $Hb$  æqualis ipsi lateri recto. Et quoniam chorda  $Mm$  potest accedere ad tangentem  $VA$  quantum libuerit, ac in eo accessu possunt puncta  $M$ ,  $R$ ,  $m$  ad  $V$ , & ad se invicem accedere quantumlibet. & ob  $MN$ ,  $mn$  semper parallelas eidem rectæ  $HT$ , etiam puncta  $N$ ,  $n$  possunt accedere ad  $R$ , &  $V$  quantumlibet, in quo accessu incipiet aliquando  $HN$  esse in primo casu major, & in secundo  $Hn$  minor, quam  $RL$ , quod in parabola in fig. 190 accidet statim ac punctum  $N$  subierit inter  $B$ , &  $V$ , vel  $n$  inter  $b$  &  $V$ , cum nimirum recta  $RL$  ibi æquetur  $VA$ , sive  $H$  in primo casu,  $Hb$  in secundo. In Ellipsi vero in fig. 189 in primo casu ante etiam quam  $N$  subeat inter  $B$ , &  $V$ ,  $HN$  incipiet esse major, quam  $RL$ , cum  $HB$  æqualis  $AV$  jam sit major  $RL$ , & in Hyperbola in secundo casu in fig. 191 antequam  $n$  subeat inter  $b$  &  $V$ , jam  $Hn$  erit minor quam  $RL$ , cum  $Hb$  sit æqualis  $VA$ , adeoque minor  $RL$ . At pro secundo casu Ellipseos, vel primo Hyperbolæ accedente  $R$  ad  $V$  quantum libuerit, etiam  $O$  ad  $R$  accedet quantumlibet, & proinde ibi  $bn$ , hic  $BN$  fiet aliquando major, quam  $OR$ , & tunc in Ellipsi ob  $Hb$ ,  $OL$  æquales eidem  $AV$ , & inter se, demptis inæqualibus relinquetur  $Hn$  minor quam  $RL$ , & in Hyperbola addendo æqualibus  $HB$ ,  $OL$  inæquales  $BN$ ,  $OR$ , evadet  $HN$  major, quam  $RL$ . Per reliquum autem arcum omnem  $MVm$ , accedente adhuc magis  $N$ , vel  $n$ , ad  $V$ , & adhuc magis aucta  $BN$ , vel  $bn$ , & imminuta  $RO$ , multo magis  $HN$  superabit  $RL$ , vel  $Hn$  superabitur ab ipsa.

508. Quare per totum illum arcum recta  $RM$  in primo casu erit major, quam semiordinata Sectionis

## 184 SECTIONUM CONICARUM:

Conicæ, adeoque multo magis  $Rm$ , & in secundo eâ  
 lu rectâ  $Rm$  erit minor, quam ordinata ejusdem, ac  
 multo magis  $RM$ , adeoque in circulis intercipientibus  
 chordam  $VH$  majorem latere recto semper aliquis ar-  
 cus  $MV^m$  utrinque circa contactum  $V$  jacebit extra Se-  
 ctionem Conicam; in circulis vero intercipientibus chor-  
 dam minorem ipso latere recto, aliquis arcus utrinque  
 circa ipsum contactum jacebit intra. Quoniam vero  
 minores circuli toti infra majores jacent, & proinde  
 minorem etiam intercipiunt chordam  $VH$ , omnes ii,  
 qui intercipient chordam majorem latere recto jace-  
 bunt etiam extra eum, qui intercipiet æqualem, & om-  
 nes, qui intercipient minorem, jacebunt etiam in-  
 tra eundem: is circulus, qui æqualem intercipit, ita  
 ad arcum Sectionis Conicæ accedit circa ipsum conta-  
 ctum, ut cujusvis alterius utcumque paullo majoris ar-  
 cus aliquis utrinque circa contactum jaceat tum extra eum  
 circulum, tum extra eum arcum Sectionis Conicæ, cu-  
 jusvis vero alterius utcumque paullo minoris arcus aliquis  
 utrinque circa contactum jaceat, tum intra eum circulum,  
 tum intra Sectionis Conicæ arcum; ac proinde nullius  
 circuli arcus poterit duci inter arcum Sectionis Coni-  
 cæ, & arcum ejus circuli, qui intercipit chordam la-  
 teri recto æqualem, qui proinde præ cæteris omnibus  
 ipsi arcui est proximus, & idcirco jure dicitur *Oscu-  
 lator*.

Coroll. 3.

509. *Circulus qui Conicam Sectionem osculatur in ver-  
 tice axis utriuslibet, habet pro diametro latus rectum  
 ejus axis, ac perimetrum in eodem unico puncto contin-  
 git ita, ut qui osculatur Ellipsim in vertice axis con-  
 jugati, totus extra Ellipsim jaceat, ac sit minimus ex  
 circumscriptis, in cæteris omnibus totus jaceat intra, ac  
 sit maximus ex inscriptis, nec in priore casu ullus in-  
 scriptorum maximus habeatur, in posteriore ullus mini-  
 mus circumscriptorum.*

510. Nam si concipiamus  $VH$  pertinere ad axem a-  
 liquem; tangens  $VA$  erit ipsi perpendiculâris, adeoque  
 ipsa  $VH$ , quæ æquatur lateri recto  $AV$ , evadit diamê-  
 ter

ter

ter circuli. Chorda quoque  $Mm$  evadet ipsi  $VH$  perpendicularis, ac proinde secabitur bifariam in  $R$ ; &  $MN$ ;  $m$  congruent cum  $MR$ ,  $mR$ ; punctis  $N$ ,  $n$  habentibus in  $R$ , quadratum vero tam  $RM$ , quam  $Rm$  evadet æquale rectangulo sub  $VR$ , &  $RH$ . Quare si  $VH$  fuerit æqualis lateri recto in fig. 191 in Hyperbola, & in parabola in fig. 190, erit  $HR$  semper minor, quam  $RL$ , cum debeat esse minor, quam  $HV$ , sive quam  $VA$ , quæ in Parabola æquatur  $RL$ , & in Hyperbola est ipsa adhuc minor. At in Ellipsi in fig. 189 cum sit  $VR$  ad  $OR$ , ut  $Vn$  ad  $AV$ , erit  $VR$  major, vel minor, quam  $RO$ , prout axis  $nV$  fuerit major vel minor suo latere recto  $VA$ . Quare ob  $VH$  æqualem  $VA$ , adeoque  $OL$ ; erit contra  $RH$  minor, vel major  $RL$ , prout axis fuerit major, vel minor suo latere recto. Axis autem transversus major est suo latere recto, conjugatus minor; cum axis transversus conjugato sit maior, & latus rectum utriuslibet axis sit ( num. 351 ) continue proportionale post ipsum, & axem alterum. Igitur si  $V$  fuerit vertex axis transversi, erit  $HR$  minor semper, quam  $RL$ ; si conjugati major. Quamobrem in vertice axis conjugati Ellipseos erunt  $RM$ ,  $Rm$  semper maiores, quam ordinata ejusdem Ellipseos; in reliquis omnibus axium verticibus erunt minores; & proinde circulus, qui Conicam Sectionem osculatur in aliquo axis vertice, eam in eodem unico puncto contingit, & qui osculatur Ellipsim in vertice axis conjugati totus extra ipsam jaceret, reliqui jacent intra omnes, ac ille est circumscriptus, hi omnes inscripti.

511. Porro quoniam in illo casu omnes tituli majores cadunt extra & curvam, & osculatorem, ac minores omnes & intra ipsum, & per aliquem arcum utrinque circa contactum etiam intra Ellipsim cadunt; ille est circumscriptorum minimus: cum vero e contrario in reliquis casibus omnes minores cadant intra & curvam, & osculatorem, omnes autem majores & extra ipsum; & per aliquem arcum utrinque circa contactum



466 SECTIONUM CONICARUM

factum cadant extra curvam, is erit inscriptorum maximus. Porro nullus in primo casu minor osculatore in reliquis major, ita ad eum accedet, ut alii propiores haberi non possint numero infiniti, secto nimirum centrorum intervallo, ut libuerit, pro novo centro circuli intermedii, qui intermedius adhuc aliquo arcu utrinque circa contactum cadet in illo primo casu etiam intra curvam, in hisce reliquis extra. Quare nullus habebitur ibi inscriptorum maximus, hic minimus circumscriptorum.

*Coroll. 4.*

512. *Circulus, qui Sectionem Conicam osculatur in vertice cujuscvis alterius diametri, licet eandem ibi tangentem habeat, tamen ibidem eum secat ita, ut ex parte anguli obtusi chorda illius equalis lateri recto cum tangente, jaceat extra ipsam Sectionem Conicam, ex parte vero anguli acuti intra, ac praterca in alio puncto, quod in eo geometricè definiri potest, ipsam iterum secat.*

513. Ducatur enim in fig. 190 in Parabola chorda VF parallela tangenti HT, & patet puncto *m* assumpto, ut figura indicat, ultra eam chordam semper debere *mn* ipsi FV parallelam jacere ultra ipsam, & H*n* fore majorem, quam HV, sive in casu circuli osculatoris, quam VA, vel RL: at ipso puncto *m* abeunte in F, abibit *n* in V, ac fient H*n*, RL æquales: eodem vero puncto *m* descendente in arcum FH, etiam *n* ingrediatur chordam VH, eritque H*n* minor, quam HV, adeoque minor, quam RL. Quare per totum arcum V*m*F erit R*m* major quam semiordinata Parabolæ, in F æqualis, per arcum FH minor: per totum autem arcum VMH erit HN minor quam HV, adeoque minor, quam RL, & MR minor, quam semiordinata Parabolæ. Arcus igitur VMH ex parte anguli acuti jacet intra Parabolam totus, & V*m*F in angulo obtuso extra, quam Parabolam proinde is circulus secat in V, & cum iterum arcus FH jaceat intra Parabolam, eam idem circulus secat in F.

514. At

§14. At in Ellipsi in fig. 189 arcus  $Vm$  jacebit omnino extra, saltem donec  $n$  cadat extracirculum, cum debeat  $Hn$  esse major, quam  $HV$ , adeoque major, quam  $VA$ , & multo major, quam  $RL$ ; at pro parte opposita si versus  $H$  capiatur  $TQ$  ad  $TH$ , ut est latus transversum  $Vu$  ad rectum  $VA$ , & ducatur  $VQ$  occurrens circulo in  $F$ , totus arcus  $VM$  jacebit intra, & circulus in ipso puncto  $F$  iterum Ellipsim secabit. Ducta enim ad quodvis punctum  $G$  inter  $T$ , &  $Q$  recta  $VG$ , quæ circulo occurrat in  $M$ , ac producta  $NM$  usque ad tangentem in  $I$ , erit  $NV$  ad  $RV$ , ut  $NI$  ad  $MI$ , sive ( num. 204 ) ut  $HT$  ad  $GT$ , & erit  $VR$  ad  $RO$ , ut  $Vu$  ad  $VA$ , sive ut  $TQ$  ad  $TH$ . Quate ex æqualitate perturbata erit  $VN$  ad  $RO$ , ut  $TQ$  ad  $TG$ , adeoque donec  $TG$  fuerit minor, quam  $TQ$ , erit &  $RO$  minor, quam  $VN$ , ac proinde ob  $OL$ ,  $VH$  æquales, erit  $RL$  major  $NH$ , & semiordinata Ellipseos major, quam  $RM$ , ac punctum  $M$  intra Ellipsim. Abeunte vero  $G$  in  $Q$ , &  $M$  in  $F$ , evadent  $VN$ ,  $RO$  æquales, & punctum  $M$  erit in ipsa Ellipsi; facta autem  $TG$  adhuc majore, evadet  $M$  extra Ellipsim, adeoque totus arcus  $VMF$  jacebit intra Ellipsim, quam circulus deinde iterum secabit in  $F$ .

§15. Demum in Hyperbola in fig. 191 semper erit  $HN$  minor, quam  $HV$ , adeoque minor, quam  $VA$ , & multo minor, quam  $RL$ ; ac proinde totus arcus  $VMH$  jacebit intra, facta autem  $TQ$  ad  $TH$  in eadem ratione lateris transversi ad latus rectum, sed ad partes oppositas, ac ducta recta  $QV$ , quæ circulo occurrat in  $F$ , tum per quodvis punctum  $G$  ipsius  $TQ$  ducta  $GVm$ , eodem propterea argumento erit  $Vn$  ad  $Ru$ , ut  $In$  ad  $ml$ , ut  $HT$  ad  $TG$ , & erit  $VR$  ad  $RO$ , ut  $Vu$  ad  $VA$ , ut  $TQ$  ad  $TH$ ; ac proinde  $nV$  ad  $RO$ , ut  $TQ$  ad  $TG$ ; nimirum donec  $TG$  fuerit minor, quam  $TQ$ , quod fiet per totum arcum  $VF$ , erit  $RO$  minor, quam  $Vn$ , & proinde  $RL$  minor, quam  $Hn$ , nimirum semiordinata Hyperbolæ minor quam  $Rm$ , &  $m$  extra ipsam Hyperbolam. Abeunte  $m$  in  $F$ , &

468 SECTIONUM CONICARUM.

G in Q, habebitur æqualitas, & punctum *m* erit in Hyperbolæ perimetro, tum per totum arcum FH, evadent TG majore, quam TQ jacebit *m* intra Hyperbolam.

Coroll. 5.

516. Nullus arcus utcumque parvus circuli osculatoris congruit cum arcu Sectionis Conicæ, sed cum ea angulum continet quovis circulari minorem.

517. Patet primum ex ipsa demonstratione Corollarii secundi, & tertii, cum nusquam in casu Coroll: 2. NM, *mn* fiant æquales semiordinatis Sectionis Conicæ, in casu Coroll: 3. punctum F congruat cum ejus perimetro ita remotum ab osculo V; in arcu continuo circa ipsum V sit NM semper minor *nm* semper major. Patet autem & secundum ex Coroll: 2; cum nullus circularis arcus duci possit inter arcum Sectionis Conicæ, & arcum circuli osculatoris.

Coroll. 6.

518. Hyperbola, Parabola, & Ellipsis idem habentes latus rectum, & eandem inclinationem ordinarum ad diametrum, cujus id est latus rectum, habent circulum osculatorem æqualem, quæcumque sit diametri magnitudo, ad quam tamen ubi arcus circuli iacet intra Conicam Sectionem, ut ex parte anguli acuti; & arcus VM in quavis diametro, ac in vertice axis Parabola, vel axis transversæ Hyperbolæ, omnium maxime accedit Ellipsis; & eo magis, quo eius diameter est minor; tum Parabola, tum omnium minime Hyperbola, & eo minus, quo minor est eius diameter: Contra vero ubi arcus circuli iacet extra: ac ut, licet in angulo rectæ tangentis cum arcu circuli nulla alia recta duci possit, & is angulus sit quovis retilineo minor, possunt tamen duci arcus circulorum maiorum, qui eo propius ad tangentem accedunt; quo diameter est maior; sic licet in angulo circuli osculatoris cum arcu Sectionis Conicæ nullus alius circulus duci possit, & is angulus sit minor quovis circulari, possunt tamen duci arcus Sectionum Conicarum qui

quæ tẽo propius ad circulum osculatorum accedent, quo; diametri ad eas partes tangentis, ad quas circulus jact, maiores fuerint, vel ad oppositas minores.

519. Omnes ejusmodi Sectiones Conicas æqualem habere circulum osculatorem patet, quia superpositis diametris, omnes ii circuli congruent, omnes nimirum eandem habebunt tangentem, & ex eadem recta intercipient chordam eandem æqualem communi lateri recto. Porro in fig. 189. quo maior fuerit axis  $Vu$ , eo, manente puncto  $A$ , erit minor recta  $RO$  quarta post  $Vu$ ,  $VA$ ,  $VR$ , adeoque eo maior  $RL$ , & maior utraque ordinata. Quamobrem eo magis ejusmodi ordinata superabit  $RM$ , at eo minus superabitur ab  $Rm$ , & eo magis distabit arcus ipsius ab arcu  $VM$ , vel minus ab arcu  $Vm$ . In Parabola vero in fig. 190, in qua  $RL$  jam æquatur  $VA$ , ea erit major, quam in ulla Ellipsi. Demum in Hyperbola in fig. 191, adhuc  $RL$  est major, quam  $VA$ , & eo major, quo major est  $RO$  quarta post  $uV$ ,  $VA$ ,  $VR$ , adeoque eo major, quo  $uV$  minor. Subibit igitur ex parte  $VM$  arcus cujusvis Hyperbolæ habentis diametrum  $uV$  majorem inter arcum habentis minorem, & arcum  $VM$ , ac inter eos omnes, &  $VM$  subibit arcus Parabolæ, tum inter hunc quoque arcus cujusvis Ellipseos, & inter arcum Ellipseos habentis diametrum majorem, ac  $VM$  subibit arcus habentis ipsam minorem. Ex parte vero  $Vm$  inter arcum  $Vm$ , & arcum Ellipseos habentis minorem diametrum  $Vu$  subibit arcus habentis majorem, tum inter hos omnes, & illum arcus Parabolæ, tum Hyperbolarum omnium eo propius, quo majorem habuerint diametrum  $Vu$ . Eodem vero argumento continget primum illud utrinque in axium verticibus, ubi arcus circuli jaceat intra, hoc secundum, ubi extra. Reliqua patent ex his.

Coroll. 7.

520. In Ellipsi & Hyperbola radius circuli osculatoris est tertius continue proportionalis, post perpendicularum e centro in tangentem ductum, & semidiametrum conjugatam.

gatam, & radii circulorum osculatorum inter se sunt in ratione reciproca triplicata eiusmodi perpendicularum, ac directa triplicata normalium ad utrumlibet axem terminatarum.

§21. Si enim circulus osculetur Ellipsim in fig. 192, F.192 vel Hyperbolam in fig. 193 in P, e diametro Pp  
193 abscindet ( num. 503 ) chordam PH equalem lateri recto eius diametri. Sit eius circuli centrum in K, & recta KE perpendicularis ipsi chordæ eam bifariam secabit in E, ac ducto CL perpendicularo in tangentem PQ; erunt similia triangula rectangula CLP, PEK, nam eorum anguli ad C, & P erunt alterni in fig. 192, internus, ac externus, & oppositus in fig. 193. Erit igitur CL ad CP, ut PE ad PK. Sed cum PE sit dimidium latus rectum diametri Pp, ducta diametro coniugata ICi, erit ( num. 351 ) CP ad CI, ut CI ad PE. Igitur ex æqualitate perturbata erit CL ad CI, ut CI ad radium circuli osculatoris PK.

§22. Hinc autem eruitur, fore radium KP æqualem quadrato semidiametri coniugatæ CI applicato ad perpendicularum CL, adeoque in ratione composita ex directa duplicata ipsius semidiametri, & reciproca simplici eius perpendiculari; nimirum cum semidiametri conjugatæ sint ( n. 466. ) reciproce ut eiusmodi perpendiculara, erit ille radius in ratione reciproca triplicata ejusdem perpendiculari; quæ ( num. 459 ) est eadem; ac ratio directa triplicata normalis ad utrumlibet axem terminatæ :

Coroll. 8.

§23. In quavis Sectione Conica radius circuli osculatoris est quartus continue proportionalis post dimidium latus rectum principale, & normalem terminatam ad axem transversum.

§24. Est enim in Ellipsi, & Hyperbola PM ad PK ut rectangulum sub PM, & CL; sive ( n. 459 ) quadratum semiaxis conjugati CD, ad rectangulum sub CL, & PK, sive ( num. 520 ) quadratum semidiametri conjugatæ CI, nimirum ( num. 455 ) ut quadratuna

dratum perpendiculari CL ad quadratum femiaxis trans-  
 versi CV, sive ( num. 477 ) ut quadratum dimidii  
 lateris recti principalis ad quadratum normalis PM.  
 Quare si inter PM, & radium PK sumatur recta me-  
 dia proportionalis, ad cuius quadratum erit quadra-  
 dratum PM, ut ipsa PM ad PK, sive ut quadratum di-  
 midii lateris recti principalis ad quadratum normalis,  
 erit ipsa etiam normalis ad eam rectam, ut dimidium  
 latus rectum principale ad normalem, & dimidium la-  
 tus rectum principale normalis PM, ea recta assumpta,  
 ac PK continue proportionales.

525. In Parabola vero, fig. 194, si tangens ducta per F. 194  
 P occurrat tangenti ductæ per verticem V in A, recta  
 FA est ( nu. 196 ) perpendicularis ipsi tangenti PA, &  
 ( n. 198 ) media proportionalis inter FV, FP; qua-  
 rum prima est ( n. 198 ), quarta pars lateris recti princi-  
 palis adeoque ( n. 200 ) dimidia subnormalis RM, secun-  
 da vero ( n. 351 ) quarta pars lateris recti diametri tran-  
 sientis per P, adeoque rectæ PH, & proinde dimidia  
 PE, ac triangula FVA, PRM, PEK similia sunt ob om-  
 nia latera parallela. Quare erit PM ad PK, ut RM ad  
 PE, sive, sumptis dimidiis, ut FV ad FP; nimirum ut  
 quadratum FV ad quadratum FA, sive ut quadratum  
 RM dimidii lateris recti principalis ad quadratum PM,  
 adeoque eodem argumento PK quarta continue propor-  
 tionalis post ipsum dimidium latus rectum principale,  
 & ipsam normalem PM.

S C H O L I U M II.

526. P Oterat communi & faciliori demonstratione  
 idem Corollariorum hoc etiam pacto de-  
 monstrari. Radius circuli osculantis perimetrum in ver-  
 tice axis transversæ ( num. 509 ) æquatur dimidio la-  
 teri recto principali: ibidem autem normalis PM F. 189  
 in fig. 173, 174, 176 evanescente PR evadit æ- 190  
 qualis subnormali, RM, sive rectæ RD, quæ abe- 191  
 unte R in V evadit æqualis dimidio ipsi lateri recto  
 VO.

172 SECTIONUM CONICARUM:

VO. Cum igitur ( num. 520 ) sint radii ipsi, ut cubi normalium, erit dimidium latus rectum principale ad radium circuli Sectionem Conicam osculantis in quovis puncto in ratione triplicata ipsius dimidii lateris recti ad normalem, ac proinde ille radius quartus continue proportionalis post ipsum dimidium latus rectum, & normalem.

Coroll. 9.

527. Circulus, qui communem in aliquo puncto tangentem habet cum Sectionis Conicæ perimetro, & ipsi perimetro in aliquo alio puncto occurrit, abit in ipsam circumferentiam osculatorem, ubi id punctum ita ad contactum illum accedit, ut demum in ipsam abeat, ac concursus binarum rectarum, quarum altera sit perimetro perpendicularis in extremo puncto chordæ cujuscumque, altera ipsi chordæ perpendicularis in ejus medio, vel altero extremo, abit in centrum circuli ipsam osculantis in priore illo puncto, vel in finem diametri ipsius circuli per illud idem punctum transeuntis, ubi evanescente chorda, congruunt extrema ejus puncta.

F.189 528. Si enim in fig. 189, 190, 191 V sit contactus 190 ille, & M, vel *m* ad Conicam Sectionem pertineat, 191 erit ex natura circuli ( num. 505 ) HN, vel H*n* tertia post VR, & RM, vel R*m*, ac ex natura Sectionis Conicæ ( num. 495 ) RL pariter tertia post eandem. Quare semper HN, vel H*n* æqualis RL. Accedat jam M, vel *m* ad V ita, ut demum congruant: coibunt simul cum ipso puncto V etiam puncta M, *m*, N, *n*, ac punctum L abibit in A. Quare & HV fiet æqualis HN, sive RL, nimirum lateri recto VA, & proinde circulus ( num. 503 ) evadet osculator; unde patet primum.

529. Jam vero diameter per contactum V transiens est perpendicularis tangenti, adeoque & perimetro Sectionis Conicæ, ac recta quidem ex centro ducta ad angulos rectos in chordam VM; vel V*m* debet ipsam secare bifariam, recta vero ex extremo illius diametri pun-

cto ducta ad punctum  $M$ , vel  $m$  extremum chordæ, debet continere angulum semicirculo rectum. Quare patet, concursum rectæ perpendicularis perimetro ductæ per  $V$  cum recta perpendiculari chordæ ducta per mediam ipsam chordam, vel ejus extremum  $M$ , vel  $m$ , debere abire in centrum circuli osculatoris, vel extremum punctum ejus diametri, ubi punctis  $M$ , vel  $m$ , &  $V$  coeuntibus, evanescit chorda.

Coroll. 10.

530. *Binarum normalium per bina Sectionis Conicæ puncta ductarum concursus abit in centrum circuli osculatoris, ubi ea puncta ad se ita accedunt, ut demum congruant.*

531. Concurrant enim in fig. 195 in Parabola, 196 in Ellipsi, 197 in Hyperbola binæ normales  $PK$ ,  $F$   $pk$  in  $K$ , & secant axem transversum in  $M$ ,  $m$ , ac assumpta  $VO$  perpendiculari axi transverso, & æquali dimidio lateri recto principali, recta ex  $O$  ducta parallela axi in fig. 195, ad centrum  $C$  in fig. 196, 197 occurrat semiordinatis  $PR$ ,  $pr$  productis in  $D$ ,  $d$ , eritque ( num. 464 ) subnormalis  $RM$ ,  $rm$  æqualis  $RD$ ,  $rd$ . Chorda  $Pp$  occurrat axi transverso in  $Q$ , & recta ex  $P$  parallela ipsi axi occurrat rectis  $pr$ ,  $pk$  in  $H$ ,  $E$ . Erit ubique  $PK$  ad  $MK$ , ut  $PE$  ad  $Mm$ , sive in ratione composita  $PE$  ad  $PH$ , &  $PH$ , vel  $Rr$  ad  $Mm$ .

532. Porro  $PE$  ad  $PH$  est ( num. 204 ) , ut  $Qm$  ad  $Qr$ , &  $Rr$  in fig. 195 æquatur  $Mm$ , cum æquantur  $RD$ ,  $rd$ , adeoque &  $RM$ ,  $rm$ , & dempta communi  $Mr$ , ipsæ  $Rr$ ,  $Mm$ . At in fig. 196 sumpta  $OB$  æquali semiaxi transverso  $CV$  versus  $V$ , & in fig. 197 ad partes oppositas, ductaque  $CB$ , quæ ipsis semiordinatis occurrat in  $T$ ,  $t$ , ductisque  $dI$ ,  $dA$  parallelis  $CV$ ,  $CB$  usque ad rectam  $DP$ , erit  $Mm$  æqualis  $IA$ , Erit enim  $OB$  ad  $DT$ , ut  $OC$  ad  $DC$ , ut  $CV$  ad  $CR$ , adeoque & ob  $OB$ ,  $CV$  æquales, erit  $DT$  æqualis  $CR$ , ac eodem argumento  $dI$  æqualis  $Cr$ , quæ etiam cum sit æqualis  $AT$ , erit  $Rr$  æqualis  $DA$ ; cumque sit &  $RD$  æqualis  $RM$ ,



174 SECTIONUM CONICARUM

erit  $RA$  æqualis  $rM$ ; est vero &  $rm$  æqualis  $rd$ , sive  $RI$ . Igitur erit  $Mm$  æqualis  $IA$ . Inde vero cum binâ quævis laterâ triangulorum  $IdA$ ;  $VCB$  sint parallelâ, erit  $dI$  ad  $IA$ ; sive  $Rr$  ad  $Mm$ , ut  $CV$  ad  $VB$ .

533. Coeant jam puncta  $P$ ,  $p$ ; & secans  $pPQ$  abibit in tangentem; coibunt puncta  $R$ ;  $r$ ; & puncta  $198M$ ,  $m$ ; fig. 195, 196, 197 mutabuntur in 198; 199 199; 200; & erit  $PK$  ad  $KM$  in Parabola in fig. 198; ut  $QM$  ad  $QR$ ; at in reliquis in ratione composita ex ipsa  $QM$  ad  $QR$ ; & ex altera semiâxis transversæ  $CV$  ad  $VB$  differentiam in Ellipsi; summam in Hyperbola ejus; & dimidii lateris recti principalis  $VO$ .

534. Porro ob similia triangula  $QPM$ ;  $RPM$ ,  $QRP$ ; est tam  $MQ$  ad  $QP$ , quam  $QP$  ad  $QR$ ; ut  $MP$  ad  $PR$ ; adeoque  $QM$  ad  $QR$ ; ut quadratum  $MP$  ad quadratum  $PR$ ; Quare erit in Parabola in fig. 198  $PK$  ad  $KM$ , ut quadratum  $PM$  ad quadratum  $PR$ ; adeoque sumendo differentiam terminorum ad antecedentem; erit quadratum dimidii lateris recti  $MR$  ad quadratum normalis  $PM$ ; ut ipsa normalis  $PM$  ad  $PK$ . At in Ellipsi; & Hyperbola cum sit (num. 479) semiâxis transversæ  $CV$  ad  $VB$  ibi differentiam, hic summam ipsius; & dimidii lateris recti principalis; ut quadratum semiordinatæ  $RP$  ad differentiam quadratorum normalis  $PM$ , & dimidii lateris recti principalis  $VO$ ; binæ illæ rationes compositæ erunt quadrati  $PM$  ad quadratum  $PR$ ; & quadrati  $PR$  ad eam quadratorum differentiam; quæ reducuntur ad unicam quadrati  $PM$  ad suam differentiam a quadrato  $VO$ . Erit igitur  $KP$ , ad  $KM$ , ut quadratum  $PM$  ad differentiam quadratorum  $PM$ ;  $VO$ , adeoque  $PM$  differentia priorum terminorum ad primum  $PK$ ; ut quadratum  $VO$  ad quadratum  $PM$ .

535. Igitur ubique ratio normalis  $PM$  ad  $PK$  est eadem, ac quadrati  $OV$ , ad quadratum  $PM$ ; adeoque eodem argumento, quo in superioris Corollarii demonstratione,  $PK$  quarta continue proportionalis post dimidium laus rectum principale  $VO$ , & normalem

lem PM, ac proinde æqualis radio circuli osculatoris, puncto K abeunte in ipsius circuli osculatoris centrum:

S C H O L I U M III.

§36. **V**idebimus suo loco; ubi nimirum de curvis generaliter agemus ope infinitesimorum, generalem hanc proprietatem esse circulorum osculatorum, ut nimirum eorum arcus cum arcu curvæ angulum constituat quovis circulari minorem ita, ut licet in unico convenient puncto; & in eo angulo infiniti aliarum curvarum arcus duci possint; adhuc tamen non possit ullus circularis arcus; & concursus ultimus rectæ secantis chordam ad angulos rectos; ac bifariam cum normali per alterum ejus extremum ducta; vel binarum normalium; incidat in ipsum centrum circuli osculatoris; ubi binis perimetri punctis coeuntibus chorda evanescit; sed interea libuit ea hic ex ipsa natura, & proprietatibus Sectionum Conicarum de ipsarum circulis osculatoribus accuratissime demonstrare per finitam Geometriam:

§37. Et quidem postremum hoc Corollarium usus etiam in Physica magnos habet, ut ubi quæritur Telluris figura per graduum dimensiones: Nam gradus Terræ dicitur ejus ille arcus; per cujus extrema puncta ductæ binæ normales; ubi conveniunt; angulum continent unius gradus, ille vero conveniunt prope centrum circuli ipsum arcum osculantis in medio, cum ea puncta parum a se invicem distent; & si ea congruant in medio; concursus normalium in id centrum abire debet. Quare præcedentis Corollarii vi assumi solet pro arcu curvæ arcus exiguus circuli osculatoris; qui ab eo parum admodum differre potest; cum arcus circuli in osculatorem desinentis debeat ad ipsum accedere ultra quoscumque limites; antequam congruant; & semper arcus aliquis curvæ concludatur inter arcum circuli osculatoris; & arcum vel majoris, vel

176 SECTIONUM CONICARUM

minoris circuli, desinentis demum in osculatorem ipsum, ubi arcus curvæ in infinitum imminutus penitus evanescit.

F.189 538. Ubi in Coroll. 4. in fig. 189 Ellipsim consideravimus, expressimus in ipsa figura casum, in quo laus rectum  $VH$  esset majus diametro  $VH$ , in quo casu, ut ipsa figura exhibet, sumpta  $TQ$  ad  $TH$  in ratione  $VH$  ad  $HV$ , punctum  $Q$  cadit inter  $H$ , &  $T$ . Si laus rectum æquaretur diametro, abiret punctum  $Q$  in  $H$ , adeoque & punctum  $F$ , in quo circulus osculator Ellipsim iterum secat, abiret in  $H$ ; quod si adhuc esset minus, & excederetur ab ipsa  $VH$ , abiret  $Q$  citra  $H$  in tangentem  $TH$  productam, &  $F$  in arcum  $VMH$ , quo casu ad demonstrandum eam partem arcus  $VF$ , quæ jaceret citra  $H$ , esse intra Ellipsim, immutanda non nihil esset demonstratio, & ei aptanda casui, quod facile fieri potuisset; sed ad id, quod propositum fuerat, id quidem non erat necessarium, cum nimirum satis esset ostendere, aliquem arcum  $VM$  jacere intra, aliquem  $VM$  extra & alicubi debere iterum Ellipsim secari a circulo osculatore in puncto, quod geometricè definiri posset, quæ quidem omnia ex ipsa constructione casus primi in figura expressi, pro casibus omnibus fiant satis manifesta, ac ejus demonstratio iis omnibus, vel prorsus communis est, vel admodum facile accomodatur.

359. Porro non erit abs te considerare, quo pacto circulus aliquis Sectionis Conicæ osculator evadat.   
 F.201 201 test eam circulus in quatuor punctis secare, ut in fig.   
 202 201 secat Ellipsim in punctis  $P$ ,  $A$ ,  $B$ ,  $C$ . Nam   
 203 circulum aliquem cuilibet Sectioni Conicæ posse occur-   
 204 rere in quatuor punctis, admodum facile demonstra-   
 205 tur; ut si per bina extrema puncta unius rectæ axi   
 ordinatæ, & per unum extremum alterius ducatur cir-   
 culus; is profecto transibit etiam per alterum postero-   
 ris extremum. Habebit enim centrum in ipso axe   
 priorem ordinatam, suam chordam, secante bifar-   
 iam, adeoque & posteriorem ordinatam habebit pro   
 chorda

chorda, quam itidem secabit bifariam. Si jam centri locus mutetur ita, ut bina puncta  $A$ ,  $P$  congruant; evanescente communi chorda  $PA$ , communis secans  $EG$  abit in communem tangentem, ac ipse circulus Ellipsini contingit in  $P$ , figura 201 abeunte in 202, ubi circulus, & Ellipsis se mutuo contingunt in  $P$ , & adhuc se possunt secare in binis aliis punctis  $C$ ,  $B$ , centrum autem  $K$  jacebit in recta  $PK$  perpendiculari tangenti & contactus erit exterior, arcu circuli utrinque circa contactum  $P$  existente extra Ellipsim. Quod si perpetuo minuiatur radius  $PK$ , intersectio illa  $C$  accedet ad  $P$ ; donec in ipsum  $P$  incidat, quo casu evadet circulus osculator, in cujus osculo tria communia puncta uniuertur in unicum, quod saltem tribus æquivalet intersectionibus, vel uni contactui, & uni intersectioni. Interea vero & altera illa intersectio  $B$  ascendet, & si  $P$  fuerit vertex axis cujusdam, tunc  $PK$  erit in ipso axe, & admodum facile demonstratur, fore eo casu intersectiones  $C$ , &  $B$  æque distantes a  $P$ , ut in fig. 203, nec poterit abire  $C$  in  $P$ , nisi abeat &  $B$ , osculo in axium verticibus æquivalente quatuor communibus punctis, sive quatuor intersectionibus, vel binis intersectionibus, & uni contactui, vel binis contactibus. At ubi  $P$  non est in vertice axis alicujus, ut in fig. 202, puncta  $C$ , &  $B$  non æque distabunt a  $P$ , & mutata circuli magnitudine prius alterum, ut  $C$ , eo appellet, altero  $B$  adhuc inde distante per aliquod intervallum, unde fit, ut circulus, qui Conicam Sectionem osculatur in axium verticibus, ipsi nusquam alibi occurrat, nec ibidem secet, sed vel inscriptus sit, vel circumscriptus; ut ostendi Coroll. 3, at in verticibus reliquarum diametrorum ibidem eam tangat, & secet, tum iterum secet alicubi, ut vidimus Coroll. 4. Quod si adhuc minuatur radius  $PK$ , jam illa intersectio  $C$  transibit ad partes oppositas  $P$ , ut in fig. 204: contactus fiet interior, & tamen aliquis arcus  $CB$  adhuc extra Ellipsim cadet; donec coeunibus etiam punctis

## 178 SECTIONUM CONICARUM

C, B, contingat ipsam iterum interius, ac demum totius incipiat cadere intra Ellipsim.

540. Et quidem si P, p in fig. 250 fuerit axis conjugatus, & concipiatur, facto centro alicubi in ipso axe in K, circulus radio PK primo quidem minimus, tum perpetuo crescens; is quidem primo erit totus intra Ellipsim, tum eam contingeret iterum in p, deinde, ut figura exprimit, eam secabit in binis punctis C, B, quæ perpetuo accedent ad P, cum quo congruent, ubi ipse circulus habuerit pro diametro latus rectum ejus axis, & evaserit osculator; ac is erit primus ex iis, qui tangent Ellipsim exterius, qui quidem reliqui omnes erunt eo majores, & toti extra Ellipsim cadent.

541. At in fig. 203 si Pp fuerit axis transversus, & concipiatur circulus primo quidem maximus, tum perpetuo imminutus; primo quidem ambiet universam Ellipsim, tum contingeret etiam in p, deinde secabit in binis punctis C, B, quæ cum ipso P congruent, ubi is habuerit pro radio dimidium latus rectum ejus axis, & evaserit osculator, ac is erit primus ex iis, qui tangent Ellipsim interius, qui quidem erunt reliqui omnes eo minores, & toti intra Ellipsim cadent. Et idem accidet circulis tangentibus Parabolam, vel Hyperbolam in vertice axis transversi, sed in iis circulus utcumque magnus præter contactum in vertice semper habebit binas intersectiones, quæ illo imminuto accedent ad contactum P, in illum recident, nec usquam jam erunt eodem profus ordine, quo in superiore numero.

542. Extra axes vero ducta PK, ut in fig. 202, perpendiculari tangenti EG, & facto circulo ingenti, is totus cadet extra Ellipsim, tum imminutus illam alicubi contingeret circa D, deinde secabit in binis punctis C, B, ac in Parabola; utcumque sit magnus, secabit semper, & adhuc contingeret exterius, aliquo ejus arcu CPB jacente extra curvam, reliquo CDB intra. Imminuto vero etiam magis circulo, intersectiones illæ accedent ad contactum P, in quem ita incidet altera,

ut

ut  $C$ , ante alteram, ut ibi circulus perimetrum & tangat, & fecet, altera interfectione  $B$  non congruente, ac alter ex arcibus a  $P$  ad  $B$  remanebit extra, ut prius, alter erit intra; tum radio adhuc imminuto, jam utrinque interius continget in  $P$ , transeunte, ut vidimus,  $C$  ad partes oppositas, ut in fig. 204, adhuc tamen exeunte arcu aliquo  $CB$  extra Sectionem Conicam, donec punctis  $C$ ,  $B$  coeuntibus mutantur binæ interfectiones in contactum, ac deinde incipiat jacere circulus totus intra Sectionem Conicam.

543. Patet autem vel ex ejusmodi consideratione debere haberi circulum aliquem, qui ad arcum curvæ hujusmodi accedat magis, quam quivis alius ita, ut in eorum angulo nullus alius circularis arcus duci possit, ac is vel inscriptus sit, vel circumscriptus, in primo casu maximus ex inscriptis, in secundo minimus e circumscriptis ita, ut ubi habetur minimus e circumscriptis, nullus sit maximus ex inscriptis, & viceversa. Dum enim arcus, qui jacebat in contactu extra curvam, motu continuo mutatus abit in jacentem intra, omnino alicubi is transitus haberi debet, & si ob diversam curvæ naturam, nullus circuli arcus congruit cum arcu ipsius curvæ, debet alicubi ille transitus fieri ita, ut e circulis omnibus aliquis sit proximus, nec ullus propior haberi possit, qui si inscriptus sit, sive intra curvam jaceat, quivis minor multo magis jacebit intra, quivis vero major extra, aliter ille proximus non esset, sed is alius, qui eo major adhuc jaceret intra, omnino esset propior. Erit igitur ille maximus ex inscriptis: sed utcumque parum alius quispiam illum excedat, semper alius haberi poterit, qui ipsum excedat minus, medius nimirum inter utrumque, & centrum inter eorum centra habens, qui adhuc & ipse circumscriptus erit, & curvæ propior, & priore circumscripto minor, adeoque ille prior non poterat esse circumscriptorum minimus, quod idem de hoc novo pariter demonstratur, & de alio minore quovis, cum nimirum dato intervallo aliquo pro circuli

## 180 SECTIONUM CONICARUM

radio ; nullum haberi possit intervallum , quod ad ipsum accedat ita , ut infiniti alii accedentes magis haberi non possint . Atque eadem est demonstratio pro excludendo maximo ex inscriptis, ubi is, qui est proximus, est circumscriptus .

544. Atque in his quidem attigimus tantummodo comparationem Sectionum Conicarum cum circulo . Omnia, quæ in prioribus 8 Propositionibus, & earum, ac Definitionum Corollaris, ac Scholiis demonstravimus, pertinent ad comparationem rectarum cum Sectionibus Conicis , & earum occursum, qui licet in singulis rectis bini tantummodo esse possint , adhuc tamen tantam proprietatum multitudinem prodiderunt , quarum aliæ etiam habentur quamplurimæ , quas omisimus , quod minoris sint usus, & pleræque longiore demonstrationum ambitu indigeant , ac complicatiores sint . Quod si occursum circuli , vel alterius Sectionis Conicæ , qui in singulis quaterni esse possunt ; considerarentur generaliter, quam multæ, quanto sublimiores proprietates profuerent , quæ quidem maxima saltem ex parte nostræ menti imperviæ sunt ; qui nimirum rectæ lineæ solius naturam satis evidenter percipimus, & veluti intuemur, ac idcirco ad ipsas rectas exigimus curvas quas contemplamur ; & quarum proprietates immediate , & in se ipsis intueri non possumus ? Alio mentis genere opus esset ad ejusmodi Geometriam , quæ ista omnia vel immediate videret , vel facile ex iis , quæ immediate videt , colligeret . Nos ea per quandam relationem ad rectas tantummodo contemplamur .

545. Quamobrem iis omissis , licet nonnulla longiore ambitu possemus assequi , progrediamur jam ad contemplandum Conum, ejusque Sectiones , quæ hujusmodi curvis nomen dederunt . Contemplabimur autem sectiones Cylindri, & Conoides genitas conversione Sectionum Conicarum circa se ipsas, earumque itidem sectiones, ubi videbimus Ellipsoïdem non gignere nisi circulum & Ellipses , Paraboloidem addere Parabolæ,

bolas ; Hyperboloidem vero etiam Hyperbolas continere. Sed in iis aliquanto minus immorabimur.

DEFINITIO III.

346. *SI* recta MNn in fig. 206 utrinque indefinita semper transiens per punctum datum V positam extra planum dati circuli AB perpetuo motu percurrat ejusdem circuli peripheriam ; superficiem , quam generat, dico Superficiem Conicam , solidum ea inclusum ; dico Conum, V Verticem, circulum ipsum Basim, rectam VC transeuntem per verticem, & centrum circuli dico Axem, qui si fuerit perpendicularis plano basis, Conum dico Rectum; secus Scalenum, rectam autem ipsam generatricem Latus Coni.

SCHOLIUM I.

347. *S*olent plerumque appellare conum id tantum, quod inter verticem, & basim interjacet reliquum vero ad eandem appellant conum productum, ad oppositam conum oppositum. At libet potius conum nomine appellare quidquid recta linea, quæ est locus geometricus simplicissimus, & natura sua utrinque sine fine produci potest, gignit motu continuo circa locum geometricum itidem simplicissimum, nimirum circuli peripheriam. Locus geometricus integer ab eorum locorum combinatione nascitur, cujus frustum quoddam est id, quod certa quadam basi, ac vertice terminatur. Sic ergo Hyperbolarum ramos oppositos appellavi, quos alii fere Hyperbolas oppositas nominant.

Coroll. i.

348. *Conus rectus generatur, si altero anguli AVC rectilinei latere VC immoto, alterum latus VA convertatur circa ipsum.*

349. *Si enim ex quovis puncto A ducatur AC perpendicularis*



132 SECTIONUM CONICARUM

pendicularis in VC, ac in illo motu generabit circum-  
lum ( num. 30 solid. ), qui erit basis conii habentis  
verticem in V, cujus axis VC erit perpendicularis ba-  
si ipsi.

Coroll. 2.

550. Si Conus quivis secetur utcumque plano per ver-  
ticem ducto, sectio efficiet in superficie conii binas rectas  
utrinque indefinite productas, continentes binos angulos ad  
verticem oppositos, quarum segmenta intercepta inter ver-  
ticem & basim in cono recto equalia erunt inter se, in  
cono scaleno inequalia ita, ut omnium minimum, ac  
maximum jaceant in plano transeunte per axem, & per-  
pendiculum demissum e vertice in plano basis, minimum  
quidem ipsi perpendicularo propius, maximum vero ab eq-  
dem remotius.

551. Si enim sectio fiat plano transeunte per verti-  
cem V, & bina puncta peripheriæ basis AB, ubi recta  
genitrix deveniet ad puncta A, & B congruet cum li-  
neis VAQ, VBN sectione genitis, cum debeant jace-  
re in superficie conii, & transire illa per puncta V, A,  
hæc per V, B. Quare ipsæ linæ VAQ, VBN erunt re-  
ctæ, & continebunt angulos QVN, qVn oppositos ad  
verticem.

552. Ductis autem AC, BC radiis basis utique æ-  
qualibus, ipsi radii in cono recto continebunt cum ax-  
e VC angulos rectos. Adeoque triangulorum VCA,  
VCB habentium præterea latus VC commune, bases  
VA, VB æquales erunt. Reliqua patent ex num 135.  
solidorum.

Coroll. 3.

553. Quævis sectio basi parallela erit circulus, cujus  
centrum in ipso occurso axis cum eadem sectione.

554. Si enim sectio basi parallela occurrat axi in c ex  
utrovis parte verticis, planis autem VCA, VCB in re-  
ctis ca, cb; erunt rectæ CA, ca, & CB, cb in-  
tersectiones planorum parallelorum parallelæ ( num. 9.  
solidorum). Quare cum rectæ Aa, Cc, Bb transeant  
per idem punctum V, erit ( num. 204 ) ca ad cb, ut

CA

CA ad CB, nimirum in ratione æqualitatis. Manente igitur puncto A, & *a*, & utrumque mutato B, & *b*, semper *cb* erit æqualis eidem *ca*, adeoque *b* ad circulum radio *ca* descriptum.

Coroll. 4.

555. *Sectiones parallelae utcumque inclinatae eiusdem conii erunt semper inter se similes.*

556. Si enim AB, *ab* referant sectiones quascumque parallelas utcumque etiam inclinatas, ac manentibus rectis VA, VC, planum CVB gyret utcumque circa rectam VC; erunt semper & CA, *ca*, & CB, *cb* parallelae inter se, ac proinde adhuc *ca* ad *cb*, ut CA ad CB, adeoque puncta B, *b* (num. III.) ad figuras similes.

Coroll. 5.

557. *In Cono Scaleno alia quoque sectio basi non parallela, quæ dicitur subcontraria, est circulus.*

558. Si enim in fig. 207. per centrum C, & verticem V ducatur (num. 74 solid.) planum AVB perpendicularare plano basis, tum ad quodvis punctum M rectæ AV fiat angulus VM*m* æqualis angulo VBA ita, ut recta M*m* faciat cum latere VA eum angulum, quem AB facit cum VB, unde ob angulum V communem, vel æqualem in triangulis AVB, MV*m*, consequetur etiam, ut eadem M*m* cum VB contineat eundem angulum, quem AB continet cum VA; tum per M*m* fiat sectio perpendiculararis plano AVB (num. 74 solid.), ea sectio dicitur subcontraria basi, & eam fore circulum sic facile demonstratur.

559. Per quodvis punctum R rectæ M*m* ducta sectio parallela basi occurrat plano AVB in *ab*, sectioni ductæ per M*m* in recta P*p*. Ea erit circulus (num. 553), cuius *ab* erit diameter, ac chorda P*p* intersectio binorum planorum perpendiculararium eidem AVB, cum debeat ipsi perpendicularis esse, erit perpendicularis utriusque *ab* & M*m*, ac a priorè, utpote a circuli dimetro, secabitur bifariam in R, eritque quadratum PR æquale rectangulo aR*b* (Cor. 1. Prop. 13. Geom.). Porro in  
trian-

184 SECTIONUM CONICARUM

triangulis  $aRM$ ,  $bRm$  anguli ad verticem oppositi in  $R$  æquales sunt, & ob angulum  $VMR$  æqualem ex hypotefi angulo  $VBA$ , sive  $VbR$ , erit &  $aMR$  æqualis  $mbR$ . Quare similia erunt ea triângula, &  $MR$  ad  $Ra$ , ut  $Rb$  ad  $Rm$ , sive rectangulum  $MRm$  æquale re-ctangulo  $aRb$ ; vel quadrato  $RP$ . Secta autem  $Mm$  bifariam in  $c$  quadratum  $cM$  æquatur rectangulo  $MRm$ , & quadrato  $cR$  simul (Coroll. 2. Prop. 13. Geom.), adeoque æquabitur binis quadratis  $cR$ ,  $RP$  simul, sive ob angulum  $cRP$  rectum, quadrato  $cP$ . Erit igitur semper  $cP$  æqualis  $cM$ , adeoque punctum  $P$  ad circulum radio  $cM$  descriptum.

Coroll. 6.

560. Pro basi assumi potest quævis sectio sive parallela prima basi, sive subcontraria ex utraque parte a vertice  $V$ .

561. Nam quævis ejusmodi sectio circularis est, & recta per verticem  $V$  transiens, ac ejus superficiem contingens eundem generat conum.

Coroll. 7.

562. Quævis alia sectio conici erit Ellipsis, Parabola, vel Hyperbola, prout planum per conici verticem ductum plano sectionis parallelum cadet extra conum, vel eum continget, vel intra ipsum immergetur.

563. Secetur enim quivis conus quovis plano non parallelo basi, & planum ipsi sectioni parallelum ductum per verticem  $V$  occurret plano basis in recta quadam  $OS$ , quæ vel cadet extra basim, ut in fig. 208, 209, vel eam continget alicubi, ut in fig. 210, vel intra ipsam immergetur, ut in fig. 211, ac si ducatur per centrum basis  $C$  recta  $CT$  ipsi  $OS$  perpendicularis occurrens perimetro basis in punctis  $A$ , &  $B$ , cadet punctum  $T$  in fig. 208, 209 extra diametrum  $AB$ , in fig. 210 in altero ejus extremo, ut  $B$ , in fig. 211 intra diametrum, quæ nimirum segmentum rectæ  $OS$  circulo interceptum, cum ad angulos rectos fecer, secabit (Coroll. 4. Prop. 5. Geom.) bifariam.

564. Du-

564. Ducto jam per  $ABV$  plano, quod plano illi  $OVS$  occurrerit in recta  $VT$ , superficiei conii in rectis  $VA$ ,  $VB$ , plano sectionis in recta quadam  $Iz$  parallela (num. 9. solid.) rectæ  $VT$  ob parallelismum plani sectionis cum plano  $OVT$ , quæ idcirco rectam  $VA$  secabit alicubi in  $M$ , ac si ponatur punctum  $I$  ab  $M$  versus conum,  $z$  ad partes oppositas, necessatio secabit in fig. 208, 209 etiam latus  $VB$  alicubi in  $m$  versus  $I$ , erit in fig. 210 ipsi parallela, in fig. 211 secabit versus  $z$  ad partes oppositas supra verticem  $V$  ipsum latus  $BV$  productum, cum ipsa  $VB$  in fig. 208, 209 declinet ab  $VT$  versus parallelam  $Iz$  ad partes  $B$  in fig. 210 cum priore congruat, in fig. 211 declinet versus partem oppositam. Quamobrem rectæ  $Iz$  segmentum  $Mm$  totum, & solum jacebit in fig. 208, 209 intra conum, in fig. 211 extra, in fig. 210. tota  $MI$  indefinita jacebit intra, tota vero  $Mz$  extra.

565. Assumpto in ipsa  $Iz$  puncto quovis  $R$  inter  $M$ , &  $m$  in fig. 208, 209, extra eos limites in fig. 211, ab  $M$  versus  $I$  in fig. 210 ducatur per id punctum planum parallelum plano basis, quod plano  $AVB$  occurrat in recta  $ab$ , plano prioris sectionis in  $Pp$ , & patet fore ipsam sectionem hanc novam circulum. (num. 553) diametro  $ab$ , ac ipsas  $ab$ ,  $AT$ , ac  $Pp$ ,  $OS$  intersectiones planorum parallelorum cum eodem plano fore (n. 9 solid.) parallelas inter se, adeoque (num. 19 solid.) ut  $AT$  est per constructionem perpendicularis  $OS$ , ita erit diameter  $ab$  perpendicularis chordæ  $Pp$ , quam proinde (Coroll. 4. Prop. 5. Geom.) secabit bifariam, adeoque & recta  $Iz$  erit diameter quædam prioris sectionis, cujus nimirum chordas per quodvis punctum  $R$  transeuntes parallelas eidem datæ rectæ  $OS$ , & inter se, secabit bifariam.

566. Ducta  $MD$  parallela  $AB$ , quæ rectæ  $VB$  occurrat in  $D$ , ac in fig. 208, 209, 211 ducta pariter  $md$  parallela eidem  $AB$ , quæ occurrat in  $d$  rectæ  $VA$ , jacente  $md$  in fig. 208 intra triangulum  $VMD$ , in fig. 209 extra ad partes  $MD$ , in fig. 211 extra ad partes  $V$ ,  
con-

186 SECTIONUM CONICARUM

concipiatur circulus rectam AV contingens in M, ac transiens per D (is duci posset; sed vitandæ confusio- nis gratia non ducitur); qui a recta Iz transeunte per contactum M abscindet segmentum ME ita; ut ducta DE; angulus MED æquetur (Coroll. 6. Prop. 9. Geom.) angulo; quem chorda MD continet cum ipsa tangente AMV ad partes oppositas, adeoque angulo MaR, qui in fig. 208 æquatur angulo AMD; in reliquis angulo VMD externo, & opposito: Cumque etiam EMD æ- quetur alterno MRa; similia erunt triangula aRM; EMD; ac aR ad RM; ut ME ad MD:

567. Est autem præterea in fig. 210; ob MR; Db parallelas; MD æqualis Rb. Erit igitur ibi aR ad RM, ut ME ad Rb; adeoque rectangulum aRb; sive quadra- tum semiordinatæ RP æquale rectangulo sub abscissa MR; & recta constanti ME; adeoque (num. 440) pun- cta P; p ad Parabolam diametro MI parametro ME descriptam:

568. At in reliquis erit præterea Rb ad Rm; ut MD ad Mm. Quare conjunctis rationibus; rectangu- lum aRb; sive quadratum semiordinatæ RP ad rectan- gulum MRm sub binis abscissis a binis verticibus; ut rectangulum sub ME; & MD ad rectangulum sub Mm; & MD; sive in constanti ratione ME ad Mm; adeo- que (num. 439) puncta P; p erunt in fig. 208, 209 ad Ellipsim; in fig. 211 ad Hyperbolam descriptam dia- metto Mm; & parametro ME.

Coroll. 8.

569. In Ellipsi, & Hyperbola diameter conjugata dia- metri Mm est media geometricè proportionalis inter MD, md:

570. Erit enim md ad Mm; ut Ra ad RM; sive ut ME ad MD; adeoque rectangulum sub md; & MD æquale rectangulum mME sub diametro & parame- tro; nimirum (num. 351.) quadrato diametri con- jugatæ.

Coroll. 9.

571. Si planum AVB fuerit perpendiculare plano ba- sis,

*sis, quod in cono recto contiget semper, in cono scaleno in unica directione diametri AB, erit IMi axis, & quidem in Hyperbola Mm semper in eo casu erit axis transversus, in Ellipsi in cono recto pariter semper transversus, in cono vero obliquo erit transversus, vel conjugatus, prout sectio jacuerit inter sectionem parallelam basi ductam per M, & subcontrariam, vel extra earum angulum.*

572 Si enim planum AVB fuerit perpendiculare plano basis, recta OS jacens in plano basis, & perpendicularis per constructionem intersectioni AT plani AVB cum ipsa basi, erit (n. 66. solid.) perpendicularis illi ipsi plano, adeoque & rectæ VT. Quare & ordinata Pp erit perpendicularis diametro Mm, adeoque Mm (num. 210) erit axis

573. Cum vero in cono recto axis conici per C transiens sit perpendicularis plano basis, quodvis planum AVB transiens per V & C, adeoque per axem conici, erit (num. 62. solid.) perpendiculare plano basis. At in cono scaleno perpendiculum ex V demissum in planum basis cadet extra C; adeoque in ea unica directione; in qua diameter AB transiens per C dirigatur ad id punctum; planum AVB transibit per rectam perpendicularem plano basis, adeoque ipsi perpendiculare erit.

574. Porro in Hyperbola axis conjugatus ipsius perimetro nusquam occurrit (num. 212), adeoque cum ipsi occurrat Mm in M, & m, erit axis transversus.

575. Pro Ellipsi vero si fig. 212 exhibeat triangulum AVB pro casu conici recti figur. 213, 214 pro casu F.212 conici scaleni; quod in illa erit (num. 550) isosceles, in 213 hac scalenum; circulus MED in primo casu contingeret 214 etiam latus VB in D; in secundo ipsum ibi secabit, ac iterum secabit pariter alicubi in L versus B, vel versus V, prout latus VA, in quo jacet M, fuerit majus latere VB; ut in fig. 213; vel minus, ut in fig. 214, Si enim ejus circuli centrum sit O, ductis MO, DO, angulus OMD erit æqualis angulo OMD ob latera OM,

OM, OD æqualia, cumque & latus VM sit in fig. 212 æquale lateri VD, in fig. 213 majus, in fig. 214 minus; erit angulus VDM æqualis in fig. 212 angulo VMD, major in fig. 213, minor in fig. 214, ac proinde totus angulus VDO æqualis angulo recto VMO in fig. 212, major in fig. 213, minor in fig. 214; Quamobrem recta quoque VDB continget circulum in fig. 212, ipsum in reliquis secabit alicubi in L, jacente L ad partes anguli acuti radii OD cum recta VD, nimirum in fig. 213 a D versus B, & in fig. 214 versus V.

576. Hinc in fig. 212 ducta quavis Mm, quæ lateri VB occurrat ab V versus B, vel supra MD, ut Mm<sub>1</sub>, vel infra ut Mm<sub>2</sub>, semper ea prius occurret circulo in E<sub>1</sub>, vel E<sub>2</sub>, eritque semper axis Mm major latere recto ME, adeoque multo major (num. 351) altero axe, & proinde erit axis transversus. At in fig. 213, 214; ubi m abierit in L, fient Mm, ME æquales abeunte in L etiam E, quo casu equabuntur axis, & ejus latus rectum, adeoque bini axes, Ellipsi abeunte in circulum juxta num. 109, qui quidem casus pertinet ad sectionem subcontrariam ob angulum MLD æqualem angulo LMD in fig. 213, & AMD in fig. 214 tangentis cum chorda MD referente sectionem basi parallelam. Quare quævis Mm<sub>2</sub> jacens inter MD, ML occurret prius lateri VB, quam circulo ultra ipsum procurrenti, eritque axi Mm<sub>2</sub> minor suo latere recto ME<sub>2</sub>, adeoque & axe altero, Quævis autem jacens extra eos limites, ut Mm<sub>1</sub>, Mm<sub>3</sub>, erit major sua ME, & proinde intra eos limites erit Mm axis conjugatus, extra eos transversus.

Coroll. 10.

577. *Ex quovis cono abscindi potest quævis data Ellipsis, ac Parabola, plurima itidem Hyperbola licet non omnes, ac ex cono recto nulla potest ex iis, in quibus latus rectum principale ad axem transversum habeat rationem majorem, quare tangens dimidii anguli AVB in vertice constituti ad contangentem, sive, quod eodem redit,*

*dit, in quibus axis conjugatus ad transversum habeat rationem majorem, quam tangens ejusdem dimidii anguli ad radium, reliqua omnes possunt.*

578. Nam primo quidem in fig. 212 secto cono utcumque per axem plano AVB, & assumpto puncto M ad arbitrium, capiatur VD æqualis VM, ducatur circulus tangens AV in M, & transiens per D, capiatur MF ad MV in ea ratione, in qua est in data Ellipsi latus rectum principale ad axem transversum, quod cum semper sit minus ipso latere transversio ( n. 66, 64 ) erit semper MF minor, quam MV, adeoque acta ex F recta parallela VB, ea necessario occurrerit alicubi circulo in binis punctis E<sub>1</sub>, E<sub>2</sub>, cum ipsa VB illum tangat ( num. 575 ). Si autem ducantur rectæ ME<sub>1m1</sub>, ME<sub>2m2</sub>, ipsæ determinabunt sectiones similes datæ Ellipsi; erit enim in iis latus transversum Mm ad rectum ME, ut MV ad MF, nimirum ut in data Sectione Conica latus transversum ad rectum. Quare si alter ex iis axibus Mm evaserit æqualis axi transversio datæ Ellipseos, sectio per ipsum ducta perpendicularis plano AVB exhibebit Ellipsim datam; si neuter, satis erit assumere in ipso latere AV aliam VM, quæ ad prius assumptam sit, ut est axis transversus datæ Ellipseos ad Mm<sub>1</sub>, Mm<sub>2</sub> prius inventas; & sectio per novum punctum M parallela ductæ per priorem Mm<sub>1</sub>, vel Mm<sub>2</sub> exhibebit quæsitam Ellipsim. Erit enim ( num. 555 ) priori sectioni similis, ac ejus axis transversus ad Mm prius inventam, ut nova VM ad priorem.

579. Quod si agatur ME<sub>3</sub> parallela VB, ea determinabit Parabolam, in qua si latus rectum non obvenit æquale lateri recto datæ Parabolæ, eodem artificio mutata VM in ea ratione, invenietur Parabola æqualis datæ.

580. Si demum acta diametro DOI, tangens per I occurrat lateri VA in H, & detur Hyperbola, in qua latus rectum principale ad axem transversum habeat rationem utcumque minorem, quam HM ad MV, su-



190 SECTIONUM CONICARUM

inatur  $Mf$  ad ipsam  $MV$  ad partes oppositas  $V$ , sive versus  $H$  in ratione ejus lateris recti principalis ad axem transversum, & recta ex  $f$  parallela  $VB$  eodem pacto determinabit binâ punctâ  $E_4$ ,  $E_5$ , ex quibus ductæ binæ  $E_m$  determinabunt binas Sectiones similes Hyperbolæ datæ; in quâ si illa ratio lateris recti principalis ad axem transversum fuerit eadem; ac  $HM$  ad  $MV$ , coeuntibus punctis  $E_4$ ,  $E_5$  in  $I$ ; sectio per  $I$ , &  $M$  ducta exhibebit Hyperbolam similem; si ratio fuerit adhuc major; patet similem exhiberi non posse: Mutato igitur puncto  $M$ , ut prius; invenietur quidem Hyperbola æqualis datæ in duplici inclinatione in primo casu; unica in secundo; at in tertio inveniri nequaquam poterit.

581. Porro quoniam ob tangentes  $MI$ ,  $HM$ , &  $VM$ ,  $VD$ , æquales, rectæ  $OH$ ,  $OV$  secant bifariam angulos  $IOM$ ,  $MOD$ ; angulus  $HOV$  erit æqualis binis  $IOH$ ,  $VOD$ , qui cum ipso constituunt binos rectos, adeoque erit rectus; & angulus  $MOV$ , qui ob  $OMV$  rectum; est complementum anguli  $MVO$ ; erit complementum  $MOH$ ; adeoque ipse  $MOH$  æqualis illi  $MVO$  dimidio totius  $AVB$ . Cum igitur sint  $HM$ ,  $MV$  tangentes angulorum  $HOM$ ,  $MOV$ ; erit illa tangens, hæc cotangens dimidii anguli  $AVB$ ; & Hyperbolæ, quæ non poterunt secari ex dato cono recto; erunt eæ, in quibus latus rectum principale ad transversum habet rationem majorem; quam tangens illius dimidii anguli ad cotangentem. Quoniam vero ob similitudinem triangulorum rectangulorum  $HMO$ ,  $OMV$ , est  $HM$  ad  $MO$ , ut  $MO$  ad  $MV$ ; & est latus rectum principale ad axem conjugatum, ut hic ad transversum; si axis conjugatus habuerit ad transversum rationem majorem; æqualem; vel minorem respectu ejus; quam  $HM$  tangens dimidii anguli  $AVB$  ad radium  $MO$ ; habebit patiter latus rectum principale ad latus transversum rationem majorem; æqualem; vel minorem respectu ejus; quam habet tangens  $HM$  ad cotangentem.

582. In

582. In cono autem scaleno si AVB in fig. 213, 214 referat sectionem per axem, quæ sit perpendicularis basi, eodem prorsus argumento haberi poterit quævis Ellipsis semper duplici inclinatione  $Mm_1$ ,  $Mm_3$ , ac si concipiatur  $hz$  parallela lateri VB, quæ tangat in  $z$  arcum LD situm extra angulum AVB, & ratio axis transversi ad conjugatum fuerit minor ratione Mb ad MV, vel ei æqualis, poterit eadem illa Ellipsis erui ex eodem cono binis directionibus  $ME_2$ , hinc & inde ab  $z$ , vel unica, qua E abeat in  $z$ . Poterit semper Parabola directione  $ME_4$  parallela lateri VB, tum succedunt omnia Hyperbolarum genera usque ad eam, cujus latus rectum principale ad transversum sit  $MH$  ad MV. Quod si AVB non referat sectionem basi perpendicularem, sed aliam quamcumque, definiiri pariter poterunt limites rationis, quam habebit latus rectum cuiuspiam alterius diametri ad suam diametrum, ita tamen, ut cum nec angulus V, nec inclinatio trianguli AVB ad basim variari possint, nisi intra certos limites, semper certus in quovis cono habeatur limes pro hyperbolis.

Coroll. II.

583. *Data quavis Sectione Conica inveniri possunt infiniti coni, ex quibus ea abscindi possit; qui tamen ad Hyperbolam æquilateram abscindendam habere debent in cono recto angulum ad verticem V rectum, vel acuto majorem.*

584. Nam quævis Ellipsis & Hyperbola abscindi possunt ex quovis cono. Data autem quavis Hyperbola, si supra quamvis rectam AB in fig. 212 fiant anguli VAB, VBA inter se æquales, & non minores eo, cujus cotangens ad radium est; ut ejus Hyperbolæ axis conjugatus ad transversum, tum diametro AB describatur circulus in plano perpendiculari ad planum AVB & assumpto V pro vertice, ac eo circulo pro basi, fiat conus; ex eo semper abscindi poterit ejusmodi Hyperbola. Cum enim bini anguli VAB, VBA simul cum

AVB contineant binos rectos, singuli sunt complementa dimidii anguli AVB, & eorum cotangens erit hujus dimidii tangens. Quoniam vero tangens anguli semirecti æquatur radio (num. 49. Trigon.), & anguli minoris est minor, majoris major; ut æquilatera esse possit Hyperbola, debet dimidium anguli AVB non esse minus semirecto, adeoque is totus non esse acutus.

## S C H O L I U M II.

585. **A** Tque hoc pacto jam habentur præcipua eorum, quæ ad conorum sectiones pertinent, & notari facile potest affinitas, quam habent inter se, & cum recta; ac mutua transformatio in se invicem, & in rectas ei similis, quam persecuti sumus in Scholio 2 post Coroll. 20 defin. 2. a num. 107. Concipiatur in fig. 212 punctum M immotum, dum punctum *m* primo abit in V, Ellipsi eo casu in infinitum attenuata, area evanescit, ac ejus perimeter abit utrinque in rectam MV. Inclinata Sectione versus D in *Mm*<sub>1</sub>, habetur Ellipsis initio quidem tenuissima, & formæ admodum oblongæ existente ratione lateris recti ME<sub>1</sub> ad transversum *Mm*<sub>1</sub> admodum exigua, tum sensim pinguescit, ac ubi *m*<sub>1</sub> abit in D, æqualibus latere recto, & transverso, migrat in circulum: tum in *Mm*<sub>2</sub> redit ad formam iterum oblongam, ac iterum decrescit ratio lateris recti ME<sub>2</sub> ad transversum *Mm*<sub>2</sub> per omnes gradus in immensum, donec abeunte E<sub>2</sub> in E<sub>3</sub>, vertex *m* ita in infinitum recedat, ut nusquam jam sit, ac Ellipsis in Parabolam migrat, nusquam in se redeuntem. Inclinato autem adhuc magis, utcunque parum, plano sectionis per E<sub>4</sub>M, jam incipit vertex *m*<sub>4</sub> apparere ex parte opposita V, initio quidem in immensa distantia ita, ut nulla sit distantia in se determinata ejusmodi, quæ cuiquam determinato puncto E<sub>4</sub> non respondeat, qua proinde majores aliæ antea

tea non extiterint respondentes aliis punctis  $E_4$  adhuc propioribus puncto  $E_3$ : Parabola autem jam in Hyperbolam migrat binos habentem ramos utrinque in infinitum productos; in qua ratio lateris recti  $ME_4$  ad transversum  $Mm_4$  initio in immensum exigua sensim crescit dilatata Hyperbolæ formæ; donec abeunte  $E_4$  in  $I$ , fiat maxima illa ratio; tum iterum eadem in  $E_5$  decrescit, & comprimuntur Hyperbolæ, ac demum evanescente  $ME_5$ , & abeunte  $m_5$  in  $V$ , desinit Hyperbolam in rectam, ab  $M$  versus  $A$ , &  $V$  ad partes oppositas in immensum productam.

586. Idem contingit in fig. 213, & 214 in cono scaleno cum hoc solo discrimine, quod ubi Ellipsis primo oblonga per  $Mm_1$  perpetuo pinguescit, ac abit in circulum in ipso appulsu  $m_1$  in fig. 213 ad  $D$ , in fig. 214 ad  $L$  dilatatur adhuc magis, facto  $Mm_2$  jam axe conjugato, tum iterum ad formam circularem redit abeunte  $m$  in fig. 213 in  $L$ , in fig. 214 in  $D$ , ac deinde oblongatur in immensum, dum in Parabolam desinat, ac ad Hyperbolam transeat primo quidem se veluti expandentem, tum iterum compressam, donec abeat in rectam. Ac in omnibus hisce casibus Ellipsis, ac Hyperbola, ubi in rectas desinunt, id præstant axe transverso finito, & latere recto evanescente, ac perimetro utrinque abeunte in axem, dum & axe excrecente in immensum, & latere recto finito, in Parabolam migrant. Post omnes Ellipsium, ac Hyperbolarum species adstringentium formam ita, ut ratio lateris recti ad transversum decrescat ultra quoscumque limites, bini sunt velut limites quidam, recta linea, & Parabola, quæ quodammodo velut ejusdem sunt ultimæ speciei, & ad alteram devenitur axe transverso finito, & latere recto evanescente, ad alteram finito latere recto, & axe transverso excrecente in infinitum. Utrumque parum quædam Ellipsis, & Hyperbola a recta distent, & formam adstringant, habent sectionem aliam, Parabolæ pariter proximam, majorem quidem,

## 194 SECTIONUM CONICARUM

dem, sed formæ prorsus ejusdem, atque ipsi omnino similem.

587. Quod si manente directione sectionis, concipiatur punctum  $M$  accedere ad  $V$ , tam Ellipsis, quam Parabola, & Hyperbola, eandem retinent formam, juxta (num. 555), sed perpetuo decrefcunt, donec abeunte  $M$  in  $V$  Ellipsis ut patet in fig. 208, 209 abeat in unicum punctum  $V$ , Parabola in fig. 210 in rectam  $VT$ , Hyperbola in fig. 211 in binas rectas  $VO$ ,  $VS$  utrinque in infinitum productas juxta num. 550.

588. Si manente basi, & plano sectionis, vertex  $V$  moveatur per rectam  $VT$ , ac desinat in  $T$ , Ellipsis quidem in fig. 208, 209, coeuntibus punctis  $M$ ,  $m$  desinit in rectam perpendicularem rectæ  $CT$  consideratam ut duplicem interceptam tangentibus ex  $T$  ductis ad basim, abeunte superficie conï in omne illud spatium, quod eæ tangentes utrinque in infinitum productæ continent. Parabola in fig. 210 desinit in unicam simplicem rectam itidem perpendicularem  $CT$  indefinite productam hinc, & inde, abeunte conï superficie in totam aream basis hinc inde a tangente  $OS$  indefinite productam. Hyperbolæ in fig. 211 ramus uterque abit in eandem unicam rectam eodem modo in infinitum productam, & consideratam ut duplicem ita, ut in eam totam singuli abeant rami, abeunte pariter utraque conï superficie in planum basis indefinite productum.

589. Quod si punctum  $V$  recedat a basi in infinitum per eandem rectam ita, ut nusquam jam fit, conus quidem desinit in cylindrum, at Ellipsis formam Ellipsis retinet, Parabolæ in fig. 210, ac Hyperbolæ fig. 211 vertex  $V$  nusquam jam est, perimeter vero abit in binas rectas parallelas, quæ sunt ipsa cylindri latera. Atque eodem pacto liceret plurimas alias transformationes contemplari. Quod vero ad cylindrum attinet, jam hinc inferri potest quamvis sectionem axi parallelam efficere in ejus superficies binas rectas, quamvis parallelam basi, vel in cylindro obliquo subcontrariam effi-

efficere circulum basi æqualem, quamvis aliam effi-  
cere Ellipsim. Sed ea, ut & pauca alia, quæ ad cy-  
lindri sectiones pertinent, libet potius per finitam Geo-  
metriam accurate demonstrare, quod utique præsta-  
ri poterit fere eadem prorsus methodo, qua in cono  
usum sumus.

D E F I N I T I O I V.

590. *S*I recta Nn in fig. 215 utrinque indefinita sem-  
per parallela data cuiusdam rectæ posite extra  
planum dati circuli AB perpetuo percurrat ejusdem circuli  
peripheriam, superficiem, quam generat, dico Superficiem F. 215  
Cylindricam, solidum ea inclusum, dico Cylindrum,  
circulum ipsum Basim; rectam VCu per centrum basis  
ductam, & data illi rectæ parallellam dico Axem, qui  
si fuerit perpendicularis plano basis, Cylindrum dico re-  
ctum, secus obliquum, rectam vero illam mobilem dico  
Cylindri Latus.

S C H O L I U M I.

591. *H*IC parite Cylindrum appellavi totum locum  
geometricum, qui natura sua in infinitum  
utrinque producit, licet plerunque Cylindri nomine de-  
signari soleat hujusmodi Cylindri segmentum tantum-  
modo binis planis parallelis terminatum.

Coroll. 1.

592. *Cylindrus rectus generatur, si altero e binis op-  
positis reſtanguli lateribus utrinque in infinitum produ-  
cto totum reſtangulum circa latus alterum immotum con-  
vertatur.*

593. Nam utrumvis e reliquis binis lateribus cum  
lateri immoto perpendicularare fit, describet (num. 30  
solid.) circulum perpendiculararem ipsi lateri immoto,  
quod proinde erit axis Cylindri, cujus ille circulus est  
basis.

## 196 SECTIONUM CONICARUM

Coroll. 2.

594. Si Cylindrus quivis secetur utrumque plano per axem ducto, vel axi parallelo; sectio in ejus superficie generabit binas rectas axi parallelas utrinque in infinitum productas.

595. Secabit enim basim in quadam recta  $AB$ , ac si sectio transeat per axem in ipso plano sectionis duci poterunt per  $A$ ; &  $B$  binæ sectæ  $Qq$ ,  $Nn$  parallele eidem axi, sin minus, intersectiones planorum  $VCA$ ,  $VCB$ , cum ipso sectionis plano erunt binæ rectæ  $Qq$ ,  $Nn$  transeuntes per  $A$ , &  $B$ , cum quibus debet congruere recta mobilis, quæ superficiem generat, ubi appellit ad puncta  $A$ ,  $B$ .

Coroll. 3.

596. Quævis sectio basi parallela erit circulus basis æqualis, cuius centrum in ipso occurso axis cum eadem sectione, ac Cylindri latera binis planis parallelis intercepta erunt æqualia inter se.

597. Si enim sectio basi parallela occurrat axi in  $c$ ; plano autem  $VCB$  basis in recta  $CB$ , ei vero sectioni in recta  $cb$ , erunt  $CB$ ,  $cb$  parallelæ ( num. 9. solid. ), adeoque  $CBbc$  parallelogrammum, cujus latera opposita æqualia, & proinde  $cb$  semper æqualis eidem radio circuli  $CB$ , ac pariter &  $Bb$  semper æqualis eidem  $Cc$ .

Coroll. 4.

598. Quævis sectio parallela basi, pro basi assumi poterit.

599. Patet ex eo, quod sit circulus, & recta mobilis tam ipsum, quam basim perpetuo contradat.

Coroll. 5.

600. In Cylindro obliquo alia quoque sectio basi non parallela, qua subcontraria dicitur, est circulus.

601. Si enim in fig. 216 per axem  $VC$  ducatur planum basis plano perpendiculare, secans basim in recta  $AB$ , superficiem Cylindri in rectis  $Qq$ ,  $Nn$ , angulorum  $qAB$ ,  $nBA$  alter erit acutus, ut  $qAB$ , alter obtusus, ut  $nBA$ . Quare si e quovis puncto  $M$   
rect.

rectæ  $Qq$  ducta in eodem plano recta  $MD$  parallela diametro basis  $AB$ , cui & æqualis erit, angulus  $AMm$  æqualis angulo  $BDM$ , occurrente ea recta lateri  $Nn$  in  $m$ , erit &  $MmD$  æqualis ipsi  $MDm$ , cum æquetur alterno  $AMm$ , & triangulum  $mMD$  isosceles. Porro si Cylindrus fecetur per  $Mm$  plano perpendiculari ipsi  $AMDB$ , ea sectio dicetur subcontraria, & erit circulus basi æqualis.

602. Nam per quodvis punctum  $R$  rectæ  $Mm$  facta sectione  $aPbp$  parallela basi, quæ sectioni priori occurrat in  $Pp$ , plano  $MABD$  in  $ab$ , erit ea (num. 596) circulus, cuius centrum in axe, adeoque diameter ipsa  $ab$ , eritque  $PRp$  intersectio binorum planorum perpendicularium eidem plano  $MABm$  perpendicularis ipsi toti, adeoque perpendicularis  $Mm$ , &  $ab$ , ac proinde chorda  $Pp$  bifariam secta a diametro  $ab$  in  $R$ , & quadratum  $PR$  æquale rectangulo  $aRb$ , nimirum, cum ob triangula  $MRA$ ,  $mRb$  similia triangula  $DMm$ , adeoque isoscelia, sit &  $MR$  æqualis  $Ra$ , &  $mR$  æqualis  $Rb$ , rectangulo  $MRm$ , quibus si secta  $Mm$  bifariam in  $c$  addatur quadratum  $cR$ , erunt bina quadrata  $cR$ ,  $RP$  æqualia quadrato  $cR$ , & rectangulo  $MRm$ , nempe quadratum  $cP$ , quod ob angulum ad  $R$  rectum æquatur illis, æquale quadrato  $CM$ , quod ob  $Mm$  sectam bifariam in  $c$  æquatur his, & punctum  $P$  ad circulum radio  $CM$  descriptum.

Coroll. 6.

603. *Quævis alia secto erit Ellipsis habens centrum in ipso Cylindri axe.*

604. Nam ea non erit parallela axi, quem proinde secabit alicubi in fig. 217 in  $c$ , ut pariter & om-F.217 nia Cylindri latera, ac totam ejus perimetrum alicubi secabit in  $MPmp$ . Nec erit parallela basi, cujus plano proinde alicubi occurreret in recta quadam  $OS$ , ad quam ducto perpendiculo  $CT$  ex centro basis, & per ipsum ac per axem ducto plano, id basim secabit alicubi in  $AB$ , superficiem Cylindri in rectis  $QAq$ ,  $NBn$ , planum Sectionis in  $Mm$ , jacente  $Mm$  intra  
Cy-



198 SECTIONUM CONICARUM.

Cylindrum . Ductis in eo plano  $MD$ ,  $md$  parallelis  $AB$ , adeoque & ipsi, & inter se æqualibus, per quodvis punctum  $R$  rectæ  $Mm$  fiat sectio parallela basi, quæ erit circulus ( num. 596 ), ac plano  $AMmB$  occurret in recta  $ab$  sua diametro, plano autem  $MPmp$  in recta  $Pp$ , quæ erit perpendicularis ipsi  $ab$ , cum rectæ  $Pp$ ,  $ab$  debeant esse parallelæ rectis  $CT$ ,  $OS$  intersectionibus planorum parallelorum cum iisdem planis, &  $CT$ ,  $OS$  sibi invicem perpendiculares sint per constructionem .

605. Erit igitur  $Pp$  bifariam secta in  $R$ , & quadratum  $PR$  æquale rectangulo  $aRb$ . Est autem  $aR$  ad  $M^R$ , ut  $md$ , sive  $MD$  ad  $Mm$ , &  $Rb$  ad  $Rm$ , ut  $MD$  ad  $Mm$ , adeoque rectangulum  $aRb$ , sive quadratum  $RP$  ad rectangulum  $MRm$  in ratione constanti quadrati  $MD$  ad quadratum  $Mm$ . Quamobrem erit  $MPmp$  Ellipsis, cuius diameter altera  $Mm$ , adeoque ( num. 351 ) ejus conjugata  $MD$ , quæ Ellipsi in circulum non abibit, nisi  $Pp$  sit perpendicularis ipsi  $Mm$ , quod non accidet, nisi planum  $AMmB$  sit perpendiculare plano  $aPbp$ , sive plano basis, & præterea  $Mm$  sit æqualis  $DM$ , nimirum nisi sectio sit subcontraria basi. Patet autem  $Mm$  secari bifariam ab  $Vu$ , ut  $AB$ , adeoque centrum esse in axe.

Coroll. 7.

606. *In Cylindro recto semper  $Mm$  erit axis transversus; in cylindro vero obliquo si planum  $AMmB$  fuerit perpendiculare plano basis, erit  $Mm$  pariter axis, sed erit conjugatus, vel transversus, prout sectio jacuerit inter sectionem basi parallelam, & subcontrariam, vel extra eos limites.*

607. Nam quotiescumque fuerit planum  $AMmB$  perpendiculare plano basis, quod in Cylindro recto semper continget; erit  $OS$  perpendicularis  $MT$ , adeoque ordinatæ perpendiculares diametro  $Mm$ , quæ proinde erit axis.

608. Porro in Cylindro recto angulus  $MDm$  erit semper rectus, &  $Mm$  major, quam  $MD$ , adeoque  
axis

axis transversus . In Cylindro scaleno  $Mm$  evadet minima , ubi fuerit perpendicularis latere  $BD$  , tum in recessu a perpendicularo hinc , & inde æque perpetuo crescet , donec deveniat hinc ad  $MD$  parallelam basi , inde ad sectionem subcontrariam , ac deinde perget utrinque crescere , adeoque erit minor vel major , quam  $MD$  , prout jacuerit  $MD$  , & sectionem subcontrariam , vel extra eos limites .

Coroll. 8.

609. *E quovis Cylindro potest secari Ellipsis cujuscunque speciei , sed in Cylindro recto semper ejus axis conjugatus debet esse equalis diametro basis , ut etiam in Cylindro obliquo quotiescumque fuerit sectio perpendicularis plano per axem , quod perpendiculare sit plano basis , & jacuerit extra binas sectiones circulares ; si vero jacuerit intra , axis transversus erit semper diametro basis equalis .*

610. Nam si fiat in Cylindro recto quævis sectio per axem , & in obliquo sectio per axem perpendicularis basi , quæ sit  $MABD$  , in qua ducatur e quovis puncto  $M$  recta  $MD$  parallela diametro basis , tum capiatur recta , quæ ad ipsam sit , ut est axis transversus ad conjugatum in data Ellipsi , & centro  $M$  , eo intervallo necessario invenietur in recta  $BD$  ex utralibet parte puncti  $D$  , punctum  $m$  , ad quod ducta  $Mm$  ; tum secto Cylindro plano per  $Mm$  perpendiculari ad  $MABm$  habebitur Ellipsis , cujus axis transversus  $Mm$  ad conjugatum  $MD$  erit , ut in data Ellipsi , adeoque erit ipsi similis .

611. In Cylindro autem scaleno , si axis conjugatus non sit ad transversum in ratione minori , quam sit ea sinus anguli  $MAB$  ad radium , poterit etiam data Ellipsi similis abscindi Ellipsis etiam plano ducto inter binas circulares . Nam ubi  $Mm$  sit perpendicularis , adeoque minima , erit ad  $MD$  , ut sinus anguli  $MDm$  sive  $MAB$  oppositi in parallelogrammo ad radium , ac centro  $M$  intervallo rectæ cujusvis minoris quam sit  $MD$  , sed non minoris quam sit id perpendiculum , invenietur vel unica  $Mm$  cum eo perpendicularo congruens

gruens ; vel duplex hinc , & inde , quæ exhibebit axem conjugatum minorem transverso MD in ea ratione , in qua est in data Ellipsi . Verum semper in primo casu MD erit axis conjugatus , in secundo axis transversus .

## SCHOLIUM II.

612. SI in Cylindro obliquo planum MAB $m$  sit obliquum ad planum basis ; adhuc & axis uterque haberi poterit inæqualis diametro basis ; erit enim tum M $m$  diameter quedam , & MD ejus conjugata , quarum utraque cum debeat esse ( num. 379. ) minor axe transverso , major conjugato , habebitur axis conjugatus minor ipsa MD , transversus major .

613. Quod si describatur circulus , qui rectam AM contingat in M , & transeat per D , qui quidem occurreret diametro M $m$  in E eodem pacto , quo in cono demonstratum est ( num. 566 ; 568 ) demonstrabitur hic , fore ME latus rectum diametri M $m$  , ut & illud patet sectionem maxime inclinaram ad axem Cylindri esse maxime oblongam , tum crescente angulo paulatim accedere ad circuli formam , & eam assequi demum semper in Cylindro recto in unica positione perpendiculari ad axem , in obliquo vero si planum AM $m$ B sit basi perpendiculare , eam quidem primum assequi , tum adhuc magis contrahi , & axem transversum mutare in conjugatum , recedendo a forma circulari semper magis , donec perpendicularis evadat , tum incipiat iterum ad eam formam accedere , ipsi iterum congruat ac iterum per eosdem gradus oblongetur in infinitum .

614. Posset etiam inquiri in mutationes omnes , quæ accidunt , ubi planum AMDB est inclinatum ad planum basis : sed quoniam ejusmodi perquisitio nec usus habet ferme ullos & prolixior est aliquanto , eam hic omittendam duxi , ut & aliam ei similem in cono scaleno : ac potius gradum faciam ad considerandas

sphæroides, ac conoides, quas Conicę sectiones generant circa axem revolutę, earumque sectiones usui futuras sæpe, ubi illud mirum *ex Ellipsoide secari non posse nisi circulum, & Ellipsim non magis a circulari forma recedentem, quam recedat Ellipsis genitrix; e Paraboloidē posse circulum, Ellipsim, & Parabolam: ex Hyperboloidē circulum, Ellipsim, Parabolam, & Hyperbolam non magis a forma Parabola recedentem, quam ipsa recedat Hyperbola genitrix.*

DEFINITIO V.

615. *SI circa axem utrumvis convertatur Ellipsis in solidum ea conversione ortum dico Ellipsoidem, seu Sphæroidem Oblongam, vel Oblatam, prout gyretur circa axem transversum, vel conjugatum: Si convertatur circa suum axem Parabola, dico Paraboloidem, vel Conoidem Parabolicam, si Hyperbola circa axem transversum, dico Hyperboloidem, sive Conoidem Hyperbolicam; axem autem illum conversionis dico Axem ipsius Sphæroidis, vel Conoidis, ac axis vertices Polos.*

Coroll. 1.

616. *sectio Sphæroidis, vel Conoidis cujusvis per axem æquatur prorsus figura genitrici, & sectio axi perpendicularis est circulus habens centrum in ipso axe.*

617. Si enim in fig. 218 sit Sphæroidis Elliptica, in F. 218 fig. 219 Conois Parabolica, in fig. 220 Conois in Hyperbolica, & secetur plano per axem; ubi figura genitrix ad id planum deveniet, cum ea sectione congruet, adeoque ei æqualis esse debet. 219 220

618. Si autem secetur plano  $PBp$  perpendiculari ad axem, cui occurrat in  $R$ , & ducantur bina quævis plana per axem  $MRP$ ,  $MRB$ , quæ ipsi sectioni occurrant in  $RP$ ,  $RB$ , anguli  $MRP$ ,  $MRB$  erunt recti, & proinde ubi figura genitrix ad ea plana deveniet, eadem semiotdinata ipsius primum congruet cum  $RP$ , tum cum  $RB$ , adeoque semper quævis  $RB$  eidem

202 SECTIONUM CONICARUM  
dem RP æqualis est, & punctum B est ad circulum radio RB.

### SCHOLIUM I.

619. Satis patet per Theorema esse commune cuiusvis solidogenito rotatione figuræ planæ cuiusvis circa axem quemvis positum in eodem plano, nam demonstratio non pendet à natura Sectionum Conicarum.

620. Ex hoc primo Corollario etiam pauca quædam, quæ pertinent ad solidorum ejusmodi relationem ad se invicem, ac ad dimensionem Sphæroidum Ellipticarum summo futura usui, quæ facile perspiciuntur, & e simplici Cavalleriana methodo consequuntur: Reliqua suo loco aptius demonstrabuntur infinitesimali methodo, ac calculo integrali. Prius tamen aliud Theorema sponte fluens pro Ellipsoidibus deducam.

#### Coroll. 2.

621. *Circulus omnium maximus est in Spheroide Elliptica is, qui habetur sectione per centrum ducta, ac æque distat ab utroque polo, qui etiam ejus æquator dicitur, reliqui quo magis hinc, & inde ab eo distant, & ad polum propiorem accedunt, eo minores sunt, ac bini hinc, & inde æque distantes æquales sunt.*

622. Nam omnium ejusmodi circulorum diametri sunt rectæ Pp ordinatæ axi, quæ in quavis Ellipsi eo minores sunt, quo a centro distant magis (num. 83), adeoque earum maxima est illa, quæ per centrum transit, & binæ, quæ hinc, & inde æque ab ipso centro distant æquales sunt per n. 83.

#### Coroll. 3.

623. *Si plures Ellipsoïdes, vel plures Paraboloides, vel plures Hyperboloides æqualem habentes axem inter se conferantur, earum segmenta planis æque a vertice distantibus abscissa, ac Ellipsoïdes totæ annumera-*

*ta Ellipsoidibus etiam Sphæra, erunt inter se ut earum latera recta pertinentia ad eundem axem, sive in Ellipsoidibus, ac Hyperboloidibus ut quadrata axium reliquorum, nimirum in Sphæroidibus Ellipticis, ut quadrata diametrorum æquatoris:*

624. Nam quodvis planum circulare  $PBp$  erit, ut quadratum radii  $RP$ . Erit autem id quadratum semper in quavis Paraboloidæ æquale rectangulo sub abscissa  $MR$ , & latere recto ( num. 351 ); at in Ellipsoidibus; & Hyperboloidibus ad rectangulum  $MRm$  ( num. 351 ) semper ut latus rectum ad transversum, sive in Ellipsoidibus; ac Hyperboloidibus, ut quadratum axis alterius ad quadratum axis  $Mm$ . Quare si assumantur abscissæ  $MR$  æquales, ac præterea in Ellipsoidibus; & Hyperboloidibus sint axes  $Mm$  æquales; adeoque æquales &  $Rm$ , & æqualia rectangula  $MRm$ ; erunt ubique quadrata  $RP$ ; ut latera recta, & in Ellipsoidibus inter se comparatis; ac Hyperboloidibus inter se, ut quadrata axium reliquorum; circa quos non fit conversio, qui axes in Sphæroidibus Ellipticis sunt diametri æquatoris: cumque ea ratio habeatur ubique; utcumque mutato puncto  $R$ , erunt in eadem constanti ratione tota solida ab ejusmodi circularibus planis genita, dum  $R$  excurrit per totum segmentum axis  $MR$ , & in Ellipsoide per totum axem  $Mm$ .

## SCHOLIUM II.

625. **H**Oc etiam Theorema generale est solidis omnibus genitis rotatione circa eundem axem a figuris, quarum semiordinatæ  $RP$  constantem semper rationem habeant, ut patet ex ipsa demonstratione.

Coroll. 4.

626. *Sphæroidis Elliptica est ad Sphæram eodem axe descriptam, ut quadratum axis ipsius ad quadratum diametri æquatoris, & Sphæroides omnes sunt inter se in ratione composita ex simplici axis; & duplicata æquatoris.*

## 704 SECTIONUM CONICARUM

627. Nam sphaerę eodem axe descriptę diameter æquatoris est axis illę idem . Si autem binę sphaeroides diversos axes habeant ; erit prima ad sphaeram eodem axe descriptam in ratione duplicata diametri æquatoris primę ad ejus axem , hæc sphaera ad sphaeram habentem axem communem cum secunda in ratione triplicata axis primę ad axem secundę , hæc secunda sphaera ad secundam sphaeroidem in ratione duplicata axis secundę ad diametrum æquatoris ejusdem . Collectis rationibus elisa ratione duplicata directã , ac reciproca axis primę ad axem secundę , habetur ratio composita ex simplici axis primę ad axem secundę , & duplicata diametri æquatoris illius ad diametrum hujus .

*Coroll. 5.*

628. *Sphaeroidis oblonga , ac oblata ab eadem Ellipse genita sunt medię geometricę proportionales inter sphaeram inscriptam , & circumscriptam .*

629. Nam inscripta habebit pro axe axem conjugatum Ellipseos, sive axem sphaeroidis oblatae, circumscripta axem transversum, sive axem oblongę . Quare erit sphaera inscripta ad sphaeroidem oblata, ut quadratum transversum, & pariter sphaeroidis oblonga ad sphaeram circumscriptam, ut idem quadratum axis conjugati ad quadratum transversum . Erit igitur sphaera inscripta ad sphaeroidem oblata, ut oblonga ad circumscriptam, adeoque alternando sphaera inscripta ad oblongam, ut oblata ad circumscriptam . Porro est etiam sphaeroidis oblonga ad oblata in ratione composita ex simplici axis transversum ad conjugatum, & duplicata conjugati ad transversum, adeoque in ratione simplici conjugati ad transversum, in qua ratione duplicata cum sit sphaera inscripta ad sphaeroidem oblata, erit oblonga media inter inscriptam, & oblata; adeoque sphaera inscripta, sphaeroidis oblonga, sphaeroidis oblata, sphaera circumscripta sunt continue proportionales .

*Coroll. 6.*

630. *Sphaera sphaeroidi oblongę equalis habet pro diametro primam e binis mediis geometricę continue proportio-*

*tio-*

*tionabilibus inter axem conjugatum Ellipseos genitricis, & transversum, Spheroidi vero oblata secundam.*

631. Si enim concipiantur binę medie continue proportionales inter axem conjugatum Ellipseos genitricis, sive diametrum sphaerae inscriptae, & axem transversum, sive diametrum sphaerae circumscriptae, quatuor sphaerae, nimirum inscripta habens pro diametro illum axem conjugatum, sphaera habens pro diametro primam e binis mediis, sphaera habens pro diametro secundam, & circumscripta; erunt & ipsae continue proportionales, cum nimirum sint in ratione triplicata diametrorum proportionalium, Quare cum etiam sphaera inscripta, sphaerois oblonga, sphaerois oblata, & sphaera circumscripta sint continue proportionales, erit sphaerois oblonga aequalis sphaerae habenti pro diametro primam, oblata secundam ex illis binis mediis continue proportionalibus,

S C H O L I U M III.

632. **H**is demonstratis pergendum jam ad reliquas Sphaeroidum, & Conoidum sectiones, quae aequae facile determinantur.

*Coroll 7.*

633. *Quavis sectio sive Spheroidis, sive Conoidis non perpendicularis axi est Sectio Conica, in Ellipsoide semper Ellipsis, in Paraboloidae Ellipsis, vel Parabola, prout sectio fuerit obliqua axi, vel ei parallela; in Hyperboloidae Ellipsis, Parabola, vel Hyperbola, prout sectionis planum inclinabitur ad axem in angulo majori, aequali, vel minori respectu ejus, qua asymptatus utraque ad ipsum inclinatur.*

634. Referat enim in fig. 221. HMI frustum cujusvis Sphaeroidis, vel Hyperboloidis, & in fig. 222 HMI, hmi pertineant ad binos ramos oppositos, & plano sectionis cujusvis PBP obliquae ad axem, ducatur per axem ipsum perpendiculare ( num. 74 solid. ) planum HMI, quod excinet Ellipsim, Parabolam, vel Hyperbolam genitrici similem ( num. 616), & occurret



## 206 SECTIONUM CONICARUM

alicubi sectioni priori in recta aliqua  $Pp$ , quæ nusquam erit perpendicularis axi; nam si ipsa esset axi perpendicularis, totum planum  $PBp$  esset eidem axi perpendiculare ( num. 66. solid. ) Ipsa autem  $Pp$  ( num. 149 ) Ellipsi occurreret semper in binis punctis  $P$ ;  $p$ ; Parabolæ occurreret semper in binis; præter casum, quo planum sit axi parallelum; quo casu altero puncto  $p$  in infinitum recedente; ita ut nusquam jam sit; habebitur unicus occurfus  $P$ . In Hyperbola demum occurreret bis eidem ramo, vel semel; altera intersectione ita in infinitum abeunte, ut nusquam jam sit; vel occurreret ramis oppositis, prout inclinabitur ad directricem in angulo minore, equali, vel majore respectu anguli æqualitatis nimirum, cum in ipso angulo æqualitatis inclinentur asymptoti ( num. 149 ), prout ad axem ipsi directrici perpendicularem inclinabuntur in angulo majore, quam asymptoti; vel æquali; vel minore.

635. Porro per quodvis punctum  $R$  rectæ  $Pp$  ducto plano parallelo basi, sectio erit circulus habens centrum in axe ( num. 616 ), adeoque in ipsa  $P'Rp'$  intersectione figuræ genitricis  $HMI$ , & ejus intersectio  $BRb$  cum plano prioris sectionis erit perpendicularis toti plano  $HMI$ , adeoque tam diametro circuli  $P'p'$ , quam rectæ  $Pp$ , & proinde secta bifariam in  $R$ , & quadratum  $BR$  æquale rectangulo  $P'Rp'$ . Ipsum autem rectangulum  $P'Rp'$  in casibus, in quibus  $p$  non recedit in infinitum, ad rectangulum  $PRp$  habet rationem datam ( num. 299 ), manente nimirum  $Pp$ , & directione chordarum  $P'p'$ ; in casibus vero, in quibus  $p$  nusquam jam est, nimirum ubi  $PR$  est parallela axi in Parabola, vel asymptoto utrilibet in Hyperbola, erit rectangulum  $P'Rp'$ , ut recta  $PR$ . Quare semper  $Pp$  erit diameter sectionis  $EPp$ , chordas omnes  $Bb$  eandem directionem habentes, eidem nimirum plano  $HMI$  perpendiculares secans bifariam, idque ita, ut in postremis hisce casibus, quorum alter ad Parabolam pertinet, alter ad Hyperbolam, sine quadrata  $BR$ , ut abscissæ  $PR$ , & proinde ( num. 440 )  
sectio

sectio ipsa Parabola; in cæteris omnibus quadratum BR sit ad rectangulum P $\rho$  in data ratione, adeoque ( num. 439. ) sectio Ellipsis; vel Hyperbola, prout R jacuerit; ut in fig. 221. inter vertices P,  $\rho$ , quod semper accidet in Ellipsoide; in Paraboloides semper; præter casum; in quo sectio axi sit perpendicularis; in Hyperboloides semper; ubi inclinatio ad axem habebitur in angulo majori; quam ad ipsum asymptoti inclinentur; vel jacuerit ipsum R extra vertices P,  $\rho$ , ut in fig. 222; quod continget, ubi angulus plani sectionis cum axe fuerit minor.

S C H O L I U M I V.

636. **H**ic addemus dimensionem solidi parabolici; quæ admodum facile simplici Cavalieriana methodo obtinetur;

*Coroll. 8.*

637. Segmentum Conoidis Parabolice PV $\rho$  in fig. 223. abscissum per quamvis Ellipsim Pp equatur dimidio cylindræ circumscripto, cujus basis Ellipsis eadem; recta generans PA æqualis; & parallela rectæ EV; que ex centro Ellipseos ducitur parallela axi Parabola.

638. Si enim ducatur recta Vp, tum quævis sectio parallela, quæ cylindræ secabit in Ellipsi Mm equali, & simili Ellipsi Pp; & Conoidem Parabolicam in Ellipsi Nn pariter simili ipsi Pp, ac rectas Vp; VR in aliquibus punctis I; O; eritque Ellipsis Pp; sive Mm ad Ellipsim Nn; ut quadratum Rp ad quadratum On, sive ( num. 351 ) ut VR ad VO; nimirum ut Rp, sive Om ad OI. Igitur cum Om sit constans rectæ OI; Om exponent areas Ellipsuarum Nn; Mm; & solidum parabolicum genitum ab Ellipsi nN ad cylindræ genitum ab Ellipsi Mm erit, ut area descripta ab OI; nimirum triangulum RVp, ad aream descriptam ab Mm; nimirum parallelogrammum RVap; sive ut 1 ad 2.

Coroll. 9.

639. *Conoides abscissæ planis parallelis erunt, ut quadrata abscissarum VR.*

640. Erunt enim ut bases, & altitudines. Bases erunt ut quadrata Rp, sive ut VR, altitudines iterum ut VR; quare erunt ut quadrata ipsarum VR.

## S C H O L I U M V.

641. ¶ Am persequamur alia consectaria Corollarii septimi.

Coroll. 10.

642. *Recta RP erit semper axis sectionis, & in Ellipsoide quidem oblata axis conjugatus, in oblonga, & in cæteris omnibus solidis axis transversus.*

643. Patet primum ex eo, quod diameter PR est perpendicularis suis ordinatis Bb, adeoque axis. Ubi autem chorda Pp Hyperbolæ genitricis terminatur ad bif. 221 nos ramos oppositos, ut in fig. 222, patet ipsam fo. 222 re axem transversum, cum sectionis perimetro occurrat in ipsius punctis P, p. At in fig. 221 erit in casu Ellipsoidis & Hyperboloidis quadratum axis Pp ad quadratum axis alterius, ut rectangulum PRp ad quadratum BR, sive ad rectangulum P'Rp', nimirum (num. 315) ut quadratum diametri curvæ genitricis parallelæ Pp ad quadratum diametri parallelæ chordæ P'p', sive ad quadratum axis transversi in sphæroide oblata, conjugati in oblonga, & Conoide Hyperbolica. Porro quævis diameter in Ellipsi est (num. 379) minor axe transverso, major conjugato. Quare in sphæroide oblata erit axis Pp minor altero axe, in oblonga major, adeoque ibi conjugatus, hinc transversus. At in Hyperbola diameter parallela chordæ Pp erit (n. 149, 212) semper diameter secundaria, quæ (num. 246) major axe altero conjugato, adeoque & axis Pp major axe altero. At in Parabola rectangulum PRp ad rectangulum P'Rp, sive quadratum BR, erit (n. 361), ut latus rectum diametri habentis pro ordinata chordam Pp, ad  
latus

latus rectum axis habentis pro ordinata chordam  $Pp'$  ; cumque quodvis latus rectum sit ( num. 359 ) majus latere recto principali in Parabola, erit semper rectangulum  $PRp$  majus quadrato  $RB$  , & proinde  $Pp$  axis transversus .

Coroll. II.

644. *Ex quavis Spheroide abscindi poterit Ellipsis cujuscumque speciei, in qua ratio axium ab æqualitate non magis distet, quam in Ellipsi genitrice, & intra eas species cujusvis magnitudinis habentis axem transversum in oblata, conjugatum in oblonga non majorem axe ibi transverso, hic conjugato Ellipseos generantis: Ex quavis Paraboloidæ quavis Ellipsis & specie, & magnitudine data; sed Parabola soli genitrici æqualis: ex quavis Hyperboloidæ quavis Ellipsis & specie, & magnitudine, ac quavis Parabola, Hyperbola vero cujuscumque speciei; in qua axis transversus ad conjugatum non habeat rationem minorem, quam in genitrice, intra eas vero species quacumque etiam magnitudine data, in qua axis conjugatus non sit minor axe conjugato genitricis.*

645. Nam pro Ellipsoide factò centro in centro <sup>224</sup> Ellipseos genitricis in  $C$  in fig. 224, quæ exhibit spheroidem oblongam, vel <sup>225</sup> quæ exhibit oblatam, intervallo quovis nec minore, nec majore utroque semiaxe  $CM$ ,  $CQ$  inveniri poterit punctum  $S$ , & sectio per  $SC$  habebit pro altero axe  $Ss$ , pro altero  $Qq$ , eritque  $Ss$  in priore casu axis transversus, in secundo conjugatus, ac sectiones  $Pp$  ductæ per chordas quasvis  $Pp$  parallelas  $Ss$  erunt similes inter se, cum in fig. 221, & 222 manente directione plani  $BPb$ , maneat directio rectæ  $Pp$ , & proinde ( num. 299 ) ratio rectanguli  $PRp$  ad  $P'Rp'$ , sive ad quadratum  $BR$  quæ ( num. 351 ) est ratio duplicata axium, adeoque erunt similes sectioni ductæ per  $Ss$ , & habebunt rationem axium  $Ss$  ad  $Qq$ . Sed axis  $Pp$  erit minor axe  $Ss$  ( num. 83 ). Data igitur quavis specie Ellipseos, in qua ratio axium non magis distet ab æqualitate,

## 210 SECTIONUM CONICARUM

quam in Ellipsi genitrice, abscindi poterit ejus speciei Ellipsis, & intra eas species haberi non poterit Ellipsis, cujus ibi axis transversus, hic conjugatus sit major axe  $Qq$  ibi conjugato, hic transverso Ellipseos genitricis: quæ æqualem habeat, abscinderetur per  $Ss$ ; quæ minorem, abscinderetur, si facta  $CV$  æquali semiaxi Ellipseos datæ ibi conjugato, hic transverso, ducatur  $VP$  semiordinata diametri  $Ss$ , tum  $Pp$  parallela axi ipsi  $Ss$ , quæ a diametro conjugata ipsius  $Ss$ , & parallela  $VP$  ita secabitur bifariam in  $R$ , ut sit  $PR$  æqualis  $VC$ , adeoque  $Pp$  axis novæ sectionis duplus  $CV$ , & æqualis axi dato.

F226 646. Pro Paraboloide si  $AB$  in fig. 226 sit directrix Parabolæ genitricis, cui axis occurrat in  $A$ , & sumatur  $AD$  ad  $AM$ , ut est quadratum axis transversi datæ Ellipseos ad quadratum conjugati, ducaturque  $DI$  perpendicularis axi, donec occurrat ipsi Parabolæ in  $I$ , quævis sectio facta per chordam  $Ss$  ordinatam diametro ductæ per  $I$  exhibebit Ellipsim datæ similem. Si enim ea diameter directrici occurrat in  $B$ , erit ejus latus rectum quadruplum  $IB$  (num. 351), ad latus rectum principale quadruplum  $AM$ , nimirum in fig. 221. rectangulum  $PRp$  ad rectangulum  $P'Rp'$ ; adeoque hic quadratum axis transversi  $Ss$  Ellipseos exactæ ad quadratum axis conjugati, ut  $BI$ , sive  $AD$  ad  $AM$ , nimirum in ratione data, adeoque Ellipsis ejusmodi similis datæ. Quod si ipsa  $Ss$  suæ diametro occurrat in  $C$ , & capta  $CV$  versus  $S$  æquali semiaxi transverso datæ Ellipseos, sive ea sit minor quam  $CS$ , sive utcumque major, agatur  $VP$  parallela  $CB$ , donec occurrat Parabolæ in  $P$  tum chorda  $PRp$  parallela  $Ss$ , erit ipsa dupla  $PR$ , sive  $VC$ , nimirum æqualis axi transverso datæ Ellipseos, adeoque Ellipsis sectione genita æqualis datæ.

647. At si  $PR$  in fig. 221 evadat in Paraboloide parallela axi, abeunte  $p$  in infinitum ita, ut nusquam jam sit, erit rectangulum  $P'Rp'$ , sive quadratum  $BR$  æquale rectangulo sub  $RP$ , & parametro diametri cu-  
jus

ius  $Pp'$  ordinata, nempe parametro axis, vel lateri recto principali Parabolę genitricis, Quare & ejusmodi sectio, quę Parabola erit, habebit idem latus rectum principale, quod Parabola genitrix, & Ellipsis quidem quęvis poterit sectione Paraboloidis obtineri, sive detur specie tantum, sive magnitudine, sed Parabolę omnes inde exactę erunt genitrici equales.

648. Pro Hyperboloide sit Hyperbolę genitricis axis transversus  $Mm$  in fig. 227, conjugatus  $Qq$ , & cen<sup>F227</sup>tro  $C$  intervallo rectę, quę ad semiaxem conjugatum  $CQ$  sit, ut axis transversus datę Ellipseos ad conjugatum, inveniatur in Hyperbola conjugata punctum  $S$  (quod semper poterit tum hinc, tum inde a  $Q$ , cum axis transversus sit major conjugato in quavis Ellipsi, & omnium semidiametrorum conjugatarum minimus sit in Hyperbola semiaxis  $CQ$ ); ducta  $SCs$ , per quamvis chordam  $PRp$  ipsi parallelam, habebitur Ellipsis datę similis, cujus nimirum axis conjugatus ad transversum erit, ut  $Qq$  ad  $Ss$ , ac assumpta  $CV$  versus  $S$  equali semiaxi transverso datę Ellipseos; ductaque  $VP$  parallela diametro  $CI$  conjugatę ipsius  $SCs$ , tum chorda  $PRp$  parallela  $SCs$  habebitur Ellipsis æqualis datę, ut prius, cujus nimirum axis transversus equabitur rectę  $Pp$ .

649. Quod si jam quæratur ibidem Hyperbola datę similis; satis erit centro  $C$  intervallo rectę, quę ad  $C$  sit, ut est axis transversus datę Hyperbolę ad conjugatum invenire in Hyperbola  $PM$  punctum  $I$ , quod solum poterit, si ea ratio non sit minor ratione  $Mm$  ad  $Qq$ ; nam  $CM$  est minima omnium  $CI$ . Ducta vero quavis  $Pp'$  parallela  $Ri$ , sectio per ipsam erit similis datę Hyperbolę, cum debeat habere axem transversum ad conjugatum, ut est  $Ii$  ad  $Qq$ , Porro quęvis  $Pp'$  est major, quam  $Ii$  (num. 83, & 357), adeoque sectionis per quamvis  $Pp'$  ductę axis conjugatus erit major, quam  $Qq$ , ductę autem per  $Ii$  erit æqualis, adeoque nulla Hyperbola exactę inde poterit, cujus axis conjugatus sit minor axe conjugato  $Qq$  Hyperbolę genitricis, cui si æqualis sit sectio per  $Ii$ , rem

212 SECTIONUM CONICARUM

absolvet, si major utcumque, capta CR in CI producta æquali semiaxi transverso dato, tum ducta Pp' parallela li, quæ erit dupla CR, adeoque æqualis axi dato, sectio per ipsam erit similis, & æqualis datæ Hyperbolæ.

650. Demum pro parabolis exsecandis ex Hyperboloidæ, abeunte in fig. 221 p ultra quoscumque limites ita, ut nusquam jam sit, erit latus rectum Parabolæ tertium post PR, & RB, sive quartum post PR, RP', Rp'. Hinc si in fig. 228. CD sit asymptotus, ad quam ducatur per focus F, recta FD parallela directrici AB, occurrens Hyperbolæ genitrici in V, u, quæ erit ( num. 54 ) ejus latus rectum principale, tum sumatur DI in ea ad DF, ut est latus rectum principale datæ Parabolæ ad latus rectam Vu Hyperbolæ genitricis, & ducta per I recta PR asymptoto CD parallela, quæ occurrat Hyperbolæ genitrici in P, rectæ Vu in I, ea determinabit Parabolam æqualem datæ.

651. Si enim ducatur usque ad directricem FA parallela asymptoto DC, quæ occurrat perimetro in E, ea & erit æqualis dimidio lateri recto principali FV, vel Fu, & erit secta bifariam in E. Nam ducta uB parallela eidem asymptoto, erit æqualis ipsi FA lateri opposito parallelogrammi AFuB, & erit æqualis Fu, cum sit ducta ad directricem in angulo æqualitatis, in quo ad ipsam inclinantur asymptoti, ac eandem ob rationem erit & FE equalis EA, adeoque erit EF ad FV, ut Fu ad totam Vu, & rectangulum sub EF, & Vu æquale rectangulo VFu. Ducta autem quavis chorda P'Rp' parallela Vu, quæ occurrat rectæ PR intra Hyperbolam genitricem in k, asymptoto in H; erit rectangulum VFu ad rectangulum P'Rp' (nu. 305) ut rectangulum sub EF, & FD ad rectangulum sub PR, & RH, vel sub PR, & DI, sive pro FD, ID substitutis latere recto Hyperbolæ genitricis, & latere recto principali Parabolæ datæ, erit rectangulum illud VFu ad P'Rp', ut rectangulum sub FE, & Vu ad rectangulum sub PR, & latere recto principali datæ Parabolæ adeoque cum rectangulum VFu æquetur rectangulo

gulo sub  $EF$ , &  $Vu$ , etiam rectangulum  $P'Rp'$  æquatur  
 bitur rectangulo sub  $PR$ , & latere recto principali da-  
 tæ Parabolæ; adeoque est  $PR$  ad  $RP'$ , ut  $Rp'$ , ad la-  
 tus rectum principale Parabolæ datæ: cumque sit et-  
 iam  $PR$  ad  $Rp'$ , ut  $Rp'$  ad latius rectum principale Parabolæ  
 provenientis ex sectione, hæc Parabola erit æqualis da-  
 tæ. Cumque  $DI$  ad  $DF$  assumi possit in quavis ratio-  
 ne; patet quamvis datam Parabolam ex quavis Hy-  
 perboloide haberi posse.

§ C H Ö L I U M VI.

652. **H**isce Sphæroidibus, ac Conoidibus libet jam  
 adnectere solidum genitum conversione Hy-  
 perbolæ circa axem coajugatum, in quo solido multa  
 occurrunt notatu dignissima, & ad Geometriæ indo-  
 lem cognoscendam sane aptissima, ut permutatio quæ-  
 dam crurum ad oppositos Hyperbolæ ramos pertinen-  
 tium satis elegans. Enunciabo autem unico velut hia-  
 tu quæcumque pertinent ad sex diversos casus sectio-  
 num huius solidi, tum singula pro singulis casibus de-  
 monstrabo accuratissime.

Coroll. 12.

653. *Si Hyperbola convertatur circa axem conjugatum, generabit solidum, quod si secetur plano, cui occurrat planum ipsius Hyperbolæ genitricis ad angulos re-ctos, & considerentur sex positiones rectæ, in qua planum sectionis occurrit ei plano Hyperbolæ genitricis, ac in eorum primo recta ipsa sit perpendicularis axi rotationis, sive axi conjugato Hyperbolæ genitricis, in secundo ad ipsum inclinetur, sed in angulo maiore quam asymptoti, in tertio sit asymptis parallela, in reliquis tribus inclinetur in angulo minore, quam asymptoti, sed in quarto secet ramum utrumlibet Hyperbolæ genitricis in eo plano jacentis; in quinto alterutrum contingat, in sexto neutri occurrat, binis nimirum paral-*



214 SECTIONUM CONICARUM

parallelis tangentibus interjecta, erit sectio in primo casu circulus, in secundo Ellipsis, in tertio Parabola, vel si planum transeat per alteram asymptotum, bina recta parallela, in quarto Hyperbola pertundens illud planum Hyperbolæ genitricis perpendicularare plano sectionis, & habens in ipso plano vertices axis transversæ, in quinto angulus rectilineus constans binis rectis utrinque indefinite protensis, in sexto Hyperbola illud planum Hyperbolæ genitricis non attingens, sed singulos suos ramos efformans e binis curvibus respondentibus illis, quæ pertinebant in casu quarto ad binos ramos oppositos singula ad singulos, conjunctis, & permutatis in transitu per casum quintum, ac curvitate in oppositam plagam ibidem conversa. Et intersectioni illi, cujus sex casus considerantur, in casu secundo, & quarto parallelus est axis transversus sectionis, qui nimirum æquatur chorda Hyperbolæ genitricis, in sexto, ubi nulla ejusmodi est chorda, eidem parallelus est axis conjugatus, ac in illis ratio axis transversæ ad conjugatum, in hoc conjugati ad transversum, & in casu quinto ratio radii ad tangentem anguli, quo recta sectione obvieniens inclinatur ad planum illud Hyperbolæ genitricis, est eadem ac ratio diametri parallelæ illi ipsi intersectioni, cujus sex casus considerantur, ad axem transversum Hyperbolæ genitricis; adeoque sectiones omnes curvilineæ planis parallelis facta similes erunt inter se, præter Hyperbolas casus sexti, quæ non erunt similes Hyperbolis casus quarti, sed earum conjugatis; habebunt tamen Hyperbolæ planis parallelis educta communem asymptotorum inclinationem tam in casu quarto, quam in sexto, quæ erit eadem, ac rectarum casus quinti. In primo vero casu haberi poterit quivis circulus, cujus diameter non sit minor axe transverso Hyperbolæ genitricis, in secundo quævis cujuscumque speciei Ellipsis, cujus axis conjugatus non sit minor axe conjugato ejusdem Hyperbolæ genitricis, in tertio quævis Parabola, in quarto quævis Hyperbola & specie, & ma-

gri-

gnitudine, cuius axis transversus ad conjugatum non habeat rationem minorem, quam axis conjugatus Hyperbolæ genitricis ad transversum, in quinto recta inclinata ad planum Hyperbolæ genitricis in quovis angulo, qui eum non superet, quo asymptoti ad axem conjugatum inclinantur, in sexto quævis Hyperbolæ & specie, & magnitudine, in qua axis conjugatus ad transversum non habeat rationem minorem, quam in Hyperbolæ genitrice, & in qua axis transversus axem transversum Hyperbolæ genitricis non superet.

654. Nam si Hyperbolæ HMD gyrèt circa axem conjugatum Qq in fig. 229, 230, 231, 232, 233, generabit solidum quoddam figuræ teretis; cuius sectio quævis P'Bp' perpendicularis ipsi axi erit circulus iuxta (n. 619), cuius diameter erit chorda P'p' Hyperbolæ genitricis, quæ cum semper debeat esse major axe transverso Mm, omnium circulorum minimus erit is, qui habebitur secto eiusmodi solido per ipsum axem MCm; ac proinde circulus habens minorem diametrum haberi non poterit; poterit autem habens æqualem, vel utcumque majorem, ex quo patent, quæ de primo casu sunt dicta.

655. Secetur jam in fig. 229 idem solidum plano PBp' eiusmodi, ut planum HDdb per axem transiens, & ipsius sectionis plano perpendiculare occurrat sectioni ipsi in recta Pp' inclinata ad axem conjugatum Qq in angulo majore, quam sit is, in quo ad ipsum inclinantur asymptoti. Occurreret recta eiusmodi ramis oppositis (num. 149) in P, p, & si per quodvis ejus punctum R jacens inter P, p ducatur planum P'Bp' perpendiculare plano axis, quod plano HDdb occurreret in recta P'p', ac priori sectioni in recta RB perpendiculari ad totum planum HDdb, adeoque ad P'p', & Pp', hæc ipsa nova sectio erit circulus habens pro diametro P'p', & quadratum RB æquabitur rectangulo P'Rp', quod ad rectangulum PRp' erit (num. 315), ut quadratum axis transversi Mm Hyperbolæ genitricis ad quadratum diametri Ss parallelæ chordæ Pp'. Erit igitur constans ratio

216 SECTIONUM CONICARUM

tio quadrati  $RB$  ad rectangulum  $PRp$ , adeoque  $PBp$  Ellipsis, cujus axis transversus  $Pp$ , qui ad conjugatum erit, ut est diameter  $Ss$  ad axem transversum  $Mm$  Hyperbolæ genitricis. Ejusmodi Ellipsim exhibet fig. 234, & patet si directio rectæ  $Pp$  in fig. 229 sit constans, constantem fore diametrum  $Ss$  ipsi parallelam, utcumque mutetur distantia ejus chordæ a centro  $C$ , adeoque constantem fore rationem axium in Ellipsi, & omnes ejusmodi Ellipses planis parallelis abscissas similes fore. Si autem Ellipsis educenda & specie, & magnitudine sit data, nec in ea axis conjugatus sit minor, quam axis transversus  $Mm$  Hyperbolæ genitricis; factis, ut ibi  $Nn$  ad  $Pp$ , ita in fig. 229  $CM$  ad  $CS$  applicandam centro  $C$ , usque ad Hyperbolam genitricem  $HMD$ , quævis sectio ducta per rectam  $Ss$  perpendicularis plano  $HDdb$  exhibebit Ellipsim datæ similem, & capta in fig. 229  $CV$  æquali  $PO$  fig. 234, ductaque  $VP$  parallela diametro  $Ii$  conjugatæ ipsius  $Ss$ , tum ducta  $POp$  chorda parallela  $Ss$ , patet eam fore duplam rectæ  $CV$ , & æqualem dato axi  $Pp$  figuræ 234, adeoque & Ellipsim ortam sectione per  $Pp$  fore æqualem datæ, unde patet quidquid de secundo casu est propositum.

656. Quod si jam fiat sectio  $PBT$  per rectam  $PR$  in  $F230$  fig. 230, parallelam asymptoto  $Ss$ , erit (num. 328)  $735$  rectangulum  $P'Rp$ ; sive quadratum  $BR$ , ut recta  $PR$ , adeoque sectio ipsa Parabola, quam exhibet fig. 235, quæ quidem si detur magnitudine, satis erit in recta per focum  $F$  ducta perpendiculari axi transverso  $Mm$ , & occurrente Hyperbolæ genitrici in  $V$ ,  $u$ , asymptoto in  $S$ , assumere  $SL$  ad  $SF$  in ratione lateris recti principalis datæ Parabolæ ad axem  $Mm$  transversum Hyperbolæ genitricis, & ducere  $LPR$  parallelam asymptoto  $Ss$ . Nam si ducatur  $Fc$  usque ad perimetrum Hyperbolæ genitricis, ea juxta (num. 651) erit dimidia  $FV$  dimidii lateris recti principalis, cumque (num. 54) rectangulum  $MFm$  æquetur quadrato semiaxis conjugati  $CQ$ , cui (num. 66) æquatur etiam rectangulum sub dimi-

dimidio latere recto  $FV$ , & femiaxe transverso  $MC$ , erit rectangulum  $MFm$  æquale rectangulo sub  $Fe$ , & toto axe transverso  $Mm$ . Est autem (num. 305) rectangulum  $MFm$  ad rectangulum  $P'Rp'$ , sive quadratum  $RB$ , ut rectangulum sub  $Fe$ , &  $FS$  ad rectangulum sub  $RP$ , &  $LS$ , sive pro  $FS$ ,  $LS$  positis proportionalibus axe  $Mm$ , & latere recto principali datæ Parabolæ, ut rectangulum sub  $Fe$ , &  $Mm$  ad rectangulum sub  $RP$ , & latere recto datæ Parabolæ: cumque rectangulum  $MFm$  æquetur rectangulo sub  $Fe$ , &  $Mm$ ; etiam quadratum  $RB$  æquabitur rectangulo sub  $RP$ , & latere recto Parabolæ datæ, quod cum æquetur rectangulo sub  $RP$ , & latere recto Parabolæ  $PBT$ , erit hoc latus rectum æquale lateri recto datæ Parabolæ, adeoque  $PBT$  datæ Parabolæ æqualis.

657. At si per ipsam asymptotum  $Ss$  transeat sectio, efficiet duas rectas parallelas asymptoto ipsi, & ab ea distantes hinc inde per intervallum æquale femiaxi transverso  $CM$ . Nam si  $P'p'$  occurrat asymptoto in  $r$ , &  $rn$  sit occurfus plani  $P'Bp'$  cum sectione per asymptotum ducta, erit quadratum  $rn$  semper æquale rectangulo  $p'rP'$ , adeoque semper æquale (num. 251) quadrato femiaxis  $CM$ ; & proinde  $n$  ad rectam  $Nn$  parallelam asymptoto distantem ab ea per intervallum  $CN$  æquale femiaxi  $CM$ ; unde jam patet, quidquid etiam pro tertio casu fuerat propositum.

658. Si autem recta sectionem determinans inclinatur ad axem conjugatum in angulo adhuc minore, quam asymptoti, vel eidem ramo (num. 149) bis occurret, ut in fig. 231, in duobus punctis  $P, p$ , vel eum continget in  $P$ , ut recta  $R'R$  in fig. 232, vel inter utrumque ramum transibit binis tangentibus parallelis interjecta, & neutri ramo occurrens, ut in fig. 233.

659. Ubi occurrit bis, qui est casus quartus; per quodvis punctum  $R$  extra limites  $Pp$  ducta sectione circulari, ductaque diametro  $SCs$  parallela ipsi  $Pp$ , erit (num. 315) rectangulum  $P'Rp'$ , sive quadratum  $RB$  ad  
retan-

218 SECTIONUM CONICARUM

rectangulum  $PRp$ , ut quadratum  $Mm$  ad quadratum  $Ss$ , adeoque punctum  $B$  ad Hyperbolam, cujus axis transversus  $Pp$ ; ac is ad conjugatum; ut  $Ss$  ad  $Mm$ ; quam exhibet fig. 236. Cumque ratio axis transversi ad conjugatum maneat eadem; utcumque mutata distantia chordæ  $Pp$  a centro; dummodo directio maneat; patet, omnes ejusmodi Hyperbolas fore similes inter se: Sed cum quævis diameter secundaria  $Ss$  sit (num. 246) major axe conjugato  $Qq$ ; patet; in nullâ ex ejusmodi Hyperbolicis axem transversum ad conjugatum posse habere rationem minorem; quam habeat axis conjugatus  $Qq$  Hyperbolæ genitricis ad transversum  $Mm$ ; quæ ratio si fuerit eadem, chordæ parallelæ axi conjugato  $Qq$  exhibebunt Hyperbolas similes datæ; si major, centro  $C$  intervallo rectæ, quæ ad  $CM$  habeat rationem; quam in datâ Hyperbola habet axis transversus ad conjugatum; inveniuntur in Hyperbola conjugata Hyperbolæ genitrici puncta  $S, s$ ; & chordæ  $Pp$  parallelæ diametro  $Ss$  exhibebunt Hyperbolas datæ similes. Assumpta verò  $CV$  in ipsa  $Ss$  æquali semiaksi transverso datæ Hyperbolæ; ac ductâ  $VP$  semiordinata ipsius diametri  $Ss$ ; &  $Pp$  parallela ipsi ordinata diametro  $lz$  conjugatæ ipsius  $Ss$ ; & ab ea secta bifariam in  $O$ ; habebitur  $Pp$  duplâ  $CV$  æqualis axis transverso datæ Hyperbolæ; adeoque Hyperbola orta sectione erit ipsi datæ Hyperbolæ equalis; & hinc parent quæcumque ad quartum casum pertinebant.

660. Pro casu 5 in fig. 232 recta  $R'PR$  tangat Hyperbolam genitricem in  $P$ , & coibunt ibi puncta  $P, p, I, O$ : erit autem rectangulum  $P'Rp'$ , sive quadratum  $BR$  ad quadratum tangentis  $PR$  in illa eadem ratione quadrati  $Mm$  ad quadratum  $Ss$ . Quare utcumque mutato puncto  $R$  erit semper  $PR$  ad  $RB$ ; sive ob angulum  $PRB$  rectum radius ad tangentem anguli  $RPB$  (num. 25. Trigon.) in constanti ratione  $Ss$  ad  $Mm$ ; ac proinde angulus idem constans; omnia puncta  $B$  ad rectam transeuntem per  $P$ , & inclinâtam ad planum  $HhdD$  in angulo; cujus tangens ad radium est, ut  $Mm$

ad

ad  $Ss$ , quæ ratio non potest esse major ratione  $Mm$  ad  $Qq$ , adeoque recta  $IT$  non potest inclinari ad planum  $HDdb$  in angulo majore, quam sit is, in quo asymptoti inclinantur ad axem conjugatum; quæ inclinantur ad illum in angulo; cujus tangens ad radium est, ut axis transversus ad conjugatum. Cum vero idem contingat hinc, & inde a contactu  $P$ , sectio ejusmodi exhibebit binas rectas  $TT'$ ,  $tt'$ , quas exhibet fig. 237, & contactus  $P$  determinans sectionem; in qua habetur data inclinatio rectæ ad ipsum planum  $HDdb$  invenietur; invento puncto  $S$ , ut in casu præcedente in Hyperbola conjugata ita, ut sit  $CS$  ad  $CM$ ; ut est tangens datæ inclinationis ad radium. Patent igitur etiam ea omnia; quæ ad quintum casum pertinebant.

661. Denum pro casu sexto recta  $R'R$  in fig. 233, F233  
 eadem directione; ac prius jaceat inter vertices  $I$ ,  $i$  238  
 illius ejusdem diametri  $ICi$ ; cui occurrat in  $O$ : Per quodcumque ejus punctum  $R$  ubicumque assumptum agatur circulus  $P'Rp'$ ; habebitur semper aliqua  $RB$ , nimirum aliqua distantia sectionis  $INT$  ad plano  $HDdb$ ; quod planum proinde ipsa non attinget. Quod si etiam per  $O$  ducatur sectio circularis  $LNl$ ; occurrens plano sectionis prioris in  $ON$ ; ducaturque per  $R$  ordinata  $GRg$  ad diametrum  $Ss$  conjugatam ipsius  $Ii$ , a qua bifariam alicubi secabitur in  $X$ ; erit ut quadratum  $Mm$  ad quadratum  $Ii$ , ita rectangulum  $P'Rp'$ ; sive quadratum  $RB$  ad rectangulum  $GRg$ ; ut rectangulum  $LOl$ ; sive quadratum  $ON$  ad rectangulum  $IOi$ . Cumque sit rectangulum  $GRg$  excessus quadrati  $XG$  supra  $XR$ ; & rectangulum  $IOi$  excessus quadrati semidiametri  $CI$  minoris (num. 83) semiordinata  $XG$ , supra quadratum  $CO$ , vel lateris  $XR$  ipsi paralleli; erit semper rectangulum  $GRg$  majus rectangulo  $IOi$ , adeoque & quodvis quadratum  $BR$  majus quadrato  $ON$ , puncto  $N$  omnium eius sectionis punctorum maxime accedente ad planum  $HDdb$ ; differentia vero rectangulorum  $G'g$ ;  $IOi$  erit eadem, ac differentia quadratorum  $XG$ ;  $CI$  ob illas  $XR$ ,  $CO$  equales; adeoque, sublati proportionalibus,

220 SECTIONUM CONICARUM.

bus, differentia quadratorum  $RB$ ,  $ON$  ad differentiam quadratorum  $XG$ ,  $CI$  erit, ut quadratum  $Mm$  ad quadratum  $lz$ . Est autem, ut facile colligitur ex demonstratis num. 86 translatis ad diametros, differentia quadratorum semiordinate  $XG$ , & semidiametri primarie  $CI$  ad quadratum abscissę  $CX$  in diametro secundaria, sive ad quadratum  $OR$  sibi parallele, & equalis, ut est quadratum  $lz$  ad quadratum  $Ss$ . Erit igitur ex equalitate ordinata differentia quadratorum  $RB$ ,  $ON$  ad quadratum  $OR$ , ut quadratum  $Mm$  ad quadratum  $Ss$ , adeoque punctum  $B$  ad Hyperbolam, cujus  $O$  centrum, semiaxis transversus  $ON$ , ac axis ipse transversus ad conjugatum, ut  $Mm$  ad  $Ss$ . Si enim ejusmodi Hyperbolam referat fig. 238, erit & ibi differentia quadratorum  $RB$ ,  $ON$  ad quadratum  $OR$ , ut quadratum axis transversi ad conjugatum, ac proinde captis  $OR$  ibi, & in fig. 233 equalibus, semiordinate  $RB$  equales erunt, & superpositis punctis  $O$ ,  $R$  congruent.

662, In ea autem Hyperbola jam non axis transversus jacebit in illa recta  $R'R$ , sed conjugatus, eritque transversus  $Nn$  in fig. 238, ipsi perpendiculari, ratio axis transversi ad conjugatum erit eadem  $Mm$  ad  $Ss$ , que in casu quarto erat ratio axis conjugati ad transversum; adeoque cum Hyperbole conjugate axes permutent, erit ratio axis transversi ad conjugatum in casu sexto eadem, ac in Hyperbolis conjugatis Hyperbolarum casus quarti, & Hyperbole omnes casus sexti erunt similes inter se, & similes non ipsis Hyperbolis casus quarti, sed earum conjugatis; asymptotos autem in eodem angulo habebunt inclinatas ad se invicem, & ad illos axes permutatos, cum tangens anguli quo ad alteram e rectis  $R'R$ , vel  $Nn$  inclinatur, debeat esse eadem, ac erat in casu quarto, & eadem ac in rectis casus quinti. Ramus autem novus  $TENb't$  in fig. 238, coalescet e binis crutibus  $BT$ ,  $b't$ , quorum alterum in fig. 236 pertinebat ad ramum  $TBPbt$ , alterum ad ramum  $t'b'pBT'$ , & pariter ramus  $tbnBT'$  fig. 238, e reliquis binis cruti-

cruribus fig. 236, conjunctis nimirum verticibus  $P, p$  in casu quinto in fig. 237 in  $O$ , in quo crura ipsa in asymptotos abeunt, tum cruribus transgressis asymptotos, distracto crure  $TB$  a  $bt$ , & conjuncto cum  $bt'$ , ac curvatura in oppositam partem obversa.

663. Data autem Hyperbola fig. 238, si ejus axis transversus  $Nn$  non sit ad conjugatum in ratione majore, quam in fig. 233  $Mm$  ad  $Qq$ , inventa  $CS$ , ut in casu quinto, & quarto, quæ sit ad  $Mm$ , ut axis conjugatus datæ Hyperbolæ ad transversum, diameter  $SC$  exhibebit directionem sectionis pro Hyperbolis datæ similibus. Quod si etiam  $Nn$  in fig. 238 non excedat  $Mm$  fig. 233, invenietur in hac punctum  $O$ , per quod transire debeat recta  $RR'$  exhibens Hyperbolam æqualem datæ. Nimirum capta  $CV$  perpendiculari ad  $Iz$ , quæ sit ad  $NO$  in fig. 238 datam, ut  $CI$  ad  $CM$  in fig. 233, centro  $V$  intervallo  $CI$  invenietur in ipsa  $CI$  punctum  $O$  quæsitum ex utralibet centri parte. Erit enim in fig. 233. quadratum  $CV$  differentia quadratorum  $VO, CO$ , sive  $CI, CO$ , æqualis rectangulo  $IOz$ , quod ad rectangulum  $LOl$ , sive quadratum  $ON$  est, ut quadratum  $CI$  ad quadratum  $CM$ , adeoque  $CV$  tam ad  $ON$  fig. 233, quam  $ON$  fig. 238, habebit rationem eandem, quam  $CI$  ad  $CM$ , ac proinde binæ  $ON$ , sive binæ axes transversæ sectionis, & Hyperbolæ datæ erunt inter se æquales, & æquales ipsæ Hyperbolæ. Patent igitur etiam omnia quæ ad sextum casum pertinebant.

S C H O L I U M VII.

664. **A**Dmodum utile est illas transformationes locorum Geometricorum in se invicem, & in alia affinia considerare, ut innotescat Geometriæ indoles, quæ nihil inordinatum admittit, nihil abruptum per saltum. Consideretur enim puncto  $P$  immoto in fig. 229, planum sectionis cum recta  $PR$  converti motu continuo circa ipsum. Circulo, qui habetur, recta  $P'p'$   
*Boscovich. Tom. III.*  $Q$  per-



## 223 SECTIONUM CONICARUM

perpendiculari axi  $Qq$ , succedit, sectione inclinata, series continua omnium specierum Ellipsium; in quibus ratio axis transversi ad conjugatum perpetuo crescit, donec ea per omnes magnitudinis finitæ gradus progressa, jam Ellipsi succedat Parabola fig. 230, in qua vertex  $p$ , centrum, axis conjugatus nusquam jam sunt; quæ tamen nequaquam esse desinent, nisi ubi per omnes finitarum magnitudinum gradus recesserint. Adhuc magis inclinata sectione, jam ea habentur ex parte opposita, & in fig. 231, ramus nascitur Hyperbolæ oppositus, cujus axis transversus ad conjugatum rationem initio habet utcumque magnam, quæ ratio per omnes magnitudinum finitarum gradus ab infinito quodammodo redit cum ipso vertice  $p$ , decrescit decrescente  $CS$ , donec ipsa  $CS$  evadat æqualis  $CQ$ , ubi nimirum fit ipsa  $PO$  parallela axi conjugato  $Qa$ . Pergente conversione circa  $P$ , iterum cresceret ipsa ratio crescente  $CS$  ex parte opposita axis  $CQ$ , donec coeuntibus  $P$ ,  $p$ , jam Hyperbola abiret in rectas casus quinti, sed motu ipso adhuc crescente, & puncto  $P$  immoto non permutarentur ramorum crura, verum vertex quidem  $p$  transiret in arcum  $PD$ , & ratio axis transversi ad conjugatum iterum cresceret in infinitum, donec facta  $Pp$  alteri asymptoto parallela, iterum haberetur Parabola, cui Ellipsim nova series succederet ad circuli formam accedens, ac in ipsam desinens, in ipso regressu rectæ  $Pp$  ad præcedentem positionem, postquam iterum eodem ordine eadem series evolverentur, ac semper circulus a se mutuo discerneret binas Ellipsium series, in quarum altera cresceret in altera decresceret ratio axis transversi ad conjugatum, Parabola vero Ellipses ab Hyperbolis, inter quas Hyperbolas in medio veluti cursu rectilineus etiam angulus occurreret, in quem pluribus jam vicibus Hyperbolam mutari posse vidimus, & mutabitur semper, ubi axis transversus evanescat, dum ejus ratio ad axem conjugatum expressa aliis lineis nec evanescit, nec in infinitum excrescit.

665. At si potius manente directione sectionis parallela eidem  $Ss$ , excurrat planum ipsum motu parallelo; in primo casu habetur semper circulus, congruente quidem sectione minimus, sed semper ejusdem formæ, ac pariter in secundo casu habetur Ellipsium series prorsus similium, quarum minima in fig. 229, quæ per ipsam  $Ss$  abscinditur, nec in iis quidquam notatu dignum accidit. At in casu Parabolæ in fig. 230, quo magis recta  $PR$  ab asymptoto recedit, eo augetur magis latus rectum, quo magis illa accedit, eo hoc decrescit; & in primo casu expanditur, in secundo contrahitur Parabola donec recta  $PR$  abeunte in asymptotum, & evanescente  $SL$  evanescat latus rectum: sed vertex simul in infinitum recedit ita, ut nusquam jam sit: quo casu Parabola, quæ evanescente latere recto, & vertice adhuc alicubi existente, abiret in axem suum, ut in eum abiit, ubi Coni Sectio (num. 587) per verticem transit, ac Conum jam contigit non secuit, in hoc casu abit in binas rectas parallelas axi suo, qui in asymptotum desinit. Plano autem sectionis adhuc progressu, vertex  $P$ , qui per omnes distantiarum finitarum magnitudines ita in infinitum recesserat, ut nusquam jam esset, statim ex parte opposita  $d$  enasceretur quodammodo, & eodem ordine regrederetur ex infinito, aucto per eosdem gradus latere recto: ubi notandum maxime illud, quo pacto crux  $BT$ , quod prius versus  $T$  recedebat in infinitum ab axe, & versus  $B$  recidebat in ipsum in  $P$  paulatim ad axem ipsum ex parte  $T$  accesserit, & ad rectæ parallelæ formam, ut in transitu per asymptotum desereret demum ipsum axem ex parte  $B$ , & ei ex parte opposita conjungeretur, e priorè illâ in infinitum recedens.

666. In postremis autem casibus multo major se prodit rerum vicissitudo, sed constans quædam Geometriæ indoles ubique regnat. Habentur in fig. 231, 236 binii Hyperbolæ rami, qui chorda accedente ad centrum, ad se accedunt, & ad asymptotos, donec conjunctis

punctis  $P, p$  in ipsas asymptotos recidant, ut in fig. 232, 237, ac demum mira illa crurum permutatione, quam vidimus in fig. 233, 238 transiliant ad partes asymptotorum oppositas, nec curvaturam mutant, nisi in transitu per rectam; licet pariter ad rectam in casu Parabolæ arcus appellens, illam tamen nequaquam mutaverit. Notandum autem, quo pacto crurum  $TB, t'b$  puncta  $P, p$  in fig. 231. paulatim ad se accesserint, nec coierint in fig. 233. in unicum ramum, nisi posteaquam se in ipso centro  $O$  conjunxerint in fig. 232, & ibi veluti conglutinauerint arcus, quodammodo veluti relictis suis illis punctis  $P, p$ , quæ cum natura sua indivisibilia in partes dividi non poterint, nec simul in oppositas directiones abire, relictæ quodammodo ibi sunt, ac punctis  $N, n$ , quæ pariter imminuto axe conjugato devenerant ad centrum  $O$ , in eorum locum successis, arcus iidem ex centro ipso cum hisce novis verticibus transgressi sunt asymptotos, & progressi. Nam puncta illa  $P, p$  delata per rectam  $RR'$  nequaquam potuerunt saltu quodam in Geometria absurdo mutare directionem, & per aliam rectam priori perpendicularem progredi sine ulla inflexione, sed per eandem vel regredi debuerunt, vel progredi, cujusmodi regressuum, & progressuum exempla plurima occurrunt in transformatione locorum geometricorum. Et quidem puncta  $N, n$  fig. 238 non esse eadem, ac  $P, p$  fig. 236: patet etiam ex eo, quod ratio axis  $Nn$  ad suum conjugatum in illa non est eadem, ac in hac ratio axis  $Pp$  ad suum conjugatum, sed relictis in fig. 238 punctis  $P, p$  in verticibus axis conjugati in eadem recta  $RR'$ , habetur ratio  $Nn$  ad  $Pp$  utrobique eadem.

667. Sed de hisce transformationum mysteriis hic satis. Agemus de iis infra ordinatius, & quidem Sectionum Conicarum proprietates admirabilem sane ejusmodi permutationum, evolutionum, mysteriorum segetem ubique offerunt, quæ animum intimius rimantem jucundissima quadam contemplatione defigunt. Illud



sectio PE Hyperbolam ejusmodi congeret in P. Sed prior illa determinatio satis ostendit solidi illius geniti a recta utcumque posita sectionem quamcumque cum conicis Sectionibus congruere.

## S C H O L I U M VII.

672. **S**unt solidorum genera, quorum sectiones quæcumque exhibent pariter Sectiones Conicas easdem, quas huc usque persecuti sumus, nimirum omnia genera corporum Conoidicorum, vel Cylindraceorum, quæ oriuntur ex conversione rectæ radentis non circulum, sed aliquam e tribus Conicis Sectionibus, Ellipsim, Parabolam, Hyperbolam, & transeuntis per datum punctum, vel delatæ motu parallelo, sive corpora Conoidica, & Cylindracea, habentia pro basi non circulum, sed unam e tribus Conicis Sectionibus. Demonstratio autem est eadem fere, quæ pro cono, & Cylindro superius est adhibita. Nam in primis si in fig. 206, 215 basis AB sit quævis Sectio Conica, recta vero Cc quævis transiens ibi per illud punctum V, hinc parallela rectæ gyranti; eadem demonstratione numeri 553, & 596 erit ibi semper *cb*, ad CB, ut *ca* ad CA, hinc *cb* æqualis CB, & *ca* æqualis CA. Quare quævis sectio basi parallela erit ibi similis basi (num. 111), hinc etiam ipsi æqualis. Deinde in fig. 208, 209, 210, 211 si AB sit quævis diameter basis Ellipticæ, Parabolicæ, vel Hyperbolicæ, & OS parallela ordinatis ejusdem basis, erit semper *ab* diameter sectionis *aPbp* Parallela basi, & Pp ejus ordinata secra bifariam in R; adeoque (num. 305) rectangulum PRp, sive quadratum PR, ad rectangulum *aRb* in ratione data. Erit autem ut in demonstratione numeri 562, rectangulum *aRb* in fig. 210, ut MR, in reliquis, ut rectangulum MRm. Igitur erit quadratum semior-  
dinatæ PR ibi ut abscissa MR, hinc ut rectangulum MRm, adeoque punctum P ubique ad Conicam Se-  
ctio-

etionem juxta num. 439, & 440. Eadem vero erit demonstratio pro Cylindracei in fig. 217, ubi quadratum  $PR$  erit, ut rectangulum  $aRb$ , sive ut rectangulum  $MRm$ . Quin immo ubicumque in iis solidis inter sectiones haberi poterit & circulus: eadem semper erunt verus conus, vel Cylindrus habens ipsum circulum pro basi. Sed longum esset singulos casus persequi, & jam ad transformationes quasdam locorum Geometricorum generaliore faciemus gradum.



DE TRANSFORMATIONE  
 LOCORUM GEOMETRICORUM ;

*Ubi de continuitatis lege, ac de quibusdam  
 Infiniti mysteriis.*

673.



Ira quædam se prodit in omni Geometricorum Locorum transformatione Geometrię indoles, mira admodum, & nostris mentibus prorsus impervia incurrunt in oculos Infiniti Geometrici quædam velut mysteria, quę quidem in iis etiam, quę de Conicis Sectionibus a nobis demonstrata sunt, contemplari licet; quam ipsam ob causam ea hęc evolventa nobis censuimus, ut ad sublimiores curvas, & infinitesimorum methodos brevi evulgandas pronior Tyroni via sterneretur.

674. In primis quęcumque cujuscunque geometrici loci pars eandem naturam habet, quę ipsius definitione continetur, atque idcirco habet etiam proprietates prorsus easdem ex illa ipsa natura fluentes. Quamobrem quidquid de una aliqua ejus parte demonstratur fluens ex illa ipsa natura, reliquis omnibus partibus aptari debet eodem modo, nec quidquam sola illius nature contemplatione demonstrari poterit de una aliqua parte, quin de parte alia quavis eadem pariter ratione demonstretur. Quęcumque enim eandem naturam æque participant, ea omnia debent itidem æque participare quidquid ex ejus unius nature consideratione deducitur. Atque id ipsum perspeximus num. 278, ubi de arcus circularis trisectione egimus, quam ibi vidimus obtineri non posse, quin simul infinitorum numero aliorum arcuum, eadem constructione trisectione obtineretur. Atque hanc ipsam ob causam, ubicumque in Geometria vel solvuntur problemata, vel demonstrantur theoremata, certum quoddam, & determinatum schema subjicitur oculis, sui investigatio,  
 vel

Vel demonstratio applicatur : Id quidem schema unicum casum oculo subjiciat ex infinitis numero ipsi prorsus similibus , & quidquid in eo contingere vident oculi ; mens ad reliquos omnes transfert , argumentatione communi pro omnibus : Sic si recta linea bifariam secanda sit ; constructio aptatur certæ cuidem lineæ , ut unius pollicis , quæ tamen eadem eadem lineæ , ut unius pollicis , quæ tamen eadem cuivis alteri longitudini æque aptatur , nec longitudinem ipsam determinatam in schemate oculis proposito mens intuetur , sed solam lineæ rectæ habentis binos terminos notionem ; unam cum notione circulorum ad solutionem problematis requisitorum , & rectæ per eorum intersectiones ducendæ.

675. Et quidem aliquando fit , ut solutio uni casui in schemate oculis proposito applicata , sine ullo peculiari discrimine applicetur casibus omnibus , ac schema ipsum remaneat eiusdem formæ . Multo tamen sæpius in ipsis casibus positio diversa ita schema perturbat , ut artificio quodam sit opus , ad servandam analogiam , & retinendam solutionis , ac demonstrationis vim , quæ quidem positio illud etiam præstat , ut quandoque summa aliqua in differentiam abeat .

676. Exemplum proferemus e Geometria plana petitum . Sint in fig. 239 binæ rectæ parallele indefinite  $AB$  ;  $DG$  , quas secet in  $C$  , &  $H$  ; recta  $EF$  pariter indefinita . Sit autem ducenda per datum punctum  $P$  recta occurrens iisdem tribus rectis  $AB$  ,  $DG$  ,  $EF$  in  $M$  ,  $O$  ,  $N$  ita , ut summa binarum  $MN$  ,  $ON$  , quæ intercipiuntur inter primam , & tertiam , ac inter secundam , & tertiam æquetur rectæ datæ . Facto centro in quovis puncto  $K$  alterius e parallelis , ut  $AB$  intervallo ejusdem rectæ datæ inveniatur , si ea sit satis longa ; in altera parallela  $DG$  punctum  $I$  , ducaturque  $KI$  , tum ex  $P$  recta ipsi  $KI$  parallela , quæ si rectæ  $EF$  occurreret in  $NI$  inter  $C$  , &  $H$  , solvet problema ; erit enim ipsarum  $MINI$  ,  $OINI$  summa æqualis  $MIOI$  , adeoque æqualis lateri  $KI$  , opposito in paral-



parallelogrammo  $M_1KIO_1$ . Ubicumque punctum  $P$  fuerit collocatum ita, ut  $N_1$  cadat inter  $C$ , &  $H$ , solutio problematis rite procedet. At si  $P$  jaceat in  $P_2$ , vel  $P_3$  ita, ut  $N$  cadat extra  $CH$ , vel in  $N_2$ , ad partes  $H$ , vel in  $N_3$  ad partes  $C$ , eadem constructio prima fronte videbitur fallere. Nam in utroque casu eandem rectorum  $MN$ ,  $NO$  non erit summa, sed differentia  $MO$ , quæ æquatur  $CI$ .

677. Verum si positionis vis consideretur, manebit etiam ibi analogia, & patebit, idem prorsus præstari in omnibus casibus, ac illam, quæ videtur differentia binarum qualitatum, revera esse summam. Nam & in quantitate discreta, ut numeris, ac algebricis formulis, & in quantitate continua, ut in Geometricis lineis, sunt quædam quantitates, quæ dicuntur negative, & quæ si positivis addantur, eas minuunt, vel minuuntur ab iis. Si quis decem nummos habeat, & lucretur alios tres, habebit tredecim: & si potius contrahat debitum trium, habebit 7; si debitum sit 9, habebit 1; si debitum sit 10, habebit nihil, sed si debitum sit 13, jam habebit debitum quidem, sed 3, minus nimirum, quam 13. Debitum illud est quædam negativa quantitas, quæ conjuncta cum positiva illa re habita, illam minuit, vel ab illa minuitur. Eodem pacto si quis, secundo fluvio remis etiam urgentibus promoveatur, & intra fluvium progrediatur remorum ope singulis minutis per passus 10, motu autem fluvii procedat per passus 3; conjunctis motibus progredietur per 13. At si fluvius retro reflectat motum, & retrahat navim per passus 3; vel 9, vel 10, vel 13, progressu, & regressu conjunctis, habebitur progressus 7, vel 1, vel nihil, vel etiam regressus 3. Regressus ille est negativa quantitas, quæ progressum positivam quantitatem minuit, vel ab eo minuitur.

678. Porro in hoc secundo casu mutatio directionis positivam quantitatem mutat in negativam, sic generaliter in Geometria directionis oppositio eandem

mutationem inducit. Pro quavis quantitate variabili plaga positivorum ad arbitrium assumi potest, qua semel assumpta, directio contraria quantitates exhibebit negativas, ac si in aliquo casu habebatur summa quedam quantitatum quarundam, & earum aliqua in casu alio directionem mutet; adhuc habebitur summa omnium, si ea quantitas in summam negativo modo computetur, eam nimirum demendo; vel si communis consideratio adhibeatur, quæ nimirum positionem, & directionem non curat, sed solam magnitudinem contemplatur, differentia succedet summe.

679. Satis patet, in exposito problemate in casu secundo  $P_2$  directionem  $M_2N_2$  manere eandem, quæ fuerat in  $M_1N_1$ , at directio  $N_2O_2$  est opposita directioni  $N_1O_1$ . In tertio vero casu  $P_3$  directio quidem  $N_3O_3$ , manet eadem, quæ  $N_1O_1$ , sed  $M_3N_3$  est contraria illi, quæ fuerat in  $M_1N_1$ . Hinc nimirum summa, quæ in primo casu erat equalis rectæ datæ, abiit in reliquis in differentiam. Quod si e casu  $P_2$ , progrediamur ad  $P_1$ , tum inde ad  $P_3$ , differentia, quæ habetur in primo ex hisce tribus, abit in summam in secundo ob directionem alterius tantum mutatam, tum summa secundi mutatur in differentiam tertii, cum iterum mutetur directio etiam alterius. Cumque comparando primum ex hisce casibus cum tertio, utriusque quantitatis directio mutetur; in utroque habetur differentia; quia nimirum si  $M_2N_2$ , &  $N_2O_2$ , in casu  $P_2$  considerentur ambæ, ut quantitates positivæ, fient in tertia negativæ ambæ, quæ idem restituant negativo modo, sive directione contraria. Demendo  $O_2N_2$ , ab  $M_2N_2$  relinquitur  $M_2O_2$ , ac demendo  $N_3O_3$  ab  $M_3N_3$  remanet  $O_3M_3$ , negative sumpta, sive  $M_3O_3$ , ut prius.

680. In quavis casuum diversorum contemplatione, ut in quavis combinatione locorum geometricorum, imprimis considerari debet quæmodi positio, quæ in eorum transformatione semet easdem proprietates restituet, dummodo ubicumque quantitatis directio mutetur,

tetur, illa habeatur pro negativa, adeoque jam dematur si addebatur, vel contra addatur, si demebatur. Quæ enim addenda fuerat, dum decrefcit perpetuo, femper minus addet; fi evadat nulla, & evanefcat, addet nihil; fi in contrariam etiam mutetur, mutata directione, contrarium itidem effectum præftare debet, nimirum minuet id, quod antea augebat.

681. Et in lineis quidem, ubi mutetur directio, ac ejus ope positiva migrent in negativa, fatis erit manifeftum per fe fe, vel rectæ lineæ fint, vel curvæ. Sic E.240 in fig. 240, fi binæ circuli chordæ fe mutuo fecent intra circulum in C, meñfura anguli ACB eft femifumma arcuum AB, DE a rectis ipfum continentibus interceptorum (Cor. 4. Pr. 9, Geom.). At fi punctum C<sub>2</sub> jaceat extra circulum; ea ipfa meñfura anguli AC<sub>2</sub>B evadit differentia arcuum AB, DE<sub>2</sub> quod nimirum directio arcus DE<sub>2</sub> eft contraria directioni DE, quæ fi negativo modo fumatur: adhuc pro meñfura habebitur femifumma. Immo proderit hic etiam omnes mutationum vices contemplari, easque deducere ex folo primo cafu reftarum AE, BD, & pofitione puncti E percurrentis totam circuli peripheriam; donec eo redeat, unde digreffum eft. Anguli nimirum ACB meñfura eft femifumma arcuum AB, ED. Abeat punctum E in D, & arcus ED fiet nullus hinc meñfura anguli ADB, in quem tum abibit ACB, erit dimidius arcus AB. Abeat E in E<sub>2</sub>, & mutata directione arcus DE<sub>2</sub>, contraria nimirum directioni DE; jam anguli AC<sub>2</sub>B meñfura erit femidifferentia arcuum AB, E<sub>2</sub>D. Evadat E<sub>3</sub>D æqualis ipfi AB, jam femidifferentia erit nulla, quare recta AE cum BD, nullum angulum continebit; & quidem eo cafu patet, ipfas parallelas efle. Crescat adhuc DE<sub>4</sub>, & jam evadet major, quam AB. Illius igitur dimidio dempto a dimidio AB, femidifferentia evadet negativa. Quare angulus habebitur AC<sub>4</sub>B, fed ad partes oppofitas jacebit, ac fpectabit plagas oppofitas, ut figura exprimit, ejusque meñfura erit adhuc illa femidifferentia.

Abeat

LOCORUM GEOMETRICORUM. 233

Abeat  $E_5$  in  $A$ , & evadet  $A_5C_5$  tangens, anguli vero  $AC_5B$  mensura erit semidifferentia arcuum  $DE_5$ ,  $AB$ , sive  $DA$ ,  $AB$ , quod ita esse patet; nam eorum arcuum differentia est  $AE_3$ , ob  $E_3D$  æqualem  $AB$ , ac anguli quem tangens  $A_5A$ , producta continet cum chorda  $AE_3$  parallela rectæ  $BD$ , qui idcirco æquatur interno, & opposito  $AC_5B$ , mensura est dimidius arcus  $AE_3$ . Abeat  $E_6$  inter  $A$ , &  $B$ , & anguli  $AC_6B$  mensura erit semidifferentia  $DAE_6$ ,  $BA$ , quæ ob  $AE_6$  communem, reducetur ad semidifferentiam  $DA$ ,  $BE_6$ . Abeat punctum  $E$  in  $B$ , & evanescente  $E_6B$ , mensura anguli  $ABD$  fiet dimidium arcus folius  $DA$ . Abeat demum punctum  $E_7$  ultra  $B$ , &  $BE_7$  jam mutabit directionem, adeoque mensura anguli  $ABD$ , spectantis eandem plagas erit semisumma arcuum  $DA$ ,  $E_7B$ , ut patet omnino esse.

682. Et hæc quidem de lineis. At in superficiebus notandum erit illud. Si sumatur rectangulum binarum rectarum, & una ex iis positionem mutet, mutabitur, & rectangulum, ac e positivo migrabit in negativum: si vero mutet utraque, adhuc erit considerandum ejusdem generis, ac erat, cum neutra positionem mutaverat. Nam si in fig. 241  $CD$ .  $CA$  considerentur, ut quantitates positivæ, & earum rectangulum  $DCAB$ , ut positivum, mutetur autem  $CA$  in  $CF$ ; jacebit  $DCFE$  ad partes oppositas, adeoque id rectangulum respectu prioris considerandum erit, ut negativum. Quod si iterum mutetur  $CD$  in  $CH$ , jam rectangulum  $FCGH$ , mutabit directionem respectu  $FCDE$  adeoque debet prestare effectum contrarium, nimirum, minuere, quod id augebat, augere, quod id minuebat; ac proinde negativi negativum erit, & iterum in positivum migrabit.

683. Hinc in Geometria idem accidet, quod in Arithmetica, & Algebra contingit, ut nimirum ubi ducendo unam quantitatem in aliam, oritur productum quoddam, si altera e binis quantitatibus mutetur in negativam, fiat negativum & productum; si utraque maneat,

neat, sit positivum, quod ibi exprimitur dicendo, ex multiplicatione tum binorum positivorum, tum binorum negativorum oriri positivum, ex multiplicatione positivi per negativum, vel viceversa, oriri negativum; sive signa conformia in multiplicatione exhibere positivum, difformia negativum.

684. Porro hinc illud consequitur, ut lineæ cujuscumque quadratum positivum semper maneat, licet eadem lineæ e positiva mutetur in negativam; positione mutata: Quadratum enim lineæ est ipsa lineæ in se ipsam ducta, quæ e superiore canone producit planum positivum: Inde vero deducitur, quadrati negativi latus impossibile esse, quod in Arithmetica, & Algebra appellatur quantitas imaginaria: Quadratum autem quodcumque binæ semper habere potest latera alterum positivum, alterum negativum: Atque idcirco ubicumque problema aliquod ad sui solutionem requiret, ut inveniatür dati quadrati latus, semper id ipsum latus adhiberi poterit cum directione utraque, tam positivum, quam negativum.

685. Id patebit sequenti exemplo. Debeat inveniri inter binas rectas media proportionalis. Quæsitæ mediæ quadratum debet æquari dato rectangulo sub datis rectis: Quare binas omnino solutiones habere debet id problema, & binæ ejus quadrati latera inventi debent constructione eadem: Atque id quidem omnino continget. Nam si in fig. 242 binæ rectæ datæ abscindantur in AB, BD in eadem tecta ita, ut eatum summam constituat AD, ac ipsa AD sectam bifariam in C, radii CA ducatur circulus, is rectæ EBF perpendiculari AD occurret in binis punctis G, G, eritque ex natura circuli utriuslibet BG quadratum æquale eidem rectangulo sub AB, & BD, & utraq; ex iis mediæ quæsitæ. Ubicumque punctum B fuerit inter A, & D, solutio sicut procedet: At si id sumatur extra, vel ad partes A in B<sub>2</sub>, vel ad partes D in B<sub>3</sub>, mutata in primo casu directione AB<sub>2</sub>, in secundo DB<sub>3</sub>, jam rectangulum ABD mutabitur in negativum,

vum, adeoque negativum evadet etiam illud quadratum, & idcirco ejus latus impossibile; quam ob rem id ea constructione inveniri nequaquam poterit. Et quidem rectæ  $E_2B_2F_2$ ;  $E_3B_3F_3$  ipsi AD perpendiculares nunquam occurrent circulo. Poterit quidem alia constructione determinari mediâ inter  $AB_2$ ; &  $B_2D$ , vel  $AB_3$ , &  $B_3D$  independenter ab illa mutatione directionis; nimirum ducendo binas tangentes  $B_2H$ , vel  $B_3H_2$  ad circulum ipsum, quæ erunt mediæ quæsitæ. Verum ibi iterum  $AB_2$ ; &  $B_2D$  considerantur; ut positivæ; & si deinde  $P_2$ ; migret in B; & positio mutetur, jam ea constructio nos deseret; neque enim ex B tangentes ad circulum duci poterunt, quæ problemâ eadem constructione solvant; migrantem vero B in  $B_3$ ; jam &  $AB_3$ ; &  $DB_3$  habent directiones contrarias directionibus  $AB_2$ ; &  $DB_2$ ; adeoque rectangulum earundem iterum evadit positivum, ac iterum constructio redit cum binis tangentibus. Atque idcirco si in rectis EF sumantur binæ  $B_2L$ , vel binæ  $B_3L_2$ , æquales binis tangentibus, puncta  $L$ ;  $L_2$  erunt ad binos ejusdem Hyperbolæ æquilateræ ramos, quæ est Locus Geometricus diversus ab illo circulo, cum quo nequaquam continuatur in A; ubi arcuum quamvis contiguorum natura, & proprietates sunt admodum diversæ; licet arcus assurgantur quam proximi. Et hanc ipsam ob causam circulus quidem ordinatas BG axi perpendicularis habet respondentes punctis B assumptis inter A, & D; nullas autem habere potest extra eos limites; contra vero Hyperbolâ extra eos limites habet semper, intra eos habere omnino non potest.

686. Idem autem etiam in admodum simplicibus Geometriæ theorematibus notare licet. Est quarta Euclidis Propositio Libri 2, puncto B jacente inter A, & D; bina quadrata AB, BD cum binis rectangulis sub AB, BD æquari quadrato AD, septima vero, puncto  $B_2$  jacente extra A; & D, bina quadrata  $AB_2$ ,  $B_2D$  æquari quadrato AD cum binis rectangulis sub  $AB_2$ ; &  $B_2D$ . Hæc binæ propositiones exhibent tantum-

tummodo binos casus ejusdem theorematis, & secunda sponte fluit e prima, dummodo notetur,  $AB_2$  habere directionem contrariam ei, quam habet  $AB$ , directionem vero  $DB_2$  esse eandem, ac  $DB$ . Eo enim pacto patebit, quadrata quidem manere ut prius, at illa bina rectangula mutare positionem, & fieri negativa. Quamobrem ubi ante summa ex binis quadratis  $AB$ ,  $BD$ , & binis rectangulis sub  $AB$ , &  $BD$  æquabitur quadrato  $AD$ , jam illi æquabitur non summa, sed differentia, quæ habetur demendo ab illis quadratis illa bina rectangula, unde sequitur illa bina quadrata æquari quadrato  $AD$  binis illis rectangulis aucto.

687. Eodem etiam pacto tam quinta, & sexta, quam nona, & decima, & immo etiam secunda, & tertia, duodecima, & decimatertia ejusdem libri ad singula theoremata reduci possunt, habita ratione positivorum, ac negativorum in mutatione directionis, mutante valorem rectanguli, non vero quadrati. Ac in reliquis quidem mutatio illa valoris enunciationem ipsam theorematis mutat, cum in iis habeantur rectangula. At in nona, & decima, quæ continet sola quadrata, nullo in iis mutato valore: enunciatio manet eadem. Secta  $AD$  bifariam in  $C$ , si punctum  $B$  sit inter  $A$ , &  $D$ , bina quadrata  $AB$ ;  $BD$  æquabuntur per nonam binis  $CA$ , & binis  $CB$ . Si autem  $B_2$  sit extra eos limites, erunt pariter per decimam bina quadrata  $AB_2$ ,  $DB_2$  æqualia binis  $CA$ , & binis  $CB_2$ . Mutata est directio lateris  $AB$  in  $AB_2$ , sed valor quadrati non est mutatus.

688. In solidis pariter, si una e tribus rectis solidum continentibus mutet directionem mutatur solidum e positivo in negativum; si enim concipiatur planum a reliquis binis contentum immobile, recta vero, quæ directionem mutat, sit solidi altitudo, jacebit solidum ipsum ad partem oppositam post mutationem directionis in ea altitudine; ac proinde & ejus valor mutabitur. Quod si mutantur binæ, redibit iterum ad valorem positi-

positivum, cum iterum mutari debeat; si mutantur omnes tres, iterum valor solidi mutabitur, & generaliter ubicumque aliquod sive recta sit, sive area, sive solidum, definiatur ductu, vel proportionibus rectorum quotcumque, si earum numerus impar directionem mutet, ipsum productum mutabit valorem: si numerus earum, quæ mutantur, sit par, valor manebit. Nam singularum mutatio debet valorem producti mutare, quod proinde e positivo in negativum, e negativo in positivum abibit per vices, adeoque post numerum parem eodem semper regredietur, ac alia mutatione deinde addita, in oppositum valorem migrabit.

689. Id manifestum erit, ubi datis tribus rectorum quarta proportionalis post ipsas. Ducantur binæ rectæ AB, DE indefinite in fig. 243, quæ se mutuo secant in C: sumantur CH, CF versus A æquales prioribus binis, CI versus E æqualis tertiæ: ducatur HI, tum ex F recta ipsi parallela, quæ abscindet ex DE rectam CG, quæsitam post CH, CF, CI. Mutetur jam directio primæ CH in oppositam in fig. 244, manentibus directionibus CF, CI, recta FG parallela IH solvet itidem problema, sed CG jacebit ad partes oppositas directione mutata. Mutetur in figura 245, etiam CF, & jam recta FG parallela HI redibit ad positionem CG eandem, quam habuit in fig. 243. Mutetur demum in fig. 246 etiam CI, & jam CG quoque iterum mutabitur ad directionem oppositam. Quin immo si quæcumque ex illis tribus CH, CF, CI figuræ primæ mutetur in contrarium, patebit eos casus delineanti mutari semper CG. Sed quodcumque binarum mutetur quavis ex iis relicta in positione priore, patebit semper, directionem CG manere; ac si quis rationes etiam compositas adhibeat quotcumque, poterit sane mutationes quotlibet experiri, & semper inveniet, numerum mutationum impari parem inducere mutationem, parem vero retinere valorem pristinum.

690. Porro in ejusmodi mutationibus anguli quoque



fectarum mutabuntur ita, ut mutata directione unius lateris, mutetur angulus in eum, qui ejus complementum est ad duos rectos, mutata autem directione utriusque lateris mutabitur angulus in alium sibi ad verticem oppositum, qui ipsi prorsus æqualis est; & ejus vices æque præstabit in demonstratione quacumque. Ac demonstratio, vel ipsa etiam theorematis propositi veritas admodum facile ab uno casu transferetur ad alium, si ubi alterius tantummodo lateris mutetur directio, substituatur angulo priori ejus complementum ad duos rectos, ubi utriusque, substituatur angulus ad verticem oppositus. Fiet autem aliquando in ejusmodi mutationibus, ut qui anguli in parallelis alterni erant, mutantur in externum, ac internum, & oppositum, internus in externum aliquando migret, & viceversa, ac alia ejusmodi consequentur, quæ sponte incurrent in oculos, ac singula persequi, & exemplis illustrare infinitum esset. Satis erit in illis ipsis casibus, quos expressimus in ejusmodi figuris, notare vim demonstrationis, & mutationem in angulis factam. Triangula  $HCI$ ,  $FCG$  in fig. 243 similia sunt, quia habent angulum  $HCI$ ,  $FCG$  communem, nempe eundem ac  $ACE$ , anguli autem  $CHI$ ,  $CIH$  externi æquales sunt angulis  $CFG$ ,  $CGF$  internis, & oppositis in parallelis  $HI$ ,  $FG$ . Hinc est  $CH$  ad  $CF$ , ut  $CI$  ad  $CG$  in figura 244 sunt itidem similia triangula  $HCI$ ,  $FCG$ ; sed idcirco similia sunt, qui anguli  $HCI$ ,  $FCG$  sunt ad verticem oppositi æquales, &  $CHI$ ,  $CIH$  æquales alternis  $CFG$ ,  $CGF$ . Mutatio lateris  $CH$  mutavit angulum  $ACE$  in  $ECB$ , & mutatio lateris  $CG$  mutavit ipsum  $ACE$  in  $ACD$ . Anguli vero  $CHI$ ,  $CIH$ , qui erant externi respectu  $CFG$ ,  $CGF$  interiorum, & oppositorum in fig. 243, evaserunt alterni in fig. 244. At demonstrationis vis adhuc relicta est.

691. Patet itidem mutatione ipsa directionis argumentationem, quæ fit componendo, mutari debere in eam, quæ fit dividendo, quotiescunque in proportione aliqua binii tantummodo termini antecedentes, vel  
 bini

bini consequentes mutant directionem, manere, si mutant priores bini, vel bini postremi, vel omnes simul: mutantur autem semper vel nullus, vel bini, vel omnes; cum si e prioribus tribus mutet primus solus, vel tres, debeat mutare quartus, si bini, quartus manere debeat; unde patet, fieri non posse, ut eorum, qui mutant, numerus sit impar. In fig. 243, cum sit CF ad CH, ut CG ad CI, erit dividendo FH ad CH, ut GI ad CI. At in fig. 244, ubi CG, & CH mutantur directionem, fiet componendo FH ad CH, ut GI ad CI. In fig. 245, ubi mutant priores bini, & fig. 246, ubi mutant omnes, habetur iterum argumentum componendo. Ratio est manifesta, quia summa primi, & secundi, vel tertii, & quarti mutatur in differentiam, vel differentia in summam, ubi alter ex iis positionem mutat, manet vero summa, vel differentia, si vel neuter mutet, vel uterque.

692. Ex iis, quæ demonstravimus, licebit sæpe Locorum Geometricorum ductum; & varios casus, ac transformationes contemplari. Exemplum desumemus a curvis quibusdam, quæ summum in universa Geometria usum habent, & quas diligentius persequemur ibi, ubi infinitesimorum elementis traditis, agemus de curvis generaliter, ac ea curvarum genera, quæ majoris sunt usus persequemur. Interea earum ductus hic definitus plurimum proderit ad quædam infiniti mysteria evolventa, & cognoscendam intimius continuitatis geometricæ legem, ac ipsa plurimorum casuum contemplatio, & locorum generalis constructio sibi ubique respondens, ad Geometriæ ipsius indolem, miram sanè, percipiendam pariter plurimum proderit.

693. Curvæ quarum naturam, & genesim hinc contemplabimur, erunt eæ, in quibus ordinatæ ratio simplex, vel utcumque multiplicata est eadem, ac ratio simplex, vel utcumque multiplicata, sive reciproca, sive directa abscissæ. Si algebraicis signis uti libeat, & considerare altiores linearum potestates, quæ exprimentur indefinite per litteras  $m$ , &  $n$ , ac abscis-

sa dicatur  $P$ , ordinata vero  $Q$ ; lineæ hujusmodi sunt, ea; in quibus  $P^m$ , ut  $Q^n$ , exprimentibus  $m$ , &  $n$  numeros quoscumque rationales integros, sive positivos, sive negativos, vel, quod eodem redit, in quibus sit  $P$ , ut  $Q^n$ , exprimente  $n$  numerum quemcumque rationalem integrum, vel fractum, positivum, vel negativum. Sed hic, ubi Geometriam contemplanur, geometricum etiam sermonem usurpabimus, adhibendo rationum æqualium compositionem, quem etiam multiplicatio rationum appellatur, potius quam potestates linearum, quæ ultra secundam, & tertiam, nimirum ultra quadratum, & cubum, in Geometria non assurgunt, assurgunt autem in Arithmetica consideratione ad gradum quemcumque, si quædam linea dicatur unitas, qua de re ibi aptius, ubi de Algebrae applicatione ad Geometriam dicendum erit. Porro inter ejusmodi Loca-Geometrica habetur etiam recta linea tam axi inclinata, quam parallela, & tam Parabola ad axem relata, quam Hyperbola ad asymptotos pro axe assumptos, & præterea omnis quædam, quam vocant Parabolæ, ac Hyperbolæ familia.

694. Sit in fig. 247 recta indefinita  $MN$ , in qua sumantur abscissæ a quodam puncto dato  $V$  positivæ versus  $N$ , ut  $VR$ , adeoque negativæ versus  $M$ , ut  $VR_2$ , ac deducta per  $V$  indefinita  $OVQ$  perpendiculari ad  $MN$ , ordinatæ capiantur parallelæ ipsi, & habeantur pro positivis directione  $VO$ , ut  $RP$ , adeoque pro negativis directione contraria  $VQ$ , ut  $R_2 P_2$ .

695. Sint autem primo ordinatæ in ratione simplici abscissarum. Sumpta  $VA$  ad arbitrium ex parte positiva, & erecta  $AB$  parallela  $VO$  ex parte itidem positiva longitudinis ejuscunque, & ducta per  $V$ , &  $B$  recta  $ST$  indefinita ita, ut  $S$  jacet ad partes  $V$ , ac  $T$  ad partes  $B$ , patet, eam fore Locum Geometricum questum; ducta enim quavis  $RP$  parallela  $VO$ , semper erit ordinatæ  $PR$  ad abscissam  $VR$ , ut  $BA$  ad  $AV$  in eadem

LOCORUM GEOMETRICORUM. 441

dem ratione constanti adeoque illa mutabitur, ut hæc; five erit ordinata in ratione simplici directæ abscissæ; Porro in hoc casu patet, abscissæ positivæ VR debere semper respondere ordinatam positivam RP; negativæ vero VR<sub>2</sub> negativam R<sub>2</sub>P<sub>2</sub>; Nam debet esse AB ad PR, ut VA ad VR, in qua proportione VA, & AB constantes sunt; adeoque mutata positione abscissæ VR, mutari etiã debet positio ordinatæ RP; juxta num. 688. Semper autem respondebit cuius abscissæ, sua ordinata atque ea unica, cum hic nulla occurrant quadratorum latera, quæ bina esse possunt positionum oppositarum, vel quæ quadrato negativo factò evadant impossibilia. Crescente autem in infinitum abscissa, debet crescere & ordinata, ac ea evanescente, evanescere. Et hæc quidem omnia omnino accidunt in ea ipsa recta, quæ & transit per V, & utrinque in infinitum recedit ab axe ad partes oppositas.

696. Debeat in fig. 248 esse ordinatâ RP in ratione duplicata directæ abscissæ VR. Abscissis omnibus positivis; patet, debere respondere ordinatam positivam, & unicam, quæ invenietur, capiendò RP ad AB in ratione duplicata VR ad VA, five ut est quadratum VR ad quadratum VA. Facta autem abscissa VR<sub>2</sub> negativa, adhuc ordinata R<sub>2</sub>P<sub>2</sub> debet esse positiva. Nam in illa ratione duplicata VR<sub>2</sub> bis ingreditur & proinde positio bis mutatur, ac quadratum abscissæ VR<sub>2</sub> quamvis negativæ, est positivum. Porro patet, crescente in infinitum abscissa, debere crescere in infinitum, & ordinatam, ac infinites magis; unde colligitur, bina Loci Geometrici crura in infinitum abire ex parte VO versis T, & S, recedendo semper & ab axe MN, & ab VO in infinitum: at abscissa in infinitum decrescente patet, etiã ordinatam infinites magis debere decrescere; unde inferitur evascente abscissa, debere evanescere & ordinatam, adeoque Locum Geometricum hunc transire pariter per V. Quoniam vero ordinata infinites magis crescit, quàm abscissa, ubi ambæ crescunt ultra quoscunque

limites, infinities autem magis decrefcit, ubi ambæ decrefcunt, patet, fi per V, & P ducatur recta VI indefinita, angulum VPR in primo cafu, & PVR in fecundo decrefcere ultra quofcumque limites; adeoque fi arcus VP concipiatur continuatus in infinitum verfus T, angulus OVI alternus ipfius VPR decrefcet in infinitum, accedente recta VI ad VO, ultra quofcumque limites, quod nobis infra ufui erit, ubi agemus de infinito. Si vero arcus VP evanefcat abeunte P in V, evanefcet angulus IVN, & recta VI, quæ eo cafu evadet tangens, recidet in ipfum axem MVN, qui proinde locum SVT in V continget. Patet autem ex ipfa proportione exposita, SVT debere eſſe Parabolam e Coni Sectione orta, cujus axis VO. Ducta enim PE perpendiculari ad eum axem, eſt in Parabola VE abſciſſa; ut quadratum EP, quæ in ea dicitur femiordinata, adeoque RP, quæ hîc dicitur ordinata, eſt in ratione duplicata VR, quæ hîc dicitur abſciſſa. Porro in Parabola Conica patet crura VS, VT eſſe illius ipfius formæ, quam hîc ex illa poſitivorum, & negativorum notione deduximus.

697. Quod fi debeat eſſe ordinata in ratione triplicata abſciſſæ, habebuntur, utin fig. 249, bini arcus VT, VS infiniti, quorum alter jacebit in angulo OVN, alter in MVQ. Nam facta VR<sub>2</sub> negativa, habetur in illa ratione triplicata numerus negativorum impar & proinde negativa eſt etiam ordinata. Eodem vero argumento crura in infinitum abeunt, ac arcus tranſit per V, ubi a recta MN contingitur, a qua cum etiam ſecetur, habetur ibidem mutatio directionis curvaturæ, quæ appellatur mutatio flexus. Contactus autem, & interſectio hîc uniuntur, ut ubi circulus oſculator Sectionem Conicam ( num. 512 ) ſecat ſimul, & tangit in ipſo oſculo. Porro hîc locus appellatur Parabola cubica, in qua ſi OVQ aſſumatur pro axe, cubi ordinatarum PE ſunt, ut abſciſſæ.

698. Generaliter autem ſi ordinata PR ſit in ratione abſciſſæ VR utcumque multiplicata per numerum in-

tegrum positivum parem, ut si sit in quadruplicata, sextuplicata, decuplicata, debet haberi ordinata quoque  $R_2P_2$  positiva, & forma crurum, eadem, quæ in fig. 248; si per impariorem mutabitur in negativam, & habebitur forma fig. 249.

699. Si vero ratio duplicata ordinatæ sit eadem, ac ratio directa utcumque multiplicata per numerum impariorem (nam si sit eadem, ac ratio multiplicata per numerum parem, erit ratio simplex ordinatæ eadem, ac ratio abscissæ multiplicata per dimidium ejus numeri paris, & casus reducetur ad alterum e binis præcedentibus) habebuntur bina crura ejus formæ, quam exhibet fig. 250 jacentia in angulis  $OVN$ ,  $QVN$ . F250  
 Nam existente  $VR$  positiva, invenietur positivus valor quadrati ordinatæ, adeoque bina ejus latera habebuntur (num. 684)  $RP$ ,  $Rp$ . Existente vero  $VR_2$  negativa, valor quadrati ordinatæ negativus fiet, & proinde ordinata ipsa impossibilis, quam ob causam recta  $LR_2L$  ordinatis parallela nusquam occurret curvæ. Quoniam autem eodem argumento decrescente  $RP$  infinites magis, quam  $RV$ , adhuc  $VN$  contingit curvam; curva ipsa in  $V$  cuspidem habet admodum acutam, in qua retro regreditur.

700. Idem generaliter contingit, quotiescunque ratio ordinatæ multiplicata per quemvis numerum parem est eadem, ac ratio abscissæ multiplicata per impariorem majorem. Imparitas abscissæ, & paritas ordinatæ dabit regressum curvæ a recta  $OQ$ , & binas ordinatas cum directionibus oppositis; excessus numeri abscissæ supra numerum ordinatæ, exhibebit contactum rectæ  $VN$ , & cuspidem in  $V$ . Quod si ratio ordinatæ multiplicata per numerum impariorem quemvis, sit eadem, ac ratio abscissæ per numerum majorem patem, vel impariorem, redibit forma fig. 248, & 249, qui sunt omnes ejusmodi casus, nam ratio ordinatæ multiplicata per parem æqualis rationi abscissæ per parem reducitur continua bisectione ad impariorem in altera e binis, adeoque ad unum e præcedentibus casibus. Et hæc quidem omnia facile generali demonstratione etui

possunt ope constructionum quarundam, quas paulo infra exhibebimus.

701. Si jam numerus per quem multiplicatur ratio abscissæ, sit minor eo, per quem multiplicatur ratio ordinatæ, habebuntur figuræ 251, 252, 253, 252 quas exhibebunt 248, 249, 250 si permutentur abscissæ earum, & ordinatæ ac illarum rectæ  $OQ$  succedat haturum axis  $MN$  si enim hic sint  $VR$ , &  $RP$ , quæ ibi erant  $VE$ , &  $EP$ , sive  $PR$ , &  $VR$ , habebitur hic eadem ratio ordinatarum ad abscissas, quæ ibi abscissarum ad ordinatas. In iis omnibus casibus erit  $OVQ$  tangens, & numerus major par in ordinatæ impar in abscissa præbebit in fig. 251; binas ordinatas oppositas ex parte abscissæ positiva, & ex parte negativa impossibiles; impar in ordinata, & in abscissa & in fig. 252 ordinatas singulas, & ejusdem legis cum abscissis; impar in ordinata, par in abscissa, ordinatas semper singulas pro singulis abscissis, semper positivas, & cuspidem.

702. Hi quidem sunt omnes casus rationis directæ: Si vero ratio fuerit reciproca, non directæ: patet, si fuerit simplex, haberi in fig. 254 Hyperbolam  $ST$ ,  $Ss$  inter asymptotos  $MN$ ,  $OQ$ . Nam in ea (num. 227) est rectangulum sub  $VR$ , &  $RP$  semper constans, adeoque  $RP$  in ratione reciproca simplici  $VR$ . Ea vero Hyperbola binos habet ramos in binis angulis ad verticem oppositis  $OVN$ ,  $MVQ$  in infinitum excurrentes, ac accedentes ad ea angulorum crura ultra quoscumque limites. Id autem etiam deducitur ex traditis negativorum regulis, & ex natura rationis reciprocæ simplicis. Nam mutata directione abscissæ mutari debet etiam directio ordinatæ in cuius determinationem illa semel ingreditur. Generaliter autem si ratio ordinatæ utcumque multiplicata per numerum imparem æquetur rationi reciprocæ abscissæ multiplicatæ per numerum imparem, forma erit eadem, ac in fig. 254. Ordinatæ positivis abscissis positivæ, negativis negativæ respondebunt singulis singulæ, ac crescente in infinitum

rum abscissa, decreſcet ordinata, ſed nunquam evaneſcet; decreſcente ordinata, abſciſſa creſcet in infinitum, & ſemper habebitur aliqua; adeoque quatuor crura erunt aſymptotica, habebunt pro aſymptotis omnia quatuor latera VM; VO, VN, VQ, & jacebunt in binis angulis ad verticem oppoſitis OVN, MVQ.

703. At ſi numerus ordinatæ fuerit impar, ſed abſciſſæ par, orietur forma figuræ 255. Ordinatæ ſingulis abſciſſis reſpondebunt ſingulæ, ſed omnes poſitivæ erunt, adeoque bini rami aſymptotici jacebunt in binis angulis OVN, OVM.

704. Si demum numerus ordinatæ fuerit par, & abſciſſæ impar, negativis abſciſſis nullæ ordinatæ reſpondebunt; poſitivis reſpondebunt binæ oppoſitæ ſingulis, & forma erit, quæ exhibetur in fig. 256, jacentibus binis ramis aſymptoticis in angulis NVO, NVQ.

705. Ut unico velut conſpectu contemplari liceat omnes ejuſmodi caſus, ſit  $P^m$ , ut  $Q^n$ ; ſive  $P$  ut  $Q^{\frac{n}{m}}$  exprimente  $P$  abſciſſam,  $Q$  ordinatam,  $n$ , &  $m$  numeros quocumque integros poſitivos, vel negativos, inter ſe primos ita, ut fractio  $\frac{n}{m}$  non poſſit reduci ad minorem expreſſionem. Si fuerit  $\frac{n}{m}$  numerus poſitivus, pertinebit caſus ad figuras a 247 ad 254, ſi negativus ad 3 reliquas; & in primo caſu loca omnia erunt ex familia Parabolæ, in ſecundo ex familia Hyperbolæ. Si  $m$  fuerit numerus æqualis  $n$ , adeoque  $\frac{n}{m}$  fuerit unitas; pertinebit caſus ad rectam expreſſam in fig. 247. Si  $m$  fuerit numerus minor, quam  $n$ : pertinebit caſus ad figuras 248; 249, 250, prout fuerit  $m$  impar,  $n$  par, vel  $m$ , &  $n$  impar, vel  $m$  par,  $n$  impar. Si  $m$  fuerit major, quam  $n$ , habebuntur figure 251; 252, 253 in iſdem tribus ſubdiviſionibus ejuſ caſus. Si autem



autem  $\frac{n}{m}$  fuerit negativus habebitur figura 254, 255  
 256 prout fuerit &  $m$ , &  $n$  impar, vel  $m$  par,  $n$  im-  
 par, vel  $m$  impar,  $n$  par. Quod si  $m$  esset nihil, adeo-  
 que ordinata in nulla ratione abscissæ; tum vero ordi-  
 nata esset semper constans, adeoque pro curvis illis ha-  
 beretur tantummodo recta ipsi axi parallela in quam  
 eo casu eadem curvæ abeunt.

706. Quæ ex natura positivorum, ac negativorum  
 hic deducta sunt, possunt omnia accuratè demonst-  
 rari, & immediatè deduci ope constructionis harum cur-  
 varum ipsarum, quæ constructio rite peracta exhibebit  
 per sese curvarum earundem omnium ductum, & quæ  
 semper geometricè præstari poterit per puncta ita, ut  
 prius habeatur constructio earum, quæ exhibent ordi-  
 natæ rationem simplicem respondentem rationi abscissæ  
 multiplicatæ per quemvis numerum gradatim ab unita-  
 te incipiendo, tum pergendo per unitatis additionem  
 continuam. Deinde vero traduci potest constructio ad  
 quamvis rationem multiplicatam etiam abscissæ.

F257 707. Quoniam recta linea exprimit casum, in quo  
 ordinata est in ratione simplici directæ abscissæ, quæ-  
 ratur in fig. 257. linea, in qua sit ordinata in ratio-  
 ne duplicata directæ eiusdem. Capiatur AB utcumque  
 perpendicularis VA, producatque indefinitè: agatur  
 per V, & B: recta indefinita ducatur per quodvis pun-  
 ctum R axis MN recta parallela QO, quæ occurrat  
 alicubi rectæ VB in P; ducatur PD axi parallela oc-  
 currens rectæ BA in D: ducatur per V, & D recta,  
 quæ rectæ illi RP occurret alicubi in E, & ibidem  
 determinabit ordinatam loci quæsi, Erit enim ob  
 rectæ lineæ naturam PR, ut VR; Erit autem BA ad  
 DA, ut BR ad ER, Quare rectangulum sub AB con-  
 stanti, & ER æquale rectangulo sub DA, & PR, a-  
 deoque ER in ratione composita ipsarum DA, & PR,  
 nimirum, cum eæ æquentur in ratione duplicata PR,  
 sive VR, ut oportebat. Patebit autem ipsam constru-  
 ctionem contemplanti, a puncto P oriri RE confor-  
 mem

LOCORUM GEOMETRICORUM. 247

men  $RP$ , ac positivam, a puncto vero  $P_2$  oriri  $R_2E_2$  ipsi contrariam, sive a negativo iterum positivam, ut est  $R_2P_2$  in fig. 248.

708. Invenienda jam fit curva, in qua ordinata sit in ratione triplicata abscissæ. Sit in fig. 258, recta  $VB$ , ut prius, & curva  $SI_2VIBT$  jam constructa ejusmodi, ut  $RI$  sit in ratione duplicata  $VR$ . Ducatur ex  $I$  recta  $ID$  parallela axi, occurrens  $AB$  in  $D$ , tum per  $V$ , &  $D$  recta, quæ rectæ  $RP$  occurret in  $E$ , ac determinabit punctum  $E$  quæsitum. Erit enim  $BA$  ad  $DA$ , sive  $IR$ , ut  $PR$ , ad  $RE$ . Quare, ut prius  $ER$ , in ratione composita  $RI$ , &  $RP$ , prior est duplicata  $VR$ , posterior simplex. Quare ratio illa composita erit triplicata ipsius  $VR$ , ut oportebat. Patet autem etiam hic, punctum  $I_2$  jacens ex parte positiva debere iterum reddere punctum  $E_2$  ex parte negativa. Patet etiam, si  $RI$  sit in ratione triplicata  $VR$ , obventuram  $RE$  in ratione quadruplicata, sed tunc debere  $I_2$  jacere ex parte negativa, &  $P_2$  transire ad partem positivam, atque ita porro quævis multiplicatio rationis abscissæ habebitur per gradus, jacente semper  $E_2$  ex parte positiva, ubi devenitur ad numerum patem, negativa, ubi ad imparem; atque ea ratione habentur omnes casus hujusmodi, in quibus ordinata sit in quavis ratione abscissæ multiplicata per quemvis numerum integrum positivum; ac simul etiam omnes casus, in quibus debeat esse submultiplicata ea ratio, sive in quibus ratio ordinatæ, utcunque multiplicata, sit eadem, ac ratio abscissæ simplex. Satis enim est mutare axem, & abscissam mutare in ordinatam, ut ex figuris 248, 249 constructis, deriventur 251, 252.

709. Si ratio sit reciproca simplex in fig. 259, ducta  $VB$ , ut prius, ducatur  $BI$  parallela axi occurrens rectæ  $RP$  in  $I$ , tum per  $V$ , &  $I$  recta occurrens rectæ  $AB$  in  $H$ , ac demum recta  $HE$  parallela axi occurrens  $RP$  in  $E$ , eritque  $E$  quæsitum punctum. Erit enim  $AB$  ad  $AH$ , sive  $RE$ , ut  $RP$  ad  $RI$ . Quamobrem

248 DE TRANSFORMATIONE

brem rectangulum sub  $RP$ , &  $RE$  æquabitur constanti rectangulo sub  $AB$ , &  $RI$ , eritque idcirco  $RE$  in ratione reciproca  $RP$ , sive  $VR$ , ut oportebat. Constructio autem ipsa ostendet  $E_2$  determinari a  $P_2$  ad partem negativam.

710. Si ratio sit reciproca duplicata; manente in **F260**fig. 260  $VB$ , sit  $IBT$  curva jam descripta habens  $RI$  in ratione reciproca simplici  $VR$ , ductaque  $VIH$ , &  $HE$ , ut prius, habebitur quaesita  $RE$ . Erit enim  $AB$  ad  $AH$ , sive  $RE$ , ut  $RP$  ad  $RI$ , adeoque ob  $AB$  constantem  $RI$  in ratione composita  $RE$ . &  $RP$ , sive  $RE$  directe ut  $RI$ , & reciproce ut  $RP$ . Est autem ratio directa  $RI$  eadem, ac reciproca  $VR$ , & ratio reciproca  $RP$  eadem, ac reciproca  $VR$ . Quare erit  $RE$  in ratione reciproca duplicata  $VR$ , ut oportebat. Patet autem etiam hic, punctum  $I_2$  jacens ex parte negativa debere iterum reddere punctum  $E_2$  ex parte positiva. Patet etiam, si  $RI$  sit in ratione reciproca duplicata  $VR$ ; obventuram  $RE$  in ratione reciproca triplicata, sed tunc debere  $I_2$  jacere ex parte positiva, &  $E_2$  transire ad partem negativam, atque ita potroquevis multiplicatio rationis reciproce habebitur per gradus, jacente semper  $E$  ex parte positiva in numero pati, negativa in impati.

711. Quod si ratio ordinate multiplicata per aliquem numerum rationalem  $n$  debeat esse eadem, ac ratio abscissæ sive directa, sive reciproca multiplicata per alium quemvis  $m$ ; id facile præstari poterit ope curvarum jam constructarum. Fiat in fig. 261 axe  $MN$  curva **F261**  $SVT$ , cujus abscissæ  $VH$  sint in ratione ordinatarum  $IH$  multiplicata per  $n$ , ac curva  $S'VT'$ , cujus ordinatæ  $RP$  sint in ratione abscissarum  $VR$  multiplicata per  $m$ . His semel præparatis per quodvis punctum  $R$  agatur recta perpendicularis  $MN$ , donec occurrat curvæ  $VT'$  in  $P$ , tum  $PD$  parallela  $NM$  usque ad  $OQ$ , inde vero  $DH$  ad angulum  $VDH$  semirectum, quæ occurrat in  $H$  rectæ  $VN$ , deinde  $HI$  parallela  $QO$ , donec occurrat curvæ  $VT$  in  $I$ , ac demum  
per

LOCORUM GEOMETRICORUM. 249

per I recta parallela MN, quæ occurret RP in E, & determinabit quesitum punctum E. Nam erit ob angulum VDH semirectum, & DVH rectum, VH æqualis VD, sive RP. Erit autem VH in ratione IH, sive in ratione RE multiplicata per  $n$ , & PR in ratione VR multiplicata per  $m$ . Ergo ratio RE multiplicata per  $n$  erit eadem, ac ratio VR multiplicata per  $m$ , ut oportebat.

712. Porro si  $n$  sit numerus impar, &  $m$  par, habebitur casus figuræ 261; compositæ ex fig. 252, & 248, ac E<sub>2</sub> jacebit ex parte positiva, figura ipsa referente casus reliquos si. 248, vel 252: si fuerit &  $n$ , &  $m$  impar, habebitur casus fig. 262 compositæ ex 249, & 252, ac habebitur E<sub>2</sub> ex parte negativa, figura exprimente casus reliquos ipsarum figurarum 249, & 252: si fuerit  $n$  par, &  $m$  impar; habebitur casus figuræ 263 compositæ ex 251, & 249, figura ipsa referente casus reliquos fig. 250, nullo existente E<sub>2</sub>, quod respondeat R<sub>2</sub>, & respondentibus R binis E, & e. Quod si ratio ordinatæ multiplicata per  $n$ , deberet esse æqualis rationi reciprocæ abscissæ multiplicatæ per  $m$ , satis esset arcubus SVT parabolicis substituere curva hyperbolica figurarum 254, 255, 256, ita ut in figura 260, 261, 262 si esset in ratione reciproca abscissæ VR multiplicata per  $m$  & patet, eadem prorsus constructione obtineri intentum.

713. Atque hoc demum pacto constitui possunt omnes prorsus curvæ propositæ tam parabolici, quam hyperbolici generis, quæ quidem egregias, & utilissimas proprietates habent potissimum circa subtangentes, & arearum mensuram, quæ in omnibus accurate quadrabiles sunt, præter unicam Hyperbolam Conicam rationis simplicis reciprocæ, sed earum investigatio nec ad rem præsentem facit, & multo est expeditior ope quantitatum infinitesimalium: interea pergeremus ad considerationem transitus, qui fit e positivo in negativum.

714. Mirum sane, quam sibi ubique costans sit Geometria

metriapotissimum in lege continuationis servanda; cuius vi nihil usquam mutatur per saltum, aut totum simul exoritur, aut evanescit, sed a quacumque magnitudine ac aliam quamcumque semper itur per intermedias omnes: Nullus Loci Geometrici arcus usquam abrumpitur, sed vel in gyrum torquetur, vel in se ipsum reflectitur, ut in fig. 250 in V, ac vel in se ipsum redit, ut in Ellipsi, vel in infinitum protenditur, ut crura hyperbolica; & parabolica, vel spiras infinitis circumagitur, aut recedendo a puncto quodam ex altera tantum parte in infinitum, & ex altera accedendo semper, quin ad ipsum pertingat unquam, & quin tamen usquam abrumpatur, quod & illi accidit; quam spiralem logarithmicam appellant, & cuius naturam alibi persequemur, vel demum binis saltem spirarum ordinibus recedendo in infinitum, quod alia multae spirales praestant. Ac ordinatae normales, subnormales, tangentes, anguli tangentium cum axe, vel cum recta data quavis, vel cum recta utcumque per eundem Locum Geometricum definita, curvatura ipsa, directio curvae, ac quidvis aliud sine ullo saltu mutatur semper transeundo per omnes intermedias quantitates ejusdem generis.

715. Ea lex omnino servatur etiam, ubi e positivis quantitatibus transitur ad negativas, qui nimirum transitus non fit per saltum, sed per gradus continuos. Fit autem is transitus duplici modo, nimirum vel transeundo per nihilum, vel per infinitum. Ac ubi per nihilum transitur, res sane nullam admirationem parit, cum id, quod decrescit, donec evanescat penitus, admodum rerum constitutioni, & naturae ordini consentaneum sit, ut aliquando post interitum in oppositum, quemadmodum paullo superius num. 677 vidimus contingere in debito; vel in regressu fluvii. At transitus e positivo in negativum mysteria quaedam secum trahit, quae hic evolvenda sunt, & quae ad Sectionum Conicarum naturam, & analogiam, ac ad universam Locorum Geometricorum indolem perspiciendam mirum in modum conducunt. Primum autem proferemus exempla,

LOCORUM GEOMETRICORUM. 257

in quibus, e positivo in negativum fit transitus per nihilum, ac per infinitum petita etiam e vulgari Geometria, tum alia, quæ ad infinitum pertinent, addemus e Sectionibus Conicis demonstratis, ac ex illis ipsis curvis, quas hîc habuimus, & ad Hyperbolas, ac Parabolas sublimiores referri diximus adjectis etiam regulis quibusdam pro Locorum Geometricorum transformationibus.

716. Sit in fig. 264 recta indefinita AB, ac centro  $C$  extra ipsam assumpto, concipiatur circulus NKOQ<sup>264</sup> quovis intervallo, per cujus centrum transeat recta DE parallela ipsi AB, occurrens circulo in N ad partes A, D, in O ad partes B, E. Sit autem CH perpendicularis ad AB occurrens ipsi in H, & circulo in K versus H, ac in Q ad partes oppositas. Transeat demum per ipsum centrum C recta indefinita FG, quæ circulo occurrat in puncto L ad partes F, & M ad partes G, rectæ vero AB in P; atque ea recta concipiatur motu continuo delata in gyrum circa centrum illud C immotum ordine NKOQ. Minuetur primo HP, accedente L ad K, & evanescet: tum abeunte L in arcum KO in L', mutabit HP' directionem, adeoque post transitum per nihilum in H mutabitur e positiva in negativam, vel viceversa. Pergat FG converti; & Punctum P' perpetuo recedet ab H, aucta perpetuo HP' per omnes finitarum magnitudinum gradus in infinitum, donec L' abeat in O; quo casu intersectio P' in illo infiniti quodam velut immenso pelago quodammodo absorpta nusquam jam erit. Nam recta G'F' congruet cum DE parallela rectæ AB, adeoque cum ipsa AB nusquam concurret, licet in infinitum producat. Verum utcumque parum inde removeatur ita, ut abeat L' in M, & M' in L; statim P', quod post discessum in infinitum delituerat eo unico momento temporis, quo L' erat in O, jam invenitur ex parte opposita in P, ac, si finitas tantummodo quantitates contemplemur, mutata est HP', in HP habentem directionem contrariam. Nimirum etiam in transitu  
puncti

puncti P per infinitum abit ipsa HP' e negativa in positivam, vel viceversa.

717. Is transitus puncti P per infinitum ex una plaga in plagam oppositam videtur fieri motu prorsus continuo, tanquam si recta infinita HB, in infinita illa distantia connecteretur quodammodo cum recta infinita HA. Nullo enim tempore continuo deest locus aliquis punctis P, præter momentum illud, quo L' est in O, ac assignato quovis momento temporis, utcumque parum distante a momento illo quo L' est in O, assignari semper potest locus puncti P, qui idcirco eo solo momento temporis in infinito delitescit. In ipso vero motu continuo recta CF vertit quodammodo totum spatium conclusum parallelis CE, HB ita, ut nullum sit punctum utcumque proximum rectæ CE, utcumque remotum a recta CH, per quod aliquando non transeat, quod ipsum accidet rectæ CG respectu spatii DCHA, ubi punctum M' percurreret arcum NK, motu scilicet semper continuo, & nusquam interrupto.

718. Illud unicum est discrimen inter transitum rectæ HP' per nihilum, & per infinitum, quod nimirum in primo casu in ipso transitu ipsa quidem HP jam nulla sit, punctum vero P habeatur in H; in secundo punctum P in illo immenso infiniti pelago velut demersum nusquam jam sit, ipsa autem HP habeatur, & quidem infinita, nisi forte infinitum impossibile sit, qua de re paulo inferius. Illud interea generaliter notari potest, nihilum, & infinitum absolutum in extensione ita inter se connecti, ut quotiescumque in aliqua proportione geometrica bini termini finiti maneat, qui vel simul medii sint, vel simul extremi, si reliquorum alter evanescat, debeat alter evadere absolute infinitus, & viceversa, quod etiam hic manifestum fit, si ducatur L'Z perpendicularis ad KQ; erit enim CZ ad ZL', ut CH ad HP', ac abeunte L' in O evanescit CZ, & remanent finitæ CH, & ZL'; sed hac de re occurret iterum sermo.

719. Cæterum quod punctum  $P$  motu quodam continuo transeat per infinitum; & illud ipsum, quod ex altera parte demersum fuerat in infinito, & obrutum, regrediatur ex parte opposita; videtur erui etiam ex solutione problematis, quo quaeratur in figura 265, tertia  $CP$  continue proportionalis post binas  $CM$ ,  $CO$  datas. Si enim centro  $C$  intervallo majoris  $CO$  describatur circulus, cui occurrat in  $I$  rectæ  $MI$  perpendicularis ad  $CO$ ; ducaturque per  $I$  tangens infinita  $GF$ ; occurrentis rectæ  $AB$  alicubi in  $P$ ; erit ex circuli naturâ  $CP$  tertia proportionalis quaesita; ubi interea notetur & illud, licet eiusmodi rectâ in binis punctis  $I$  circulo occurrat, unicam tamen  $CP$  respondere, unico puncto  $M$ , & eandem ab utroque  $I$  exhiberi idcirco, quod cum etiam ob angulum rectum  $CIP$  sit  $CM$  ad  $MI$  ut  $MI$  ad  $MP$ ; ubi pro  $MI$  positiva, sumatur eadem negativa, manente directione primi termini  $CM$ ; & ea mutata in binis terminis proportionis quatuor terminorum  $CM$ ,  $MI$ ,  $MI$ ,  $MP$ ; debet manere etiam directio quarti termini  $CP$ ; adeoque ubi  $MI$  post transitum puncti  $I$  per  $O$  redeat ad magnitudinem eandem, licet oppositam directionem acquirit, debet redire eadem & magnitudo, & positio rectæ  $MP$ , & locus puncti  $P$  esse idem. Sed hoc ad transitum per infinitum non pertinet.

720. Pro ipso transitu per infinitum considerando; recta  $CO$  utrinque in infinitum producat in  $A$ , &  $B$ , ac circulo iterum occurrat in  $N$ , recta vero ipsi  $NO$  perpendicularis per  $C$  ducta occurrat circulo  $QQ$ ; & per utrumque  $Q$  sit tangens  $DE$  indefinite producta. Concipiatur jam punctum  $M$  motu continuo delatum ab  $O$  ad  $N$  ita; ut superato centro  $C$ , abeat in  $M$ . Punctum  $I$  transferetur per  $Q$  in  $I$ , tangens  $GF$  per  $DE$ , in  $G'F$ , punctum vero  $P$  per infinitum recedens ex parte  $B$  regredietur ex ipso infinito ex parte  $A$ . Ipsum quidem in ipso appulsu puncti  $M$  ad  $C$ , infinitum veluti obrutum, nusquam erit; tangens enim  $DE$  parallela  $AB$  nusquam ipsi  $AB$  occurret; at utrumque



parum distet  $M$  a  $C$ , erit omnino alicubi ex parte altera  $B$ , vel  $A$ . Porro in eo motu puncta  $M$ , &  $I$  semper intueri licet, quæ dum per  $Q$ , &  $C$  transeunt, transeunt illa quidem motu continuo, nec omnino mutantur, sed porro pergunt. Punctum igitur  $P$ , quod iis semper respondet, quod semper mentis acie saltem intueri possumus extra unicum infiniti casum, videtur, in illo unico infiniti casu in infinito ipso quodammodo delituisse, non interiisse, nec mutatum esse, dum in illo casu unico in infinito delituit quodammodo, sed ex plaga contraria rediisse idem, adeoque in illis plagis contrariis videntur quodammodo connecti rectæ  $CB$ ,  $CA$  nexu quodam nostræ menti impervio, sed qui, nisi infinitum repugnet, omnino haberi debeat. Porro nove  $CM'$  respondet ipsa nova  $CP'$  ex parte opposita, quia ex quatuor proportionalibus  $CM$ ,  $CO$ ,  $CO$ ,  $CP$ , mutata directione unius  $CM$ , ac manentibus  $CO$ , debuit mutari & postremæ  $CP$  directio, ac si pro  $CO$  sumatur  $CN$ , & fiant  $CM'$ ,  $CN$ ,  $CN$ ,  $CP'$  proportionales, mutatis primis tribus, mutari debet, & quartus terminus, cum (n. 688) mutationum numerus impar, inducat mutationem in termino per præcedentes determinato par vero ipsum retineat.

721. Porro ipsa hæc mira continuatio, in translatione puncti per infinitum ad plagas profus contrarias, & menti nostræ impervius infiniti nexus plurimis aliis exemplis e Geometria petitis confirmatur, ubi nimirum, quæ cum puncto in infinitum recedente ita, ut nusquam jam sit, connectuntur, mutari cernimus motu continuo, & oculis ipsis subjecta, ac quodammodo velut devincta retinemus, ne in transitu per nihilum fugiant, & mutantur. Unum ex huiusmodi exemplis hic proferemus, in quo quidem omnino videbitur demonstrari immediatus ille transitus, & infiniti nexus, ac patebit, rectam lineam haberi debere pro circulo, cujus radius sit infinitus, & cujus centrum in infinita illa distantia, quodammodo velut ob-

rum

rum delitescat, ac deinde ex parte opposita regredia-  
tur. Ubi autem ex eo plures fructus perceperimus,  
progrediemur ad illustrandam ejus ope continuationis  
legem, & multa, quæ ad cuspides, atque ad infinita  
curvarum crura pertinent, evolvemus. Multo autem  
plura in ipsis Sectionum Conicarum proprietatibus oc-  
current ex hoc miro, & nostræ menti prorsus imper-  
vio infiniti nexu in plagis oppositis derivata ubi etiam  
dum earum natura, & analogia evolvitur, mysteria  
quædam se prodent, quæ mentem altius defixam, ac  
geometricis meditationibus initiatam incredibili sane  
voluptate perfundatur.

722. Concipiatur in ipsa fig. 264 radio PH circulus<sup>264</sup>  
occurrent ipsi AB præterea in R. Moveatur jam, ut  
prius, punctum L per arcum NKOQ, & mentis acies  
defigatur in mutationes omnes, quæ interea accident  
ipsi circulo, tum quod ad magnitudinem, tum quod  
ad directionem pertinet curvaturæ. Curvatura qui-  
dem circuli & est minor, quo radius est major;  
eo enim magis ejusdem longitudinis arcus ad rectam  
accedit lineam, quo e majore abscinditur circulo,  
quam ob causam putei superficies, quæ ex ingenti  
totius Telluris sphaera desumitur, sensibus apparet  
prorsus plana: atque idcirco circuli curvatura æsti-  
mari solet ita, ut sit in ratione reciproca simplici ra-  
diorum.

723. Dum igitur punctum L accedit ad K ultra quos-  
cumque limites, minuitur radius HP pariter ultra li-  
mites quoscumque, & ultra quoscumque limites auge-  
tur curvatura. Apellente L' ad K, appellit P' ad H,  
evanescit radius HP, evanescit circulus, postquam  
per omnes finitatum magnitudinum gradus decreve-  
runt; curvatura autem ipsius circuli per omnes pari-  
ter finitatum magnitudinum gradus aucta infinita esse  
deberet in eo casu, ut in fig. 265 recta CP recipro-  
ca CM infinita evadere debuit, in ipso velut interi-  
tu rectæ CM evanescentis. Transiente L in L', jam  
terum radius HP', ac circulus per omnes itidem fini-

tarum magnitudinum gradus crescunt, curvatur vero minuitur; at curvatura ipsa jam oppositam directionem acquisivit, & quæ cavitas prius respiciebat plagam A in infinitum extensam; jam plagam B respicit extensam pariter in infinitum ad partes contrarias. Habemus igitur jam, curvaturam in transitu quodam per infinitum directionem mutasse motu continuo, & postquam cavitas quibusdam velut hiantibus oculis plagam A aspectaverat, utut motu continuo pergens, ipsos oculos jam ad plagam B conversos habet. Verum hic quidem curvatura ipsa ad illam infiniti magnitudinem videtur accessisse ultra quoscumque limites, at eam nequaquam attigisse, nisi in ipso puncto; quod partibus, & flexu caret, quandam velut infinitam curvaturam animo constringimus.

724. Pergat jam moveri  $L'$  versus  $O$ : perget augeri circuli radius, & ipse circulus, ac per omnes magnitudinum finitarum gradus excrescent in infinitum. Interea vero curvatura circuli decrescet pariter ultra quoscumque limites, & periphæria ad rectam  $CH$  utrinque in infinitum productam in  $S$ , &  $T$  accedet pariter ultra quoscumque limites ita, ut nullum sit punctum  $V$  ejusdem rectæ in quacumque distantia ab  $H$  assumptum, ad quod ea periphæria aliquando non accedat ultra quoscumque limites distantie quoscumq;  $VI'$  utcumque parvæ. Ubi cumque enim assumatur punctum  $I'$  extra rectam  $ST$ , semper inveniri poterit locus centri  $P'$  in recta  $AB$  ejusmodi, ut periphæria per ipsum transeat. Satis erit rectam  $HI'$  ducere, tum ad  $I'$  constituere angulum  $HI'X$  æqualem angulo  $I'HB$ , & recta  $I'X$  debet rectæ  $HB$  occurrere alicubi ob angulos  $I'HB$ ,  $HI'X$  simul minores duobus rectis; ac ob eorum angulorum æqualitatem debet ibidem triangulum constituere isoscelium: ac proinde ubi ad eum occursum devenerit  $P'$  transibit periphæria per  $I'$ , & eo transgresso, periphæria ipsa adhuc ad  $V$  accedet propius. Quod quidem cum verum omnino sit de quovis puncto  $I$  utcumque proximo cuivis puncto  $V$  rectæ  $ST$ : periphæria ipsa mo-

tu continuo verret quodammodo, ac velut perradet omne spatium planum, quod a recta  $ST$  in infinitum protenditur ad partes  $B'$  ita, ut nullum sit punctum ejus infiniti spatii, ad quod aliquando peripheria non pertingat; dum  $L'$  percurrit arcum  $KO$ , nullum, ad quod iterum redeat, sed assignatio quovis puncto ejus spatii, ubicumque posito, assignari semper possit locus centri  $P'$  ipsi respondens in recta  $HB$ , & puncti  $L'$  locus in arcu  $KO$ , ac utrolibet ex his assignato, assignari pariter possint omnia superficiei puncta, per quæ tum transit ipsa peripheria.

725. Abeunte  $L'$  in  $O$ , punctum  $P'$  infinito obrutum, nusquam erit, at abeunte  $L'$  in arcum  $OQ$ , &  $P$  ex parte opposita emergente ex infinito, jam circumlum habebimus cum directione curvaturæ opposita, jacentem penitus ad plagam a priore prorsus averfam respectu rectæ  $ST$ , Radius, & circulus decrescent per omnes finitarum magnitudinum gradus, curvatura crescet, arcus autem eodem ordine verret, ac perradet omne spatium, quod ab ipsa recta  $ST$  porrigitur in infinitum ad partes  $A$  ita, ut per quodvis punctum  $L$  ejusdem spatii transeat aliquando, donec, abeunte demum  $L'$  in  $Q$ , recidat iterum  $P$  in  $H$ , ac eadem phenomenon series exordiatur.

726. Jam vero quinam futurus est peripheriæ status in ipso appulsu  $L$  ad  $O$ , in quo punctum  $P'$  ita in infinitum recessit, ut nusquam jam esset? Debit sane congruere cum ipsa recta  $ST$  in infinitum producta. Concipiantur enim omnes infiniti status punctorum  $P'$ , &  $L'$ , ac omnes pariter infiniti status peripheriæ circa punctum  $H$ . Cuius ex illis respondere debet aliquis ex his. Nullus autem ipsius peripheriæ status habetur extra rectam  $ST$ , cui non respondeat altera ex parte rectæ  $ST$  suus status punctorum  $L' P'$ , nec ullus est puncti  $L$  status in arcu  $KOQ$  extra  $O$ , cui non respondeat aliquis status puncti  $P$  in recta infinita  $AB$ , & aliquis peripheriæ status hinc, vel inde a recta  $ST$ . Quare pro appulsu puncti  $L'$  ad  $O$ , cui

respondet casus ille puncti P' in immensam illam infiniti abyssum; atque voraginem velut demersi, ille unicus status peripheriæ relinquitur, nimirum congruentia cum recta ST. Quoniam a peripheria circa H universam aream perradit ex parte B motu continuo, & in illo transitu L' per O abiit ad plagam oppositam; profecto debuit in ipso appulsu L' ad O transire per rectam ipsam; nec a punctis I' ad puncta I transilire potuit, nisi transeundo per puncta V.

727. Inde autem duplici via nexus ille infiniti videtur erui: primo quidem, quia recta ipsa infinita ST debet considerari tanquam circulus quidam infinitus; cujus centrum sit in infinita quadam distantia; sive ex parte B; sive ex parte A, quæ partes in ipso infinito copulentur quodammodo, & jungantur, ut ipsa circuli peripheria ab H versus T digressa ad ipsum H ex parte S redeat quodammodo ductu continuo; nec usquam abrupto. Secundo vero, quia ut peripheria illa eadem circa H, ex parte SBT transit motu quodam continuo ad partem SAT; nec in ipso transitu est mutata, sed se explicavit quodammodo, & sine saltu ullo in rectam abiit; ac deinde in contrariam partem se flexit; ita & illud ejus centrum P' videtur idem itidem mansisse, nec in illo transitu per infinitum commutatum esse.

728. Atque hinc quidem liceret jam ad Conicarum Sectionum analogiam quandam considerandam migrare, sed quo plenius intelligatur res ipsa, addenda quædam, quæ pertinent ad regressum puncti cujuspiam motu continuo delati a finitis quibusdam limitibus; & ab ipso infinito; quæ ad continuitatem Locomum Geometricorum intimius cognoscendam conducunt, & cum his, de quibus agimus, nexus habent arctissimos.

729. In primis ubi quæpiam quantitas perpetuo defecit, ac demum evanescit coeuntibus binis illis limitibus; quibus terminatur, ut, ubi de lineis agitur, binis punctis; aliquando quidem in contrariam mutatur, & in negativam abit, motum suum prosequente

quente altero ejus limite, vel utroque, si uterque limes sit mobilis, quod in exemplis contigit huc usque allatis; aliquando vero retro regreditur; & cum eadem directione iterum crescit ex parte positiva, limitibus illis ipsis, vel eorum altero, si alter immotus manet, retro cursum reflectentibus; unde advenerant. Eodem vero pacto etiam ubi quantitas excrescit in infinitum, aliquando quidem ejus limes ex infinito regreditur ex parte opposita, ut pariter in exemplis huc usque allatis contigit; aliquando vero ex eadem itidem parte infiniti redit retro, quo pacto quantitatis ipsius directio non mutatur. Rem itidem exemplis e simplici Geometria petitis illustrabimus.

730. In fig. 264. vidimus, HP mutare directionem tam ubi in appulsu L ad K, vel Q evanescit, quam ubi in appulsu ad O; vel N transit per infinitum. Id quidem semper accidet; ubicumque assumatur C intra circulum, ducta per ipsum punctum C recta DNOE; & excurrente puncto L motu continuo per circuli peripheriam. At si, ut in fig. 266, punctum C assumatur extra circulum ita, ut e binis tangentibus ex ipso ductis ad circulum ipsum altera CQ sit parallela AB; quæ producatur indefinite in DE, altera sit CK; quæ ipsam AB secet in H; ac punctum L ipsius circuli peripheriam percutrat omnem motu continuo, & recta GF per ipsum, ac per C transeat semper intersectio illa P oscillabit quodammodo inter nihilum; & infinitum; retro ex utroque limite regrediens sine directionis mutatione. Si enim in arcu circuli inter Q, K ad partes C ponatur I, ad partes vero contrarias R, & punctum L per arcum QRK excutrat versus K motu continuo; minuetur HP: eo appellente ad K, ipsa HP evanescet; eo abeunte in L' in arcum KIQ, iterum P regredietur, & HP crescet eadem directione, quâ prius, ac per omnes magnitudinum finitarum gradus interjacentes inter nihilum, & infinitum, evadet demum absolute infinita, ubi L' appellit ad Q; quo abeunte in L in arcum

QRK, iterum P retro redibit ex infinito ex eadem plaga sine transitu ad directionem oppositam, ac decreset per omnes magnitudinum earundem gradus ab infinito, usque ad nihilum, & ad ipsum nihilum appellet, ut prius, in ipso appulsu L ad K.

731. Hæc autem ipsa videre est in illis Parabolarum, ac Hyperbolarum generibus, de quibus a nu. 694 egimus, ubi Parabolæ ostendent binos hosce casu per nihilum; Hyperbolæ vero in transitu per infinitum. Nam  
 F248 in fig. 249, ubi punctum P per arcum TVS motu continuo excurrat, minuitur tam abscissa VR, quam ordinata RP ultra quoscumque limites, evanescunt in ipso appulsu ad V, tum abeunte P in P<sub>2</sub> crescit utraque ex parte opposita, directionem mutata in ipso transitu per nihilum. In fig. 248 in transitu per nihilum in V mutat quidem directionem abscissa VR abiens in VR<sub>2</sub>, sed ordinata RP non mutat, quæ nimirum retro regreditur in R<sub>2</sub>P<sub>2</sub>. In fig. 250 e contrario, abeunte P per V in p, ordinata RP mutat directionem in Rp: abscissa VR retro regreditur. At in fig. 254 si recta quædam parallela QO moveatur motu continuo, directione NM, excrescit ordinata RP in infinitum, per quod transit in ipso appulsu R ad V, tum abeunte R in R<sub>2</sub>; mutat directionem, & abscissa VR delata in VR<sub>2</sub> transgressa nihilum, & ordinata RP in R<sub>2</sub>P<sub>2</sub> transgressa infinitum, ubi punctam P a cruce Pt transit motu quodam continuo ad crus sP<sub>2</sub>. quasi illa infinita crura in illa infinita distantia licet vergente ad partes oppositas, inter se quodammodo connecterentur, & continuarentur. At in fig. 255 abit quidem abscissa VR in VR<sub>2</sub> per nihilum directione mutat, at ordinata RP directionem suam retinet in R<sub>2</sub>P<sub>2</sub>, quo casu crus Pt cum cruce sP<sub>2</sub> continuatur quodammodo in illo infinito, ex quo ex eadem plaga O regreditur. In fig. 256, arcus Pt cum arcu sp continuatur quodammodo in illa infinita distantia opposita, & abscissa quidem VR retro regreditur e nihilo ordinata vero RP in motu puncti P per Ptsp transgresso infinito mutatur, & oppositam directionem acquirit.

quitit . Porro in hoc casu continuari arcum  $Pt$  cum  $sp$  in illis plagis oppositis , colligitur ex eo , quod si per  $B$  agatur recta infinita  $IH$  occurrens cruri  $Pt$  in  $P$  , tum convertatur , ut angulo  $ABH$  evanescente congruat cum directione  $BA$  , & fiat parallela rectæ  $OQ$  , tum pergat ulterius in  $I'H'$  , punctum  $P$  , peragrato toto arcu infinito  $Pt$  , ex parte opposita regredietur per  $sp$  in  $p$

732. In his quidem exemplis habuimus mutationem & abscissæ , & ordinatæ in fig. 249 , & 254 ; mutationem abscissæ , & regressum ordinatæ a nihilo , vel infinito in fig. 248 , & 255 ; regressum abscissæ , & mutationem ordinatæ in fig. 250 , & 256 . Nulla ex curvis ejus generis exhibet regressum utriusque tam abscissæ , quam ordinatæ , ac cuspidem quidem , quæ ibi occurrunt , habent binos arcus positos hinc , & inde a communi tangente , & crura asymptotica , si regrediuntur ex eadem parte infiniti , jacent pariter hinc , & inde ab asymptoto . Sed facile est , curvas invenire harum ope , in quibus uterque arcus jaceat ad eandem tangentis partem , ac utrumque crus ad eandem partem asymptoti , regredietur autem abscissa e nihilo , ac ordinata siue e nihilo , siue ex infinito .

733. Sit in fig. 267 cuspis  $D'OD$  ejusdem generis F267 ac in 250 , vel 253 , in qua tangens  $OA$  jaceat inter binos arcus  $OD$  ,  $OD'$  . Assumpta  $AV$  ad arbitrium ducatur recta  $MN$  in quovis angulo finito cum  $OA$  , quæ occurrat rectæ  $OA$  in  $A$  , captoque in eadem recta segmento  $AV$  ad arbitrium , ducatur  $VO$  indefinita , ac per quodvis ejus punctum  $E$  recta  $EL$  parallela  $MN$  , quæ occurrat curvæ  $D'OD$  in  $I'$  ,  $I$  , rectæ  $OA$  in  $F$  , ac in ipsa  $EL$  capiatur  $EP$  tertia post  $VE$  ,  $EI$  , &  $EP'$  tertia post  $VE$  ,  $EP'$  in eadem directione , in qua jacent  $EI$  ,  $EI'$  , nisi directio  $VE$  mutata , cogat mutare directionem ipsius  $EP$  , vel  $EP'$  , & puncta  $P$  ,  $P'$  erunt ad novam cuspidem  $TOS$  , cujus tangens erit ipsa illa recta  $VO$  ita , ut uterque arcus  $OT$  ,  $OS$  jaceat ad eandem partem tangentis ipsius . Nam accedente  $E$  ad  $O$  ultra quoscumque limites ,



limites, decrefcit etiam  $EF$ , adeoque tam  $EI$ , quam  $EP$  ultra quoscumque limites. Quamobrem  $EP$ , &  $EP'$  decrefcunt ultra quoscumque limites etiam respectu ipsarum  $EI$ ,  $EI'$ , adeoque respectu  $EF$ , & respectu  $EO$  habentis ad  $EF$  rationem finitam; unde fit, ut recta per  $O$ , &  $P$ , vel  $P'$  ducta accedat ad  $OV$  ultra quoscumque limites, quæ idcirco punctis  $P$ ,  $P'$  abeuntibus in  $O$  simul fiet tangens, & recidet in rectam  $VO$ : jacebit autem tam  $EP$ , quam  $EP'$  in directione eadem prope cuspidem, cum  $EI$ ,  $EI'$  in eadem directione jaceant.

F268 734. At in fig. 268 sint bina crura asymptotica  $ID$ ,  $ID'$  hinc, & inde ab eadem asymptoto  $AB$ , ut in fig. 255, & 256 ab iisdem  $VO$ ,  $VN$ . Secet ipsam  $AB$  quevis  $MN$  in  $A$ , & hanc in  $V$  secet  $OQ$  parallela ipsi asymptoto  $AB$ . Ducta vero recta  $EL$ , ut prius, fiat pariter  $EP$ , vel  $EP'$  tertia post  $VE$ ,  $EI$ , vel  $EI'$ , & puncta  $P$ ,  $P'$  erunt ad alia bina crura  $Tt$ ,  $Ss$ , quæ habebunt pro communi asymptoto rectam  $VO$ , sed jacebunt ad eandem partem respectu ipsius. Crescente enim  $VE$  in infinitum, accedunt  $EI$ ,  $EI'$  in infinitum ad  $EF$  æqualem datæ  $VA$ . Quamobrem  $EP$ ,  $EP'$  tertiæ post  $VE$ , &  $EF$  decrefcunt in infinitum, & crus utrumque accedit ad  $VO$  ultra quoscumque limites, quam idcirco habet pro asymptoto. Quoniam vero rectæ  $EI$ ,  $EI'$  eandem directionem habent; habebunt eandem etiam  $EP$ ,  $EP'$ , & ramus uterque jacebit ad eandem partem asymptoti.

735. Porro in utraque constructione facile admodum inveniuntur puncta  $H$ ,  $H'$ , in quibus nova curva priorem secat. Ea determinabuntur a recta secante bifariam angulum  $OVN$ . Si enim hæc recta occurrat rectæ  $EL$  in  $L$ : patet ob angulum  $ELV$  æqualem alterno  $LVN$ , adeoque etiam angulo  $EVL$ ; fore  $EL$  æqualem  $EV$ , adeoque  $EP$ , vel  $EP'$  tertiæ post  $EL$ ,  $EI$ , vel  $EI'$  fore minorem, æqualem, vel majorem respectu  $EI$ , prout fuerit  $EI$  respectu  $EL$ . Quare ubi  $L$  congruet cum  $I$ , vel  $I'$  in  $H$ , vel  $H'$ , ibi cum iisdem congruet etiam  $P$ , vel:

P, vel P'. Sed hæc ad rem præsentem nullius sunt usus. Illud autem huc pertinet, quod in fig. 267 si habeatur pro abscissa OE; pro ordinata EP, EP' vel etiam EI; EI', excurrente P, vel I per arcum TPOP'S, vel DIOI'D', regreditur simul e nihilo tam abscissa OE, quam ordinata EP, vel EI; manente eadem directione etiam in EP', vel EI'. At in fig. 268, si ducantur ordinatæ PR, P'R' parallelæ rectæ OV, abeunte P per crura Tt in infinitum, ac redeunte per sP'S ex infinito, tam abscissa VR, retro regredietur per VR' e nihilo, quam ordinata RP per R'P' ex infinito.

736. At hujusmodi curvam, quæ bina crura asymptotica habeat ad eandem asymptoti partem, & quæ idcirco eundem illum regressum exhibere possit utriusque; nimirum tam abscissæ, quam ordinatæ, admodum facile est constituere etiam in fig. 266. Satis est ibidem rectam CP producere ita; ut PO, PO' sint æquales ipsi-F266sis CL, CL', & omnia puncta O, O' erunt ad curvam SO'MOT, quæ continget in M rectam CH producta ita, ut sit HM æqualis tangenti CK; habebit vero bina crura O'S, OT in infinitum tendentia ab eadem parte rectæ HA, quæ erit asymptotus utriusque. Ductis enim CV, ON, O'N' perpendicularis in ipsam AH, erit CP ad PO, vel PO'; nimirum ad CL, vel CL', ut CV ad ON, vel O'N'. Quare aucto in infinitum primo termino CP in accessu L, vel L' ad Q, & manentibus finitis CV, CL, vel CL', debet ON, vel O'N' decrescere ultra quoscumque limites; & cum CL, CL' ambæ directionem habeant semper eandem; eandem pariter directionem habebunt semper & PO, PO', utroque puncto O jacente ad eandem partem rectæ AH. Abeuntibus autem L, & L' in K, patet O, & O' debere abire in M; unde illud consequi patet, rectam nimirum FG evadere tangentem curvæ TMS.

737. His fufius aliquanto expositis licebit jam inde ertere continuitatem quandam in ipsis Sectionibus Conicis, quæ in Hyperbola fit cum transitu per infinitum ad partes oppositas, in Parabola vero cum regressu. In

**F269**fig. 269 sint inter asymptotos  $MCm$ ,  $NCn$  bini rami ejusdem Hyperbolæ  $SDT$ ,  $sdt$ , ac recta quædam infinita  $RB$  transiens per ejus punctum  $D$  ipsi iterum occurrat in  $P$ , & circa ipsum  $D$  motu continuo convertatur, donec integram conversionem absolvat: jaceat autem  $PI$  in cruce  $DS$ , per quod ita excurrat, ut  $A_1B_1$  evadente in  $A_2B_2$  parallela asymptoto  $Mm$ , nusquam jam sit, sed cruce toto peragrato in infinito illo quodammodo delitescat: abeunte  $A_2B_2$  in  $A_3B_3$  jam punctum  $P$  emerget in  $P_3$  ex distantia infinita opposita in cruce  $s$ , ac motu continuato per  $A_4B_4$  peragrabit  $P_4$  totum crus  $t$ , donec facta  $A_5B_5$  parallela asymptoto  $Nn$ , iterum nusquam sit: pergente vero recta in  $A_6B_6$  regredietur ex infinito ex parte opposita per crus  $T$ , quod percurrat totum, donec recidat in  $D$ , facta  $A_7B_7$  tangente. Atque hoc quidem pacto, ubi recta  $AB$  dimidiam conversionem absolverit motu continuo, Punctum itidem  $P$  motu continuo percurrat utcumque Hyperbolæ ramum, & Hyperbola ipsa habenda erit pro curva quadam continua, quæ quodammodo in orbem redeat etiam ipsa, & in infinitis illis oppositis distantibus quodammodo veluti conjugatur, connectaturque, cruce  $t$  conjuncto cum  $T$ , &  $s$  cum  $S$ . Ductus autem ejus continuus est  $DP_1S$  (*infinitum*)  $sP_3P_4t$  (*infinitum*)  $TP_6D$ .

738. Quod si punctum  $D$  assumatur intra Hyperbolæ ramum ubicumque recta binas semper habebit intersectiones cum ejus perimetro juxta num. 284, dempto casu, quo evadat asymptotis parallela, quo casu altera ex intersectionibus in infinitum abibit, & nusquam jam erit; semper autem ex infinito redibit ex parte opposita; unde consequitur etiam illud, mutari semper rectam  $DP$  e positiva in negativam in quovis transitu puncti  $P$  ex altero ramo in alterum. Sic  $DP_1$  jacet directione  $DA_1$ , sed  $DP_3$  post transitum per infinitum contrarium directionem habet  $DB_3$  quam habet etiam  $DP_4$ ; at iterum superato infinito  $P_6$  jacet ad partes  $A_6$ . Quare si qua recta digressa a dato

dato puncto, & terminata ad alterum ramum habeatur pro positiva; ubi ad ramum alterum terminabitur, habenda erit pro negativa. Chorda quoque quavis, quæ ad eundem ramum terminabatur, si terminetur ad utrumque, e positiva transibit in negativam.

739. Hinc autem etiam, si concipiatur Hyperbolæ ordinata  $Pp$  in fig. 11 post recessum puncti  $R$  in infinitum regressumque per  $R'$  ex parte opposita regrediens per  $P'p'$ , permutablebuntur puncta  $P, p$  in  $p', P'$  ita, ut existente  $P$  in latere dextro, sit  $P'$  in sinistro, & viceversa  $p$  e latere sinistro transeat in  $p'$  in latus dexterum, mutata itidem ipsius chordæ  $Pp$  directione in contrariam in  $P'p'$ , eaque ipsa e positiva migrante in negativam, vel viceversa.

740. At in Parabola longe alio modo se res habet. Habetur nimirum regressus ex infinito in recta  $DP$  in fig. 270. Si enim per punctum quodvis perimetri  $D$  transeat recta  $A_1B_1$ , & occurrat ipsi perimetro iterum in  $P_1$ , tum moveatur ita, ut accedat ad positionem parallelam axi; recedet  $P_1$  ultra quoscumque limites per crus  $DS$ , & semper alicubi existet; donec  $AB$  fiat in  $A_2B_2$  parallela axi, quo casu juxta num. 149 ipsum  $P$  nusquam jam erit: at progrediente recta ipsa in  $A_3B_3$ , statim habebitur  $P_3$  in cruce  $TD$ , quod punctum percurrat totum id crus, donec in idem punctum  $D$ , ex quo fuerat digressum, recidat ubi  $AB$  evaserit tangens in  $A_4B_4$ . Hic igitur  $DP$ , ubi in  $DP_1$  in infinitum excreverit, retro redibit in  $DP_3$  cum directione eadem. Erit autem Parabola etiam ipsa curva quædam continua in se quodammodo rediens hoc ordine  $DP_1S$  (*infinitum*)  $TP_3D$ .

741. Hic autem mirus itidem videtur nexus crurum  $S$ , &  $T$  in infinita licet distantia a se invicem se conjungentium quodammodo. Recedunt illa juxta num. 77: & ab axe, & a se invicem ultra quoscumque limites: at ut in Hyperbola binorum ramorum crura continuabantur in illa infinita opposita distantia

stantia, ita hinc continuantur quodammodo crura  $S$ ,  $T$  in distantis oppositis. Si nimirum  $D$  sit vertex axis  $DA_2$ ; & concipiatur ordinata  $P_1P_3$ , quæ abeunte  $R$  in infinitum, & regresso inde regrediatur cum ipso; puncta ipsa  $P_1$ ,  $P_3$  non regredientur, sed  $P_1$  transibit in  $P_3$ , &  $P_3$  in  $P_1$  transgresso infinito, in quo & ordinata ipsa in infinitum excrescens continuatur quodammodo, & crura  $S$ ,  $T$  continuantur. Hiatus vero ille inter bina crura  $S$ ,  $T$  licet excrescens in infinitum considerandus erit tanquam punctum quoddam infinitæ peripheriæ infiniti circuli descripti facto centro in vertice  $D$ . Utcumque enim exiguus angulus fiat  $A_1DA_2$ , semper (num. 286) recta  $A_1B_1$  occurreret iterum alicubi in  $P_1$  cruri parabolico, & ultra ipsum excurreret. Si nimirum facto centro in  $D$ , assumpto radio quovis, de scribatur circulus occurrens rectis  $A_1D$ ,  $A_2D$ ,  $A_3D$  in  $H_1$ ,  $H_2$ ,  $H_3$ , utcumque exiguus sit arcus  $H_1H_2$ , semper punctum  $A_1$  excurreret ultra Parabolæ ramum, ut pariter utcumque exiguus sit arcus  $H_2H_3$ , excurreret  $A_3$  ultra ipsum ramum. Quare si sumatur arcus  $H_1H_2$  in quavis utcumque exigua ratione ad totam sui circuli peripheriam, in circulo, qui concipiatur descriptus radio  $DA$  superante chordam  $DP$ , adhuc minorem rationem habebit arcus interceptus cruribus  $ST$ , cum eam habere debeat arcus interceptus rectis  $P_1A_1$ ,  $P_3A_3$ . Quare in circulo infinito ea ratio debet esse prorsus nulla, ita, ut arcus interceptus ipsis cruribus nec habeat unum gradum illius circuli, nec unum minutum, nec unum secundum, & ita porro, sed haberi debeat respectu ipsius prorsus ut punctum quoddam, quod illi idææ continuitatis crurum  $ST$  magis etiam favet, & videtur excludere saltem quemdam infinitum a crure  $S$  ad  $T$  in illo continuato motu puncti  $P$  peragrantis ramum omnem Parabolæ, qui quodammodo redeat in se ipsum.

742. Porro eadem continuatio, & nexus crurum, ac regressus curvæ in se ipsam ope infiniti habetur etiam in curvis reliquis, de quibus hic egimus, sive para-

bolici generis sint, sive hyperbolici. In primis in fig. 248, & 249, quodvis Parabolæ genus in orbem <sup>F248</sup> redit hoc ordine, VPT (*infinitum*) SP<sub>2</sub>V, & in 249 fig. 250 VPT (*infinitum*) SpV. Id patebit, si concipiatur recta indefinita transiens per P, & V. Si enim ea moveatur circa V, & discedens a positione MN convertatur, donec deveniat prius ad positionem QO, tum ad NM, punctum P percurreret prius totum crus VT, ex quo motu continuo transibit ad crus SV, quod percurreret, crure T connexo quodammodo cum crure S in illa infinita distantia. In ramis pariter Hyperbolicis in fig. 254, 255, 256, semper habebitur <sup>F254</sup> continuatio crurum t, s, ac T, S in infinita distantia, & ductus curvæ continuus habebitur per BT (*infinitum*) <sup>255</sup> SP<sub>2</sub>s (*infinitum*) tPB, ac in fig. 254 tam T, & S, <sup>256</sup> quam t, & s coniunguntur in distantia infinita opposita, in fig. 255 T, & S coniunguntur in opposita t, & s in eadem, in fig. 256 contra T, & S in eadem t, & s in opposita.

743. Generaliter autem in figuris omnibus geometricis, sive quarum omnia puncta inveniri possunt quocumque modo ope simplicis Geometriæ, vel ope curvarum per simplicem Geometriam constructarum per puncta, si quod crus in infinitum abeat, semper habebitur crus alterum ex infinito regrediens vel ex eadem parte, vel ex contraria cum ipso in illa infinita distantia connexum quodammodo, quod omnino ad continuitatis legem ubique in Geometria servatam religiosissime est necessarium, ac ope calculi algebraici generaliter demonstrari potest, & ubi de applicatione Algebrae ad Geometriam agendum erit, omnino demonstrabitur. Quamobrem eiusmodi crura semper erunt numero paria. Idem autem, & sublimioribus curvis quibusdam contingit, quas transcendentes vocant, præter spirales quasdam, quæ ex altera parte in infinitum recedunt, ex altera circa punctum quoddam, vel orbem quendam infinitis spiris circumvolvuntur accedentes semper, quin unquam in ipsum recidant, de quibus

268 DE TRANSFORMATIONE

bus agemus alibi. Crura autem hujusmodi, vel parabolici erunt generis, vel hyperbolici. Primi generis crura nullam habent rectilineam asymptotum, ad quam accedant ultra quoscumque limites, sed ultra quoscumque limites a quavis recta data recedunt. Secundi generis crura habent rectilineam asymptotum omnia, ad quam ultra quoscumque limites accedunt. Illa semper recedunt a se invicem in infinitum; & in distantia infinita copulantur: hæc quandoque a se invicem recedunt, in infinitum quandoque vero accedunt; at in primo casu semper recedunt ad plagas prorsus oppositas ita, ut adhuc asymptotum eandem habeat semper utrumque crus, quod ubi in infinitum discesserit ex parte altera ejus asymptoti poterit regredi vel ex eadem parte, vel ex opposita, ac vel ita, ut binacrura jaceant respectu ejusdem asymptoti ad easdem plagas, vel ita, ut jaceant ad oppositas. Crus  $Pt$  recedit in infinitum ad partes  $O$  asymptoti  $OQ$  in fig.

F254254, 255, 256, 268, regredi, autem in primâ ex parte 255 te opposita  $Q$ , & ad plagam oppositam  $VM$ , respectu 266 cru asymptoti ipsius; in secunda ex eadem parte  $O$ ; 268 sed pariter ad plagam oppositam  $VM$ , in tertiâ ex parte opposita  $Q$ , sed ad eandem plagam  $VN$ , in quartâ ex eadem parte  $O$ , & ad plagam eandem  $VN$ .

744: Sic autem etiam in arcubus, qui ad punctum quoddam terminantur, idem accidit, ut ducta ibidem tangente, & recta ipsi tangenti inclinata utcumque, quæ nimirum recta producta cum ea ipsa tangente pariter producta continet 4 angulos; arcus curvæ ipsius continuari debeat, sed jacere possit in quovis ex illis F248 quatuor angulis, sive regrediens, sive progrediens. Arcus 249  $VS$ , qui est continuatio arcus  $TV$  jacet in fig. 250 248, & 253, in angulo  $OVM$ , jacente ad latus respectu 351 anguli  $OVN$ , in quo jacet  $TV$ ; in fig. 249, & 252 in angulo  $MVQ$ , ad verticem opposito: in 243 fig. 250, & 251 in angulo  $NV$  jacente ad latus alterum: at in fig. 267, tam arcus  $TO$ , quam  $OS$  jacent in eodem angulo  $VOA$ : Quotiescumque autem con-

continuatio habetur in angulo ad verticem opposito, ut in secundo ex hisce quatuor casibus, habetur mutatio flexus in ipso nexu binorum arcuum, recta, quæ arcum utrumque tangit, ibidem ipsum secante, ut in fig. 249, & 252. Quotiescumque habetur continuatio in eodem angulo, ut in fig. 267, habetur cuspis secundi generis duorum arcuum, quorum alter convexitatem obvertit alterius cavitati. In reliquis binis casibus habetur vel continuatio quædam curvaturæ in eandem plagam, ut in fig. 248, & 251, vel cuspis primi generis duorum arcuum sibi obvertentium convexitates, ut in fig. 250, & 253, prout arcus continuatus jacet ad eandem tangentis partem, vel ad oppositam, in quo postremo casu cuspidis primi generis tangens curvam pariter in ipso contactu secat. Cuspis autem primi generis figuræ 250, & 253 habens tangentem insertam inter binos arcus respondet cruribus hyperbolicis figuræ 255 habentibus asymptotum medianam VO, in quam tangens desinit, ubi punctum contactus ita in infinitum recedit, ut nusquam jam sit, & cuspis fig. 267, TOS secundi generis jacens utroque arcu ad eandem tangentis partem cruribus Tt, Ss fig. 268 jacentibus pariter ad eandem partem asymptoti, quæ cuspis in hæc ipsa crura desinit, ut patet ex ipsa constructione, si manentibus punctis V, A punctum O ita in infinitum discedat, ut nusquam jam sit, quo casu a cuspidis primi generis DOD' figuræ 267 generantur crura asymptotica DBD' figuræ 268, & a cuspidis TOS illius crura Tt, Ss hujus.

745. Porro in his ipsis cuspidibus, & in illo flexu contrario continuitatis legem observare liceret pariter, sed connexam sæpe cum illo transitu per infinitum, vel cum consideratione rectæ, tanquam in infinitis oppositis distantibus continuatæ, & redeuntis in se ipsam, ac transitum e positivo in negativum, tam per nihilum, quam per infinitum. Curvaturam enim, ut diximus num. 722 metitur radius circuli curvam osculantis in quovis puncto, cui ea censetur reciproce proportionalis. Porro centrum circuli osculatoris semper jacet ex parte cava



In recta perpendiculari tangenti, quod idcirco in flexu contratio figuræ 352, vel in cuspide primi generis habente tangentem arcubus intermediam in figura 253 debet in  $V$  transire e plaga  $VN$ , ad plagam oppositam  $VM$ , quod fieri omninò non potest, nisi transeat, vel per ipsum punctum  $V$ , vel per infinitum, transeunte radio osculi, vel per nihilum, vel per infinitum, ac proinde curvatura, vel per infinitum, vel per nihilum. Et quidem ubi de circulo osculatorum generali determinatione agemus, videbimus in curvis quibuscumque eam legem sanctè servari semper, ut nulla cuspis primi generis, nullus contrarius flexus habeatur, nisi in eo puncto, in quo radius osculatoris circuli vel per nihilum transit, vel per infinitum; tum vero curvatura, & radii circulus migrant e positivis in negativa, licet aliquando etiam radius osculi, & curvatura, vel ad nihilum deveniant, vel ad infinitum, sed inde regrediantur, quo casu oritur, vel arcus porro pergens, ac iter suum producens, ut  $TVS$  in fig. 248, vel cuspis secundi generis, ut  $TOS$  in fig. 267, qui quidem arcus, & quæ cuspis haberi itidem possunt radio osculatoris circuli ad certam magnitudinem deveniente, nec ad nihilum, nec ad infinitum delato.

746. Præterea si consideretur directio motus puncti  $P$  percurrentis arcum  $TVS$ , & concipiatur tangens eadem directione, facile apparebit, tam in fig. 248, 251 arcus pergentis, quam in 249, 252 arcus mutantis flexum, sine directionis mutatione continuari motum per  $PVP_2$ , vel  $PVp$ , at in cuspide tam primi generis in fig. 250, 253, quam secundi in fig. 267 motum retro reflecti; ac proinde tangentis directio in illis manet, in his mutatur, & in eis ipsa tangens abit e positiva in negativam. Sed mutatio ubicumque fit, fieri semper debet in aliam directionem prorsus oppositam, tanquam si plagæ  $M$ , &  $N$  in fig. 250, vel  $Q$ ,  $O$  in fig. 253 infinites a se invicem distantes in illa ipsa infinita distantia connecterentur inter se, & continuarentur, quorum analogæ sunt ea, quæ in hyperbolicis cruribus

LOCORUM GEOMETRICORUM. 271

notari possunt, ut ubi de curvis agemus generaliter, vel ope solius Geometriæ; vel ope calculi, fusius exponemus, ac demonstrabimus. Hic autem ea inuimus, ut innotescat hujus nexus, & continuationis usus in uniuersa Geometria latissime patens:

747. Porro crura hujusmodi in infinitum protensa in singulis Geometricis Locis jam bina sunt tantummodo, jam quatuor, jam etiam plura ita, ut quivis eorum numerus par haberi possit. Bina tantum parabolica habentur in Parabola conica; & in omnibus sublimioribus Parabolis fig. 248, 249; 250, 251, 252, 253: quin immo bina quodammodo sunt etiam in recta linea hinc, & inde in infinitum protensa. Bina tantum hyperbolica habentur in fig. 266, cujus perimenter in se redit per MO'S (*infinitum*) TOM. Quatuor habentur hyperbolica in Hyperbola conica; & in Hyperbo-<sup>254</sup>lis omnibus figurarum 254, 255; 256, & quatuor ha-<sup>255</sup>berentur etiam in fig. 266, si punctum C esset propius<sup>256</sup> rectæ AB ita; ut tangens QCE alicubi occurreret re-<sup>266</sup>ctæ AB ad partes B; quæ quidem curva in orbem rediret sine cruce infinito; si punctum C jaceret remotius, & tangens quoque CQ occurreret rectæ BA ad partes A, ut facile patebit curvas pro ejusmodi casibus construendi; & contemplanti earum originem, ac naturam. Plura autem; & quocumque numero habentur crura in aliis curvis quamplurimis, quatum constructiones occurrunt, ubi generaliter agemus de curvis lineis.

748. Interea antequam eas, quas hic determinauimus; curvas relinquamus; notabimus rationem quandam determinandi tangentes, quas turbant nonnihil cuspides utriusque generis, quæ possent aliquando non satis cautis imponere. Solent enim quandoque determinari tangentes curvarum hoc pacto. In fig. 266 recta CG secans arcum quendam IKR in L, & L' ita moueatur, ut demum intersectiones L, L' coeant in K; evanescente chorda LL', abibit ipsa secans in tangentem, & binæ intersectiones in contactum. Hæc methodus fallere potest aliquando; cum fieri possit, ut bi-

næ interfectiones coeant, quin habeatur contactus, & habeatur contactus, quin binæ interfectiones coeant. Primum accidet, quotiescumque habebitur cuspis utriuslibet generis, secundum quotiescumque curva a tangente simul secatur, ut in mutationes flexus, & in cuspidem primi generis. Rectæ curvam tangentis vera notio est ea, ut sit recta, quæ ad ipsum arcum omnium maximè accedit ita, ut cum eo contineat angulum quovis rectilineo minorem, sive ita, ut nulla alia recta duci possit e puncto contactus in eo angulo, quem

F267 arcus ipse continet cum tangente. Porro si in fig. 267 recta  $EL'$  moveatur motu parallelo, docet abeat in  $OL$ , vel circa punctum  $L$ , donec abeat in  $LOR$ , interfectiones  $I, I'$ , vel  $P, P'$  coibunt in  $O$ , nec tamen utralibet ex iis rectis evadet tangens utriuslibet

F252 cuspidis. Contra vero in fig. 252, 253, recta parallela rectæ  $BA$  quamvis occurrens curvæ in unico puncto

253  $P$  motu continuo delata abibit in tangentem  $OVQ$ ,

251 quin habeatur concursus binarum tangentium. At extra ejusmodi casus, quotiescumque nimirum, ut in fig. 251, bini arcus  $TV, VS$  continuati jacent in binis angulis, quos tangens cum alia recta per contactum ducta continet ad eandem plagam, semper rite procedet methodus, quod demonstrabimus, ubi de curvis lineis agemus in genere, ut & illud, hunc casum generaliter occurrere in curvis quibuscumque: nam curvæ ipsæ in punctis tantummodo determinatis possunt habere vel flexum contrarium, vel cuspidem primi, aut secundi generis, sive continuationem arcus in aliquo e reliquis tribus angulis tangentis cum normali, non vero in omnibus punctis cujuscumque arcus continui, utcumque parvi, quod ipsum ibidem demonstrabitur de circulo osculatore, qui itidem generaliter habebitur in quavis curva, nec nisi punctis quibusdam determinati tantummodo deesse poterit.

749. Hic interea monendum illud, quoniam ea determinatione tangentis pro Sectionibus Conicis usi sumus

inus num. 151, considerando in fig. 46, & sequentibus  
 concursum punctorum  $P, p$  in  $I$ ; idcirco deinde num.  
 293. ostensum esse, tangentem eo pacto determinatam F. 48  
 accedere ita ad arcum curvæ, ut in eo angulo nulla  
 alia duci possit. Nam conferenti conditionem, que  
 habetur in utroque casu, quod rectæ ductæ a concur-  
 su tangentis cum directrice, & a contactu ad focum  
 contineant ibi angulum rectum juxta num. 175, pate-  
 bit utramque determinationem eodem recidere. Quin  
 immo cum inde constet generaliter, eo pacto definiri  
 posse in Sectionibus Conicis tangentem, patet simul in  
 iis, nusquam haberi cuspidem, aut flexum contrarium.  
 750. Eodem autem vitio, ac in iisdem casibus labo-  
 rare, patet etiam; methodum, qua tangens determi-  
 natur demonstrando arcum utrumque a quodam puncto  
 jacere ad eandem partem cujusdam rectæ, ac deducen-  
 do inde, eam rectam esse tangentem, & illud punctum  
 esse punctum contactus. Id accidit in fig. 267 in rectis F. 267  
 omnibus per  $O$  ductis, licet unica  $OV$  sit tangens cus- 252  
 pidis secundi generis, & unica  $OA$  cuspidis primi,  
 quin immo in hac accidit omnibus rectis præter ipsam  
 solam tangentem  $OA$ . In ipsa vero tangente id nec  
 accidit hic in cuspidis primi generis, nec in fig. 252  
 in flexu contratio; cum utrobique bini arcus hinc, &  
 inde jaceant ad partes tangentis oppositas. At eo vitio  
 non laborat methodus, qua recta occurrens curvæ in  
 binis punctis, convertatur circa alterum ex iis immo-  
 tum donec chorda evanescente, eodem recidat & alte-  
 rum. Sic si in fig. 252 per  $V$ , &  $P$  agatur recta con-  
 vertaturque, donec recidat  $P$  in  $V$ ; recta ipsa abibit in  
 tangentem  $OQ$  necessario omnium rectarum proximam  
 ita, ut in eodem angulo nulla alia recta duci possit;  
 nam si nova recta utcumque partem declinet a prima,  
 jam erit una ex iis, quæ habebat alteram intersec-  
 tionem, & arcum binis interfectionibus interjacentem in-  
 terceptum angulo tangentis cum chorda. Idem autem  
 accideret etiam in fig. 267, in qua si per  $O$ , &  $I$ , vel  $P$   
 ageretur recta, ac circa punctum  $O$  converteretur, donec

274 DE TRANSFORMATIONE

abirent ea puncta in  $O$ , desineret eadem recta in tangentem  $OA$ ,  $OV$ . Verum hæc ipsa in tractatu de curvis lineis in genere pluribus persequemur, & accuratius omnia demonstrabimus.

751. Interea videbimus hęc aliam quandam relationem, quam habet recta linea infinita, cum infinito circulo, quæ nobis usui futura est infra, & ad plures tum analogias, tum anomalias detegendas conducet.

F.271 Sit in fig. 271 recta infinita  $MN$ , eique perpendicularis  $OQ$ , quæ ipsam secet in  $R$ . In hac sit centrum circuli  $P$  occurrentis ipsi in binis punctis  $I$ ,  $I'$ , jacente  $I'$  ad partes centri, & rectæ  $MN$  in binis  $A$ ,  $C$ . Patet & chordam  $AC$  perpendicularem diametro secari in  $R$  bifariam ab eadem, & binos arcus  $AIC$ ,  $A'I'C$  itidem bifariam in  $I$ , &  $I'$ . Recedente centro  $P$  in infinitum ita, ut semper circulus transeat per eadem illa puncta  $A$ , &  $C$ , patet juxta num. 727, arcuum  $AIC$  debere abire in rectam lineam, adeoque debere congruere, cum ipsa recta  $AC$ , abeunte  $I$  in  $R$ . Reliquus arcus  $A'I'$ ,  $C'I'$  partim abibit in rectas  $AM$ ,  $CN$  in infinitum productas, partim ita in infinitum recedet cum ipso puncto  $I$ , ut nusquam jam sit. Quamobrem sicut in ipso circulo bini habentur arcus  $AC$ , nimirum  $AIC$ ,  $A'I'C$  terminati binis punctis  $AC$ , qui arcus secantur bifariam in  $I$ , &  $I'$ , ita habebuntur binæ rectæ  $AC$ , nimirum  $ARC$ ,  $AM$  (*infinitum*)  $NC$ , sive assumpto pro caracteristica infiniti signo  $\infty$ , quo semper utemur in posterum,  $AM \infty NC$ , quorum prima secabitur bifariam in  $R$ , secunda in  $\infty$  ita, ut prioris dimidia sint  $AR$ ,  $RC$ , posterioris  $A \infty$ ,  $\infty C$ . Quin immo; quoniam, ut in fig. 89 vidimus num. 278, arcus  $Fm$  sunt numero infiniti tam directione  $FBm$ , quam directione  $FAm$ , qui nimirum his arcubus integras quotcumque peripherias addant; etiam hęc infiniti numero erunt arcus incipientes ab  $A$ , & desinentes in  $C$ , nimirum  $AIC$ ,  $AICIAIC$ ,  $AICIAICIAIC$ , & contra  $A'I'C$ ,  $A'I'CIA'I'C$ ,  $A'I'CIA'I'CIA'I'C$ , & ita porro, ac infinitæ numero

rectæ

LOCORUM GEOMETRICORUM. 275

rectæ ARC, ARCN  $\infty$  MARC, ARCN  $\infty$  MARCN  
 $\infty$  MARC, & contra AM  $\infty$  NC, AM  $\infty$  NCRAM  
 $\infty$  NC, AM  $\infty$  NCRAM  $\infty$  NCRAM  $\infty$  NC,  
 & ita porro.

752. Jam vèro omissis reliquis magis compositis, ipsa recta finita ARC, & illa per infinitum traducta AM  $\infty$  NC eam inter se analogiam habent, quam in eo circulo arcus AIC, AIC: ut ii nimirum arcus communes habent proprietates, si alteri positivè sumpto substituatur alter sumptus negativè, ita etiam in recta illa MN utrinque infinita segmentum ejus finitum AC negative respondeat segmento AM  $\infty$  NC per infinitum traducto, & viceversa hoc negative sumptum illi sumpto positive.

753. Hinc autem in fig. 265, ubi imminuta CM, F265 augetur CP, donec puncto M abeunte in C, abeat P in infinitum ita, ut nusquam jam sit, ac puncto ipso M abeunte in M' ad partes oppositas, abit etiam P ad partes oppositas in P', considerari possunt binæ CP', altera directione CB, quæ directio si assumatur pro positiva, adeoque opposita CA pro negativa, eadem erit adhuc positiva, & altera directione CA jam negativa. Illa nimirum erit COB  $\infty$  AP', hæc CNP'. Hoc modo si res consideretur post eandem CM', & CO, vel CM habebuntur quodammodo binæ tertiæ continue proportionales, altera negativa CNP', altera adhuc positiva COB  $\infty$  AP'. Nimirum cum juxta num. 719 sit CP positiva tertia post CM positivam, & CO; ut imminuta ipsa CM ultra quoscumque limites, augetur ultra quoscumque limites CP, & illa evanescente, sive abeunte in nihilum, hæc abit in infinitum, ita facta CM' jam negativa, quæ quodammodo concipitur decrevisse infra nihilum, ipsi videtur quodammodo debere respondere ex eadem parte quantitas plusquam infinita, & cum respondeat COPB  $\infty$  AP', videtur hæc dicenda esse quodammodo & positiva, & plusquam infinita. Sed id quidem ad mysterium quoddam infiniti pertinet, & ad analogia

quasdam conducit, at in Geometria communi ipsi  $CM$  negativæ negativa itidem illa finita  $CMP$  respondet sine ullo mysterio, & ita, ut in iis; quæ inde deducantur, perspicua ubique evidentia habeatur, ac maxime manifesta.

F271 754. Consideratio tamen binarum  $AC$  in figura 271  
 9 nimirum  $ARC$ , &  $AM \infty NC$ , usum etiam in Se-  
 11 ctionibus Conicis contemplandis paullo inferius habe-  
 269 bit præstantissimum, ubi axi Ellipseos  $MCm$  finito in  
 fig. 9 ostendemus prorsus, & directe analogum; non  
 axem finitum Hyperbolæ  $Mm$  in fig. 11; sed axem  
 $MH \infty hm$  traductum per infinitum. Pariter in  
 fig. 269, ubi recta  $A_1B_1$  per  $A_2B_2$  abit in  $A_3B_3$ ;   
 concipitur  $DP_1$  per infinitum abire in  $DP_3$  negativam.  
 Abit illa, si analogia spectetur directa, & ab infiniti  
 mysteriis petita, in  $DA_3 \infty BP_3$  adhuc positivam,  
 & per infinitum traductam, & proprietates prioris quæ-  
 cumque a directione pendent, cum hujus directione  
 conspirant. Sed considerari solet pro ipsa illa altera  $DP$   
 finita, ac negativa, quæ huic contranalogæ est, si hac  
 voce uti licet, & est ejus complementum ad quendam  
 veluti infinitum circulum, quæ idea nobis infra opus  
 erit ad ostendendum illud etiam; posse rationem red-  
 di, cur in negativis quantitatibus subtractio additioni  
 substituenda sit etiam, ubi obvenierint ex transitu pun-  
 cti per infinitum, licet quantitati, quæ habebatur ante  
 discessum in infinitum, sit prorsus, & directe analo-  
 gæ non hæc quantitas negativa, sed positiva illa per  
 infinitum traducta, quæ juxta illam superiorem ideam  
 plusquam infinita diceretur.

755. Quoniam autem huc usque tam multa vidimus  
 quæ pertinent ad transitum quantitarum e positivis in  
 negativas; vel regressum inde; libet hîc adnectere aliam  
 quandam analogiam, quam habet cum hoc ipso tran-  
 situ quantitarum e positivis in negativas, vel regressu  
 transitus, qui sit e statu reali, ad statum imaginarium,  
 qui impossibilitatem secum fert juxta num. 684. Tran-  
 situs e positivo in negativum nunquam fieri potest per  
 fal-

LOCORUM GEOMETRICORUM. 277

saltem quendam, ubi adhuc decrementum haberi possit, vel incrementum ex eadem plaga; sed gradatim, ut nimirum transitus ipse fiat vel per nihilum, vel per infinitum. In primo casu limites magnitudinis, ut ubi de lineis agitur; extrema puncta ad se invicem accedunt, & coeunt, in secundo a se invicem recedunt in infinitum. Eodem pacto realis quantitas nunquam in imaginariam abibit per saltum, sed semper gradatim, nec unquam is transitus fiet, nisi ubi ea devenerit vel ad nihilum, vel ad infinitum. Ad hosce veluti scopulos allisa aliquando retro reflectitur adhuc realis, & per eosdem gradus decrescit; aliquando contrariam directionem acquirit per ipsam nihilum, vel infinitum traducta, aliquando vero in imaginariam quoque migrat, sive impossibilem. Regressus, ac transitus exempla dedimus jam plurima; hujus migrationis in statum imaginarium exempla plurima se ubique prodeunt. En aliqua rei illustrandæ apta.

756. Dum in fig. 242 recta EF motu continuo delata versus E<sub>2</sub>F<sub>2</sub> appellit ad A, bina puncta G, G ita in se invicem incurrunt, & quodammodo veluti colliduntur, ut se destruant, & motu ejus rectæ pergente, jam nusquam sint, e reali statu in imaginarium translata, quæ migratio a migratione in infinitum plurimum differt. Migratio enim in infinitum determinationem quandam problemati addit, ut ibi Ellipseos vertex in infinitum recedens Ellipsim ipsam mutat in Parabolam; ac abducto secum in infinitum altero foco, & centro, mutat in parallelos juxta n. 202 radios illos, qui ex altero foco egressi, convergebant in Ellipsi post reflexionem ad focum alterum; ac parallelas itidem reddit diametros omnes quæ in Ellipsi convergebant ad centrum, vel ubi circuli centram recedens in infinitum ejus peripheriam mutat in rectam lineam. At abitus in imaginarietatem secum trahit impossibilitatem absolutam problematis, quod ejus ope solvebatur ita, ut idem sit in quavis resolutione devenire ad latus quadrati negativi, ac problematis in eo casu impossibilitatem evincere, quod & Geo-



Geometris, & Algebraicis solemne est. Linea igitur GG in eo casu evadit imaginaria posteaquam per omnes finitarum magnitudinum gradus decrevit usque ad nihilum, at in fig. 256 ordinata Pp, puncto R abeunte per V in R<sub>2</sub>, evadit quidem imaginaria, sed posteaquam per omnes contra magnitudinum finitarum gradus crevit in infinitum; atque idem accideret in fig. 268, ordinatae RpP, si punctum R continueret cursum ultra V versus M. Abiret ordinata etiam in eo casu in infinitum, & deinde imaginaria evaderet.

757. Illud autem discriminis intercedit inter casum quo linea post discessum in infinitum abit in imaginariam, & casum, quo realis remanet, ac transilit, vel regreditur, quod in hoc secundo casu potest haberi progressus, vel regressus etiam, ubi unicum punctum abit in infinitum, ut ubi in fig. 254 ordinata RP abit in contrariam R<sub>2</sub>P<sub>2</sub>, vel in fig. 255 regreditur per R<sub>2</sub>P<sub>2</sub>, in quibus abit quidem in infinitum P, sed remanet R; at in primo illo casu nunquam habebitur imaginarietas ipsa, nisi utrumque rectae extremum abeat in infinitum sive ad partes oppositas, ut in fig. 256, sive ad easdem, ut in fig. 268, adeoque nisi in illo ipso infinito collisio quaedam habeatur, ac veluti pugna inter bina puncta sibi invicem occurrentia ibidem, & se mutuo quodammodo elidentia. Hic autem ipse velut interitus quantitatis (si hanc etiam cum vero, aliarum rerum interitu analogiam quandam persequi liceat) nec habebitur sane, nisi illa ipsa puncta velocitatem, qua in se mutuo irruunt, infinities majorem habeant ibi, quam alibi, ut facile demonstratur contingere punctis G, G fig. 242, P, p fig. 268, & vero etiam P, p fig. 256, ubi puncta P, p ex parte finita a se invicem recedentia ultra quoscumque limites, ex parte infinita ad se invicem accedunt pariter ultra quoscumque limites, & sibi invicem occurrunt quodammodo, & colliduntur: vel infinities minorem, quam alibi, velocitatem habeant respectivam, quod accideret utri-

que

que in cuspidibus omnibus , quæ tamen multo pauciores sunt juxta num. 748 ; nam rectæ  $PP'$  , &  $II'$  in fig. 267 paulo antequam evanescant , differentias habent in infinitum minores , quam alibi , ut facile demonstrari posset , & post imminutam in infinitum velocitatem respectivi motus extremorum punctorum , abeunte  $EL'$  ultra  $el$  , imaginariæ sunt : ut adeo videatur etiam in Geometria hæc interitus haberi posse tantummodo vel e nimio quodam quasi furore , ac effervescentia , ut teli cujusdam ictu haberi solet , ac febri , vel e languore quodam , ut habetur in senibus quandoque decrepitis ætate ipsa , & virium imbecillitate , quanquam id ipsum pariter perquam raro contingat.

758. Porro migrationis e statu reali in imaginatum per nihilum satis etiam elegans exemplum habetur in ipsis Coni Sectionibus , quas a num. 553 persecuti sumus . Assumpto in latere  $VA$  figuræ 208 quovis puncto  $M$  ad arbitrium , si concipiatur recta  $MI$  congruens initio cum  $MV$  versus positionem  $MA$  circumvoluta per punctum  $M$  , e recta linea  $MV$  , in qua planum ipsi  $OVS$  parallelum eo casu contingit eonum , enascitur juxta num. 585 Ellipsis principis arctissima , quæ perpetuo pinguescit in cono recto , donec facto plano ipso parallelo basi sectio evadat circulus , puncto  $T$  abeunte in infinitum ita , ut nusquam jam sit , sed in infinito ipso delitescat . Pergente motu , oblongatur perpetuo Sectionis forma , & abit per omnes gradus finitarum rationum axis conjugati ad transversum , quas acquirit in fig. 209 iterum a circulari forma recedens , ac punctum  $T$  tractum per infinitum jam regreditur ex parte opposita , quo abeunte demum in  $B$  , abit Sectionis figura in Parabolam figuræ 210 , in qua vertex ille  $m$  jam infinito obrutus latet , & nusquam est . Procedente ulterius  $T$  versus  $A$  , jam habetur in figura 211 duplex ramus Hyperbolæ cum vertice  $m$  regresso ex infinito ex parte opposita , ac Hyperbolæ ipsius forma mutatur itidem perpetuo , donec ipso

so puncto  $T$ , & cum eo etiam  $I$  abeuntibus simul in  $A$ , abeant ipsi Hyperbolæ rami in binas rectas  $MA$ ,  $VA'$  infinitas. Perit hic Sectionis Conicæ area; & ad nihilum devenit, posteaquam e nihilo enata fuerat ab illa recta  $MV$  fig. 208, quæ respondet huic ipsi  $MV$  fig. 211: & is interior habetur quodam veluti incurfu perimetri irruentis in se, & in axem transversum hinc, & inde ab axe ipso. Si motus plani qui eo casu contingit conum, pergat ulterius in eandem plagam; jam punctum  $T$  abibit ultra  $A$  extra conum, & puncto  $m$  subeunte rectam  $VB$ , id planum iterum secabit ipsum conum, ac iterum nascetur nova Ellipsis, & nova Sectionum Conicarum series priori profus simillima. Sed hæc non continuatur cum illa priore; nec Hyperbolæ illæ postremæ in primas hæc Ellipses mutantur: illæ enim desinunt in rectam  $MA$   $\infty$  *am* traductam per infinitum, hæc nascuntur a recta finita  $MV$ ; quæ illi traductæ per infinitum quodammodo non analogæ est, sed quodammodo velut antianalogæ, nimirum ejus negativa, & ad eam relatæ, ut illi bini ejusdem circuli arcus binis datis punctis interjecti; & contraria directione considerari  $AIC$ ;  $AIC$  in fig. 271 sibi invicem analogi sunt. Prima illa igitur series exortum habet in recta finita, interitum in recta per infinitum traducta illius ejusdem finitæ rectæ complemento ad infinitum circum, ac illi alia succedit itidem ortum, & interitum habens ita; ut in singulis conversionibus integris, binæ ejusmodi series orientur, & occidant, quarum quælibet ante ortum, vel post occasum in imaginario statu sit.

759. Porro in hujusmodi transformationibus Sectionum Conicarum aliarum in alias habentur punctorum multiplices & transitus per nihilum, ac per infinitum, & regressus inde: ipsi autem appulsus ad infinitum, vel nihilum sæpe puncta retinent in statu reali, vel alicubi conspicua, vel infinito obruta, ibique velut delitescunt, quandoque etiam ad imaginarietatem detur-

dēturbant, adeoque linearum, quæ ipsis terminantur; habetur jam perseverantia in eadem directione, jam directionis mutatio, jam impossibilitas, & sæpe annihilatio, ac evanescētia, sæpe productio in infinitum, sæpe etiam circuitus quidam per infinitum, & quædam veluti plusquam infinita extensio. Hinc hæc ipsa Conicarum Sectionum transformatio aptissima est, ad declarandos, confirmandosque quosdam canones, qui per universam late Geometricam observantur, & eorum exempla ex demonstratis harum curvarum elementis deponenda. Ex ipsis autem canonibus, eorumque applicatione ad hæc ipsa Conicarum Sectionum Elementa patebit etiam, quæ hisce curvis communia sint, & communem demonstrationem suscipiant, quæ ab altera ad alteram transferri non possint, & ipsa ejus anomalix ratio se prodet, ac nostrum in hisce elementis adornandis consilium palam fiet. Ejusmodi vero canones ex iis, quæ huc usque vidimus pendent omnes, & sunt eorum quidam veluti fructus. Proponemus autem singulos, ac eorum rationem proferemus, exempla dabimus, & applicationem ad Conicas Sectiones. Occurrent autem identidem quædam etiam infiniti mysteria, quæ eo usque excrescent, ut infiniti extensio impossibilitatem demum suadeant, ac ad indefinitum, sive indefinite parva sint, sive indefinite magna, theoriam, quam alio opere pertractabimus, nos deducent.

760. In primis *Analogæ* dicemus puncta, quæ eodem modo determinantur in utroque ejusdem geometricæ constructionis statu, ante nimirum transformationem, & post, quæ nempe determinantur per concursum eorundem Locorum Geometricorum, rectorum cum aliis rectoris, cum circulo, cum Sectionis Conicæ perimetro, cum lineis per ejusmodi concursus definitis eadem lege. Sic analogæ sunt in fig. 239 tam puncta  $M_1, M_2, M_3$ , quam  $O_1, O_2, O_3$ , &  $N_1, N_2, N_3$ , eodem modo definita per concursum rectorum inter se: analogi sunt tam vertices  $M$ , quam  $m$  in fig. 9, 10,

F23911 axium transversorum Ellipseos, Parabolæ, Hyperbolæ, qui ubique eadem lege determinantur per rationem constantem ex foco F assumpto, & recta directrice AB. *Analogas* autem dicemus lineas binis analogis punctis terminatas, superficies terminatas lineis analogis, solida terminata analogis superficiebus. Sic in fig. 239 analogæ sunt rectæ  $M_1O_1, M_2O_2, M_3O_3$ , & in fig. 9, 10, 11 foci radii FM inter se, chordæ per focum ductæ  $VF_n$  inter se, ac alia ejusmodi.

761. Deinde bina hujus analogiæ genera distinguimus: alterum *Primarium*, & summum, cum post transformationem manet directio quantitatis definitæ, vel mutatur numero mutationum pari, alterum *Secundarium*, cum directio quantitatis mutatur semel, vel numero mutationum impari, quæ posset etiam *Antianalogia* dici. Primario analogiæ genere analogæ sunt in fig. 239 omnes rectæ MO inter se, rectæ  $M_1N_1$ , &  $M_2N_2$  inter se, ac  $N_1O_1$ , &  $N_3O_3$  inter se, pariter in fig. 9, 10, 11 radii foci FM inter se, chordæ  $VF_n$  ductæ per focum inter se, quæ directionem servant. Hoc itidem genere primario analogiæ analogæ sunt quadrata rectarum directionem mutantium, quæ eam juxta num. 684 bis mutant. Et vero etiam primario analogiæ genere analogus est axis transversus Ellipseos finitus  $Mm$  cum axe Hyperbolæ  $M \infty m$  per infinitum traducto, qua expressione exprimimus lineas, quæ a quibusdam punctis ut  $M$ , &  $m$  tendentes ad partes oppositas ipsis, ut hic versus  $H$ , &  $h$ , concipiuntur conjunctæ quodammodo, & connexæ in ipso infinito, juxta ea, quæ jam toties vidimus. Secundario analogiæ genere analogæ sunt in fig. 239 rectæ  $N_1O_1, N_2O_2$ , ac  $M_1N_1, M_3N_3$ ; in fig. 9, & 11 foci radii  $Fm$  inter se, axes finiti  $Mm$  inter se, & alia ejusmodi, quæ directionem habent contrariam post transformationem, ut etiam solida sub tribus lineis quibuscumque directionem mutantibus. Porro diversa axium Ellipseos, & Hyperbolæ analogia, ac permutatio axis finiti cum axe per infinitum traducto

LOCORUM GEOMETRICORUM. 283

traducto ita, ut axi Ellipseos finito  $MCm$  directe respondeat Hyperbolæ axis, non finitus  $MCm$ , sed  $M \infty m$  per infinitum traductus, & viceversa, patet ex eo, quod dum ratio determinans perpetuo crescit, vel conic sectio perpetuo inclinatur post parallelismum cum base, & Ellipsis accedit ad Parabolam, axis  $MCm$  perpetuo oblongatur, & vertex  $m$  post transitum per parabolam ita regreditur ex parte opposita, ut perimetrum curvæ retro non redeat in orbem ab  $M$  ad  $m$ , sed versus eandem plagam in infinitum abeat & superato veluti infinito, eadem directione pergat regrediens ex parte opposita. Hinc nimirum per quodvis punctum  $R$  finiti axis  $MCm$  figuræ 9, & axis  $M \infty m$  per infinitum traducti figuræ 11 ducta recta axi perpendicularis occurrit perimetro in binis punctis  $P'$ ,  $P$  juxta num. 36; contra rectæ, quæ transeunt per puncta  $R$  axis  $M \infty m$  Ellipseos, &  $MCm$  Hyperbolæ nusquam occurrunt perimetro: usque adeo axi  $MCm$  illius responderet directe axis  $M \infty m$  hujus, & viceversa.

762. Etiam in punctis, si ea determinantur a binis rectis tendentibus ad eandem plagam, dicemus ipsa analogia primo analogiæ genere; si ad oppositas, F. 35  
 secundatio. Puncta  $P$  definita (num. 130) in fig. 35, 36  
 & 36 a rectis  $FQ$ ,  $VG$  tendentibus utrobique in eandem plagam sunt analogia primario analogiæ genere, 19  
 puncta  $p$  secundario, cum ipsum  $p$  in fig. 35 definiatur a rectis  $QF$ ,  $zV$  coeuntibus ad partes  $FV$  respectu  $Gg$ , & in fig. 36 ad partes oppositas. Pariter in fig. 19, & 20 sunt analogia secundario analogiæ genere puncta  $m$ , saltem si ipsum  $m$  in Hyperbola in fig. 20 concipiatur, ut vertex axis finiti  $Mm$ ; si enim concipiatur, ut vertex axis  $M \infty m$  per infinitum traducti, poterit concipi, ut primario analogiæ genere analogum ipsi  $m$  figuræ 19. Centrum quoque  $C$  Ellipseos in fig. 19, cum centro  $C$  Hyperbolæ in fig. 20 erunt analogia secundario analogiæ genere, cum inveniantur in medio itinere ab  $M$  ad  $m$  versus partes opposi-

284 DE TRANSFORMATIONE

oppositas . At axis Hyperbolæ per infinitum traductus habebit in ipso infinito aliud centrum  $\infty$  , quæ est infiniti nota , ut & axis Ellipseos  $M \infty m$  aliud centrum  $\infty$  juxta num. 254, eritque analogum primo analogiæ genere centrum finitum Ellipseos  $C$ , quod ejus axem finitum  $MCm$  secat bifariam, cum centro Hyperbolæ infinito  $\infty$  , quod secat bifariam ejus axem  $M \infty m$  traductum per infinitum, & centrum  $\infty$  Ellipseos cum centro Hyperbolæ  $C$  . Ejus permutationis centrorum discrimen manifesto se prodit ipsam Ellipseos, ac Hyperbolæ formam consideranti . Ellipsis obvertit cavitatem centro  $C$ , convexitatem centro  $\infty$  utrinque, & secatur a recta per  $C$  ducta perpendiculari axi in binas æquales, ac similes Semiellipses spectantes hiantibus veluti buccis plagas  $MFC$ ,  $mfc$ . Hyperbola obvertit convexitatem centro  $C$ , cavitatem centro  $\infty$  utrinque, & in binos æquales, ac similes ramos quodammodo secatur in infinito, quo rami ipsi excurrunt, qui spectant eisdem hiata cavo easdem plagas, sed expressas per  $MF \infty$ ,  $mfc \infty$ . Ipse ordo punctorum tempore dit. Nam in Ellipsi incipiendo ab  $M$  proceditur in fig. 19 sic,  $MFC fme \infty EM$ ; in Hyperbola vero in fig. 20 sic:  $MF \infty fme CEM$ , ubi  $C$ , &  $\infty$  sedes permutant . Hinc nimirum in Ellipsi quævis recta per  $C$  ducta occurrit perimetro bis, nulla in Hyperbola ducta in iis asymptotorum angulis, quos secat axis conjugatus. Nulla in Ellipsi contingit perimetrum per  $C$  ducta: in Hyperbola habentur pro tangentibus asymptoti, in quas tangentes desinunt juxta num. 288, ubi contactus ita in infinitum abeant, ut nusquam jam sint. Hinc Hyperbola asymptotos habet, Ellipsis non habet; adeoque tam multis, & elegantissimis sane asymptotorum proprietatibus Ellipsis caret.

763. Expositis hisce nominum definitionibus, jam ad canones ipsos faciemus gradum, in quavis geometricarum constructionum transformatione adhibendos .

764. Canon I. *Sz quantitates, a quibus solutio problema-*

blematis pendet, vel enunciatio theorematis, maneat omnes post transformationem analogam primo analogia genere, nec ullus habeatur transitus per infinitum; manebit eadem solutio, enunciatio, demonstratio, nulla re, nullo verbo mutato. Quod si aliqua ex iis per infinitum traducta, & in ipso infinito copulata, ac connexa inter se concipiantur, extante utroque extremo; in iis, quæ a sola directione pendent, manebunt itidem omnia; in iis, quæ ad magnitudinem pertinent, censeretur eorum ratio eadem, quæ oritur ex ea lege, quæ determinantur, prorsus analogam illi, quam haberent, si per infinitum non transissent.

765. Prima canonis pars omnino patet ex eo, quod omnes Geometricorum Locorum partes debeant easdem proprietates habere; & cum nullus fiat transitus per infinitum, vel per nihilum, nulla mutatio fit, quæ perturbet vulgarem geometricum sermonem, quantitatibus vel infinitis, aut per infinitum traductis usque ad finitum oppositum, vel negativis, & minuentibus summam. Et id quidem prorsus congruit cum n. 674 & 675. In fig. 239, quotiescumque punctum N fuerit in-  
F 239  
 ter C, & H, ut NI, constructio problematis propositi num. 676 inveniendi summam MN, NO æqualem rectæ datæ, enunciatio summæ inventæ demonstratio, eadem erit ubique, nec mutabitur nisi puncto N egresso ex illis limitibus aliquæ quantitates directionem mutant.

766. Idem videre licet etiam in nostris Sectionum Conicarum Elementis. Nos ea ita adornavimus, ut in iis, quæ ad ipsam curvarum naturam contemplan-  
 dam, & proprietates deducendas pertinent, reducerentur omnia ad unicum problema geometricum, cujus generalis solutio, & applicatio ad casus particulares, vel per se ipsa, vel per ea, quæ inde sponte consequerentur, proprietates omnes harum curvarum elementares exhiberet. Vidimus nimirum ea fere omnia, quæ in earum elementis circumferri solent, contineri comparationibus rectarum, quæ ipsis occurrunt,



vel earum positione considerata, vel magnitudine, a qua pendent summæ, differentiæ, rationes ad se invicem, quadrata, rectangula, eorumque relationes tan variæ. Quamobrem selegimus ejusmodi definitionem, quæ omnibus hisce curvis generaliter conveniret, expressam ratione constanti, quam habet distantia puncti cujusvis perimetri a dato puncto, ad distantiam perpendiculararem a datâ recta: tum investigavimus solutionem hujusmodi generalis problematis: *Datis foco, directrice, & ratione determinante, invenire concursum rectæ datæ cujusvis cum Sectione Conicæ*: Solutio generaliter hoc problemate, satis patebat, in ipsa solutione contineri debere fundamenta omnia omnium relationum, quas recte ejusmodi concursibus intercepte habere possent ad se invicem, & cum ipsa perimetro Conicarum Sectionum: dummodo ex generalibus Locorum Geometricorum transformationibus rite ipsa generalis constructio ad casus singulares applicaretur.

767. Porro illud contigit, ut in ipsa illa generali constructione quædam rectarum intersectiones, a quibus punctorum quæsitorum determinatio pendebat, vel iis rectis evadentibus parallelis, ita in infinitum abierint, ut nusquam jam essent, vel iis rectis congruentibus, haberi non possent, frustrata generali ipsa solutione; quorum primum accidit in rectis directrici parallelis, secundum in rectis per focum transeuntibus: Quamobrem pro iis substituimus bina particularia problemata, ad quorum solutiones quo pacto illa generalis solutio nos perduxerit, in sequentium canonum applicatione, ubi nimirum ad eas ejusmodi transformationes pertinuerint, ostendemus. Atque idcirco problemam generale ad propositionem tertiam rejecimus, reliquis illis, quæ ipso generali non indigerent, præmissis in præcedentibus binis propositionibus, ubi etiam, quæcumque ad Conicarum Sectionum proprietates pertinentia se ultro offerrent, deduximus. Tum ex generali problemate multo uberiores fructus percipimus

primus alia ex aliis theoremata deducendo, ipsa etiam, ubertate sane admirabili; fecundissima quaqua-  
versum.

768. Jam vero in singulis hisce; vel problematum solutionibus; vel theorematum enunciationibus; vel demonstrationibus utrorumque; patebit sane illud eadem consideranti; ubicumque nihil directionem mutat; nihil abit in infinitum; nec per infinitum traducitur; vim constructionis; & enunciationem ipsam; ac verba omnia prorsus eadem esse ubique; sive considerentur diversae partes ejusdem perimetri ejusdem Sectionis Conicae; sive conferatur perimenter unius Sectionis Conicae cujuscumque cum perimetris aliarum quarumcumque vel magnitudine tantum; vel & magnitudine; & specie; & forma differentium. Ejusmodi exempla ubique occurrunt. Eadem est in fig. 9, 10; 11 determinatio puncti M; secta FE in M in ratione determinante; eadem puncti V, vel u; capta FV, vel Fu ad FE in ipsa ratione determinante juxta num. 35. Eadem in fig. 35, & 36 determinatio cujusvis puncti P per totum arcum VMu in quavis Sectione Conica; capta juxta num. 130 QG ad partes oppositas FV aequali QF; per intersectionem rectorum VG, FQ; & eadem iisdem verbis demonstratio desumpta e similibus triangulis FPV, QPG; quae ubique demonstrantur similia ob angulos ad verticem P aequales oppositos; & angulos ad basim FV, alternos angulorum ad basim QG; adeoque aequales. Pariter theoremata communi iisdem verbis efferentur. Chorda VFu in hisdem figuris erit ubique latus rectum principale juxta num. 54; ac eodem ubique modo accipietur: Chorda; quam circulus osculator intercipiet e diametro per punctum osculi transeunte; erit ubique juxta num. 503 aequalis lateri recto ejusdem diametri. In omnibus ejusmodi casibus satis erit puncta homologa designare litteris iisdem ubique; & eadem prorsus demonstrationes obvenient.

769. Secunda pars hujus Canonis; quae est de lineis

V 2 per

## 288 DE TRANSFORMATIONE

per infinitum traductis, pertinet ad infiniti mysteria quædam, quæ ad analogiam quandam retinendam hîc adhibemus, licet infra eo deveniendum sit nobis, ut ipsum infinitum habeamus potius pro impossibili. Idcirco adjecimus, *si aliqua ex iis per infinitum traductæ . . . . concipiantur*. Nimirum si eas hoc pacto concipimus, debemus etiam in iis generales illas rationes admittere, quæ habentur in omnibus aliis analogis, eadem nimirum lege cum eadem directione definitis per constructiones easdem, ad quas analogas Geometria humanæ mentis extenditur. Nam si infinitum extensum est possibile, id quidem humanæ mentis vires omnino excedit, quæ in eo absurda quædam demum invenit, quæ cum recta ratione nullo modo conciliari posse videantur. Adjecimus autem illud, *extante utroque extremo*, ut distingueremus quantitates hæc per infinitum traductas, ac proinde quodammodo veluti plusquam infinitas, quarum nimirum extrema sunt alicubi, & possunt perspicui, ab illis, quæ simpliciter in infinitum abeunt, altero saltem extremo nusquam jam existente.

770. Illud, quod in hac secunda hujusce Canonis parte pertinet ad directionem rectæ per infinitum traductæ, manifestum est in illa insigni Conicatum Sectionum proprietate, quæ earum focus nomen dedit, quam num. 202 exposuimus. Radii ex foco  $F$  egressi in Ellipsi in fig. 66 post reflexionem in punctis  $P$ ,  $p$  debent abire per rectas finitas  $Pp$ ,  $pp$  convergentes ad punctum  $f$  ex parte finita. Si in parabola in fig. 67, abeunte foco  $f$  in infinitum ita, ut nusquam jam sit, evadunt paralleli inter se, quod pertinet ad unum e sequentibus Canonibus. At in Hyperbola in fig. 68 abeunt per rectas  $P \infty f$ ,  $p \infty f$ , quæ sunt analogæ primario genere analogiæ finitis  $Pf$ ,  $pf$  Ellipseos, & quodammodo velut convergunt itidem ad ipsum  $f$  ex parte infiniti. Sed quoniam in vulgari geometrico sermone non adhibetur nota infiniti, nec rectæ considerantur in infinitum traductæ, apponenda fuit littera  $O$ ,  
quæ

LOCORUM GEOMETRICORUM. 289.

quæ vices ipsius  $\infty$  suppleret, & convergentiæ ex parte infiniti substituenda divergentia ex parte finiti. Atque eodem pacto si in fig. 68 possent lucis radii ex  $f$  egressi superato infinito deferri ad puncta  $P, p$ , ad quæ nimirum advenirent per rectas  $OP, op$ ; colligerentur in  $F$ , ut in figura 66 radii  $fP, fp$  in ipso foco  $F$  colliguntur,

771. Ex hac hujus Canonis parte debent in fig. 20 in Hyperbola distantia focorum  $F \infty f$ , verticum  $M \infty m$ , directricum  $E \infty e$  per infinitum traductæ haberi pro continuè proportionalibus inter se, & distantia  $F \infty, M \infty, E \infty$ , inter se in ratione determinante, ut in ratione determinante sunt in fig. 19 continue proportionales  $FCf, MCm, ECe$ , &  $EC, MC, EC$  juxta num. 90. Videtur hoc singens quoddam infiniti mysterium. Debet enim concipi arcus illius circuli infiniti cui respondet  $F \infty f$  major arcu illius, cui respondet  $M \infty m$ , & hic arcu  $E \infty e$  in illa ratione, quam habet in ipsa fig.  $FM$  ad  $ME$ , quæ a ratione æqualitatis potest distare utcumque, ut possit esse dupla, decupla, centupla, & ita porro. Quare fieri potest, ut ille arcus primus secundi, & hic tertii haberi debeat duplus, decuplus, centuplus. At id discrimen provenire non potest ab illis  $EM, em$ , vel  $MF, mf$  adjectis, quæ potius præstarent primum arcum minorem secundo, secundum tertio. Debet igitur concipi ille circulus primus in infinito ipso extensus longe ultra secundum, secundus longe ultra tertium ita, ut illud  $\infty$  in aliis ejusmodi circulis in alia distantia infinita sit, pro conditione, & natura rectarum, quæ per infinitum traductæ concipiantur. In fig. 19  $FCf$  est minor, quam  $MCm$ , &  $MCm$  minor, quam  $ECe$ . Oblongata Ellipsi, dum ratio determinans continuo crescit, crescit etiam ejusmodi ratio, quæ dum Ellipsis ad Parabolam appellit, evadente ratione determinante ratione æqualitatis, evadere & ipsa debet ratio æqualitatis, ut infra videbimus. Mutata Ellipsi in Hyperbolam in fig. 20, & traductis per infinitum

punctis  $e$ ,  $m$ ,  $f$ , abit ratio determinans in rationem majoris inæqualitatis, quæ perpetuo crescit, dum puncta ipsa accedunt ad  $E$ ,  $M$ ,  $F$  ex parte opposita, Quare debent concipi & illi veluti arcus  $F \infty f$ ,  $M \infty m$ ,  $E \infty e$  in illis immensis, & nostræ menti imperviis quibusdam infiniti ipsius veluti campis extensi per tractus diversos respondentes rationi illi, abeunte duplo, decuplo, centuplo longius illo  $\infty$  pertinente ad  $Ff$ , quam abeat illud, quod pertinet ad  $Mm$ , & hoc totidem spatiis longius, quam id, quod pertinet ad  $Fe$ . Hoc infiniti mysterium usui nobis erit infra, & ubi etiam binæ rectæ in infinitum recedunt, limite saltem altero relicto in ipso infinito, patebit infra, debere pariter concipi alteram altera longiorem in ratione quacumque. Quin etiam fieri posset, ut ad analogiam servandam infinitum infinito etiam infinities majus, sive in ratione, quam habet infinita quantitas ad finitam, finita ad nihilum, haberi debeat. Sed hæc de primo Canone satis; jam ad secundum.

772. Canon. 2. *Si aliquæ quantitates maneant analogæ solo secundario analogiæ genere, computanda erunt in enunciationibus, & demonstrationibus negativo modo ea, quæ directionem mutarunt numero impari mutationum, ut nimirum si e binis altera tantum mutetur eo pacto, summa abeat in differentiam, quæ pro positiva habeatur, vel pro negativa, prout ea, quæ mutavit, erat minor, vel major, & viceversa: si mutetur utraque, summa, & differentia remaneant pariter summa, & differentia, sed e positivis in negativas abiisse censeantur, ubi ad ulteriora vel theoremata, vel problemata adhibenda sint. In demonstrationibus vero per proportionem institutis argumentationi per compositionem substitui debet argumentatio per divisionem, & viceversa, ubi e binis terminis rationis tam prima, quam secunda abierit in negativum alter tantummodo; retinendum argumentationis genus, si uterque mutet rationis utriuslibet.*

773. Quæ ad hunc pertinent Canonem consequuntur omnia.

omnia ex iis, quæ supra vidimus. Habenda esse pro negativis ea, quæ positionem mutant numero vicium impari, manere, quæ mutant numero pari, constat ex num. 688. Negativa mutare summam in differentiam, constat ex iis omnibus, quæ demonstravimus a n. 677 ad 692. Mutatio modi argumentandi patet ex eo ipso, quod summæ in differentias migrent, & viceversa, ubi alter e binis terminis mutatur in negativum. Ejus rei exemplum adductum est num. 691. Alia exempla exhiberi possunt plura etiam in Sectionum Conicarum Elementis. En aliqua.

774. In Ellipsi in fig. 19 est (num. 92) summa binarum rectorum, quæ a binis focis  $F, f$  ducuntur ad quodvis punctum perimetri  $P$  constanter æqualis axi  $Mm$ . In Hyperbola in fig. 20 æqualis est axi  $Mm$  earum dif-  
ferentia, quia nimirum  $Pf$  directionem mutavit, cum  
punctum  $f$  Ellipseos abierit in  $f$  Hyperbolæ per infinitum, unde fit, ut recta  $P \infty f$  Hyperbolæ sit analogæ primo analogiæ genere rectæ  $Pf$  Ellipseos. Cum vero  $Pf$  negativa sit maior, quam  $PF$ , summa ipsarum, quæ in vulgari sermone geometrico est differentia, evadit negativa, & idcirco axis  $Mm$  ipsi differentiæ æqualis negativus est respectu axis Ellipseos.

775. In demonstratione autem ejusdem proprietatis facta num. 93 summæ, quæ habentur pro Ellipsi, mutantur in differentias pro Hyperbola. Cum nimirum sit  $FP$  ad  $PD$ , &  $fP$  ad  $Pd$  in ratione determinante, sive juxta num. 90, ut  $Mm$  ad  $Ee$ , eruitur summam  $FP$ ,  $fP$  in Ellipsi, differentiam in Hyperbola ad  $Dd$  summam ibi, hinc differentiam ipsarum  $PD$ ,  $Pd$  esse, ut  $Mm$  ad  $Ee$ , adeoque ut  $Dd$ ,  $Ee$  æquantur, æquari illam summam, vel differentiam ipsi  $Mm$ . Theorema autem numeri 90 ibi suppositum, quod  $Ff$ ,  $Mm$ ,  $Ee$  sint continuo in ratione determinante, quod num. 91 demonstravimus ex natura proportionis harmonicæ, poterat demonstrari mutando differentias, quæ habentur pro Ellipsi, in summam pro Hyperbola, & viceversa hoc pacto. Est  $Ff$  in Ellipsi differentia, in Hyperbola sum-

ma ipsarum  $FM, fM$ , est  $Mm$  differentia in Ellipsi; summa in Hyperbola ipsarum  $ME, Me$ , sive  $me, Mē$ , Eadem  $Mm$  summa in Ellipsi, differentia in Hyperbola ipsarum  $FM, fM$ , sive  $fm, fM$ , &  $Ee$  summa in Ellipsi, differentia in Hyperbola ipsarum  $ME, Mē$ . Hinc cum sit &  $FM$  ad  $ME$ , &  $fM$  ad  $Me$  in ratione determinante, colligitur & antecedentium summas, vel differentias ad consequentium summas, vel differentias, nimirum  $Ff$  ad  $Mm$ , &  $Mm$  ad  $Ee$  fore in eadem ratione. Mutatio directionis rectarum  $fM, Me$  mutationem induxit in summas, & differentias.

776. Porro ex ipsis infiniti mysteriis, nimirum e nexu illo in infinita distantia, de quo jam toties injecta est mentio, reddi potest ratio, cur etiam ubi directiones quantitatum mutantur vi transitus per infinitum, adhuc pro negativis haberi debeant, & subtrahi, licet illæ positive non mutantur in has negativas; sed in illas per infinitum reductas, quæ sunt harum veluti complementa ad circulum infinitum. Summa ipsarum  $FP, Pf$  in fig. 19 est constans, & æqualis axi  $Mm$ . In fig. 20. ipsi  $Pf$  est analogæ primario analogiæ genere recta per infinitum reducta  $P \infty f$ . Quare adhuc ipsarum  $PF, P \infty f$  summa pro constanti habenda erit. Quantum igitur crescit  $FP$  tantum minui debet ipsa  $P \infty f$ , quæ cum ea constantem summam reddit. Tantundem igitur debet crescere  $fP$  complementum ipsius  $P \infty f$  ad illum infinitum circulum, qui hic habetur pro constanti; ac proinde  $FP, fP$  æque crescent, & earum differentia semper manebit constans. Absente  $P$  in  $M$ , ea differentia erit eadem, ac differentia  $fM, FM$ , sive  $fm, fM$ , nimirum  $Mm$ . Hoc pacto ab illa summa Ellipseos fit transitus ad hanc Hyperbolæ differentiam ex ipsis infiniti mysteriis. Sed rem ita se habere debere constat ex ipsa conformitate omnium partium Locorum Geometricorum, quæ communes proprietates habere debent, dummodo si directio contraria sit, contrario modo accipiantur, demendo, quod addebatur, & addendo, quod demebatur. Sic in fig. 89. arcus illi  $Flm$ , &  $FAm$  juxta num. 277, communes proprietates

tates habent, nec alter in tres partes æquales secari potest, quin secetur & alter, licet alterius negativus sit: & idcirco si ab FP trisecante primum deveniendum sit ad Fp trisecantem secundum non gyrando per BmP'Ap, quo pacto in p trisecatur arcus FBmAFBmAFBm, non arcus ipse FAm, sed retro regrediendo per PFp; mutatur directio tam arcus FP, in arcu Fp, quam chordæ in chorda.

777. Canon. 3. Si in aliqua proportione termini aliqui post transformationem maneant analogi secundario analogia genere, manebit proportio: sed in proportionibus utcumque compositis nunquam mutatio habebitur, nisi numero pari, in rectangulis, vel solidis aequalibus debet, vel in omnibus haberi mutationum numerus par, vel impar in omnibus, & terminus, qui invenitur proportionibus quibuscumque, vel quovis ductu, censendus erit negativus, vel positivus, prout mutationum numerus fuerit in iis, a quibus pendet, impar, vel par.

778. Proportionem debere manere post mutationem directionis, qua analogia primaria in secundariam vertitur, patet ex eo, quod etiam num. 776 usi sumus, quod nimirum omnes partes eorundem Locorum Geometricorum easdem proprietates, & relationes ad se invicem habere debeant, sive assumantur ex parte positiva, sive ex parte negativa. Sic in fig. 89 nullus ex arcubus tendentibus ab F ad m per B trisecari potest juxta num. 776, quin simul trisecentur constructione eadem reliqui omnes, qui ab eodem puncto F tendunt ad m contraria directione per A.

779. Terminum, qui invenitur proportionibus quibuscumque, vel ductu quovis, fore negativum, vel positivum, prout numerus mutationum fuerit impar, vel par, demonstratum est num. 688, & confirmatum deinde tam multis exemplis e Geometria petitis. Inde autem consequitur, in proportionibus utcumque compositis nunquam mutationem haberi posse nisi numero pari. Nam si præcedentes mutationes fuerint numero impari, accedet mutatio postrema, quæ complebit numerum



merum parem, si autem mutationes præcedentes fuerint pares, manebit postremus terminus, adeoque iterum manebit numerus par. Rectangula autem, vel solida æqualia, debent habere numerum mutationum, vel simul imparem, vel simul parem, quia si alterum haberet imparem, alterum parem; alterum evaderet negativum, alterum positivum remaneret, adeoque non posset remanere æqualia. Idem autem ex priorre parte eruitur etiam hoc pacto. In rectangulis æqualibus est unum latus prioris ad unum posterioris, & in solidis planum sub binis lateribus prioris ad planum sub binis posterioris, ut reliquum latus posterioris ad reliquum prioris. Hinc in ejusmodi proportione numerus mutationum erit summa mutationum utriusque rectanguli, vel solidi. Ut ea sit numerus par, debet in utroque rectangulo, vel solido esse simul par, vel simul impar. Nam par pari, & impar impari additus parem reddit, par impari imparem. Patent igitur omnes propositi Canonis partes,

780. At hic in ipsa prima parte hujus Canonis videtur occurrere difficultas, quæ solutionem non ita facile admittat. Sex haberi possunt in proportione aliqua constante quatuor terminis binaria terminorum ipsorum. Vel enim sumi possunt bini rationis primæ, vel bini rationis secundæ, vel primus cum tertio, vel secundus cum quarto, vel bini extremi, vel bini medii, qui mutantur. In primo, ac secundo casu erit termini negativi ad negativum eadem ratio, quæ positivi ad positivum: in quo nulla est difficultas. In tertio, & quarto erit negativus ad positivum, ut negativus ad positivum, vel positivus ad negativum, ut positivus ad negativum, in quo pariter difficultas est nulla. At in postremis binis oportet sit negativus ad positivum, ut positivus ad negativum, vel positivus ad negativum, ut negativus ad positivum, quod eodem reddit permutato rationum æqualium ordine. Id vero videtur omnino pugnare cum analogia, & quidem etiam cum modo, quo negativa concipimus. Ea nimirum

LOCORUM GEOMETRICORUM. 295

rum concipiuntur in aliqua ratione minora nihilo. Si facultates considerantur, debitum, quod est negativum, pejoris conditionis hominem reddit, quam si nihil haberet. Si considerentur progressus, pejoris conditionis est ille, qui regreditur, quam ille, qui stat. Ablatis 8 a 10 relinquuntur 2, ablati 10 relinquuntur nihil, ablati 12 relinquuntur duo minus, quam nihil. Secunda conditio est pejor prima; igitur & tertia conditio secunda est pejor. Quamobrem ratio quantitatis negativæ ad positivam esse debet multo minor, quam nihili ad positivam ipsam, ratio autem positivæ ad negativam multo major, quam positivæ ad nihilum. Non igitur æquales esse possunt.

781. Hæc quidem difficultas summam, si rite rerum analogia consideretur, vim habet. At ejus solutio pendet ex hisce infiniti mysteriis, quæ persequimur, & ex iis potissimum, quæ num. 753 vidimus in fig. 265. F265 Ibi enim notavimus tertiam continue proportionalem post  $CM'$  consideratam ut negativam, in quam abierit positiva  $CM$  post nihilum habitum in appulsu  $M$  ad  $C$  non esse  $CP'$  finitam, sed  $CB \infty AP'$  per infinitum traductam, & quodammodo veluti plusquam infinitam. Hinc ut finita quantitas  $CM$  ducta in finitam  $CP$  reddit rectangulum æquale quadrato  $CO$ , ita quodammodo nihilum in infinitam ductum, ubi  $M$  abit in  $C$ , &  $P$  in infinitum ita, ut nusquam jam sit, & negativa  $CM'$  in quantitatem plusquam infinitam ducta, idem producat.

782. Idcirco autem illud in Geometria ubique sanctè observabitur, ut in hisce postremis binis casibus semper, si alter e binis terminis abeat in negativum transeundo per nihilum, alter abeat transeundo per infinitum, dum in reliquis vel ambo transibunt per nihilum, vel ambo per infinitum. Dum fig. 243 abit in 244 244, e quatuor terminis proportionalibus illius  $CH$ , 245  $CF$ ,  $CI$ ,  $CG$  primus, & quartus abeunt in negativum. 244 Sed puncto  $H$  accedente ad  $C$ , & decresecente angulo 254  $CIH$

CIH in fig. 243, adeoque crescente CHI, punctum G  
 recedit a C ita, ut congruente IH, cum IC, & fa-  
 cta FG parallela CE, punctum G in infinito obru-  
 tum delitescat; tum procedente H in fig. 244 redit G  
 ex parte D ex infinito. Pariter in fig. 254, si ea re-  
 ferat Hyperbolam conicam, in qua rectangulum sub  
 VR, & RP est constans, adeoque VR ad VA, ut  
 AB ad RP, transeunte VR in negativam per nihilum,  
 transit RP in  $R_2P_2$  per infinitum, ut adeo illis CG, PR  
 figuræ 243, & 254 non respondeat CG figuræ 244,  
 &  $R_2P_2$  figuræ 254, sed illi  $C \infty G$  huic  $R_2 \infty$   
 $P_2$ . Generaliter ut rectangulum sub extremis æquetur  
 rectangulo sub mediis, semper manentibus finitis alte-  
 rius lateribus, & altero alterius latere transeunte per  
 nihilum, alterum latus alterius transibit per infinitum,  
 cum, ut paullo infra patebit, altero evanescente, al-  
 terum debeat evadere infinitum: adeoque quodammo-  
 do fiet plusquam infinitum ex ea parte, ex qua in in-  
 finitum recesserat. At ubi figura 243 abeat in 245,  
 facile patebit transeunte CH per nihilum, vel per in-  
 finitum motu rectæ IH circa I, transire debere pariter  
 GF per nihilum, vel per infinitum simili motu rectæ  
 GF circa G, & idem accideret, si recta HI tran-  
 sisset motu parallelo ad partes BD per C, vel per in-  
 finitum, transeuntibus H, & I simul per C, vel per  
 infinitum.

783. Licet autem ubi agitur de proportione, termi-  
 nus quartus post quantitatem negativam  $CM'$ , & bi-  
 nas positivas CO sit  $C \infty P'$  per infinitum traductus in  
 F265 fig. 265; tamen cum hæc traductio haberi non possit  
 nisi  $P'$  redeat ex parte opposita, & alicubi in finitis  
 quantitibus existat; secum trahit necessario distantiam  
 $CP'$  finitam directionis oppositæ, & conformis dire-  
 ctioni  $CM$ , quæ, si puræ magnitudines spectentur,  
 vel ex considerentur ut positivæ, libera enim est pla-  
 ga positivorum, easdem habebunt relationes ad se in-  
 vicem, & ad eandem CO, quam prius habebant seg-  
 menta  $CM$ ,  $CP$  ejusdem Loci Geometrici eodem modo  
 definita;

definita; adeoque adhuc erit  $CM'$  fid  $CO$ , ut  $CO$  ad  $CP'$  finitam, & proportio quidem manebit, directio autem in ejusmodi finitis quantitibus in oppositam plagam tendentibus erit iterum eadem priori contraria. Idcirco proportio manebit etiam inter ejusmodi quatuor quantitates, quarum mediæ directionem non mutarunt, mutavit prima, & quarta quoque assumpta ex parte finita contrariam priori habet; adeoque in summis habenda erit etiam ipsa pro negativa, reductione aliqua simili ei, quam num. 776 consideravimus in complemento ejusmodi ad circulum infinitum ejus quantitatis per infinitum traductæ, quæ analogæ erat primo analogiæ genere.

784. Ubi vero uterque terminus per nihilum transit, nulla difficultas esse potest, cum præcedentes termini, qui habebantur ante transformationem, migrarent in hos ipsos negativos, ac ubi mutatio fit transeundo per infinitum, facile ratio redditur rationis manentis ex illo infiniti mysterio, quod num. 776 persecuti sumus; licet mutatione facta per infinitum, non succedant prioribus terminis negativi illi finiti, sed positivi per infinitum traducti. Si in fig. 243 re-<sup>F243</sup>cta  $FG$  abiret in infinitum ex parte  $AE$ , & regrederetur ex parte contraria  $DB$  in  $fg$ ; illis  $CF$ ,  $CG$  non succederent  $Cf$ ,  $Cg$ , sed  $C \infty f$ ,  $C \infty g$ . At quoniam harum ratio semper ob analogiam deberet esse eadem, etiam si  $fg$  appelleret ad  $C$ ; idcirco juxta n. 769 etiam integri infiniti circuli  $CA \infty BC$ ,  $CE \infty DC$  debent concipi ad se invicem in eadem ratione  $CH$  ad  $CI$ . Quare ubicumque sit  $fg$  ab integris circulis illis existentibus, ut  $CH$ ,  $CI$  demendo segmenta  $CA \infty Bf$ ,  $CE \infty Dg$ , quæ sunt in eadem ratione, relinquuntur  $Cf$ ,  $Cg$  in ratione pariter eadem. Quamobrem etiam considerata analogia primi generis in transformatione, eruitur adhuc quantitates secundario genere analogas, licet orientur transitu limitis per infinitum, debere retinere proportionem, quas ante transformationem habuerant.

785. Et hæc quidem ad explicandum canonem, ac ex Locorum Geometricorum homogeneitate in omnibus suis partibus, vel ex infiniti mysteriis demonstrandum, ac vindicandum dicta abunde sunt. Cæterum canon ipse, ubi de finitis quantitatibus agitur certissimus omnino est, ac patet in omnibus tam multis exemplis, quæ adduximus a num. 677 ad num. 706. Ex eo determinavimus ductum, & formam tot curvarum parabolici, ac hyperbolici generis, quas deinde constructione geometrica accurata invenimus ejusdem formæ, quæ ex hoc canone iis applicato obvenerat. Patet autem latissime ipsius usus per universam Geometriam. Pauca quædam attingemus, quæ pertinent ad ejus usum, in nostris Conicarum Sectionum elementis.

**F. 1** 786. In primis in ipsa definitione in fig. 1, & 2  
 2 tam  $FP$  ad  $PD$ , quam  $Fp$  ad  $pd$  sunt in eadem ratione determinante:  $Fp$ , &  $pd$  in fig. 2 sunt analogæ ipsis  $Fp$ ,  $pd$  figuræ 1. secundario analogiæ genere, & tamen servant proportionem eandem  $FP$  ad  $PD$ ; ut  $Fp$  ad  $pd$ . Deinde in ea proportione abierunt in negativos bini termini secundæ rationis in transitu a figurâ 1 ad 2, nimirum habetur numerus mutationum par, & uterque terminus mutat transeundo per infinitum, cum arcus rami ultetioris, & cum eo punctum  $p$  regrediatur ex infinito.

**F. 19** 787. In fig. 19, & 20 est (num. 90) tam  $Ff$  ad  
 20  $Mm$ , quam  $Mm$  ad  $Ee$  in ratione determinante  $FM$  ad  $ME$ . Manet utraq; proportio, licet  $Ff$ ,  $Mm$ ,  $Ee$  in fig. 20 sint analogæ secundario genere analogiæ ipsis  $Ff$ ,  $Mm$ ,  $Ee$  fig. 19. In utraq; proportione bini termini tantummodo mutant directionem, & cum ad eandem pertineant rationem, mutant ambo in transitu per infinitum.

**F. 122** 788. In fig. 122 in qua rectangulum  $PLp$  æquatur  
 (num. 330) rectangulo  $VLD$ , abeunte  $VL$  in  $VL'$  directione mutata, & manente  $L'D'$ , debet mutari etiam in negativum etiam rectangulum  $P'Lp'$ . Quare de

re debet altera tantum ex ipsis  $P'L'$ ,  $L'p'$  directionem mutare. Mutat eam sola  $L'p'$ , ac in rectangulis æqualibus  $P'L'p'$ ,  $VL'D$  invenitur numerus mutationum utrobique impar.

789. Hinc ex hoc ipso principio in fig. 169, & 170 F169  
facile definiri potest plaga ad quam poni debent illæ 170  
*ia*,  $Ip'$ , quas num. 453 determinavimus in problema-  
te, quo quaeritur Sectio Conica transiens per data  
quinque puncta  $PpP'AB$ . Cum enim debeat esse (nu.  
299) rectangulum  $AQB$  ad rectangulum  $AIB$ , ut re-  
ctangulum  $PQp$  ad  $P'Ip'$ , postremum hoc  $P'Ip'$  debet  
habere mutationes directionis numero pari, vel impa-  
ri respectu  $AIB$ , ut  $PQp$  habet respectu  $AQB$ . Quare  
cum innotescant reliquorum omnium laterum directio-  
nes præter directionem lateris quaesiti  $Ip'$ , hæc etiam  
innotescet. In fig. 169  $AIB$  respectu  $AQB$  mutat solam  
 $AQ$  in  $AI$ , manentibus  $QB$ , &  $IB$ . Quare &  $P'Ip'$   
respectu  $PQp$  debet habere unam mutationem. Mu-  
tavit  $P'I$  respectu  $PQ$ , manebit igitur  $Ip'$  respectu  $Q$ ,  
ut revera manet. Simile est argumentum pro  $Ip'$  ma-  
nente in fig. 170, ac eodem pacto determinatur po-  
sitio *ia*, quæ manet respectu  $qp$  in fig. 169; muta-  
tur in fig. 170.

790. Canon. 4. *Angulo, cujus alterum crus tantum-  
modo directionem mutavit, succedit is, qui ejus est  
complementum ad duos rectos, sive quem continet crus  
non mutatum cum crure mutato producto: angulo, cu-  
jus utrumque mutavit directionem; succedit is, qui ip-  
si ad verticem opponitur, & ut enunciatio maneat, in  
crure quod directionem mutavit; communis aliqua litte-  
ra opponenda est in binis casibus sita ad partes opposi-  
tas ita; ut altera jaceat ad partem puncti analogi se-  
cundario analogie genere, altera ad partem oppositam;  
in demonstrationibus vero, ut & in enunciationibus cavend-  
um semper fieri posse; ut anguli, qui congruebant;  
fiant ad verticem oppositi, qui erat externus in paral-  
lelis, evadat internus, & oppositus, vel alternus; at-  
que ea e numero mutationum pendeant, ita tamen;  
ut*

*ut in singulis casibus admodum facile deprehendatur substitutio facienda in demonstratione, notatis illis binis successuum regulis. Generaliter autem ubi vertex anguli, qui erat intra binas parallelas, abeat extra; angulus ipse enunciatus concursu crurum cum iis parallelis hinc, & inde ad verticem oppositus, fiet communis, anguli vero crurum cum parallelis mutabuntur ex alternis in externos, ac internos, & oppositos, & viceversa si punctum abeat inter parallelas. Quod si extra fuerit, & abeat extra, sed ad partes alterius parallelæ, manebit ipse angulus, & anguli ad parallelas, qui erant externi, fient interni, & viceversa.*

791. Hujus canonis ratio est manifesta; ubi enim, F<sub>243</sub> in fig. 243 abeunte in 244, anguli cujuspiam HCl crur alterum CH directionem mutet, angulus ipse HCl, 244 qui prius in fig. 243 erat ACE, evadit jam in fig. 245 244 ECB, quem continet crur mutatum CH prioris, five CA productum in CB, cum latere non mutato Cl, vel CE. At in fig. 246 mutato & CH, & CI, angulus ICH, qui congruebat in fig. 243. cum ACE, jam congruit cum DCB ad verticem opposito. Quoniam vero punctum C jacet in fig. 243, 245, 246 extra parallelas HI, FG ad partes HI, in fig. 244 inter eas; angulus HCl est in illis idem, ac FCG, in hac ad verticem oppositus, anguli vero CHI, CIH in illis externi, & CFG, CGF interni, & oppositi, in hac alterni. At si in illis HI recederet a C ultra FG, satis patet, statim ipsos CFG, CGF ex internis evasuros externos.

792. Porro plurimum sæpe proderit litteras apponere a transformatione non pendentes, quæ adhiberi possint sine mutatione ulla, ut hinc litteræ A, B, D, E plurimum profunt ad plagas designandas, cum in fig. 243 ponitur A ad partes H, & in fig. 244 B ad partes H jam mutati, & A ad oppositas. Proderit autem id ipsum sæpe ad habendam generalem enunciationem, ut jam videbimus, in Conicarum Sectionum elementis præstitum a nobis esset cum successu. Mutationes vero

Verò angulorum in oppositos ad verticem, vel externorum in alternos, vel internos vidimus ex parte n. 690. videbimus jam uberius in ipsis Conicis Sectionibus.

793. Anguli mutatio tam ex alterius cruris, quam e utriusque mutatione in Conicarum Sectionum elementis occurrit plurimis vicibus, cui & demonstratio aliquando idcirco accommodanda fuit. In solutione probl: 2, num. 130, occurrit in fig. 35, & 36 deter-  
 minatio puncti P per intersectionem rectarum VG, 35  
 FQ, & puncti p per intersectionem rectarum Vg, Fq, 36  
 captis FV ad FE in ratione determinante, & QG, Qg  
 æqualibus QF. In ejus autem demonstratione considerantur *similia* pro puncto P *triangula*, FPV, QPG,  
 & QPD, QFE, ac inde eruitur FP ad PQ, ut FV ad  
 QG, sive QF, & PQ ad PD, ut FQ ad FE, unde infer-  
 fertur ex æqualitate ordinata FP ad PD, ut FV, ad FE  
 in ratione determinante, ut oportebat. Hęc demonstra-  
 tio, si assumatur similitudo triangulorum, nullum habet  
 discrimen in figuris 35, & 36, juxta num. 764, licet altera ad  
 quamvis Sectionem Conicam pertineat, altera ad solam Hyperbolam;  
 quia omnia remanet primo analogię genere analogæ, nullo termino  
 directionem mutante, nec in infinitum abit quidquam, nec per  
 infinitum traducitur. Transfertur ea demonstratio ad punctum p  
 iisdem prorsus verbis, & litteris ponendo solum pro punctis, P, G, D  
 puncta p, g, d eorum analogæ. Sunt nimirum *similia triangula*  
 FpV, Qpg, & Qpd, QFE, ac inde eruitur Fp ad pQ, ut FV ad Qg,  
 sive QF, & pQ ad pd, ut FQ ad FE; unde inferitur ex æqualitate  
 ordinata Fp ad pd, ut FV ad FE in ratione determinante, ut  
 oportebat. Nulla autem mutatio fit in nomenclatura triangulorum,  
 & proportionibus, si ve conferatur punctum p cum puncto P  
 ejusdem figuræ, si ve p cum p alterius, quia punctis, & rectis  
 succedunt puncta, & rectæ cum analogia vel primi, vel secundi  
 generis; quamobrem rationes redeunt eedem juxta num. 772,  
 & cum nulla argumentatio fiat componendo, vel dividendo,  
 nullus fit transitus a summis,



ad differentias, vel viceversa, quæ textura demonstrationis verbo aliquo immutent.

794. At similitudinis triangulorum illorum demonstratio turbatur nonnihil a mutatione directionis crurum in angulis. Angulo  $VFP$  in fig. 35 succedit  $VFp$ ; quem  $PF$  mutata continet; si producat, cum  $FV$  non mutata. At directio  $FP$ ,  $Fp$  communis in fig. 36, cum  $FV$  communi angulum  $VFP$  communem reddit cum angulo  $VFp$ . Contra angulus  $PQg$  idem est ac  $pQg$  in fig. 35 ob directionem  $Qp$ ,  $QP$  eandem, &  $Qg$  utrobique eandem, sed contrariam illi priori  $QG$ : at in fig. 36  $pQg$  est ad verticem oppositus ipsius  $PQG$ , ob directionem  $Qp$ ,  $Qg$  utramque oppositam directioni  $QP$ ,  $QG$ . Comparando angulos  $FPV$ ,  $QPG$ , habetur utrobique alter alteri ad verticem oppositus, at  $FpV$ ,  $Qpg$  idem sunt angulus mutatis in fig. 35 solis directionibus  $FP$ ,  $VP$ , dum abeunt in  $Fp$ ,  $Vp$ , & manentibus directionibus  $GP$ ,  $QP$ , in  $Gp$ ,  $Qp$ : at in fig. 36 mutatis contra directionibus  $GP$ ,  $QP$  in  $gp$ ,  $Qp$ , manentibus  $FP$ ,  $VP$  in  $Fp$ ,  $Vp$ , unde fit, ut alter ex angulis illis binis utrobique, dum fit transitus a  $P$  ad  $p$ , mutetur in angulum sibi ad verticem oppositum, maneat vero alter, & proinde qui fuerant ad verticem oppositi, jam congruant. Denum anguli  $PFV$ ,  $PVF$  sunt utrobique alterni angulorum  $PQG$ ,  $PGQ$  jacente  $P$  inter parallelas  $FV$ ,  $GQ$ , at  $pFV$ ,  $pVF$ , respectu  $pQg$ ,  $pgQ$  sunt in fig. 35 externi, in fig. 36, interni, & oppositi cum jaceat  $p$  ibi ad partes  $FV$  hinc ad partes  $gQ$ . Quoniam tamen ejusmodi mutatio angulorum ex oppositis ad verticem in congruentes & ex alternis in externos, ac internos, & oppositos, vel ex externis in internos, æqualitatem eorum non mutat, manebit demonstrationis vis, & solum enuntiatio mutabitur dicendo pro puncto  $P$  angulus  $FPV$  æquatur angulo  $QPG$  ad verticem opposito, & pro  $p$  angulus  $FpV$ , est idem, ac angulus  $Qpg$ ; pro angulis vero ad  $FV$ ,  $GQ$ , &  $FV$ ,  $gQ$  potest dici tantummodo anguli ad ejusmodi bases sunt ubique æquales ex paral-

parallelarum proprietatibus, licet, si eæ proprietates enuncientur, mutari debeat expressio. Profus vero similia observari possunt in comparatione triangulorum  $FEQ$ ,  $PDQ$ , &  $FEQ$ ,  $pdQ$ .

795. At ad evitanda incommoda directionis mutatae in angulorum; & vero etiam rectarum enunciationibus; plurimum saepe nobis profuit alias adhibere litteras præter eas, quæ mutantur: Hinc illæ  $A$ ,  $B$  in fig. 1, 2, & tam multis post retentæ in directrice: hinc illæ  $GHIT$ ,  $ghit$  constanter retentæ in figuris a 9 F. 1 ad 14; & 25, 26, 27. Hinc in figuris post 41 puncta illa  $z$ ,  $Z$ , &  $K$ , ac aliis in locis. Id autem prodest multo etiam magis aliquando, ubi punctum aliquod ita in infinitum abit, ut nusquam jam sit. Sic præter superiora exempla, in quibus hæc utilitas ostendi potest, ubi figura 25 mutatur in 28 (num. 109) & Ellipsis in circulum, puncto  $E$  illius abeunte in infinitum ita, ut nusquam jam sit, frustra analogia quereretur figurarum, nisi utrobique manerent litteræ  $Gg$ ,  $Hh$ ,  $Ii$  ab intersectionibus non pendentes, quæ post transformationem supersunt. F. 25  
28

796. Exempla litteræ adjectæ cum fructu enunciationis manentis habentur plura. Luculentissimum est in usu litteræ  $V$ , quæ in figuris a 41 ad 45 adjecta est in usu litteræ  $V$ , quæ in figuris a 41 ad 45 adjecta est (num. 172) rectæ  $HF$ , in prioribus ad partes  $F$  in postremâ ad partes  $H$ . Hac arte obtigit ubique ex parallelarum natura æqualitas angulorum  $PFH$ ,  $pFV$  cum angulis  $LTt$ ,  $LtT$  æqualibus inter se; licet ex diversis parallelarum proprietatibus profluat æqualitas ipsa juxta hunc ipsum canonem. Porro in figuris 41, 42, 43 tam  $FP$  inter se relatæ, quam  $Fp$  inter se, positionem servant, & proinde omnia eodem modo se habent; in figura 44 mutat directionem tam  $EP$ , quam  $Fp$ ; hinc adhuc  $V$  jacet ad partes contrarias  $H$ . At in fig. 45 mutatur  $Fp$ , manet  $FP$ ; hinc litterarum respondentium  $V$ , &  $H$  altera respectu alterius manentis mutari debuit, ut jam directiones  $FH$ ,  $FV$  congruerent. F. 41  
42  
43  
44  
45

304 DE TRANSFORMATIONE

797. Hujusmodi artificio auferetur etiam apparens quædam irregularitas, quæ videtur occurrere in theoremate exposito num: 176. Ibi enunciatur, binas tangentes ductas ex extremis punctis chordæ transeuntis per focum concurrere in directrice, ibique continere angulum in Ellipsi acutum, in Parabola rectum, in Hyperbola obtusum, si terminetur ad eundem ramum illa chorda, iterum vero acutum si terminetur ad binos ramos. Is angulus est in fig. 53, & 54 PHp. F.50  
 53 Porro ubi punctum  $p$  è ramo citeriore figuræ 53 abit  
 54 in ulteriorem figuræ 54, non abit angulus ille ex obtuso in acutum saltu quodam, sed angulo PHp illius succedit angulus, quem in hac contineret PH cum pH producta ad partes H, quæ nimirum pH directionem mutavit. Is est adhuc obtusus, & excipiens postremum illum obtusum PHp figuræ 53, qui habetur puncto  $p$  abeunte in infinitum, & tangente Hp in asymptotum H<sub>2</sub>K<sub>2</sub> figuræ 50. Is per omnes continuos gradus mutatur, donec ad binos rectos accedat ultra quoscumque limites, imminuto PHp acuto ita, ut abeuntibus P,  $p$  in vertices axis transversæ, & factis tangentibus parallelis, evanescat. Satis igitur fuisset in HP producta in fig. 53 ad partes  $p$ , in 54 ad partes H apponere litteram V, & enunciare ita: angulus PHV erit in Ellipsi acutus, in Parabola rectus, in Hyperbola semper obtusus. Sed quoniam cunctatio, & demonstratio sine ejusmodi productione rectæ evadebat simplicior, simplicitati analogiam postposuimus.

798. At ex hisce exemplis jam patet, quam aprè hujusmodi artificio servetur sæpe analogia, vulgari etiam Geometriæ sermone adhibito. Nam si infiniti mysteria liberet adjicere, & rectas considerare per infinitum traductas, ac alia, quædam, quæ singula persequi longum esset, admiscere, theomatis quoque inde provenientibus in Geometriam invectis; possent semper ipsa intersectionum puncta retinere characteres suos, dummodo aliqua notula generaliter exprimi posset directio

rectio rectæ tendentis ad punctum, & magnitudo, quæ expressio communis esset etiam punctis in infinito latentibus, & lineis per infinitum tractis. Sic in fig. 35 angulus  $FpV$  angulo  $Qpg$  erit adhuc oppositus  $F. 35$  ad verticem, ut  $FPV$  angulo  $QPG$ ; si non sumatur  $54$  ex parte finita rectarum  $Fp$ ,  $Vp$ , quæ directionem mutant, sed ex parte illarum  $F \infty p$ ,  $V \infty p$ , quæ per infinitum eadem directione tractæ concipiuntur & in ipsa  $54$  adhuc obtusus est angulus  $PH \infty p$ , quem  $PH$  continet cum  $H \infty p$  per infinitum tracta. Verum deest ejusmodi geometricum idioma, & infiniti mysteria, si ipsum possibile sit, nostræ mentis captum excedunt adeo, ut sæpe in iis analogia quædam considerari possit tantummodo, & usus ad ea, quæ de finitarum magnitudinum relationibus mutuis habentur, generalius, & facilius eruenda, non vero ad ipsarum infinitarum, vel plusquam infinitarum magnitudinum relationes ad se invicem evidenter perspiciendas, & pari evidentia ex iis relationibus deducendas semper demonstrationes theorematum ad finitam Geometriam pertinentium. Quædam ex iis investigationi aptiora sunt, quam demonstrationi. Cetti quidam tantummodo canones etuuntur, quod hic præstamus, ex quibus rite stabilitis possint plerumque, quid post transformationem debeat in quantitatibus finitis relinquere. Ubi infinitis indefinita substituerimus alio tanto, multo sane evidentiùs, & multo uberius patebunt omnia, quæ huc pertinetent. Sed de iis iterum infra. Interea geometrici idiomatis defectus etiam in sequenti canone, & multo etiam magis se præbet.

799. Canon. 3. *Ubi anguli hiatus ab altera plaga ad alteram transit, quod fieri potest vel transeundo per nihilum, vel transeundo per binos rectos, si accipitur is, qui ejusmodi mutatione oritur transeundo per nihilum, habendus est pro negativo, & in summis negativo modo computandus ita, ut summe in differentias abeant, altero tantum e binis mutato; at si ex*

X 3 abeat

306 DE TRANSFORMATIONE

abeat transfendo per *b* nos rectos, angulo orto juxta communem Geometriae nomenclaturam debet substitui ejus complementum ad 4 rectos, qui si appelletur angulus convexus, vel ut aliqui solent gibbus, saepe analogia multo melius servabitur.

800. Dum recta CL in fig. 264 gyrat circa C cum F264 recta CK efficit angulum KCL directione KLN; abeunte L in K, is evadit nullus: tum abeunte L in L', jam evadit negativus respectu KCL, hiatu KCL post transitum per nihilum abeunte in KCL' directione opposita KLO. Is crescit, & fit rectus, ubi L' abit in O: tum si L' pergat ultra moveri in M; angulus KCM est adhuc ejusdem directionis cum KCL', sed obtusus. Abeunte M in Q, jam fit KCQ recta linea, & angulus ille abit non in nihilum, sed in duos rectos KCQ, quorum mensura est dimidia circumferentia KOQ. Pergente M in M', jam angulus KCM' in vulgari geometrico sermone intelligitur is, qui hiatu cavo respicit plagam KN, qui iterum est minor duobus rectis. At is non succedit priori illi KCM, nec est analogus ipsi primario analogiae genere, sed secundario. Priori succedit angulus, ut eum appellavimus, convexus, quem KC cum CM' continet ex parte OQ, & cujus mensura est arcus KOM' semicirculo major. Is crescit, & ille cavus decrescit, dum M' pergit in L, & appellente demum M', vel L ad K, complentur quatuor recti. Nimirum ut in fig. 89 bini sunt F.89 arcus FBm, FAM contraria directione complentes circumulum, immo infiniti, qui integros addunt circulos directione utraque; ita bini considerari possunt anguli, quos binæ recte in puncto quovis continent directione contrarii, alter convexus, alter cavus, complectens quatuor rectos, immo infiniti directione utraque.

801. Porro ubi angulus directionem mutat transfendo per nihilum, tractari debet ut negativus. In fig. F240240 angulus ACB externus æquatur summæ angulorum AEB, DBE, qui sunt interni, & oppositi in tri-

angulo  $CBE$ . Hinc angulus  $AC_2B$  æquari debet: differentiæ angulorum  $AE_2B$ ,  $DBE_2$  ob directionem  $DBE$  mutatam in  $DBE_2$ ; transitu facto in  $D$  per nihilum. Et revera est ipsi differentiæ æqualis, cum  $AE_2B$  externus æquetur binis  $DBE_2$ ,  $AC_2B$  internis, & oppositis.

802. Quod si mutatio fiat transeundo per duos rectos; angulo, qui in vulgari sermone nascitur cavus ad partem oppositam, debet substitui convexus ille, qui est ejus complementum ad quatuor rectos. Est notissimum Geometriæ theorema, in circulo angulum ad centrum esse duplum anguli eidem arcui insistentis ad circumferentiam. Non erit verum, nisi angulus ad circumferentiam sit acutus, vel nisi anguli hujusmodi convexi considerentur. In fig. 271 angulus  $APC$  est  $F_{271}$  duplus anguli  $AI'C$ ; anguli autem  $AIC$  non habetur duplus in vulgari sermone acceptus, neque enim est  $APC$ , sed ejus complementum ad rectos quatuor, cujus mensura est arcus  $AI'C$ , sive est angulus  $APC$  convexus.

803. Hujus etiam canonis usus occurrit in Sectionum Conicarum elementis. Ex num. 184 habetur, in  $F_{57}$  Ellipsi in fig. 58 duplum anguli  $PHp$  binarum tangentium æquari differentiæ binorum angulorum  $PFp$ ,  $Pfp$ , 58 in Hyperbola in fig. 59 summæ eorundem  $PFp$ ,  $Pfp$ , 59 Nam ubi  $f$  abit in Parabola in infinitum ita, ut nunquam jam sit, angulus  $Pfp$  decrescens in recessu puncti  $f$  in infinitum jam sit nullus, & idcirco ibidem in fig. 57 in Parabola duplum anguli  $PHp$  æquatur soli angulo  $PFp$ . Ubi autem abit curva in Hyperbolam figuræ 59, &  $f$  redit ex parte opposita, angulus  $Pfp$  acquirit directionem oppositam, quam cum adquisierit in transitu per nihilum, evasit negativus, & differentia debuit abire in summam.

804. Ibidem autem si angulus  $PFp$  non obvertat cuspidem puncto  $H$ , sed ut in fig. 60, 61, 62 hiatum;  $F_{60}$  enunciatio theorematis in vulgari Geometrico sermone  $F_{61}$  falsa erit. Nam non est accipiendus angulus  $PFp$  ca- 62

vus ille quem vulgo considerant, sed ejus complementum ad 4 rectos, nimirum ille, quem nos convexum appellavimus, qui constat adhuc binis PFN, pFN; quod ibidem enunciavimus, & qui id non enunciant, theoremata exhibent in hoc casu falsum. Nam in Geometrico sermone vulgari semper anguli nomine intelligitur cavus ille, non convexus.

805. Hic solum postremo loco notandum est hosce binos modos mutandi directionem in angulis transeundo per nihilum, & per duos rectos, respondere binis modis, quibus linea abit e positiva in negativam transeundo per nihilum, & per infinitum. Ut autem ibi non est analoga primario analogiæ genere priori lineæ linea finita habens directionem oppositam nata in transitu per infinitum, sed illa per infinitum traducta plusquam infinita; ita hic priori angulo non respondet post transitum per duos rectos angulus cavus directionis contrariæ, sed ille, quem nos hic convexum diximus plusquam obtusus.

806. Canon. 6. *Quadratum linea tam positiva, quam negativa est positivum, & quodvis quadratum positivum bina habet latera alterum positivum alterum negativum. Si autem quoddam quadratum aequale fuerit rectangulo; cujus latus alterum directionem mutet; ipsum quidem quadratum censendum erit reale, sed negativum, & quadrato primi analogum secundo genere analogiæ; at ejus latus fiet imaginarium, & impossibile, deficiente ibi termino analogo lateri quadrati prioris: si directionem mutet utrumque rectanguli latus, erit reale utrumque latus quadrati positivum, & negativum, & singula ex his erunt analoga primo analogiæ genere singulis lateribus prioris quadrati.*

807. Patet hic Canon. ex iis, quæ diximus a num. 682 ad 688, ubi & ejus demonstratio habetur, & affertur exempla ordinarum BG, BG figuræ 242, quæ binæ sunt intra circulum, nullæ extra, ac B<sub>2</sub>L, B<sub>3</sub>L<sub>2</sub>, quæ habentur extra utriusque in Hyperbola, non autem  
intra

intra, ac alia exempla adduntur desumpta a positionibus Euclidis libri 2. Quadratum autem, ubi fit negativum, & adhuc appellatur quadratum, non erit quadratum quantitatis realis, sed productum ex recta positive considerata, & recta longitudinis ejusdem, directionis contrariæ negative considerata; adeo ut quadratum negativum ubi ad reales quantitates referatur idem significet, ac ejusmodi productum, quod quadrato positivo, & vere quadrato respondet ita, ut recta negativa positive; erit autem quadratum lateris imaginarii, sive impossibilis. Rectangula ejusmodi, & quadrata negativa cum positivis confundi, & pro se invicem assumi poterunt, ubi solæ magnitudines considerantur; at ubi etiam positio consideratur, ac analogia ad transformationes, diligenter sunt distinguenda.

808. Consequitur autem ex ipso canone hoc veluti Corollarium. *Inter binas rectas tam simul positivas, quam simul negativas media proportionalis est duplex, altera positiva, altera negativa, quæ longitudine sunt æquales, directione contraria. Inter binas alteram positivam, negativam alteram media proportionalis realis non habetur, sed in impossibilem, & imaginariam utraque transit: haberi autem possunt binæ media longitudine æquales, sed positione contrariæ altera positiva, altera negativa.* Patet corollarium ex eo, quod quadratum mediæ æquari debeat rectangulo sub extremis, & demonstratum est num. 685. Binæ autem illæ mediæ habebuntur, ubi datarum altera est positiva, altera negativa, si earundem datarum utraque positive consideretur, & inveniuntur binæ mediæ, quod ibidem præstitimus, inventis binis  $B_2L$ , mediis inter  $AB_2$ ,  $B_2D$ : Nam si hæc considerentur ut positive ambæ, erit  $AB_2$  ad utramvis  $B_2L$ , ut eadem  $B_2L$  ad  $B_2D$ , at si altera ex iis consideretur negativo modo, ut  $AB_2$ , erit  $AB_2$  ad alterum e binis  $BL$ , ut altera,  $BL$ , non illa eadem, ad  $B_2D$ , mutata nimirum consideratione utriusque termini ejusdem primæ rationis. Atque hoc erit differi-



318 DE TRANSFORMATIONE

scrimen inter  $B$  comparatum circulo, &  $B_2$  comparatum Hyperbolæ. Erit ibi  $AB$  ad alterutram  $BG$ , ut eadem  $BG$  ad  $BD$ , hinc  $AB_2$  ad alteram  $B_2L$ , ut nou ea, sed altera  $BL$  pariter ad Hyperbolam terminata ad  $B_2D$ . Atque hoc pacto relationes quandoque habebuntur non inelegantes inter Ellipsim, & Hyperbolam, solventes quædam problemata, quæ viderentur ope positivorum, & negativorum ad unicūm problema reduci posse, & communem habere enunciationem, ubi nimirum planis positivis negativa succedant, non lineæ lineis tantummodo, ut in fine eorum, quæ ad hunc Canonem pertinent, patebit.

809. Hujus Canonis, & Corollarii summus est usus in Sectionum Conicarum elementis, & ejus ope nimirum in modum ratio redditur quarundam, quæ videntur anomalix everrentes omnem analogiam, & relationem harum curvarum ad se invicem. Illud jam supra notavimus num. 761, ubi ostendimus axem Hyperbolæ per infinitum traductum, non vero axem finitum respondere finito axi Ellipseos, quod nimirum per quodvis punctum axis finiti Ellipseos, & per nullum finiti, sed per quodvis illius, qui traducitur per infinitum in Hyperbola, ductæ rectæ ipsi axi perpendiculares occurrunt perimetro. Id vero hinc sane manifesto pendet, & ad omnes diametros primarias Hyperbolæ traducitur. Nimirum in fig. 9. in Ellipsi est (num. 66) constanter axis  $Mm$  ad chordam  $VF_{II}$ , ut rectangulum  $MRm$  ad quadratum semiordinatæ  $RP$ . Jam vero ubicumque assumatur punctum  $R$  in Ellipsi in axe finito  $Mm$ , ambæ  $MR$ ,  $mR$  retinent positionem suam, adeoque habentur ordinatæ  $PRp$  iis respondentes. At si punctum assumatur extra ad partes  $M$ , vel  $m$ , mutatur in negativam  $MR$ , vel  $mR$ , manente  $mR$ , vel  $MR$ . Quare mutatur in negativum etiam rectangulum  $MRm$ . Hinc quartus terminus proportionalis post  $Mm$   $V_{II}$ , & rectangulum  $MRm$ , quod erat quadratum semiordinatæ, vertitur in negativum, & proinde semiordinata respondens puncto cuilibet axis Ellipseos  $M \infty m$   
per

per infinitum traducti est imaginaria, licet ejus quadratum reale maneat, sed negativum.

810. Comparata jam Hyperbola figuræ II cum Ellipseo F. 9  
II ipsi fig. 9, si R assumatur in quovis puncto axis indefiniti MH; directionem habet MR eandem, ac prius, mR contrariam; & assumatur R' in axe mb, eam mutat MR', retinet mR'. Quare in utroque casu rectangulum MRm evadit negativum. Remanet autem Vn positiva quantitas, Mm negativa, directionis nimirum contrariæ. Quare mutatis primo, ac tertio termino proportionis, & manente secundo, debet manere quartus, adeoque quadratum semiordinatæ habetur positivum, & semiordinata utraque realis per totum axem M ∞ m traductum per infinitum. Contra vero in quovis puncto R assumpto inter M, & m retinetur directio utriusque MR, mR respectu Ellipseos; adeoque retinetur rectangulum MRm directionis ejusdem, retinetur VFn, mutatur vero Mm. Quare mutatur etiam quadratum semiordinatæ in negativum, & proinde nullum est punctum assumptum in axe Mm finito Hyperbolæ, in quo haberi possint ordinatæ. Ordinatæ ipsæ iis punctis respondentes sunt impossibiles, & imaginariæ; earum autem quadratum, quartum in illa proportionem, in qua priores tres termini reales sunt, reale est etiam ipsum, sed negativum.

811. Hoc animadverso, patet jam primo, cur Ellipsis quidem finito orbe in se ipsam redeat, Hyperbolæ vero habeat bina crura in infinitum utrinque producta. Patet etiam unde oriatur discrimen insigne inter diametros conjugatas primariarum Hyperbolæ, sive diametros secundarias & diametros conjugatas Ellipseos. Omnes diametri hujus terminantur ad perimetrum, (num. 212): illius diametri, non omnes, sed eæ solæ, quas continent ii asymptotorum anguli, quos axis transversus secat, occurrunt perimetrio ipsius; reliquæ autem ipsi nullo modo occurrunt, sed terminantur ad perimetrum binorum ramorum Hyperbolæ conjugatæ (num. 212), quæ Hyperbola conjugata est locus geometricus a priore

### 312 DE TRANSFORMATIONE

a priori omnino distinctus. Nam quæcumque diximus de ordinatis axi transverso, locum habent in ordinatis diametrorum omnium, cum in omnibus juxta num. 351 debeat esse rectangulum sub abscissis ad quadratum semiordinatæ in constanti ratione diametri primariæ, quæ in Hyperbola mutat directionem, ad rectam datam, qua parameter dicitur, & ut paulo inferius hinc demonstrabitur, eam non mutat. Quamobrem si per centrum  $C$ , utique interceptum verticibus diametri, concipiatur ordinata parallela ordinatis diametri primæ cujusvis; ea quidem imaginaria est, sed ejus quadratum est reale, & negativum. Si ea esset realis, esset utique analoga diametro conjugatæ Ellipseos, quæ cum per centrum transeat, & ad perimetrum Ellipseos ipsius terminetur, ac sit parallela ordinatis suæ diametri primæ sibi conjugatæ, etiam ipsa est ordinata quædam pertinens ad ipsum centrum. Hinc eruitur illud semidiametro parallelæ ordinatis diametri Ellipseos cujusvis terminatæ ad ejus perimetrum, adeoque ejus conjugatæ nihil respondere analogum, quod reale sit, & pertineat ad centrum finitum Hyperbolæ. Sed ejus quadrato respondere quadratum quoddam negativum, parametrum positivam, & rectangulum  $MCm$  positivum,

812. Porro ob hujus quadrati negativæ analogiam cum quadrato positivo axis conjugati Ellipseos factum est, ut Geometræ, licet id, ipsum omnino tum non perspexerint, semidiametros appellaverint conjugatas primariarum, latera ejusmodi quadrati positivè considerati, quas cum viderent non terminari ad perimetrum, eas dixerunt semidiametros secundarias; Illæ funguntur vice earum, quæ imaginariæ sunt, & quæ verè analogæ essent, si essent reales. Hinc autem illud manifesto consequitur, semidiametros, vel diametros secundarias Hyperbolæ nullam habere analogiam cum semidiametris, vel diametris conjugatis Ellipseos, sed illarum quadrata esse analogæ secunda-

rio analogiæ genere quadratis harum, nimirum, ubi refertur Hyperbola ad Ellipſim, quadrata ſemidiametrorum ſecundariarum illius aſſumenda eſſe, ut negativa, dum quadrata ſemidiametrorum conjugatarum cujuſvis diametri Ellipſeos conſiderantur, ut poſitiva.

813. Huc ubi iam delati ſumus, prona ſient, & legibus continuitatis, & uniformis Sectionum Conicarum naturæ admodum conformia plurima, quæ videntur omnem analogiam pervertere. Nimirum in iis, quæ pertinent ad diametros ipſas ſecundarias Hyperbolæ collatas cum diametris Ellipſeos, discrepabunt omnia, ac proprietates earum diverſæ erunt, & diverſa ratione demonſtrabuntur. Ubi autem earum quadrata occurrent, ſervabitur penitus analogia, dummodo quadrata diametrorum ſecundariarum Hyperbolæ habeantur pro negativis. Patebit autem & illud diſcrimen, & hæc conformis ratio, conſideratis ipſis Conicarum Sectionum Elementis, in quibus, quæ maximè notatu digna huc pertinentia arbitrabimur, hîc perfequentur.

814. Constructio Ellipſeos, quam ex datis binis diametris dedimus num. 391, nullo modo ad Hyperbolam transferri poteſt: ea vero, quam pro Hyperbola dedimus num. 269 ad Ellipſim pertinere non poteſt: ambæ elegantiffimæ ſunt, & ſimpliciffimæ, ſed a ſe invicem remotiffimæ, & penitus diſcrepantes. Axis tranſverſus in Ellipſi eſt omnium diametrorum maxima (n. 379), in Hyperbola omnium primariarum minima (num. 246), & methodi, quibus ea theoremata demonſtrantur a ſe invicem diſcrepant. In Ellipſi omnes diametri terminantur ad ejuſdem Ellipſeos perimetrum, ut diximus: in Hyperbola terminantur omnes primariæ tantum, ſecundariæ autem ad Hyperbolam conjugatam, quæ alium locum geometricum conſtituit a priori prorfus diſtinctum. In quavis Ellipſi habentur (numer. 379) binæ diametri conjugatæ æquales, ac vel primaria major eſſe poteſt, quam ſua conjugata vel minor: in Hyperbola, niſi æquilatera ſit, ſemper inæquales ſunt,

## 314 DE TRANSFORMATIONE .

æ primaria (num. 246) vel semper major, vel minor quam sua conjugata.

815. Ipsa ratio, quæ axem conjugatum, & diametros primariis conjugatas definivimus in Ellipsi, & Hyperbola discrimen hoc apertissime docet, cum admodum diversa sit, licet prima fronte conformis appareat. Neque enim eas definivimus ex ulla relatione communi ad perimetrum Ellipseos, & Hyperbolæ, quæ nimirum nulla habebatur, sed alia via ad hanc ipsam anomaliam declarandam aptissima. Nimirum pro axe conjugato in fig. 9, & 11 assumpsimus  $CX$ ;  $Cx$  medias inter  $MF$ ,  $mF$ , & diximus utrobique illam  $Cx$  axem conjugatum. Videtur sane hæc definitio communis esse desumpta nimirum ab eadem relatione ad rectas analogas  $MF$ ,  $mF$ . At re diligentius considerata, contrarium erit admodum manifestum. Cum enim  $MF$  in figura 11 habeat eandem directionem, ac in fig. 9, &  $Fm$  contrariam, patet alteram tantummodo transire in negativam. Hinc si habetur in Ellipsi duplex media proportionalis inter  $MF$  &  $Fm$ , ea in Hyperbola haberi non potest juxta num. 808, cum nulla sit media inter quantitatem positivam, & negativam, sed binæ inveniri possint mediæ æquales quidem magnitudine, sed positione contrariæ altera positiva, altera negativa. Si igitur in Hyperbola assumuntur mediæ  $CX$ ,  $Cx$  inter  $MF$ ,  $mF$ , jam etiam  $mF$  consideratur, ut positiva, adeoque ipsa sic considerata non est analogæ illi  $mF$  Ellipseos ibidem consideratæ, ut positivæ, nec proinde illæ mediæ analogæ sunt.

816. At pro diametris conjugatis cujusvis diametri poterat quidem illud assumi pro definitione, ut essent rectæ per centrum ductæ parallæ ordinatis illius in eo bifariam sectæ, quatum quadratum ad quadratum suæ diametri primæ esset; ut est quadratum semiordinatæ ad rectangulum sub abscissis, quæ visa fuisset communis definitio. Sed præter quam quod in eundem scopulum incidisset definitio, quadrato semidiametri secundariæ evadente negativo in Hyperbola, & ipsa se-

LOCORUM GEOMETRICORUM. 315

Indiametro, ac diametro, si analogia rite servanda esset, imaginaria; præterea ea definitio nec generalis extitisset: nam diameter quævis primaria habet in Hyperbola suam secundariam, cujus ea ipsa conjugata est, nec tamen habetur constans ea ratio quadrati semior-  
 dinatæ diametri secundariæ ad rectangulum sub abscissis a binis ejus verticibus, sed ea proprietas est ordinatarum tantummodo, & abscissarum ad diametrum primariam. Aliam igitur apparentem tantummodo analogiam confectati sumus, quæ primo aspectu summa videretur, licet re ipsa, nulla esset, cum nimirum nulla prorsus haberi posset. Nimirum in subsidium vocavimus figuram illam conclusam quatuor infinitis binarum Hyperbolarum conjugatarum ramis, quas exhibent figuræ 52, 83, 84, & ad unicam Ellipsim, ut 83 num. 172 inhuimus, relationes habet admodum elegantes. Diximus igitur num. 212 illam diametri cujuscvis diametrum conjugatam, & positione, & magnitudinè definitam, quæ per centrum ducta ordinatis illius parallela esset, & ad perimetrum terminaretur in Ellipsi ipsius Ellipseos, in Hyperbolâ figuræ ipsius a quatuor binarum Hyperbolarum conjugatarum ramis conclusæ, qua definitione satis patebat contineri axes ipsos, cum axem conjugatum terminari in Ellipsi ad perimetrum ipsius Ellipseos constaret ex n. 72, & in Hyperbola id in ipsa Hyperbolarum conjugatarum notione contineretur n. 170.

817. Porro tanta est ejus figuræ quatuor Hyperbolarum ramis conclusæ habitudo ad unicam Ellipsim, ut ea vel minus perito, vel minus cauto Geometræ facile possit imponere, ac suadere ejus etiam figuræ perimetrum simplicem esse Geometricum locum, & unicè Ellipsi integrè respondentem. Nam quævis recta tam in quavis Ellipsi, quam in ejusmodi figura per centrum ducta, ipsius perimetro occurrit hinc, & inde in binis punctis tantummodo, si nimirum & asymptotorum concursus considerentur, ut in infinito delitescentes, ubi se & cum ipsis asymptotis octo illa quatuor ramo-

tum

rum crura jungant: quævis ex iis ita terminata in ipso centro secatur bifariam; quævis est diameter habens ordinatas, quas bifariam fecet, quibus liceret annumerare etiam illas  $IL$  in fig. 83, quæ dici possent ordinatæ asymptotorum alteri parallelæ ab altera bifariam sectæ, juxta num. 240; quævis habet binas tangentes perimetri figuræ ordinatis parallelas præter asymptotorum ordinatas illas  $LI$ , quæ nullam habent nisi ipsa asymptoto considerata pro tangente, cujus contactus ita in infinitum recedit, ut nusquam jam sit: quævis diametrum sibi conjugatam habet parallelam binis tangentibus figuræ per binos suos vertices ductis. Demum tam in Ellipsi, quam in ea figura quatuor tangentes per extrema puncta diametrorum conjugatarum ductæ parallelogrammum continent, cujus area constantis est magnitudinis, æqualis nimirum rectangulo sub binis axibus, juxta num. 469, ubi illud etiam ad hujusmodi analogiam accedit, quod anguli eius parallelogrammi terminantur in Ellipsi ad aliam Ellipsim similem (num. 375), & in Hyperbola ad asymptotos (num. 244), quas patet communes esse debere omnibus Hyperbolis similibus idem habentibus centrum  $C$ , & eandem directionem axium  $Mm$ ,  $Xx$ , ac eandem eorundem rationem ad se invicem, & in eas debere definire omnes Hyperbolas, ubi axes evanescant, ut adeo illæ ipsæ asymptoti considerari possint, tanquam alia quædam Hyperbola illi similis, in cuius perimetro id parallelogrammum angulos habet terminatos, ut in Ellipsi.

818. At licet tanta sit huius figuræ similitudo cum Ellipsi, discrimen admodum facile deprehenditur vel ex eo, quod eadem recta ei figuræ in quatuor etiam punctis possit occurrere, ut illa  $Hh$  fig. 84, quæ occurrit ipsi in  $N$ ,  $P$ ,  $p$ ,  $n$ , præter quam quod nulla è mille aliis proprietatibus, quæ vel ad focos, vel ad ordinatas, vel ad latera recta, normales, tangentes, ac alia ejusmodi pertinent in Ellipsi, locum habet in ramis omnibus eius figuræ, sed ritè applicata in binis tan-

tantummodo . Illa vero qualiscumque apparens analogia, & figurarum similitudo inde ortum duxit, quod licet ipsæ diametri secundariæ non sint in Hyperbola analogæ diametris Ellipseos, earum tamen quadrata sunt analogæ secundo analogiæ genere quadratis harum, quibus si negativè sumantur, prorsus respondent. Cum ipsæ diametri vi ejus definitionis nullo modo analogæ sint, hæc ipsa analogia quadratorum demonstrari communi demonstratione non potuit desumpta ex ipsa definitione . Pendet ea a theoremate enunciato Prop. 7 num. 351, in qua habetur pro utraque curva, quadratum semiordinatæ cujusvis diametri primariæ esse ad rectangulum sub binis abscissis a binis ejus verticibus, ut est quadratum semidiametri conjugatæ ad quadratum semidiametri primariæ . Porro rationem ejus quadrati ad rectangulum sub abscissis constantem esse communi demonstratione patuit num. 352 ; at eam eandem esse, quæ est quadrati semidiametri primariæ, eadem pro utraque curva demonstratione evinci non potuit ; sed pro Ellipsi ibidem demonstratum est ex eo, quod vertices diametri conjugatæ sunt etiam ii ad eandem Ellipsim, pro Hyperbola repetitum est a numer. 356, ubi idem longe alia demonstratione, petita videlicet ab asymptotorum natura, fuerat demonstratum.

§19. Cæterum demonstrata jam ejusmodi quadratorum analogia, ex qua constat quadratum ejus, quæ dicta est diameter secundaria in Hyperbola, esse ejusdem magnitudinis, ac est quadratum negativum vere analogum quadrato positivo diametri conjugatæ Ellipseos, quæcumque in Ellipsi pertinebunt non ad ipsas diametros conjugatas, sed ad earum quadrata, erunt communia Hyperbolæ, dummodo in hæc quadratum semidiametri secundariæ sumatur negativè, quod sane, si ipsa secundaria diameter esset analogæ diametro Ellipseos, positive sumi deberet, cum nimirum & positivatum, & negativatum quantitatum quadrata sint positiva . Fit autem idem, ut ubi de quadratis agitur,



altero jam negativè accepto, summis jam respondeant differentiæ, quod in sequentibus exemplis manifestum erit:

F. 19  
20  
820. In Ellipsi in fig. 19 quadratum distantiae CF foci a centro æquatur ( num: 64 ) differentiae quadratorum semiaxium CM, CX; at in Hyperbola in fig. 20 summe. Semiaxis quidem Hyperbolæ transversus ille finitus *Mm* est analogus semiaxi transverso Ellipseos, sed secundario analogiæ genere; adeoque respectu ipsius negativus. At positivum adhuc manet ejus quadratum. Semiaxis conjugatus illius terminatus vertice X non est analogus ullo analogiæ genere semiaxi conjugato hujus, sed illi respondet imaginaria; atque impossibilis quantitas; cujus tamen quantitatis quadratum reale æquatur semiaxis conjugati quadrato negativè sumpto; unde fit, ut ubi ipsius CX adhibetur quadratum in Ellipsi, substitui possit in Hyperbola sua CX quadratum negativè sumptum, quod erit idem; ac rectangulo *MFm* Ellipseos analogum; sed negativum Hyperbolæ rectangulum *MFm* substituere. Ac ut quadratum CF in fig. 19 est differentia quadrati CM, & rectanguli *MFm*; in figura vero 20 summa eorundem, mutata nimirum directione rectanguli *MFm* ob *mF* mutatam positione, quæ duo theoremata apud Euclidem respondent propositioni 5 & 6 Libri 2, sed revera rite considerata Geometriæ indole, unicum theorema sunt; ita etiam ibi differentiae, hic summæ quadratorum CM, CX æquatur illud idem quadratum CF.

821. Eodem prorsus pacto cum in Ellipsi summa quadratorum semidiametrorum conjugatarum, æquetur summæ quadratorum axium, in Hyperbola æquantur inter se eorundem quadratorum differentiae; quod nimirum quadrato diametri conjugatæ Ellipseos respondet in Hyperbola quadratum quantitatis imaginariæ, sed ipsum reale, & æquale quadrato semidiametri conjugatæ Ellipseos negativè sumpto.

822. Quod parametri, seu latera recta omnium dia-

metro-

metrorum in Ellipsi, & primariorum in Hyperbola sunt prorsus analogæ, & quidem primario analogiæ genere; sunt autem, ut jam videbimus, ac proinde proprietates omnes communes habeant; & communi enunciatione, constructione, demonstratione ubique gaudeant; ex hac ipsa quadrati semidiametri conjugatæ negativè sumpti consideratione omnino profluit: Latus rectum cujuspiam diametri diximus generaliter ( num. 351 ) tertiam continue proportionalem post diametrum illam, & ejus conjugatam, & eo reduci etiam latus principale; constat ex num. 66; cum inde pateat, & in Ellipsi; & in Hyperbola ipsum esse tertium post axem transversum, & conjugatum; licet ubi ipsum definivimus n. 54, usi fuerimus eâ proprietate, quam habet communem cum latere recto principali Parabolæ carentis axe conjugato, quod nimirum sit chorda axi perpendicularis per focum ducta: Rectangulum sub diametro primariâ; & latere recto debet æquari quadrato diametri secundariæ. Porro ubi Ellipsis in Hyperbolam abit, quadratum diametri conjugatæ secundariæ Hyperbolæ ipsius negativè sumptum est analogum quadrato diametri conjugatæ Ellipseos. Debet igitur evadere negativum illud rectangulum; adeoque debet evadere negativum alterum tantummodo e binis ejus lateribus: Evadit autem negativa diameter primaria, quæ nimirum terminatur ad ramum oppositum. Igitur latus rectum debet adhuc remanere positivum; quod cum connectatur non cum eâ quantitate imaginaria, quæ in Hyperbola respondet diametro conjugatæ Ellipseos, sed cum ejus quadrato reali, reale est.

823. Poterat quidem sic etiam defini, ut esset quartum post rectangulum sub binis abscissis; quadratum semiordinatæ, ac diametrum primariam, cujus ea est ordinata, & in hac definitione, quæ eodem redit, nihil assumeretur, quod non esset homogeneum, & reale: Abeunt autem in negativos primus terminus ob alteram abscissam, ac tertius ob diametrum primariam abeuntes in negativas; ac proinde manente positivo se-

cundo termino, sive quadrato semiordinatæ, manet etiam positivus quarrus, seu latus rectum. Eo pacto ejus positiva analogia in ipsa definitione manifesta esset per sese. At quoniam ejus relationis ad ipsas diametros major est usus, & est multo simplicior determinatio tertiæ continuè proportionalis post binas rectas, quam quartæ post illa plana; idcirco hîc etiam simplicitatî posthabuimus analogiam, ut supra num. 797.

824. Cæterum latera recta communibus gaudere proprietatibus in utraque curva, plurimis exemplis patet, quæ elementa ipsa perpendicularibus passim occurrent. F173 Eodem pacto latera recta principalia determinantur 180 num. 54 per chordam axi perpendicularem per focum 186 ductam: eodem pacto num. 464 definitur in fig. 173, 189 174 ex dimidio latere recto principali VO subnormalis RM æqualis RD: eodem pacto num. 475 in fig. 180, ac 181 illa PT, abscissa per perpendicularum MT ductum ex concursu normalis cum axe transverso in radium foci, æqualis dimidio lateri recto principali; eodem pacto num. 495 determinatur in fig. 186, 188 ex quovis latere recto VA quadratum semiordinatæ PR æquale rectangulo VRL: eodem pacto num. 503 in fig. 189, 191 chorda VH, quam circulus osculator abscindit ex diametro primaria ducta per punctum osculi, æqualis lateri recto ejusdem diametri. In iis omnibus & enunciatio, & constructio, & demonstratio communis est.

825. Quoniam vero ipsæ diametri conjugatæ in Ellipsi, & Hyperbola nullam analogiam habent, habent autem earum quadrata secundariam; tam in demonstrandis theorematis, quam in solvendis problematis, quæ pendent a diametris ipsis conjugatis, proderit sæpe ad earum quadrata recurrere, quorum ope communis quandoque inveniri poterit & enunciatio, & constructio, ac demonstratio. Exemplum theorematis desumi potest ab illa area parallelogrammi, quod in suo angulo continent binæ diametri conjugatæ, & circumscribitur Ellipsi, ac inscribitur figuræ Hyperbolicæ 4 ra-

motum, quæ area constanter equatur rectangulo sub  
 semiaxibus. Nos aliam ejus demonstrationem dedimus  
 pro Ellipsi num. 375, aliam pro Hyperbola num. 244,  
 quarum illa prior ad Hyperbolam, posterior ad Ellip-  
 sim transferti nullo modo possunt, atque id idcirco,  
 quod in iis nulla haberi debuerat analogia: Demon-  
 strationem communem nonnulli exhibent ope tangen-  
 tium, quæ proprietates communes habent. Nos etiam  
 num. 469 communem ejus demonstrationem haberi pos-  
 se ostendimus petitam ex alio communi theoremate  
 proposito num. 466, quod nimirum in fig. 171, & 172 F 171  
172  
 rectangulum sub perpendicularo CL e centro in tangen-  
 tem, & semidiametro conjugata CI æquetur rectangu-  
 lo sub semiaxibus. Id vero idcirco fieri potuit, quia  
 num. 467 in ejus theorematis demonstratione inven-  
 tum fuit, alternando, quadratum CL ad quadratum se-  
 miaxis transversæ CV, ut quadratum semiaxis conjuga-  
 ti CD ad quadratum semidiametri conjugatæ CI. Qua-  
 drata adhibita sunt, quæ sunt realia, licet negativa  
 sint. Quadratum autem semiaxis conjugati CD, & se-  
 midiametri conjugatæ CI in Hyperbola, si negativè ac-  
 cipiantur, sunt analogæ iisdem quadratis positivè sum-  
 ptis in Ellipsi, & ratio inter ea negativè sumpta est  
 eadem, ac inter ea positivè sumpta, quam ob causam  
 in lateribus ipsorum positivè consideratorum, quæ rea-  
 lia sunt, mansit ratio, licet in iis non habeatur analo-  
 gia. Id semper accidet, ubi proportio aliqua comple-  
 ctetur in Ellipsi binos terminos, qui in Hyperbola ma-  
 neant analogi, & binas diametros, quæ in Hyperbola  
 fiant secundariæ; manebit proportio, sed in demonstra-  
 tione recurrentum erit ad quadrata, & ad hunc ipsum  
 discursum, quem hic instituimus.

826. Problematis exemplum esse potest illud, quod  
 num. 436 proposuimus, ubi & quadratum semidiamete-  
 tri conjugatæ analogum secundario analogiæ genere,  
 & latus rectum primario analogiæ genere analogum  
 adhibuimus. Ibi datis in fig. 160, 161 binis diametris con- F 160  
 jugatis Pp, lz, quærebantur axes. Poterant quæri binæ 161

rectæ ejusmodi, ut quadratorum summa, vel differentia æquaretur summæ, vel differentiæ quadratorum datarum CP, CI, & rectangulum rectangulo sub altera, ut CI, & perpendiculo ex alterius vertice demisso in ipsam, quibus definitur constans parallelogrammum; at solutio nec obyenisset communis, nec ita expedita. Sustulimus heterogeneas illas diametros conjugatas, & illis substituimus parametros, quæ datis diametris primariis, & conjugatis dantur, & cum dentur per quadrata diametrorum conjugatarum analogæ sunt in utraque curvæ, & quidem primario analogiæ genere, ut vidimus num. 822. Eas combinavimus cum diametris primariis itidem analogis, sed secundo genere, adeoque negativis. Idcirco applicata PS æquali dimidiæ parametro utrobique ex parte curvæ convexa, adeoque utrobique ad eandem plagam, nimirum in Ellipsi in fig. 160 in directum cum pP, in Hyperbola in fig. 161 a P versus punctum p mutatum, unde provenit CS summa ibi semidiametri CP, & dimidiæ parametri PS, quæ in illa positivæ sunt ambe, differentia hîc alterius positivæ ab altera negativa; communis profuxit & constructio, & demonstratio.

827. Quoniam autem diximus num. 808. inter binas rectas alteram positivam, alteram negativam non posse inveniri unicam mediam proportionalem, posse autem duas magnitudine quidem æquales sed directione contrarias; non erit abs re proferre exemplum, in quo binæ semidiametri secundariæ in Hyperbola assumptæ cum directionibus contrariis sint mediæ proportionales inter binas rectas, quæ in Ellipsi ambæ sunt positivæ, & habent semidiametrum conjugatam pro media proportionali, quatum tamen altera directionem servat in Hyperbola, altera mutat, ubi ea proprietas semidiametri Ellipseos ad Hyperbolam transfertur hujus contrariæ directionis beneficio, quæ nimirum profluit ex illa quadrati negativæ analogia, Diximus num. 415 in fig. 156 semidiametrum secundariam CV in Hyperbola esse mediam proportionalem inter abscissam a centro

F154  
155  
156

pro CR, & distantiam CQ concursus tangentis PQ cum eadem diametro, Monuimus autem ipsas CR, CQ, quæ in figura 153, & 154, ubi num. 419 agebatur de diametris Ellipseos, vel de diametris Hyperbolæ primariis, jacebant ad eandem centri partem, debere in fig. 153 jacere ad partes oppositas, Nimirum in diametris primariis in fig. 153, & 154 erat CR ad CV, ut CV ad CQ, & quadratum CV æquale rectangulo sub CR, & CQ. In fig. 156 quadratum CV negativè sumptum respondet quadrato CV fig. 153, & 154. Hinc rectangulum sub CR, & CQ debuit esse negativum in fig. 156 respectu fig. 153, & 154, adeoque cum in illis eandem utraque directionem habuerit, in hac debent habere contrarias; nec erit, si positio etiam spectetur, CR ad CV, ut CV ad CQ, sed CR ad CV, ut C<sub>u</sub> ad CQ. Id autem ipsum eruitur ex fine demonstrationis positæ num. 416. Invenitur enim CR ad CQ, ut quadratum CR ad quadratum CV. Primus terminus; & secundus habent directionem contrariam, adeoque & tertius, ac quartus debent habere contrariam ita, ut quadratum CV respectu positivi quadrati CR pro negativo habendum sit, sive pro producto ex C<sub>u</sub>, & CV, quæ sint verè mediæ inter CR, CQ, si directio spectatur. Sed cum ipsa directio ibi consideranda nobis non esset, & solè magnitudines spectarentur, quæ in Geometria communi usum habent; diximus semidiametrum ipsam CV mediã inter CR, CQ ibi, ut in diametris primariis.

828. Haud multum ab simile ab eò casu est illud, quod diximus num. 808. in fig. 242 si sumatur BG<sub>F242</sub> pro mediã inter AB, BD consideratas ut positivas, mutata AB in negativam AB<sub>2</sub>, fore non B<sub>2</sub>L terminatam ad Hyperbolam mediã inter AB<sub>2</sub>, B<sub>2</sub>D, sed binas illas B<sub>2</sub> habentes directiones oppositas, alteram positivam, alteram negativam, fore medias. Simile quid habetur etiam, si major quædam relatio queratur inter inventionem Locorum Geometricorum; ad quæ terminatur vertex trianguli habentis basim datam,

324 DE TRANSFORMATIONE

cujus angulorum ad basim summa, vel differentia æquatur angulo dato, quorum Locorum nu. 266 invenimus primum esse circulum, secundum esse Hyperbolam F272 æquilateram. Sit in fig. 272. recta data  $Vu$ , fiat angulus  $\nu VI$  æqualis summæ, vel differentiæ: tum methodo ibidem exposita fiat circulus  $VP'u$ , cujus  $Vu$  chorda, &  $IVi$  tangens, & Hyperbola æquilatera  $SVT \infty tus$ , cujus diameter  $Vu$ , tangens pariter  $IVi$ : ac arcus circuli  $VP'u$ , & Hyperbolæ  $VT \infty tu$  egressi ab  $V$  ad partes  $I$ , ac desinentes in  $u$ , exhibebunt ille summam, hic differentiam æqualem angulo  $\nu VI$ , reliquis idem exhibentibus respectu  $\nu Vi$ .

§29. Demonstratio pro Hyperbola ibi expressa est hujusmodi. Ducta ordinata  $PRp$  parallela  $IVi$ , & rectis  $VP$ ,  $\nu P$ , erit (num. 260) quadratum  $RP$  æquale rectangulo  $VRu$ , adeoque  $VR$  ad  $RP$ , ut  $RP$  ad  $Ru$ ; & proinde similia erunt triangula  $VRP$ ,  $PRu$  ob angulum ad  $R$  communem, & angulus  $R\nu P$ , sive  $V\nu P$  æqualis  $VPR$ , sive alterno  $PVI$ , adeoque differentia ipsorum  $PVu$ ,  $P\nu V$  eadem, ac  $PVu$ ,  $PVI$ , sive datus angulus  $\nu VI$ , quæ demonstratio eadem esset in ætate  $ut \infty$ , cum tangens per  $u$  debeat esse parallela tangenti  $IVi$ , & continere cum  $\nu V$  angulum æqualem ipsi  $\nu VI$  ad partes oppositas, nimirum alternum. Porro in circulo ductis pariter  $VP'$ ,  $\nu P'$ , angulus  $P'VI$  chordæ cum tangente æquatur angulo  $V\nu P'$  in alterno segmento; adeoque binæ  $P'\nu V$ ,  $P\nu V$  æquantur soli  $\nu VI$ , ut oportebat. At si illa demonstratio Hyperbolæ ad circulum sit transferenda, ubi  $VR'$  acquisivit directionem contrariam  $VR$ , & in negativam abiit, non erit jam  $RP'$  media inter  $VR'$ ,  $R'u$ , sed binæ  $RP'$ ,  $Rp'$ , quarum altera directionem habet alteri oppositam, erunt mediæ. Et quidem sunt a natura circuli, in quo rectangula  $VR'u$ ,  $P'R'p'$  æqualia sunt, adeoque  $VR'$  ad  $R'P'$ , ut  $R'p'$  ad  $R'u$ , & ob angulos ad verticem  $R'$  oppositos æquales, angulus  $R'P'V$  sive  $P'VI$  æqualis angulo  $R'\nu p'$ , sive ob arcus  $VP'$ ,  $Vp'$  interceptos a chorda tangenti parallela æquales, æqualis angulo  $V\nu P'$ , ut oportebat.

LOCORUM GEOMETRICORUM. 325

830. Porro hinc aliquando fieri potest, ut ad quorundam problematum resolutionem, quæ videntur unicum continere problemâ, respondeant Loca Geometrica diversæ prorsus naturæ, quæ diversis eorum partibus satisfaciant, singula singulis. Satis quidem est manifestum id debere contingere, ubi positivorum, & negativorum ratio non habeatur: Ubi in problemate proposito num. 676 quæritur in fig. 239 summa segmen-  
 torum MN, NO, quæ recta data EF intercipit inter se, & binas parallelas AB, DG datas e recta ducta per punctum P datum, si ea recta debeat occurrere rectæ EF in N<sub>1</sub> inter parallelas ipsas, solutio est admodum expedita, quam ibidem dedimus, ope solius rectæ KI, & PN ipsi parallelæ. Eadem communis erit etiam, ubi punctum N cadat extra in N<sub>2</sub>, vel N<sub>3</sub>, dummodo mutata directione recta intercepta habeatur pro negativa. Nam si nulla negativorum ratio habeatur, & quæratür recta ejusmodi, in qua M<sub>2</sub>N<sub>2</sub>, & O<sub>2</sub>N<sub>2</sub> simul sumptæ æquentur rectæ datæ, problema erit altissimum, & curvas sublimiores requireret. Si enim ex puncto P<sub>2</sub> ducta quavis P<sub>2</sub>O<sub>2</sub>N<sub>2</sub>, sumatur N<sub>2</sub>R semper æqualis, & contraria O<sub>2</sub>N<sub>2</sub>, haud difficulter demonstratur, punctum R fore ad Hyperbolam transfentem per P<sub>2</sub>, & habentem pro asymptotis binas rectas parallelas ipsis EF, DG, quarum prima citra EF, secunda ultra P jaceat tantundem, quantum P jacet ultra EF, vel DG. Quod si ducta per P<sub>2</sub> quavis recta P<sub>2</sub>M<sub>2</sub>, in ea sumatur semper M<sub>2</sub>R recta æqualis datæ summe; punctum R erit semper ad Concoïdem axe AB, polo P<sub>2</sub> descriptam, cum ea ipsa sit ejus curvæ notio, de qua nobis alibi agendum erit. Quare ubi eæ binæ curvæ se secuerint in R, habebitur ex prima N<sub>2</sub>R æqualis N<sub>2</sub>O<sub>2</sub>, adeoque M<sub>2</sub>R summa ipsarum M<sub>2</sub>N<sub>2</sub>, N<sub>2</sub>O<sub>2</sub> quæ ex secunda erit æqualis datæ.

831. At ibi statim dignoscitur mutatio problematis ex summa considerata etiam post mutatum alterum terminum in negativum. Verum prima fronte facilius quispian habebit pro simplici problema, quo in fig. 242, da-  
 F. 242-  
 tis



tis in recta indefinita AD binis punctis A, D, quaeratur in eadem punctum B ita, ut rectangulum sub binis ejus distantis AB, DB a punctis A, & D aequetur dato rectangulo. Ad ejus generalem solutionem requiritur figura composita ex circulo, cujus diameter AD, & Hyperbola aequilatera, cujus AD axis transversus. Si ex quovis puncto R datae rectae erigatur perpendicularis RS media inter latera dati rectanguli, & ducatur ex S recta ipsi datae rectae parallela, quae necessario occurret binis ramis Hyperbolae in binis punctis L, L<sub>2</sub>, & circulum vel secabit in binis G, G, vel tanget in unico, vel evitabit, extra ipsum delata, prout RS fuerit minor, aequalis, vel major circuli radio, sive dimidiae AD, & occurfus illi cum figura coalescente ex iis binis locis solvent problema. Demissis enim perpendicularis LB, GB, quae erunt aequalia ipsi SR, erit ( num. 685 ) rectangulum quodvis ABC, aequale quadrato suae BG, sive BL, adeoque quadrato SR, & rectangulo dato. Idem autem problema proponi posset etiam hoc pacto. Invenire duas reciprocas binis datis, quarum detur summa, vel differentia. Nam data AD est summa AB, BD, & differentia AB<sub>2</sub>, B<sub>2</sub>D, vel AB<sub>3</sub>, B<sub>3</sub>D, & alterum dati rectanguli latus est ad alteram ex ipsis, ut earum altera ad ejusdem rectanguli latus alterum. Videtur problema unicum esse utrumque, cum summas in differentias mutet, mutata directione AB in AB<sub>2</sub>. Sed idcirco maxime dividitur in bina inter se diversa, cum AB<sub>2</sub>, & B<sub>2</sub>D, non possit esse mediae inter illas ipsas, inter quas mediae sunt AB, AD: nam in proportione unus tantum terminus directionem mutare non potest ( num. 777 ). Quadratum quoque eidem RS aequale, & semper positivum, aequale esse non potest utrique rectangulo ABD, AB<sub>2</sub>D, nisi suppositio positivorum, adeoque unitas problematis mutetur; cum alterum ex iis rectangulis respectu alterius, manente unica suppositione, negativum esse debeat.

F272 832 Bina pariter Loca Geometrica figurae 272 solvunt

vunt binos casus problematis, qui simul ad unicum problema pertinere viderentur, & tamen ad duos pertinent inter se diversos. Et quidem id problema erit quoddam complementum eorum, quæ in Conicarum Sectionum elementis demonstravimus de figurarum similitudine a n. 18. Sit in fig. 273 figura *fab* directe, vel *fab'* inverse similis figuræ *FAB*, & quærat, an habeant aliquod punctum *P*, vel *P'*, in quo bina homologa puncta coeant, sive quod sit punctum homologum commune. Ad id inveniendum producta *af*, donec occurrat in *V* rectæ *AF* productæ indefinitè in *I*, sumatur *fu* in eadem directione respectu *fa*, in qua est *FV* respectu *FA*, quæ ad ipsam *FV* sit in ratione, in qua sunt latera homologa *af*, *AF*, & patet puncta *Vu* fore homologa. Jam ut punctum *P*, vel *P'* commune sit, oportebit, rectæ *VP*, *PV*, vel *uP*, *P'V* sint in illa eadem ratione, ac anguli *IVP*, *VuP* ad easdem plagas in similitudine directa, *IVP'*, *VuP'* in inversa ad oppositas, æquales sint inter se. Quare summa angulorum *BVu*, *PuV*, vel differentia *P'Vu*, *P'uV* debet esse æqualis angulo *IVu* dato, qui est summa angulorum *PVu*, *PVI*, & differentia *P'Vu*; *P'VI*. Si igitur construuntur bini Loci Geometrici, alter, ad quem ex punctis *Vu* ductæ rectæ *uP*, *VP*, vel *uP'*, *VP'* sint in illa ratione data *fa* ad *FA*, alter, in quo summa angulorum *PVu*, *PuV*, vel differentia *P'Vu*, *P'uV* æquetur dato angulo *IVu*, occurfus ejusmodi locorum solvet problema. Porro patet ex num. 28 primum locum haberi, si in recta *uV* producta datis binis punctis *V*, *u*, alternis proportionis armonicæ, & ratione *fa* ad *FA* ipsius proportionis, inveniuntur reliqua duo *B*, *D* per num. 25, & diametro *BD* describatur circulus *BPDP'*: secundum autem, patet ex num. 266, fore pro *P* arcum circuli *VPu* habentis *VI* pro tangente, *Vu* pro chorda, & pro *P'* crura *VT* ∞ *tu* Hyperbolæ æquilateræ habentis *Vu* pro diametro, & ipsam *VI*, pro tangente. Quare patet, quo pacto problema construendum sit.

833. Porro videbatur, pro directa, & inversa similitudine eadem Loca Geometrica requiri debere, at diversa obtigerunt. Requirebatur enim in altero summa, in altero differentia angulorum ad basim æqualis datæ, quæ problemata cum in fig. 272 mutant illam eandem RP mediam inter VR, RV in binas R'P', R''P'' medias inter VR', R''V'', mutata positione VR in contrariam VR', Loci Geometrici requisiti mutarunt naturam.

834. Ex tam expedita problematis constructione facile deduci potest, semper commune punctum inveniri debere in binis figuris, utcumque similibus, idque unicum, si inæquales sint, ac in casu equalitatis puncto D abeunte in infinitum, circulum PBP' abire in rectam, & P inveniri expeditius, P' abire in infinitum: in casu autem inverse similitudinis secto bifariam angulo VP'' per rectam indefinitam, eandem, quæ nimirum cum rectis P'V, P''V'' homologis æquales continebit angulos ad partes oppositas, fore communem positione homologam, in directa vero similitudine, si non congruant directione ipsæ VP, V''P'' positione homologæ, nullas alias per commune punctum ductas communes esse posse; si vero illæ congruant, omnes per ipsum ductas fore positione communes, ut sunt omnes per F ductæ in fig. 33, & 34, cum nimirum novæ homologæ cum precedentibus eisdem in eandem plagam  
 F. 33  
 34 angulos continere debeant, adeoque inter se eundem angulum, quem illæ inter se. Sed nos jam longius evagatos septimus Canon ad se se vocat.

835. Canon. 7. *Si in quatuor proportionis cuiuspiam terminis binis utriuslibet rationis maneat finiti, reliquorum autem alter, abeat in nihilum, vel ita in infinitum, ut alterum saltem ejus extremum nusquam jam sit; alter abibit pariter in nihilum, vel in infinitum eodem pacto. Quod si binis extremis manentibus alter ex extremis abeat in nihilum, vel in infinitum, alter contra abibit in infinitum, vel in nihilum, & idem in mediis continget, si bini extremi mancant: ac si, quod eodem*

*eodem redit, quoddam rectangulum finito rectangulo equa-  
le maneat, ac alterum ejus latus abeat in nihilum, vel  
in infinitum, alterum contra abibit in infinitum, vel  
in nihilum.*

836. Canonis hujus partes omnes videntur admodum manifestæ. Adhuc tamen sic accuratius demonstrantur. Si bini termini rationis utriuslibet finiti sint & unus præterea rationis alterius evanescat, vel fiat infinitus, alter ipse non potest finitus remanere; nam is, qui supponitur evasisse infinitus, vel abiisse in nihilum, adhuc esset finitus, & inveniretur ex reliquis tribus eodem pacto, quo in Geometria, datis tribus re-  
ctis, quarta proportionalis invenitur. Porro cum eorum ratio debeat esse finita, non potest alter ex iis binis terminis abire in nihilum, altero abeunte in infinitum, ratio enim infiniti ad nihilum non finita esset, sed infinities infinita. Quod si binis extremis manentibus finitis, alter ex mediis evanescat, vel in infinitum abeat, alter ex ipsis eadem ratione finitus remanere non potest, quod eodem argumento evincitur. Non possunt autem simul abire in nihilum, vel in infinitum, ne eorum productum, quod æquari debet finito producto extremorum, fiat nihilum, vel infinitum. Eadem autem est demonstratio, si maneant mediis, & alter ex extremis abeat in nihilum, vel in infinitum.

837. Porro ubi alter ex terminis extremis, vel mediis proportionis ita in infinitum absolute recessit, ut nusquam jam sit, verum nihilum illi respondere debet, non quantitas quæpiam, quæ dicatur infinitesima ordinis cujuscumque. Id quidem multo evidentius constabit, ubi manifesto demonstraverimus, quantitates infinitesimas, quæ in se ipsis tales sint, nullas revera esse, sed a nostro cogitandi modo pendere tantummodo, ut nimirum indefinitè, non absolute infinitè parvæ sint. At hîc etiam, si nomine infiniti absoluti intelligatur id, cujus saltem alter limes, ut in recta alterum punctum, ita in infinitum recessit, ut nusquam sit; verum ei nihilum respondere mille exemplis e Geometria petitis facile evinci

evinci potest. In fig. 254 ubi est VR ad VA, ut AB ad RP:  
 F. 254 Utcumque parva sit VR respondet semper alicui RP  
 264 habenti aliquem terminum P, nec P ita recedit in in-  
 275 finitum; ut nusquam jam sit, nisi ubi R recidat in V;  
 facta RP absolute infinita, & VR penitus evanescente:  
 nam accuratâ demonstratione ostensum est ( num. 149 );  
 asymptotum solam in Hyperbola e rectis omnibus  
 ipsi parallelis nusquam perimetro occurrere. Sic etiam  
 in fig. 264 vidimus ( num. 718 ) e quatuor CZ,  
 CH; ZL; HP proportionalibus solum coeuntibus omnino  
 punctis C, Z, adeoque evanescente prorsus CZ; abire  
 in infinitum HP ita, ut P nusquam jam sit. Itidem  
 in fig. 265 cum sit CM ad CO, ut CO ad CP; vidimus  
 num. 720; CP non excrecere in infinitum ita, ut  
 nusquam jam sit, nisi CM penitus evanescente, abeat  
 I in Q.

838. Hujus theorematis frequentissimus est usus per  
 universam Geometriam, & in ipsis Conicarum Sectionum  
 transformationibus easdem rite contemplanti sapissime  
 occurrit. Prima ejus pars in quovis etiam angulo re-  
 ctilineo est manifesta. In fig. 12, cum sit ER ad RQ,  
 F. 12 ut EF ad FV, non potest evanescere RQ, vel abire  
 9 in infinitum, nisi pariter etiam ER evanescat, vel abeat  
 28 in infinitum. Secundæ partis exemplum esse potest re-  
 cessus directricis in infinitum ita; ut nusquam jam sit;  
 ubi Ellipsis in circulum abit juxta num. 109. Nam  
 est in fig. 9 ( num. 90 ) CF ad CM, ut CM ad CE.  
 Ubi autem Ellipsis abit in circulum, debet focus F abire  
 in centrum, ut in fig. 28, evanescente prorsus CF.  
 Quare debet CE evadere prorsus infinita ita; ut  
 nusquam jam sit. In ipsa autem fig. 9 cum rectangu-  
 lum sub CF, & CE æquetur quadrato CM, abeunte  
 CF in nihilum, abit simul CE in infinitum, quæ erat  
 pars tertia. Pariter in Hyperbola ad asymptotos relata  
 rectangulum sub quavis abscissa, & ordinata æquatur  
 ( num. 227 ) rectangulo sub aliis quibusvis. Hinc or-  
 dinata tum solum abit in infinitum ita, ut ejus vertex  
 nusquam jam sit, cum recidit in ipsam asymptotum  
 cum

cum ea congruens, adeoque cum abscissa penitus evanescit.

839. Canon. 8. Si binæ rectæ, quæ ad quoddam punctum convergebant, parallele fiant; illud punctum ita in infinitum recedit, ut nusquam jam sit, angulus vero, quem ad partes in ipso finito remanentes continebant, evanescit; ac is, quem altera continebat cum altera producta, censerî debet, ut in duas rectas desinens. Si vero e contrario concursus ita in infinitum recedat, ut nusquam jam sit, vel angulus ex altera parte evanescat, ex altera abeat in duos rectos; illæ ipsæ rectæ evadunt parallele.

840. Hic etiam canon est admodum manifestus, & eo jam sæpe usi sumus. Hoc autem pacto facile demonstrari potest ex præcedenti. In fig. 240 ex puncto  $E_3$  ducatur recta  $E_3I$  parallela  $AB$ , quæ rectæ  $AE_2$  F240 occurrat in  $I$ . Erunt similia triangula  $E_3AI$ ;  $BC_2A$  ob parallelas, eritque  $E_3I$  ad  $E_3A$  ut  $AB$  ad  $BC_2$ . Abeat jam recta  $AE_2$  in  $AE_3$  parallelam  $BH$ : evanescet  $E_3I$ , adeoque  $BC_2$  fiet infinita, nec concursus  $C_2$  usquam jam erit. Angulus autem  $AC_2B$  semper æqualis  $E_3AC_2$  alterno evanescet, cum ille evanescat; ac proinde si ponatur  $H$  in  $BD$  producta ultra  $C_2$ ; angulus  $AC_2H$  accedet ultra quoscumque limites, ad duos rectos, & censerî debet in eas desinens, dum  $AC_2B$  decrescit ultra quoscumque limites, & evanescit. E contrario si concursus  $C_2$  ita recessit in infinitum, ut nusquam sit; & angulus alter est nullus, adeoque alter desinit in duos rectos; binæ rectæ debent esse parallele. Si enim non essent, alicubi concurrerent, & angulos constituerent binos; ac simul duobus rectis æquales.

841. Cæterum hinc etiam patet, binis rectis evidentibus parallelis, concursum abire in infinitum ita, ut nusquam jam sit. Quod ipsæ utcumque in infinitum productæ nusquam concurrant. Angulum autem parallelarum nullum esse ex parte finita, patet juxta num. 681 ibidem ex eo, quod anguli  $AC_2B$  mensura est semidifferentia arcuum  $AB$ ,  $E_2D$ , quæ abeunte  $E_2$

in  $E_3$ , evanescit penitus, adeoque & angulus parallelarum evadit omnino nullus.

842. Hujus canonis in transformationibus locorum geometricorum usus est frequentissimus. Secunda ejus parte usi sumus num. 797 ad ostendendam analogiam, & continuitatem theorematis, quo determinatur angulus, quem binæ tangentes ductæ per extrema puncta chordæ transeuntis per centrum, & coeuntès in directrice ibidem continent. Invenimus enim ipsum in Hyperbola, si rite accipiatur, ex parte altera evanescere, ex altera desinere in duos rectos, ubi chorda est ipse axis transversus, & tangentes fiunt parallelæ. Multo tamen frequentius occurrit pars prima, quæ pertinet ad recessum puncti in infinitum, quo sepiissime usi sumus. Ejus ope invenimus num. 41 alterum axis verticem in Parabola ita in infinitum recedere, ut nusquam jam sit, ex eo nimirum quod  $rT. 21$ , quæ in fig. 9 in Ellipsi concurrebant in puncto  $l$  determinante punctum  $m$ , evaserint in fig. 10 parallelæ inter se, puncto  $l$  nusquam jam existente. Ejus ope inventum est num. 154, rectas parallelas axi Parabolæ, & num. 156 rectas parallelas alterutri asymptoto Hyperbolæ semel occurrere perimetro, altera intersectione ita in infinitum recedente, ut nusquam jam sit.

843. Porro ejus itidem ope admodum expedite transferuntur ad Parabolam multæ e proprietatibus Ellipseos. In Ellipsi omnes diametri convergunt ad centrum ( num. 206 ), centrum in Parabola recedit in infinitum, cum recedat vertex  $m$ ; quare diametri omnes in Parabola debent evadere parallelæ axi: & sunt juxta num. 206. Radii, qui ex altero foco Ellipseos incurunt in ejus perimetrum, convergunt post reflexionem ad focum alterum ( num. 202 ): focus alter in Parabola recedit in infinitum cum centro, & vertice altero: hinc si is focus concipitur esse primo ille, ad quem radii convergebant, tum ille a quo prodibant, habebimus ibidem illa bina theoremata: radii, qui in Parabola exeunt e foco, abeunt post reflexionem parallelæ

paralleli axi : radii , qui adveniunt paralleli axi , convergunt post reflexionem ad focum . In Ellipsi in fig. 173 existente VO dimidio latere recto principali re-  
 cta OC ad centrum ducta determinat ( num. 464 )  
 RD æqualem subnormali axis RM : in Parabola abit centrum C in infinitum : evadit ergo OD parallela VR, ut exhibet fig. 176 ; & proinde fit RD æqualis ipsi VO, & subnormalis æqualis dimidio lateri recto principali : ita autem se res habet ibidem . In fig. 186 existente VA æquali lateri recto, recta Au ducta ad alterum verticem u determinat RL, cujus rectangulum cum VR æquatur quadrato semiordinate RP : abit in Parabola  
 punctum u in infinitum : igitur AL evadit parallela VR, ut exhibet fig. 187 , & proinde RL æquatur lateri recto VA, & quadratum semiordinate RP æquatur rectangulo sub abscissa VR, & latere recto : ita autem se res habere constat ex n. 495.

844. Hic recessus in infinitum mutat constructiones omnes, ubi punctum, ad quod aliqua ducenda erat, abit in infinitum . At constructio nova semper inde deduci potest , in quam in eo casu migrat illa prior . Duo autem sunt casus . Vel enim rectæ inde ducendæ dabatur aliquod aliud punctum, quod remanet, vel dabatur sola directio, ut nimirum debuerit duci ex illo concursu recta cupiam datæ parallela . In primo casu res erit expeditissima . Satis erit ex illo puncto, quod remanet , ducere rectam parallelam illi, in qua erat punctum, quod abiit in infinitum . In secundo aliquo artificio erit opus, quo ante constructionis transformationem determinetur aliquod ejus rectæ punctum, quod remaneat, vel distantia ab ea recta, cui parallela sit ; & res iterum eodem redibit.

845. En exemplum pro primo casu: data in fig. 71 quavis chorda Pp in Ellipsi, ad inveniendam diametrum, cujus ea sit ordinata, satis est (n. 209) ducere in fig. 71 ex foco F rectam FA ipsi perpendicularem, quæ alicubi occurrat directrici in I. Inde si per centrum C ducatur recta, ea problemati faciet satis, & ipsam illam



chordam bifariam secabit in R. In Parabola in fig. 72 centrum C abiit in infinitum ita, ut nusquam iam sit; sed remanet I. Quare satis erit ex I ducere rectam, axi parallelam, quod ibidem est præstitum.

846. Secundi casus exemplum desumemus ex problemate tertio generali, quod num. 140 proposuimus, cujus solutio ad omnes diversos casus applicata totum hunc nostrorum elementorum ordinem nobis exhibuit, juxta ea, quæ diximus num. 766, & 767. Generalis nimirum ipsa solutio fallebat in binis casibus, rectarum videlicet parallelarum directrici, & transeuntium per focum, quod nos coegit bina ipsi problemata particularia substituere, quæ in primâ, & secunda propositione præmisimus.

847. Propositionis tertiæ problema illud generale erat hujusmodi. *Datis foco, directrice, & ratione determinante, invenire concursum rectæ datæ cum Sectione Conicæ.* Constructio problematis erat hujusmodi. Sit **F.41** in fig. 41. AB directrix; focus F, recta data HK, quæ directrici occurrat in H. Assumpto quovis puncto L, & ducta LG perpendiculari ad directricem, capiatur LS ad LG in ratione determinante data. Centro L, intervallo LS fiat circulus. Ducatur recta LO parallela datæ KH occurrens directrici in O: tum per O recta ZOZ parallela FH, quæ si alicubi occurrat circulo in T, t, ducantur LT, Lt, & illis parallelæ ex F rectæ, quarum occurfus P, p cum recta data HK erunt quæsitæ puncta.

848. Jam vero si recta data sit parallela directrici; punctum H abiit in infinitum. Hinc recta quidem FH, cujus punctum F adhuc remanet; adhuc habetur ducendo ex F rectam parallelam directrici. Sed evadit simul etiam LO parallela directrici, adeoque punctum O abiit in infinitum. Debet igitur etiam OZ evadere parallela directrici. At ejus nullum jam aliud punctum habemus, unde ea duci possit. Binas habebat determinationes, alteram quod ducenda esset ex puncto O, alteram, quod deberet esse parallela HF. Utraque de-

termini-

terminatio abiit in unicum parallelismum cum directrice. Eam igitur jam ducere non possumus; nec eius ope definire illa puncta  $T$ ,  $t$ , & radios  $LT$ ,  $Lt$ ; quibus ducantur parallelæ  $FP$ ,  $Fp$ . En primum in primo casu incommodum:

849. Quod si recta  $HK$  transeat per focum  $F$ ; evanescet angulus  $FHK$ ; adeoque &  $LOZ$ . Transibit igitur  $OZ$  per  $L$ ; &  $LT, Lt$  abibunt in ipsam  $OZ$ ; ac  $FP, Fp$  iis parallelæ in ipsam  $HK$ ; quam non secabunt; adeoque occursum illos cum Sectionis Conicæ perimetro; quos per suas intersectiones debebant determinare, indefinitos relinquent: En incommodum secundi casus.

850. Ut primo incommodo medeamur; sit fig. 274 <sup>F 274</sup> eadem; ac 41. Quærat  $LI$  perpendicularis  $OZ$ ; sive 275 hujus distantia ab  $L$ : Ducatur ipsa, &  $FR$  perpendicularis  $HF$ , occurrens  $HK$  in  $R$ ; tum  $RE$  perpendicularis directrici. Facile constabit, fore similia triangula  $FRH$ ,  $ILO$ ; &  $REH$ ;  $LGO$  ob latera omnia parallelæ, singula singulis. Quare erit  $FR$  ad  $RH$ ; ut  $IL$  ad  $LO$ ; &  $RH$  ad  $RE$ ; ut  $LO$  ad  $LG$ ; adeoque ex æqualitate ordinata  $FR$  ad  $RE$ ; ut  $IL$  ad  $LG$ . Porro ubi  $H$  abiit in infinitum; & fiunt  $FH$ ;  $KH$  parallelæ; evadit ipsa  $FR$  perpendicularis etiam rectæ datæ  $KR$ , quæ proinde datur etiam tum; dato  $F$ : datur idem  $RE$ , &  $LG$ : Ergo datur etiam  $LI$  distantia rectæ  $OZ$  a centro  $L$ ; quæ data, duci poterit recta ipsa  $Zz$ ; & problematis solutio huc redibit: In fig. 275 sit recta datæ  $KR$  parallela directrici. Ducatur  $FR$  ipsi perpendicularis, quæ producatæ usque ad directricem in  $E$ . Facto circulo; ut prius, capiat  $LI$  ad  $LG$ ; ut est  $FR$  ad  $RE$ ; versus partem utramlibet in ipsa  $GL$ , ac per  $I$  ducta  $Zz$  parallela directrici; ad ejus concursus  $T$ ;  $t$  cum circulo; si qui sunt; ducantur radii  $LT$ ,  $Lt$ , tum ex  $F$  rectæ  $FP$ ;  $Fp$  ipsis parallelæ; quæ solvent problema: Erit enim  $FP$  ad  $FR$ ; ut  $LT$  ad  $LI$ , &  $FR$  ad  $RE$ , sive  $PD$ , ut  $IL$  ad  $LG$ ; adeoque  $FP$  ad  $P$ , ut  $LT$ , vel  $LS$  ad  $LG$  in ratione determinante. Patet autem

§ 36 DE TRANSFORMATIONE

sem  $LP$  æqualem  $LI$  exhibituram rectas  $LT$ ,  $LT'$  ac  $Lt$ ,  $Lt'$  in directum, adeoque solutionem eandem.

851. At hic jam constat, circulum, qui constructionem nobis suggessit, necessarium non esse. Satis erit centro  $F$  intervallo rectæ, quæ ad  $PD$ , vel  $RE$  fit in ratione determinante, invenire puncta. Id  $Pp$  ipsum est præstitum in fig. 9. Centro  $F$  intervallo rectæ, quæ ad  $RE$  esset in ratione determinante, quæsitæ sunt puncta  $Pp$ : ut autem ea intervalla semper præsto essent, capta est  $FV$ , &  $Fu$  ad  $FB$  in ea ratione, & ductæ per  $E$ , &  $V$ , ac  $u$  rectæ  $zI$ ,  $gG$ , quæ exhibent  $RQ$ , &  $RO$  ad  $RF$  in ratione eadem, adeoque quæsitis interval-  
lis opportunas.

852. Et hoc idem pacto remedium adhibitum constructioni problematis generalis nos perduxit ad hujus primi problematis constructionem adeo simplicem, & elegantem, & verò etiam fecundam, quæ Sectionum Conicarum naturam & varias formas, ac proprietates tam multas statim exhibuit. Poterant & alia parari remedia. Sed libuit illam inire viam, quæ se prima obtulit, & quæ docet, quid agendum sit, ubi determinatio rectæ nos deserit ob punctum ejus aliquod in infinitum recedens, & binas determinaciones, ut hic, in unicam coalescentes. Jam ad Canonem 9, quo secundi problematis patebit constructio.

853. Canon. 9. *Si binæ rectæ ex eodeme puncto digresse superponentur, earum angulo evanescent; binæ aliæ; quæ iis parallelæ erant singulæ singulis, evadent inter se parallelæ, vel pariter superponentur. Quod si in binis triangulis similibus vertex utriusque abeat in basim, lateribus basi superpositis; binæ distantia puncti in quod abit vertex, quod punctum succedit intersectioni laterum, a binis extremis ipsius basis tam ad se invicem, quam ad ipsam basim, erunt utrobique in eadem ratione.*

854. Hujus etiam Canonis ratio est manifesta. Nam evanescente angulo binarum rectorum, evanescit angulus earum, quæ ipsis sunt parallelæ. Quare evadunt

evadunt parallele juxta Canonem 8 vel si forte distantia earum sit nulla, superponuntur. In triangulis vero illis cum latera sint semper ad se invicem, & ad basim in eadem ratione, utcumque patum vertices distent a basibus ipsis; oportet omnino etiam, ubi jam in ipsas recidunt, ratio sit utrobique eadem, ne scilicet altera in ipso verticum appulsu mutetur per saltum. Fiat

855. Ubi constructio illa generalis fig. 41; appli-  
catur in fig. 48 in Parabola rectis parallelis axi, cum  
ibi (num. 154) congruant puncta  $GOtS$ , recta  $Lt$  su-  
perponitur recte  $LO$ , evanescente illius angulo  $OLt$ .  
Erant autem in fig. 41 recte  $HK$ ,  $Fp$  parallele ipsis  
 $LO$ ,  $Lt$ . Quare he jam parallele evadunt inter se, ni-  
si forte  $HK$  transeat & ipsa per  $F$ , ut  $H_2K_2$ . Inde au-  
tem consequitur illud punctum  $p$ , quod pertineret ad  
 $H_1K_1$ ,  $H_3K_3$ , abire in infinitum ita, ut nusquam jam  
sit juxta n. 154, parallelis nusquam concurrentibus; ac  
ex eodem prorsus fonte profuit recessus in infinitum  
alterius intersectionis in rectis alteri asymptoto paralle-  
lis in Hyperbola juxta n. 156.

856. Quod si in ipsa fig. 41 transeat  $HK$  per  $F$ , re-  
cte  $OL$ ,  $OZ$ ,  $tL$ ,  $LT$  superponuntur; ac pariter superpo-  
nuntur  $HF$ ,  $HK$ ,  $Fp$ ,  $PF$ , & constructionem generalent  
frustrantur, ut diximus n. 849. At ex hoc Canone tum  
etiam in ipsa  $HK$  jam transeunte per punctum  $F$ , quod  
abit in bases triangulorum  $FPH$ ,  $FpH$ , erunt sumenda  
puncta  $P$ ,  $p$  ita, ut sit  $FP$  ad  $PH$ , &  $Fp$  ad  $pH$ , ut  
 $LT$ , vel  $Lt$  nimirum  $LS$  ad  $LO$ .

857. Porto id ipsum prestitissimus in fig. 35, & 36, F: 35  
in quibus recta data est  $FQ$ , gerente  $Q$  vices illius  $H$ . 36  
Quesita sunt puncta  $P$ ;  $p$  ita, ut essent  $FP$  ad  $PQ$ , & 41  
 $Fp$  ad  $pQ$ , ut est in fig. 41  $LS$  ad  $LO$ . Commodum  
autem accidit, ut in fig. 35, & 36 illa ipsa  $FV$  jam in-  
venta in primo problemate esset ad  $FQ$ , ut in fig. 41  $LS$   
ad  $LO$ ; est enim ibi  $FV$  ad  $FE$ , ut hic  $LS$  ad  $LG$ , & ibi  
 $FE$  ad  $FQ$ , ut hic  $LG$  ad  $LO$ . Quare satis fuit inve-  
nire puncta  $P$ ,  $p$  ita, ut esset  $LP$  ad  $PQ$ , &  $Lp$  ad  $pQ$ ,  
in ratione  $FV$  ad  $FQ$ . Id autem statim patuit admo-  
dum Z 2

rum facile præstari, si sumptis hîc in directrice ~~QG~~,  
 Qg æqualibus QF, ducerentur rectæ per G, & V, ac  
 per g & V, quæ juxta num. 130 solverunt problema.  
 Atque hoc pacto ope hujus Canonis ex illa generali  
 constructione problematis constructio profuxit.

858. Canon. 10. *Si circuli radius in infinitum abeat  
 ita, ut altero extremo manente, centrum nusquam jam  
 sit peripheria circuli abibit in rectam lineam, & re-  
 cta linea viceversa habenda erit pro peripheria circuli  
 infniti.*

859. Hic Canon abunde demonstratus, est a num.  
 F. 271 722. Eruitur autem etiam ex Canone 8, (num. 829).  
 Si enim in fig. 271 centrum P ita in infinitum rece-  
 dat, ut nusquam jam sit, maneant autem quævis tria  
 peripheriæ puncta A, I, C, tres radii AP, IP, CP e-  
 vadent paralleli, & anguli API, APC prorsus evane-  
 scent. Bini igitur reliqui anguli tam ad basim AI,  
 quam ad AC, evadent binis rectis æquales; adeoque cum  
 ob isoscelismum triangulorum API, APC, sint æqua-  
 les singuli singulis, fient singuli singulis rectis æqua-  
 les. Quare anguli API, APC æquales fient inter se,  
 & recta AI superponetur rectæ AC, abeunte puncto I  
 in AC, & jacentibus punctis A, I, C in directum.  
 Cumque id in omnibus reliquis peripheriæ punctis lo-  
 cum habere debeat; patet omnem peripheriam, quæ  
 manet in spatiis finitis, in unicam abire rectam per-  
 pendicularem cuilibet e rectis, per quas centrum cre-  
 scit in infinitum.

F. 23 860. Hujus Canonis usus non semel occurrit in no-  
 24 stris Conicarum Sectionum Elementis. In figura 23  
 ostensum est (num. 100) in Ellipsi distantiam PF cu-  
 jusvis puncti P ejus perimetri a foco F æquari distan-  
 tiæ perpendiculari PD a peripheria circuli descripti cen-  
 tro facto in altero foco f, & intervallo axis transver-  
 si. Focus f in Parabola abit in infinitum. Quare is  
 circulus abit in rectam perpendicularem rectæ FE, ni-  
 mirum in ipsam rectilineam Parabolæ directricem. Et  
 eundem hanc hujus circuli tam in Ellipsi, quam in Hy-  
 perbo-

parabola analogiam cum directrice Parabolæ notavimus etiam num. 102. Circulus ille in Ellipsi cavus versus F, ad quam plagam ibi jacet ejus centrum  $f$ , abit in rectam, ubi  $f$  in Parabola in infinitum recedit, idem vero, regresso  $f$  in Hyperbola in fig. 24 ex parte opposita, convexitatem obvertit foco F.

861. Eodem pacto etiam cum demonstratum sit nu. 194 pro Ellipsi in fig. 63, & pro Hyperbola in fig. 64 rectam CA ductam e centro C ad concursum A normalis FA cum tangente æquari semiaksi transverso CM; patet, in iis concursum ipsum A normalis cum tangente jacere in perimetro circuli descripti diametro Mm qui concursus A in Parabola in fig. 65 (num. 194.) incidit in rectam MA normalem axi AF. Res eodem recidit, Circulus ille in Ellipsi in fig. 63 obverteret cavitatem foco F, abeunte  $m$  in infinitum in Parabola, abiret in fig. 65 in rectam ipsi FV perpendicularem, & regresso  $m$  ex parte opposita ex infinito in fig. 64 in Hyperbola, jam ipsi F convexitatem obverteret.

862. Canon. II. Si binæ rectæ altero saltem utriusque limite ita in infinitum abeunte, ut nusquam jam sit, infinitæ evadant; debent in ipso infinito censerî, ut assecuta illam rationem, ad quam ultra quoscumque limites accesserunt, dum in infinitum excrescerent: & si binæ aliæ rectæ fuerint semper in earum ratione, ac illis excrescentibus in infinitum, remaneant finitæ; habebunt accurratè eam rationem ipsam, ad quam ita ultra quoscumque limites accesserant. Ratio autem, ad quam accedent binæ quantitates, dum in infinitum excrescunt, & quam assecuta censerî debent, ubi jam infinitæ sint, potest esse ratio æqualitatis, vel inequalitatis finitæ, vel excrescens, aut decrescens ultra quoscumque limites; erit tamen semper ratio æqualitatis, ubi differentia ipsarum finitæ maneat, vel nulla, & differentia semper manebit finitæ, vel nulla; si binæ rectæ terminatæ ad idem punctum ab alijs binis punctis abierint in infinitum, manentibus his binis punctis, & abeunte in infinitum illo communi ita, ut nusquam jam sit.

863. Prima theorematis pars demonstratur a cōtinuitatis lege, quam cum alibi ubique tam sanctè Geometria servet, servare debet etiam ibi, ubi quantitates in infinitum excrescunt, quæ ibi etiam, ubi & oculos nostros; & mentem fugiunt; debent, si possibiles sunt, in eo statu habere id, ad quod accesserant ultra quoscumque limites, nec per saltum illo unico momento temporis aliam rationem habere diversam ab ea, a qua temporis præcedentis intervallo quam minimo, distabant quam minimum. Finitæ autem illæ, quæ in eorum ratione erant, & remanent adhuc finitæ, adeoque omnino aliquam rationem habent, debent habere illam, ad quam accesserant ultra quoscumque limites.

864. Porro ejusmodi ratio potest esse æqualitatis, cum possint æquales perpetuo esse dum abeunt in infinitum. Immo etiam ad rationem æqualitatis accedet, licet earum differentia finita maneat, ut videbimus paulo infra. Possunt autem habere rationem finitam quoque. Sic si in fig. 243 manentibus punctis F, H evadant HI, FG parallele ipsi CE; puncta I, & G ita in infinitum recedent, ut nusquam jam sint, & recte CI, CG; ac HI, FG habebunt semper in recessu eorum punctorum rationem finitam quamcumque, quam nimirum habebunt recte CH, CF finite. Ac si interea ipsa quoque puncta F, H moveantur utcumque; sed rectis HI, FG delatis ad parallelismum, maneant alicubi; recte illæ CI, CG censei deberent assecutæ rationem eandem; in qua relinquuntur CH, CI; & si quæ quantitates sint semper, ut ipsæ CI, CG, & ipsis abeuntibus in infinitum, finite remaneant: debent habere tum rationem illam, quam habent CH, CF. Potest autem ea ratio etiam in infinitum excrescere. Sic in fig. 260, decrescente VR ultra quoscumque limites, crescit ultra quoscumque limites tam RI, quam RE, & abeunte R in V, jam ita in infinitum abeunt, ut I, & E nusquam sint; & tamen RE ad RI erit semper, ut AH ad RI, ut AV ad RV, quæ ratio crescit ultra quoscumque limites, dum manente VA, minuitur VR ultra quos-

Cumque limites, ac demum evanescit. Est id quidem ingens quoddam infiniti mysterium; ut licet jam limes I ita in infinitum per omnes magnitudinum gradus excreverit, ut nusquam jam sit; adhuc tamen ultra ipsum habeatur spatium infinites magis protensum quodammodo, quo RE extendatur infinites magis, & quo se punctum E abdiderit. At in infinitum absolutum admittitur; id quidem ad servandam analogiam omnino admitti debet, & est simile illi mysterio, quod supra num. 769. notavimus.

865. Rationem autem æqualitatis censei debere; ubi binæ quantitates in infinitum abierint, differentia inanente finita, est adhuc mysterium; cum æqualia esse non possint, quæ differentiam habeant; adhuc tamen ad analogiam retinendam est necessarium, & sic evincitur. Ejusmodi quantitates non possunt habere ullam rationem inæqualitatis utcumque parum disjunctam a ratione æqualitatis. Exprimant enim bini termini finiti, utcumque parum inæquales rationem illorum, & erit, dividendo, horum differentia ad minorem; ut illarum differentia illa finita, ad minorem ex iis, quæ ponuntur infinitæ. Hæc igitur ex illis ita penderet, ut limitem alicubi deberet habere omnino. Vis demonstrationis patebit in exemplo sequenti: Ex natura tangentis IP in fig. 265 est in circulo etiam; ut in quavis Ellipsi juxta num. 411, NP ad PO; ut NM ad MO. Capiatur CM' æqualis CM, & ipsarum NM, MO differentia erit M'M ipsarum vero NP, PO differentia erit NO. Jam vero ipsæ NP; PO non possunt ita in infinitum abire, ut nusquam jam sit earum limes P, nisi parallelæ evadant, & punctum I recidat in Q. Etiam in illo casu ipsarum NP, PO differentia finita est; nimirum æqualis finitæ illi NO. At ipsarum NM, MO differentia illa M'M penitus evanescit, & fit verum nihilum, coeuntibus penitus in C ipsis M'M. Illarum ratio evadit accurata æqualitatis ratio. Quare etiam binæ illæ NP, PM licet differant per NO, censei debent ad æqualita-



tatis rationem delatæ, nec, quæ iis proportionales sunt, possunt in eo casu non habere rationis æqualitatem accuratam.

866. Plerumque quantitibus infinitis ajunt respondere quantitates infinitesimas, quæ inassignabiles sint, sint tamen aliquæ, & relationes ad se invicem habeant. Quod a nobis assignari possint, vel non possint, id a nostro cognoscendi, & determinandi modo pendet, & aliud mentis finitæ genus ad aliam magnitudinum relationem cognoscendam, assignandamque deveniet, aliud ad aliam, quæ minoris, vel majoris inæqualitatis rationem secum ferat, usque ad quosdam limites a vi mentis ipsius pendentes. Idcirco nos ad evitandas æquivocationes utimur, ubi opus est, vocibus, quæ ab ipsa assignatione non pendent. Ubi de infinitesimis agemus, statuemus illud, ac demonstrabimus, lineas, superficies, solida, quæ in se determinata sint, quæ nimirum suos alicubi limites habeant; finita esse, & finitam inter se rationem habere. Hic autem ita eas voces adhibemus, ut infinitum dicamus id, cujus saltem aliquis limes nusquam jam sit. Non quærimus an ipse a nobis assignari possit, an non. Utcumque remotum sit punctum  $P$ , dummodo alicubi sit; punctum  $I$  non erit in  $Q$ , nec  $M, M'$  in  $C$ , & ipsum quidem  $P$ , sive assignari possit a nobis illa ejus distantia ab  $O$ , &  $N$ , sive non possit, ita erit alicubi, ut ultra ipsum alia habeantur, sive ut possit ulterius excurrere, crescente ipsa illa distantia; ac eodem pacto puncta  $I, M, M'$  ita erunt alicubi, ut illud cum  $Q$ , hæc cum  $C$  non congruant, sed distantiam ab iis habeant quandam in se determinatam, sive ea a nobis assignari possit, sive non possit, quæ distantia itidem adhuc decrecere poterit. Atque ea erit ipsarum distantiarum  $I$  a  $Q$ , &  $M, M'$  a  $C$  relatio ad distantiam puncti  $P$  alicubi existentis a punctis  $O$  &  $N$ , ut illa quidem augeri semper possit, hæc minui, nec ulla illarum sit maxima, harum minima; illarum autem omnium limes quidam sit infinitum absolutum, in quo  

P nuf-

P nusquam jam sit, harum nihilum, in quo I a Q, & M, M' a C distantiam habeant omnino nullam, sed cum ipsis accuratè congruant. Punctum autem P nusquam tum esse, qua phrasi semper usi sumus, est manifestum ex eo, quod duæ rectæ parallele, quæ utcumque producantur, nunquam ad se invicem accedunt ne minimo quidem, utcumque exiguo in se determinato intervallo nusquam revera concurrunt; licet in finitarum magnitudinum relationibus expiscandis haberi possint pro concurrentibus in ipso infinito nostræ menti impervio, nisi forte non impervium tantummodo ipsum sit, sed pro absurdo, haberi debeat, ut mox videbimus,

867. Ceterum si rectæ NP, PO exprimant quantitates quascumque, quæ in absolutum infinitum abeunt, relicta NO finita differentia, rectæ vero NM, MO sint quantitates finitæ earum rationem exprimentes, & ipsæ NM, MO non evaserint accuratè æquales, erit aliqua ipsarum differentia MM' in se determinata. Hinc erit aliqua distantia MC in se determinata, aliqua MI ipsi respondens, & non congruens cum CQ, adeoque aliqua tangens GF non congruens cum DE, & aliquod punctum P in aliqua in se determinata distantia ab O, & N. Quare si illæ NP, & PO ad rationem æqualitatis non fuerint delatæ utcumque parum ab ea distent, non erunt absolutè infinite ita, ut limes P nusquam jam sit.

868. Ad hoc mysterium utcumque evolvendum, oportet quantitatem finitam quamcumque respectu absolutè infinite habere prorsus pro nulla, quanquam ea quidem cum absoluto nihilo confundi non possit. Sic & (n. 741) hiatum Parabolæ licet infinitum, coacti sumus considerare, ut punctum, ut verum nihilum respectu absolutè infinite peripheriæ, circuli retinentis centrum in veritate ipsius Parabolæ.

869. Postrema canonis pars sic demonstratur. Vel bis na puncta quæ remanent sunt, ut N, & O in eadem recta AB, in qua punctum P in infinitum recessit, & patet

& patet ipsarum NP, PO differentiam fore illam NO finitam. Vel in diversis rectoris ea puncta sunt in fig. F266 266 puncta H, C rectorum CP, HP, quæ evadunt absolute infinitæ, ubi punctum P ita in infinitum recessit, ut nusquam jam sit; & in hoc secundo casu, ante quam punctum P illa infiniti nobis impervia velut voragine absorbeatur; si radio PC fiat circuli arcus CR occurrens rectæ PH in R; ipsarum PC, PR differentia erit HR. Ubi autem punctum P in infinitum recesserit, arcus CR debet congruere cum perpendicularo CV per canonem 10. Quare differentia fiet HV, quæ quidem vel nulla erit, si nimirum CH sit perpendicularis HP, puncto H congruente cum V, vel finita erit; extantibus adhuc punctis H, & V.

870. Hujus canonis usus frequens occurrit, secundæ F. 6 partis potissimum. Num. 25 cum datis in fig. 6. binis punctis alternis A, C proportionis harmonicæ, & data ejus ratione; quæreremus reliqua duo B, D, invenimus, si ratio data foret æqualitatis, B quidem abire in mediam rectam AC in R, D vero ita infinitum recedere ut nusquam jam esset. Res eodem rediit, atque hic in fig. 265, & rectæ RD, CD ad æqualitatis rationem delatæ ita in illam infiniti barathrum merferunt punctum D, ut nusquam jam esset, & ipsæ quidem absolute infinitæ evaderent, differentia autem ipsarum jam esset nulla.

871. In applicatione theorematum Ellipseos, vel Hyperbolæ ad Parabolam summus ejus usus haberi potest. Quoniam rectæ Fm, mE in fig. 9. debent acquirere rationem æqualitatis, ubi ea in Parabolam migrat, vertex m axis transversæ in ipsa Parabola in fig. 10. nusquam jam est, & ipse evadunt absolute infinitæ. Hinc vero ad Parabolam transfertur theorema pertinens ad Ellipsim, & Hyperbolam propositum num. 74, quod nimirum quadrata semiordinatarum RP in fig. 9. & ad axem transversum sint, ut rectangula MRp sub abscissis a binis verticibus. Dum eæ mutantur in Parabolam figuræ 10, abire m in infinitum ita, ut nus-

usquam jam sit . Quare si binæ assumantur semior-  
dinatæ , binarum  $mR$ , quæ ad eas pertinent, & eva-  
dunt absolutè infinitæ , ratio evadit ratio æqualitatis ,  
cum differentia ipsarum sit illa finita distantia bino-  
rum punctorum  $R$  . Quare illa reclangula erunt , ut  
solæ abscissæ  $MR$  a vertice  $M$  , qui in Parabola  
manet . Id autem ita se habere constat ; id enim ip-  
sum eodem numero pariter proposuimus : atque como-  
do ex Ellipsi, & Hyperbola ad Parabolam transfertur  
eadem proprietas generalius pro diametris omnibus  
proposita numer. 357 , cum abeunte in infinitum  
centro in Parabola ; simul cum ipso cujusvis diame-  
tri alter vertex in infinitum abeat , neq; usquam jam  
sit .

§72. Eiusdem canonis opè illa etiam Parabolæ pro-  
prietates , quam num. 200 demonstravimus in fig. 65 ,  
quod nimirum foci radius  $FP$  æquetur tam distantia  $F.63$   
 $FI$  ejusdem foci a normali , quam distantia  $FQ$  ejus-  $65$   
dem a tangente computatis in axe , derivari potest ex  
proprietas Ellipseos proposita num. 189 in fig. 63 ,  
quod normalis secet  $Ff$  in ratione laterum  $FP$  ,  $fP$  ,  
& quod concurrentibus normali, & tangente axi trans-  
verso in  $I$  , &  $T$  , constituent proportionem harmo-  
nicam , quatuor puncta  $f$  ,  $I$  ,  $F$  ,  $T$  . Nam ex prima  
alternando erit  $FP$  ad  $FI$  , ut  $fP$  ad  $fI$  , quæ ratio  
cum abeunte in Parabola puncto  $f$  in infinitum , &  
remanentibus  $FP$  ,  $FI$  , evadat ratio æqualitatis , erit in  
ea etiam  $FP$  æqualis  $FI$  . Ex secunda vero est  $FT$  ad  
 $FI$  , ut  $fT$  ad  $fI$  ; quæ ratio pariter abeunte  $f$  in infi-  
nitum , & manentibus  $T$  ,  $I$  , evadit ratio æqualitatis ;  
unde fit , ut in fig. 65 rectæ  $FP$  ,  $FI$  ,  $FT$  æquari de-  
beant inter se ,

§73. Et his quidem casibus facile fuit canonem hunc  
applicare ; at artificio aliquo opus erit nonnunquam , ut  
ipsum applicari possit , ut ubi plures quam duæ quanti-  
tates infinite sunt ob unius puncti tantummodo reces-  
sum in infinitum . In Ellipsi ( num. 419 ) sunt continue  $F.153$   
proportionales in fig. 153 tres rectæ  $CR$  ,  $CV$  ,  $CQ$  ,  $155$   
five

sive abscissa a centro; semidiameter & subtangens à centro computata. Abeunte centro C in infinitum, ubi ea in Parabolam mutatur; debet ea proprietas aliam parere aptatam ipsi Parabolæ. Ea sic facile inveniri poterit. Cum sit eadem ratio CR ad CV; & CV ad CQ; erit pariter eadem ratio differentiarum antecedentium RV ad differentiam consequentium VQ. Erit igitur VR ad VQ; ut CR ad CV: Porro abeunte centro C in infinitum; ac manentibus R, & V; ea ratio evadit ratio æqualitatis; evadunt igitur æquales etiam VR, VQ in parabola; nimirum distantia VR vertex V in fig. 155 à normali æqualis distantia VQ a tangente computata in axe; sive subtangens dupla abscissæ; quod num. 405 de ipsa parabola demonstravimus demonstratione peculiari.

874. Majus aliquod artificium requiritur plerumque; ubi non commune aliquod punctum binarum rectarum abit in infinitum; sed bina; singularum singula; vel ad demonstrandum; differentiam manere finitam; ex qua profluat ratio æqualitatis, vel si differentia quoque ita in infinitum excreseat; ut earum ratio & finita censenda sit; & adhuc ratio inæqualitatis; ad invenendam rationem ipsam; & substituendas quantitates finitas, quæ eam rationem expriment. Adhuc tamen non deerunt plures methodi exercitatorum Geometræ ad id præstandum. Bina pro binis hisce casibus exempla alterum pro altero exhibebit simul ipsum theorema illud generale; quod n. 299. proposuimus pro rectis omnibus Sectioni Conicæ bis occurrentibus, quod hoc ipso artificio transtulimus ad rectas axi parallelas in Parabola; & utrilibet asymptoto in Hyperbola; ac ejus ope invenimus theorema alterum ipsi substitutum pro hisce casibus particularibus num. 305 & peculiari demonstratione repetitum deinde ex finita Geometria.

F.91 875. Theorema generale huc reducitur. Si in fig. 91 rectæ quotcumque PLp ductæ per quoddam punctum L occurrant Sectioni Conicæ bis in punctis P, p; rectangula sub earum segmentis LP, Lp interceptis inter id  
part-

punctum, & illos occurfus erunt ad se invicem in ratione, quæ data Conica Sectione; & ipsarum rectarum inclinationibus, erit semper constans, utcumque mutato puncto L. Abeat jam altera intersectio, ut  $p$ ; in infinitum, quod accidit solum rectis axi parallelis in Parabola, vel alteti asymptoto in Hyperbola: rectangulum  $PLp$  evadit infinitum. Sed si rectæ  $Lp$  in eo casu substituatur recta, quæ mutato puncto L, mutetur in eadem ratione; in qua mutatur ipsa  $Lp$ ; jam etiam rectanguli sub  $LP$ ; & sub hac recta ratio ad reliqua rectangula manebit constans, nec immutata a mutatione puncti L.

876. Porro omnes rectæ  $Lp$  infinitæ in Parabola habendæ erunt pro æqualibus, & in Hyperbola pro proportionalibus rectis; quæ in quovis angulo ducantur ex ipsis punctis L ad illam asymptotum, cui  $Lp$  evasit parallela. Nam si in fig. 276 ducantur per bina puncta  $L, L'$  binæ  $Pp, P'p'$  parallelæ axi transverso, tum  $LA, P'D, p'd$  perpendiculares ipsi  $Pp$ ; patet, differentiam binarum  $Lp'$ ;  $Lp$  fore æqualem summæ, vel differentiæ ipsarum  $LA, pd$ , cumque ambas  $Pp, P'p'$  debeat secare idem axis conjugatus bifariam; patet, ipsam  $pd$ , æquari  $PD$ . Cum igitur mutata Ellipsi in Parabolam, & abeuntibus punctis  $p, p'$  in infinitum, maneant finitæ  $AL, PD$ ; manebit finita illarum differentia; & proinde ratio erit æqualitatis. At in fig. 277 si binæ chordæ  $Pp, P'p'$  inter se parallelæ occurrant binis asymptotis in binis punctis  $H, h, \& H', h'$ , ducantur autem, ex binis quibusvis eorum punctis  $L, L'$  binæ rectæ  $LI, L'I'$  in quovis angulo ad asymptotum  $Ch$ , erunt  $Lb; L'h'$ ; ut  $LI; L'I'$  ob triangulorum similitudinem. Abeuntibus autem punctis  $p, p'$  in infinitum; cum  $ph, p'h'$  semper (num. 221) æquentur finitis  $PH, P'H'$ , erunt  $Lp$  ad  $Lb$ ; &  $L'p'$  ad  $L'h'$  in ratione æqualitatis ob differentiam finitam. Igitur &  $Lp; L'p'$  erunt, ut  $LI, L'I'$ . Hinc in iis casibus pro ea constanti ratione rectangulo sub binis distantis  $Lp, L'p'$  a binis occurfus  $p, p'$  substitui poterit distantia ab unico occurfu in recta quavis

vis constanti in Parabola, vel illi ipsi asymptoto inclinata in Hyperbola in angulo constanti quovis ex illo ipso puncto, dato. Atque id ipsum præstitimus illo num. 305, & rite factum per finitam Geometriam demonstravimus.

877. Liceret hîc addere jam Canonem 12 huic similem pro rectis, quæ in infinitum decrescunt ita, ut demum evanescant, quæ pariter, dum ita decrescunt ad rationem aliquam accedunt ultra quoscunque limites, quam finitæ quantitates acquirit eo momento temporis, quo illæ evanescent, quæ ratio pariter esse potest vel utcumque inæqualitatis finitæ, vel etiam aucta, vel imminuta in infinitum, cui canoni tota innititur methodus, quam Nevvtonus appellavit primam nascentium, vel ultimam evanescentium, & ex qua methodus illa, quam idem appellat *fluxionum*, ortum duxit. Quod si quantitates dum in infinitum decrescunt, infinitesimæ dicantur, & harum infinitesimarum certi ordines, & gradus designentur, ac ad certos canones redigatur eorundem usus, illa omnis uberrima sane differentialis habetur methodus, quæ calculo potissimum adjuncta tantos fecit tam brevi in omni & pura, & mixta Mathesi universa progressus, qui quidem gradus si etiam in quantitatibus in infinitum exerescentibus pariter considerentur, habetur quidquid ad methodum infinitorum pertinet in Geometria.

878. At ea omnia nos alteri tomo edendo, cum primum per tempus licuerit, reservamus; in promptu enim est omnis materia: at e solidioribus principiis conabimur stabilire omnia. Nam nec illud nobis satisfacit, quod Nevvtonus de evanescentibus quantitatibus habet, eas ad quandam rationem devenire, neque antequam evanuerint, neque post, sed tum, cum evanescunt; tum enim, cum evanescunt, jam nihil sunt, neque ullum est ultimum esse quod acquirant, sed vel sunt aliquid adhuc, quo minus erunt deinde, vel nihil omnino sunt. Multo autem minus illud arridet, quod alii usurpant, qui infinitesimas quantitates contemplantur,

ut

ut aliquid, quod in se determinatum sit, & rationem ad finitas habeat minorem quacumque data. Cum enim datam dicunt, si intelligant, quæ reapse data sit; fieri sane poterit, ut nec data sit ratio 1 ad 1000, & tunc ratio 1 ad 2000 minor erit, quacumque data; si vero intelligant etiam dabilem, quod vere intelligunt ii, qui ejusmodi quantitates inassignabiles vocant; difficultatem ii quidem nequaquam eludunt. Si enim ita assignabilem, & dabilem dicunt, ut a nobis distinctè percipi possit ipsa earum magnitudo per relationem ad mensuras, quas intuemur; & id a mentis ipsius pendeat vi ut supra diximus numer. 866, ita, ut quod respectu alterius mentis dati, vel assignati non possit, possit ab altera. Cumque mentis cuiusvis vis fines habeat omnino certos; id, quod uni assignabile erit, atque finitum, alteri erit inassignabile, & infinitesimum, ac duplum infinitesimi respectu ejusdem mentis erit finitum. Si vero mentis ipsius vim, & perceptionem distinctam nequaquam respiciunt; cur eæ quantitates, quibus in universa Geometria, & Aualysi perpetuo utimur, quarum optam longas demonstrationes perteximus, quarum ordines, & gradus, ac relationes ad se invicem tam multas persequimur, assignari non possint? Cum ratio cujusdam quantitatis ad finitam quandam dicatur minor quacumque dabili, cum ejus ipsius quantitatis dimidium ad eam ipsam quantitatem finitam, duplo adhuc minorem rationem habeat? Illud unum est reliquum, ut ubi ratio *minor quacumque data* dicitur; significetur id, quod nomen *datum* in Geometria plerumque exprimit, nimirum *determinatum*, & infinitesimæ quantitates in se ipsis determinatæ, qua voce ad tollendas æquivocationes utimur, nullæ sint: sed infinitesimæ dicantur eæ, quas nos indefinitè concipimus, quarum nimirum magnitudinem non definimus, sed ita parvam accipimus, ut ad nostrum libitum imminui possit, sine ullo fine a nobis determinato, quo nimirum liceat demonstrationem deinde reducere, si opus sit, ad absurdum. Ea acceptance infinitesimorum habita & rite confirmata, solidissimæ totius methodi demonstrationes obveniunt, quas non simul cum earum usu in curvarum generalibus proprietatibus per simplicem etiam Geometriam eruendis, ac curvarum utiliorum elementis inde repetitis eodem illo tomo persequemur.

879. Eodem autem pacto & quantitates, quæ in infinitum



excrefcunt, accipi indefinite poffunt, ac demonstrationes, quæ  
 quæ inde profiunt pro ipsis curvarum transformationibus ;  
 funt fanè multo & folidiores, & ipsi noſtræ menti magis per-  
 viæ ; quam eæ, quas ex infiniti abſoluti myſteriis hîc adhibui-  
 mus : Myſteria enim ipſa infiniti abſoluti extenſi ejuſmodi funt,  
 ut noſ ea ſtudioſiſſimè perſequentes demum deduxerint ad cen-  
 ſendum potius impoſſibile proſus, & repugnans infinitum ab-  
 ſolutum in quantitate ; quam tantummodo finitæ noſtræ men-  
 ti impervium : Canônes, quos hîc præſcripſimus ad eruendas  
 finitarum quantitarum ; quæ poſt transformationem reſiduæ  
 ſunt, relationes mutuas, habemus pro certiffimis in iis omni-  
 bus, quæ pertinent ad ipſas quantitates finitas reſiduas, & bina  
 ipſorum Canonum genuina fundamenta cenſemus eſſe illa,  
 quæ ſuis locis protulimus. Ubi nimirum punctum aliquod  
 traduci ut per infinitum, & pluſquam infinitæ quantitati ſub-  
 ſtituitur negativum ejuſ complementum ad integrum infinitum  
 circulum juxta n. 776, fundamentum eſt ipſa homogeneitas Lo-  
 corum Geometricorum ſimplicium, quorum partes omnes eaf-  
 dem haberit relationes ad ſe invicem, ut ibidem monuimus :  
 ubi vero punctum nuſquam jam eſt ; ſed infinito concipitur de-  
 merſum, atque obrutum, habetur continuitatis lex, quæ co-  
 git quantitates finitas poſt ipſam transformationem remanen-  
 tes eam habere rationem ; ad quam acceſſerant ultra quocum-  
 que limites ipſæ, quæ remanent ; & ad quam accedere de-  
 buiffent illæ etiã, quæ in infinitum excefcentes concipiun-  
 tur, niſi alicubi neceſſario obrumperentur, ante quam abſolute  
 infinitæ evaderent. Cenſemus autem abrumpi alicubi debere  
 omnino ita, ut nunquam aſſequi poſſint omnem illam exten-  
 ſionem quæ poſſibilis eſt. Quidquid exiſtit, id omne fines ha-  
 bere certos, arbitramur, ultra quos alii, ſed omnes itidem certi,  
 & definiti limites habeantur, ut dierum futuræ æternitatis nu-  
 metus a præſenti die ad quemcumque determinatum, qui, exti-  
 rurus eſt aliquando, finitus eſt ; ſed alijs haberi poteſt, & omni-  
 no habebitur ipſo major : Eodem proſus pacto nobis perſua-  
 ſum eſt, rerum quarumcumque exiſtentium numerum ; ut ho-  
 minum, neceſſario ſemper finitum fore ; atque id ita ; ut eo ma-  
 jor alter haberi ſemper poſſit, qui & ipſe finitus ſit, nec unquam  
 ſimul poſſit exiſtere totum id, quod, ſi ſeorſum ſpectetur, po-  
 teſt exiſtere. Neque enim fieri poteſt, ut ſumma Divinæ Condi-  
 toris

toris Omnipotentia vires exhauriat suas, & condat quæcumque condere possit, quin aliæ supersint sine fine, quæ itidem condat, si velit, quod nos quidem appellare suemus *finitum in infinitum*, & ibi uberius explicabimus, ubi hanc infinitorum theoriam fusius persequemur. Eodem nimirum pacto, & rectam lineam, & curvilinei cruris cujuscumque tractum, censemus, non posse simul existere cum ea omni longitudine, quam successive habere potest, quæ nimirum quotiescumque extiterit, finita erit, & alias se longiores purè adhuc possibiles post se relinquet ita, ut nulla sit ultima earum, quæ existere possunt, & maxima, quemadmodum nulla itidem longitudo est minima, sed quacumque determinata longitudine utcumque parva, quæ non sit absolutum nihilum, aliæ adhuc minores, & a nihilo minus distantes haberi possunt.

880. Interea colligemus hic illa mysteria, quæ nobis demum visa sunt migrare in vera absurda, quæ quidem sunt pleraque. Mittimus illum nostræ menti impervium sanè transitum puncti per infinitum ad partes oppositas, & nexum rectæ utrinque in infinitum productæ in partibus oppositis, qui quidem omnem excedit captum humanæ mentis; esset enim, quo is evitari posset, concipiendo punctum, quod ex opposita parte regreditur, non esse idem, ac id, quod recesserat, sed aliud, & solum post integram rectæ conversionem punctum idem, per dimidiam infiniti circuli circumferentiam evagatum, redire; licet id ipsum omnem Locorum Geometricorum analogiam perverteret, ut facile ostendi posset. Mittimus rationem æqualitatis in quantitatibus inæqualibus, quæ nimirum differant quantitate finita; cum reponi possit, pro nihilo habendam esse quantitatem finitam respectu infinitarum; quamquam aliud omnino est haberi debere pro nihilo, aliud revera nihil esse; quod ad veram æqualitatem requiritur. Mittimus illa infinita spatia extensa longe ultra aliæ infinita, quæ concipienda diximus n. 771, quo nimirum infiniti illi circuli excutrant alii longe ultra alios, quorum ope negativæ quantitates ortæ ex transitu per infinitum retineant rationem quandam finitam inæqualitatis cujuscvis; cum ea non aliter demonstrantur, quam ex sola analogia: quamquam in tanta exemplorum accuratissime demonstratorum multitudine ipsa etiam analogia ingentem habere vim debet.

881. Hisce omnibus omissis, quæ possent vel non admitti, vel pro mysteriis quibusdam haberi nobis imperviis, quid illud, quod finita, & accurata evidentissima Geometria demonstratione evincitur, ut n. 864 inuimus, in fig. 260 rectam RE debere infinites majorem esse, quam RI, ubi in infinitum excrescunt? Concipiatur recta VO ita in infinitum extensa, ut ejus vertex nusquam jam sit, nimirum ut omnem eam, si fieri potest, extensionem habeat, quam habere potest, & quæ utique a curvarum sibi adjacentium descriptione non pender. Concipiatur jam ipsi adjacens sola curva TEt. Nullum sane erit segmentum finitum ipsius rectæ VO, quod aliquando ordinata RI non superet in motu continuo puncti R versus V. Igitur si curva TEt extenditur, quantum extendi potest, nihil ex recta illa ultra ipsam procurrat, & appellente R ad V, ordinata ipsa RI puncto jam I demerso in illis infiniti latebris, atque obruto, illi VO pariter infinitæ æquabitur. Quo igitur procurrat ultra RE, ut ipsa RI infinites sit major? An secunda curva accedente, ipsa illa recta VO, quæ ab iis, ut diximus, non pendeat, protenditur, ut novam ordinatam RE sibi jam congruentem excipiat? An non nostræ tantummodo mentis a fine abstrahentis figmentum est & recte illius, & curvæ continuatio sine fine? Nam eæ, si utcumque finitæ alicubi sunt, nihil absurdi involvunt. Sane utcumque magnæ ordinatæ finitæ RI alia RE in quavis ratione major respondere potest, congruenti cum tota VO *absolutè* infinita non potest.

882. Quid in illo hiatus Parabolæ, in fig. 270? Licebit sane ibi deprehendere absurdum potius gravissimum, quam impervium nostræ menti mysterium. Nam ex eo, quod recta DA excurrat semper ultra ipsam Parabolam, nisi congruat cum ipso axe DA, erimus n. 741 spatium cruribus S, T infinitis interceptum minorem quavis finita ratione rationem habere ad arcum circuli circumquaque infiniti. At id ipsum spatium admodum facile demonstrabitur majus, quam ipsius infinite peripheriæ subquadruplum. Certissimum enim est in Geometria ex Archimedis inventis, diametrum ad peripheriam habere rationem majorem, quam 1 ad 4, cum habeat sane majorem etiam, quam 7 ad 22. At hiatus ille facile demonstratur æqualis ipsius circuli infiniti diametro. Ubi cumque enim assumatur punctum G in tangente BA in infinitum producta ita, et omnem eam ha-

tea.

beat extensionem, si id fieri possit, quam habere potest, ducaturque recta ipsi axi  $DA_2$  parallela; semper Parabolæ perimetro occurret in aliquo puncto  $P$ . Quare hiatus ille idem tantumdem extenditur, quantum ipsa circuli infiniti diameter, cui proinde æqualis erit. Est igitur eadem ratio & major, & infinities minor, quam 1 ad 4, quod est absurdum. Mysterium erit, si dicatur, axem  $DA_2$  infinities magis protendi, quam tangentem  $DB_4$ ,  $DA_4$ . Et quidem id omnino dicendum erit; nam  $DG_3$  ad  $G_3P_3$ , sive  $DR$ , est, ut radius ad tangentem anguli  $G_3DP_3$ , qui cum abeunte  $H_3$  in  $H_2$ , quo casu puncta  $G$ , &  $R$  ita in infinitum abeunt, ut nusquam jam sint, abeat in rectum, ea ratio tum evadit quantitatis finitæ ad infinitam; unde erui deberet, axem Parabolæ infinitum infinities longiorem esse, quam infinitam tangentem. At an idcirco recta  $DA_2$  infinities magis protendi potest, quam  $DA_4$ , quod parabola ipsis accessit, cujus illa est tangens, hæc vero axis? Quid si aliam describeremus Parabolam axe  $DA_4$ , tangente  $DA_2$ ? Num idcirco illa, quæ infinities minor erat, infinities major evaderet?

883. Maximam hoc quidem argumentum apud nos vim habet, & ei simillimam alia quamplurima, quæ profertur possent, ut quoddam aliud, quod jam ab anno 1741 protulimus in dissertatione *de Natura, & usu infinitorum, & infinite parvorum*, ubi ostendimus, admisso infinito absoluto in extensione, partem obvenire æqualem, immo etiam majorem toto. Accedit autem & illud, quod, ut n. 837 vidimus, infinito absoluto post ipsum, & finitam aliquam quantitatem pro tertia continue proportionali respondet nihilum absolutum, non quæpiam quantitas, quæ infinitesima dici debeat, & partes, atque extensionem aliquam habere possit, quod quidem mille geometricis argumentis evinci potest. Sic in fig. 260 sic geometrica constructione <sup>F.</sup> investigaremus tertiam post  $RI$ , &  $RA$ , vel post  $RE$ , &  $RA$ , abeunte  $R$  in  $V$ , & factis  $RI$ ,  $RE$  absolutè infinitis, facile sane inveniretur, utramque abire in verum, & absolutum nihilum. Porro facile & illud patet, tertias illas post  $RI$ , vel  $RE$ , & eandem  $RA$  fore reciprocè, ut ipsas  $RI$ ,  $RE$ . Quamobrem abeuntibus in infinitum absolutum binis rectis, si eæ finitam aliquam rationem haberent ad se invicem, vel ut hic etiam in infinitum vel auctam, vel imminutam; eandem esse inter ipsa nihila ra-

tionem oporteret, & in ipsa extensione aliquod nihil deberet esse magis nihil, immo & infinites magis nihil, quam aliud nihil, quod quidem, quam pugnet cum nūtidissima illa nihili idea, quæ menti humanæ cuilibet se presens sistit, nemo non videt.

884. Sunt quidem, qui in infinito, ajunt, neque æqualitatis, neque totius, & partis nomen admitti posse. At id quidem erit, non difficultatem, sed usum sermonis tollere, ne redarguaris, ut si quis omnium idiomatum usum adimeret. Debent sane illa vocabula admitti etiam ibi, cum idea, quæ nobis clarissima iis respondet nominibus ab infiniti ratione non pendeat. Quocumq; utaris nomine, ultra illam rectam, que extenditur, quantum extendi potest sine ullo limite, nihil esse potest, quo eadem recta, adjecta ipsi ad latus altera potius curva, quam altera & cum altera potius conditione, quam cum altera, excreseat jam, & producat. Si bina quæcumque sint ejusmodi, ut in altero sit, quidquid habetur in altero, & præterea aliquid, quod in eo non habetur; hoc sane, sive finitum sit, sive infinitum, habebit id, quod concipimus, cum dicimus, majorem esse, & cum dicimus, esse totum respectu suarum partium, quarum altera erit id, quod commune est, altera id, quod ipsi accedit. Majus autem adhuc semper erit totum sua parte, & pars ipsi toto equalis esse non poterit, multo vero minus poterit esse major. Idem quodpiam eidem in hoc sensu ipso, sive finitum sit, sive infinitum, & æquale simul, & minus, & minus esse non poterit. At esset, ac extensiones absolutè infinitæ, ut & series absolutè infinitæ, si eas inter se diversa ratione comparaveris, eadem sane iisdem & majores simul erunt, & æquales, & minores, quod argumentis evincitur. Illud igitur dicendum potius, quantitatem nullam exitere posse, quæ finita non sit, quam ejusdem appellationes infinito non convenire; & quæcumque contradictionem involvunt, absurda dicenda sunt, quæ impossibilem existentiam evincant, non mytheria tantummodo, quæ finita mentis captum transcendant.

885. Ac nobis quidem considerantibus, unde fiat, ut impossibilis sit quantitas infinita, occurrit illud, quod infinitum summam simplicitatem, & unitatem requirat, quæ a summa infiniti perfectione nequaquam se jungi possit, quantitas autem partibus omnino constare debeat, & compositionem exposcat. Si linea in infinitum ex utraque parte excurret; invenimus in illa

Infinita distantia eam quodammodo copulari, atque conjungi, & in orbem redire debere, ut & infinita Hyperbolæ, ac parabolæ crura a se invicem per infinitum tractum divulsa, ibidem quodammodo conjungi, tanquam si illa infinita distantia jam<sup>F.</sup> esset nulla. Ille infinitus hiatus Parabolæ in fig. 270 licet æqualis infinitæ tangenti, debet esse quoddam veluti punctum juxta n. 741, quo motus continuus puncti P nequaquam interrumpatur. Æquivalere debet unico illi puncto, in quod centrum Ellipseos, quod erat unicum punctum, abiisse, censendum est. Omnes nimirum diametri in Ellipsi ad centrum convergunt, & in eo conjunguntur. Eædem in Parabola terminari debent ad infinitum cruribus illis infinitis conclusum, quod illi unico puncto æquivalet. Dum punctum H est extra H<sub>2</sub>, utravis e parte sit, punctum P est in altero ramo, punctum A<sub>1</sub>, A<sub>3</sub> ultra ipsum excurret: & unico momento, seu puncto temporis, quo H est in H<sub>2</sub>, utrumque ad partes A<sub>2</sub> debet esse in omni eo infinito spatio, in quo, ut diximus, terminari debent omnes illæ diametri, quæ ibidem secum invicem, & cum axe, & cum ipsa recta gyrante simul singulæ coire deberent quodammodo, ut etiam parallelarum quarumcumque concursus in infinito quodammodo delitescit. En igitur infinitum spatium conclusum cruribus infinitis, quod licet æquale sit rectæ toti utrinque in infinitum extensæ; tamen unius puncti prorsus indivisibilis naturam affectat, quod cum illa infinita distantia, quæ debeat quodammodo evadere nulla tum, cum infinitum attingitur, mirum in modum consentit. Nec in eo tantummodo spatio, quod respectu infinitæ peripheriæ deberet esse, ut punctum quoddam, ejusmodi unitatem, simplicitatem, indivisibilitatem infiniti natura requirit, sed etiam in universa ipsa infinita peripheria, & per eam in universa infinitæ veluti spheræ superficie, quæ a dato quovis puncto quaquaversum extenditur in infinitum. Nam ubi Ellipsis per parabolam in Hyperbolam migrat, concursus ille semidiametrorum omnium, quæ ex parte cava concurrebant in unico centro, diffunditur quodammodo per totos illos circuli quaquaversum infiniti arcus, qui intercipiuntur iis asymptotorum angulis, quos axis transversus secat, qui ad totam infinitam peripheriam sunt, ut ii anguli ad quatuor rectos. Quævis enim recta in Hyperbola a finito ejus centro egressa in iisdem angulis jacens incurrit in perimetrum hinc, & inde, ultra quam protenditur

ditur ex parte cava in infinitum, atque illud invenit infinitum centrum Hyperbolæ analogum finito Ellipseos centro, & illius axem conjugatum offendit, qui pariter finito axi Ellipseos conjugato respondens Hyperbolæ dividit in binos infinitos ramos versus se cavos, & suis singulos focis præditos, ut axis conjugatus Ellipseos finitus ipsâ dividit in duas ejusmodi finitas semiellipses. Succedunt igitur ii arcus infiniti unico centro indivisibili Ellipseos, & ejus naturam affectant. Si jam bini accedant Hyperbolæ conjugatæ rami, ipsi reliquum omne, quod in reliquis asymptotorum angulis superest, in unicum pariter punctum nitentur contrahere, ut jam debeat quodammodo infinita omnis peripheria circuli circa Hyperbolæ centrum circumquaq; infiniti, affectare unici indivisibilis puncti naturam. Atq; id ipsum pertinebit ad omnem superficiem spheræ pariter infinitæ, si Hyperbolæ planum circa axem conjugatum gyrando integram conversionem absolvat, & illa infinita peripheria puncto quodammodo æquivalens, infinitè ipsius spheræ superficiem producat, quæ tota eo ipso, quod infinita sit, puncti naturam, simplicitatem, indivisibilitatem requirat; cumq; eam habere omnino non possit, sed in immensum augere debeat, ex ipsa quantitatis natura sibi inherente, compositionem, atq; divisibilitatem, & partes; dum duo ita contraria inter se conjungere, & copulare velati studet, contradictionem involvat, necesse est, & impossibilis omnino sit.

886. Atque hoc demum pacto licebit etiam e geometricis hinc meditationibus mentem attollere, ac Divinæ Immensitatis simplicitatem summam admirari, quæ ab omni partium compositione alienissima, cum summa Naturæ simplicitate, atq; unitate summi infiniti naturam conjungit, & perfectiones omnes miro, atque inexplicabili nexu conjunctas complectitur. Infinitam venerabimur majestatem percussi, atque attoniti, ac heribimus admirabundi infinitam illam animo pervolventes mentis infinitæ vim, qua & hæc ipsas harum curvarum proprietates tam multas, tam varias, tam miras, quas nos tam longa ratiocinatione, ac deductione tam molesta persequitur, una cum aliis infinitis infinities magis arduis, atq; mirificis, & pulcherrimis, atque elegantissimis sublimiorum curvarum proprietatibus, unico intuitu, ac simplicissima cognitione perspicit, & penitus comprehendit.

F I N I S.